




342

First Edition

1848



Division

Section

SCB

3376

No 2

Can





# CHRISTIA

NAE RELIGIONIS INSTI-  
tutio, totam ferè pietatis summã, & quic-  
quid est in doctrina salutis cognitu ne-  
cessarium, complectens : omnibus pie-  
tatis studiosis lectu dignissi-  
mum opus, ac re-  
cens edi-  
tum.

PRAEFATIO AD CHRI-  
stianissimum REGEM FRANCIAE, qua  
hic ei liber pro confessione fidei  
offertur.

*J. me d. B. A.*  
IOANNE CALVINO  
Nouiodunensi autore.

B A S I L E A E,  

---

M. D. XXXVI.

CAPITA ARGUMENTO-  
rum, quæ in hoc libro tra-  
ctantur.

- 1 De lege, quod Decalogi explicationem continet.
- 2 De fide, ubi & Symbolum (quod Apostolicum vo-  
cant) explicatur.
- 3 De oratione, ubi & Oratio dominica enarratur.
- 4 De sacramentis, ubi de baptismo & cæna Domini.
- 5 Quo sacramenta non esse quinque reliqua, quæ pro  
sacramentis hætenus uulgo habita sunt, declara-  
tur: tum qualia sint, ostenditur.
- 6 De libertate Christiana, potestate ecclesiastica, &  
politica administratione.

## POTENTISSIMO

ILLVSTRISSIMO QVE

Monarchæ, FRANCISCO FRANCO-

RVM REGI Christianissimo, Principi ac Do-

mino suo sibi observando, Ioannes Cal

uinus pacem ac salutem in

Domino.



VM huic operi manū pri-  
mum admouerem, nihil  
minus cogitabā, Rex cla-  
rissime, q̃ scribere quæ  
Maieſtati tuę offerrentur.

Tantum erat animus, rudimenta quædā  
tradere, quibus formarentur ad ueram  
pietate, qui aliquo religionis studio tan-  
guntur. Atq̃ hunc laborem Gallis no-  
ſtris potiſſimū deſudabam, quorū per-  
multos eſurire & ſitire Chriſtū uidebā:  
pauciſſimos, qui uel modica eius cogni-  
tione imbuti eſſent. Hāc mihi fuiſſe pro-  
poſitam rationem, liber ipſe loquitur, ad  
ſimplicem ſcilicet, rudemq̃ docendi for-  
mam appoſitus. Verum cum perſpice-

rem usq; eò quorundam improborũ furorem inualuisse in regno tuo, ut nullus sanæ doctrinæ sit istic locus: facturus mihi operæ precium uisus sum, si eadẽ opera & institutionem ijs darem, quos erudiendos susceperam: & confessionem apud te ederẽ, unde discas qualis sit doctrina, in quam tanta rabie exardescunt furiosi illi, qui ferro & ignibus regnum tuum hodie turbāt. Neq; enim uerebor fateri, hic me summā ferẽ eius ipsius doctrinæ complexum esse, quam illi carcere, exilio, proscriptione, incendio multandā: quam terra mariq; exterminandam uociferantur. Equidem scio quàm atrocibus delationib; aures animumq; tuum impleuerint, ut causam nostrā tibi quàm odiosissimam redderent. Sed id tibi pro tua Clementia perpendendũ est; nullam neq; in dictis, neq; in factis innocentiam fore, si accusasse sufficiat. Sanẽ, si quis faciendæ inuidiæ causa, doctrinā hanc, cuius nunc rationem tibi reddere conor, omnium ordinũ calculis damnatam,

tam, multis fori præiudicijs confossam  
iamdudum fuisse causetur, nihil aliud di-  
xerit, quàm partim aduersariorum factio-  
ne & potentia uiolenter deiectam: par-  
tim mendacijs, technis, calumnijs, insi-  
diose fraudulenterq; oppressam. Vis est,  
quòd indicta causa sanguinarie senten-  
tiæ aduersus illam feruntur. fraus, quòd  
seditionis & maleficij, præter meritum, insi-  
mulatur. Ne quis hæc, iniuria, nos que-  
ri existimet: ipse nobis testis esse potes,  
Rex Nobilissime, quàm mendacib. cà-  
lumnijs quotidie apud te traducat. qđ  
nō aliorum spectet, nisi ut regna omnia  
& politiæ subuertantur, pax perturbetur,  
leges omnes abrogentur, dominia et pos-  
sessiones dissipentur, omnia denique sur-  
sum deorsum uoluantur. Et tamen mi-  
nimam portiunculam audis. horrenda  
enim quedam in uulgus sparguntur: que  
si uera essent, merito illam cū suis autho-  
ribus mille ignibus ac crucibus dignam  
mundus iudicet. Quis iam miretur pu-  
blicum odium in illam accensum esse,

ubi iniquissimis istis criminationibus fides habetur? En cur in nostram, doctrinæq; nostræ damnationem omnes ordines consentiant & conspirent. Hoc affectu correpti qui ad iudicandum sedent, præiudicia, quæ domo attulerunt, pro sententijs pronunciant. Et se rite perfunctos suis partibus putant, si neminem ad supplicium trahi iubent, nisi aut sua confessione, aut solidis testimonijs cōuictū. At cuius criminis? Damnatae, aiunt, istius doctrinæ. At quo iure damnata est? Id autem erat defensionis præsidium; non doctrinam ipsam abnegare, sed pro uera tueri. Hic mussitandi quoque facultas præciditur. Quare non inique postulo, Rex Inuictissime, ut integram causæ istius cognitionem suscipias? quæ perturbatè hactenus, nulloq; iuris ordine, & impotentia æstu magis, quàm legitima grauitate tractata est. Neque hic me priuatam defensionem meditari existimes, qua saluum in patriam reditum mihi conficiam; quam tamen, quo decet, humani-

tatis



tatis affectu prosequor: ut nunc tamen res sunt, ea non moleste careo. Verum communem piorum omnium, adeoq; ipsam Christi causam complector. que modis omnibus hodie in regno tuo profcissa ac protrita, uelut deplorata iacet: Phariseorum id quidem quorundam tyrannide magis, q̃ tua conscientia. Sed quĩ id fiat, hic dicere nihil attinet; afflicta certe iacet. Hoc enim profecerũt impij, ut Christi ueritas, si nõ ut fugata ac dissipata periret; certe, ut sepulta & ignobilis lateat. paupercula uerò ecclesia, aut crudelibus cædibus absumpta sit, aut exilijs abacta, aut minis ac terroribus perculsa, ne hiscere quidem audeat. Et instant etiamnum, qua solent insania & ferocitate: fortiter in parietem iam inclinatam, & ruina quam fecerunt incumbentes. Nullus interim prodit, qui talibus furijs patrocinium suum opponat. Quod si qui ueritati maxime fauere uideri uolunt, ignoscendum esse censent errori & imprudentiæ imperitorum ho-

minum. sic enim loquuntur: errorem & imprudentiam, uocantes certissimā Dei ueritatē. Imperitos homines: quos Dominus, cœlestis sapiētię mysterijs dignatus est. adeo omnes pudet euāgelij. Tuū aut erit, Serenissime Rex, nec aures, nec animum, à tam iusto patrociniō auertere. præsertim ubi de re tanta agitur: nempe, quo modo Dei glorię sua constet in terris incolumitas, quomodo suam dignitatē Dei ueritas retineat, quomodo regnum Christo factum tectumq; inter nos maneat. Digna res auribus tuis, digna tua cognitione, digna tuo tribunali. Siquidem & uerum regem hæc cogitatio facit, agnoscere se in regni administratione Dei ministrum. Nec iam regnū ille, sed latrocinium exercet, qui non in hoc regnat, ut Dei glorię seruiat. Porro fallitur, qui diuturnam prosperitatē expectat eius regni, quod Dei sceptro, hoc est, sancto eius uerbo non regitur. quando cœleste oraculum excidere non potest: quo edictum est, dissipatum iri populum,



pulum, ubi defecerit prophetia. Nec te *Prouer. 19*  
 ab hoc studio abducere debet humilitas  
 nostre cōtemptus. Nos quidē, quā  
 pauperuli sumus & abiecti homuncio=  
 nes, pbe nobis cōscij sumus. Corā Deo  
 miseri peccatores, in hominū conspectu  
 despectissimī, mundi (si uis) excremēta  
 quādā et reiectamēta: aut si quid adhuc  
 uilius nominari potest. ut, q̄ apud Deū  
 gloriemur, nihil restet: prāter unam eius  
 misericordiā, q̄ salui nullo nostro merito  
 facti sumus. apud homines uerō, prāter  
 nostrā infirmitatē: quā uel cōfiteri, sum=  
 ma inter eos ignominia est. Sed doctri=  
 nā nostrā supra omnē mūdī gloriā subli=  
 mem, supra omnem potestatem inuictā  
 stare oportet. q̄a nō nostra est, sed Dei ui=  
 uentis, ac Christi eius: quē pater regē cō=  
 stituit, ut à mai: usq; ad mare domine<sup>r</sup>,  
 & à fluminib. usq; ad terminos orbis ter=  
 rarū. Et sic quidē dominetur, ut totā ter=  
 tam cū ferreo suo atq; æreo robore, cum  
 splendore aureo & argēteo, sola oris sui  
 uirga percussam, nō secus cōminuat, q̄

*Daniel. 2* figulina uascula. quēadmodum de ma:  
*Iesa. 1* gnificētia regnī ipsius uaticinānt, pphe-  
*Psal. 2* tæ. Reclamāt quidē aduersarij, falsò nos  
 pretendere uerbū Dei, cuius sceleratissi-  
 mi simus corruptores. Hęc uero quā-  
 sit nō modo malitiosa calumnia, sed in-  
 signis quoque impudentia, ipse confes-  
 sionem nostram legēdo, pro tua pruden-  
 tia iudicare poteris. Nonnihil tamē hic  
 etiam dicendum est, quod tibi ad lectio-  
*Rom. 12* nem ipsam uiam sternat. Paulus, cū ad  
 fidei analogiam omnem prophetiā for-  
 matam esse uoluit, certissimā amussim  
 posuit, qua probari scripturæ interpreta-  
 tio debeat. Ad hanc itaq; fidei regulam  
 si nostra exigantur, in manibus est ui-  
 ctoria. Quid enim melius atque aptius  
 fidei conuenit, quā agnoscere nos o-  
 mni uirtute nudos, ut à Deo uestiamur;  
 omni bono uacuos, ut ab ipso implea-  
 mur; nos peccati seruos, ut ab ipso libe-  
 remur; nos cæcos, ut ab ipso illumine-  
 mur; nos claudos, ut ab ipso dirigamur;  
 nos debiles, ut ab ipso sustentemur; no-  
 bis

bis omnem gloriandi materiam detra-  
 here, ut solus ipse glorificetur, & nos  
 in ipso gloriemur? Hęc atq; id genus re-  
 liqua cum à nobis dicuntur, interpellāt  
 illi, quiritanturq; hoc modo subuerti cę  
 cum nescio quod lumen naturę, fictas  
 præparationes, liberum arbitrium, meri-  
 ta, quia ferre nō possunt, integrā omnis  
 boni, uirtutis, iustitię, sapientię laudem  
 ac gloriā, apud Deum residere. At nō  
 legimus reprehensos, qui nimium è fon-  
 te aquę uiuę hauserint, contrā grauiter *Hiere.*  
 obiurgantur, qui foderunt sibi puteos,  
 puteos contritos, & qui continere aquā  
 non ualent. Rursum, quid fidei conue-  
 nientius, quā Deum sibi polliceri pro-  
 piciū patrē, ubi Christus frater ac pro-  
 piciator agnoscitur? quā omnia læta ac  
 prospera secure ab eo expectare: cuius  
 inenarrabilis erga nos dilectio eò p̄gres-  
 sa est, ut proprio filio non pepercerit,  
 quin pro nobis ipsum traderet? quā  
 in certa expectatione salutis & uitę æter-  
 nę acquiescere, ubi Christus à patre da-  
 tus

tus cogitatur, in quo tales thesauri sunt absconditi. Hic nobis manum iniiciūt, & illam fiduciæ certitudinem, arrogantia & præsumptione non carere, clamāt. At, ut nihil de nobis, ita omnia de Deo præsumenda sunt; nec alia ratione uana gloria spoliatur, nisi ut in Domino gloriamur. Quid ultra? percurrere, Fortissime Rex, omnes causæ nostræ partes, et quous sceleratorum hominum genere nequiores nos existima, nisi planè comperias, in hoc nos laborare & probris affici, quia spem reponimus in Deo uiuo: quia hanc credimus esse uitam æternā, nosse unum uerum deum, & quem ille

■ *Tim. 4* misit Iesum Christū. Propter hanc spem alij nostrū uinculis constringuntur, alij uirgis cædunt, alij in ludibriū circūducuntur, alij proscribunt, alij seuius torquentur, alij fuga elabuntur. omnes rerū angustia premimur, diris execrationib. deuouemur, maledictis laceramur, indignissimis modis tractamur. Intuere iam in aduersarios nostros (de ordine sacrificorū loquor:

loquor: quorum nutu & arbitrio alijs no-  
 biscum inimicitias exercent) & mecum  
 paulisper reputa, quo studio feratur. Ve-  
 ram religionē, quæ scripturis tradita est,  
 quæque inter omnes constare debuerat,  
 facile & sibi, & alijs ignorare, negligere,  
 despicere permittunt: parumq; referre  
 putant, quid quisque de Deo & Christo  
 teneat, uel non teneat: modo, implicita fi-  
 de, suam mentem ecclesiæ iudicio sub-  
 mittat. Nec ualde afficiuntur, si Dei glo-  
 riam manifestis blasphemijs pollui con-  
 tingat. Cur tāta sequitia et acerbitate pro-  
 missa, purgatorio, peregrinationibus, &  
 id genus nugis belligerantur? ut sine eo-  
 rum explicitissima, ut ita dicam, fide sal-  
 uam fore pietatem negent: cum tamē ni-  
 hil eorū à uerbo Dei esse pbent. Cur? ni-  
 si quia illis Deus uenter est, culina religio:  
 quibus sublati, nō modo Christianos,  
 sed ne homines quidē futuros se credūt.  
 Tametsi em̄ alijs splendide se ingurgitāt,  
 alijs tenuibus crustulis uictitant, omnes  
 tamē ex eadē uiuūt olla: quæ sine illis fo-  
 mentis

mentis non frigeret modo, sed penitus  
 cōglaciaret. Ideo, ut quisq; eorū pro uen-  
 tre est maxime sollicitus: ita pro sua fide  
 bellator acerrimus. Deniq; huc ad unū  
 omnes incumbunt, uel ut regnum in-  
 columne, uel ut uentrem confertum reti-  
 neant. Nemo uel minimam synceri zeli  
 dat significationem. Nec sic tamen desi-  
 nunt doctrinam nostram incessere, &  
 quibus possunt nominibus criminari et  
 infamare: quo uel inuisam, uel suspe-  
 ctam reddant. Nouam appellant, & nu-  
 per natam: dubiam esse & incertam, ca-  
 uillantur: rogant, quibus confirmata  
 sit miraculis: quærunt, an sit æquum, ut  
 contra tot sanctorū patrū consensum, &  
 uetustissimā cōsuetudinem, obtineat: ur-  
 gēt, ut schismaticā esse fateamur, quę cō-  
 tra ecclesiā preliū moueat: uel ecclesiam  
 multis seculis intermortuam fuisse, qui-  
 bus nihil tale auditum fuit. postremo, ni-  
 hil opus esse aiunt multis argumentis.  
 qualis enim sit, iudicari à fructibus pos-  
 se. utpote, quę tantum sectarum aceruū,  
 tot



tot seditionum turbas, tantam uitiorum  
 licentiam pepererit. Scilicet perquam  
 illis facile est, apud credulam imperi-  
 tamq̃ multitudinem, desertæ causæ in-  
 sultare. Verũ, si nobis quoq̃ essent dicē-  
 di uices, deferueret profecto hæc acrimo-  
 nia, qua sic in nos plenis buccis despu-  
 māt. Principio, nouā qđ appellant, Deo  
 sunt uehementer iniuri: cuius sacrũ uer-  
 bũ nouitatis insimulari nō merebat̃. Illis  
 quidē nouā esse minime dubito, quibus  
 & Christus nouus est, & Euangeliũ no-  
 uum. Sed qui illā Pauli cōcionē ueterē Rom. 4  
 esse nouerūt, Iesum Christũ mortuũ pro-  
 pter peccata nostra, resurrexisse propter  
 iustificationē nostrā, nihil apud nos de-  
 prehendent nouũ. Quòd diu incognita  
 sepultaq̃ latuit, humanę impietatis cri-  
 men est: nunc cū Dei benignitate nobis  
 reddit̃, saltē postliminij iure suā antiqui-  
 tatē recipere debebat. Ex eodē ignorantię  
 fonte pro dubia incertaq̃ ipsam habēt.  
 hoc profecto est, qđ Dominus per pro-  
 phetā suũ cōquerit̃: bouem cognouisse Isa. 11  
 possessora

possessorem suum, & asinum præsepe  
dominorum suorum: se non agnosci à  
populo suo. Verum utut in eius incerti-  
tudinem ludant, si sua illis proprio san-  
guine uitæq; dispendio obsignāda esset,  
liceret spectare, quanti ab illis fiat. Lon-  
ge alia nostra fiducia est: quæ nec mor-  
tis errores, nec Dei tribunal formidat.  
Quòd miracula à nobis postulant, im-  
probe faciunt. Non enim recens ali-  
quod euangelium cudimus: sed illud ip-  
sum retinemus, cuius confirmandæ ue-  
ritati seruiunt omnia, que unquā et Chri-  
stus, & apostoli ediderunt, miracula. At  
id præ nobis habent singulare, quod as-  
siduis in hunc usque diem miraculis fi-  
dem suam confirmare possunt. Imò po-  
tius allegant miracula, quæ animū alio-  
qui bene compositum labefactare que-  
ant: adeo aut friuola sunt & ridicula, aut  
uana & mendacia. Nec tamen, etiam  
si ualde prodigiosa essent, contra Dei  
ueritatem ullius momenti esse oportebat,  
quando & nomen Dei sanctificari  
ubiq;



ubiq; & semper cōuenit, siue portentis,  
 siue naturali rerum ordine. Et meminisse nos decet, sua esse satanæ miracula: q̃  
 tametsi præstigię sunt magis quàm uerę  
 uirtutes, sunt tamen eiusmodi, quæ im=  
 prudentes & imperitos deludant. Magi  
 & incantatores miraculis semper clarue=  
 runt, idololatriã stupenda miracula alue=  
 runt, quæ tamen nec magorũ, nec idolo=  
 latrarũ superstitionem nobis approbāt.  
 Atq; hoc olim ariete uulgi simplicitatē  
 concutiebant Donatistæ, quod miracu=  
 lis pollerent. Idem ergo nūc nostris ad=  
 uersarijs respondemus, quod tunc Do=  
 natistis Augustinus, dominũ cōtra istos  
 mirabiliarios cautos nos fecisse, cū præ=  
 dixit uenturos pseudopphetas, qui si=  
 gnis ingentibus & prodigijs in errorem  
 electos (si fieri posset) inducant. & Pau=  
 lus admonuit Antichristi regnum futu=  
 rum cū omni potentia, & signis, & pro=  
 digijs mendacibus. At hæc, inquiunt,  
 miracula non ab idolis, non à maleficis,  
 nō à pseudopphetis, sed à sanctis fiūt:

In Ioannē.

Matth. 22

2. Theff. 2

b

quasi

*Hiero. in  
præfatione.*

quasi uero non nouerimus hanc esse satanæ artem, transfigurare se in angelum lucis. Olim Aegyptij sepultum apud se Hieremiam, sacrificijs, alijsq; diuinis honorib. profecuti sunt. Nonne sancto Dei propheta ad idololatriam abutebantur? & tamen tali sepulchri ueneratione cōsequebātur, ut curarentur à tactu serpentum. Quid dicemus? nisi fuisse hanc semperq; fore iustissimā Dei uindictam, ijs qui dilectionem ueritatis nō receperūt, mittere efficaciam illusionis, ut credant mendacio. Miracula ergo nobis minime defunt, eaq; certa, nec cauillis obnoxia, quæ autem illi pro se obtendunt, meræ sunt satanæ illusiones, quando à uero Dei sui cultu ad uanitatem populū abducunt. Præterea calumniose nobis Patres opponunt (antiquos & melioris adhuc seculi scriptores intelligo) ac si eos haberent suæ impietatis suffragatores: quorum autoritate si dirimendum certamen esset, melior uictoriæ pars ad nos inclinaret. Verum cum multa præclare

*2. Thes. 2*

ac sapienter ab illis Patribus scripta sint, in quibusdā uero ijs acciderit, quod hominib. solet, isti pñ scilicet filij, quæ sunt & ingenij & iudicij & animi dexteritate, eorum tantum lapsus & errores adorant; quæ bene dicta sunt, uel non obseruant, uel dissimulant, uel corrumpunt; ut dicas prorsus illis curæ fuisse, in auro legere stercora. tum improbis clamoribus nos obruunt, ceu patrum contemptores & aduersarios. Nos uero adeò illos non contemnimus, ut si id præsentis instituti esset, nullo negotio mihi liceat meliorem eorum partem, quæ hodie à nobis dicuntur, ipsorum suffragijs comprobare. Sic tamē in eorum scriptis uersamur, ut semper meminerimus omnia nostra esse, quæ nobis seruiant, non dominantur; nos autem unius Christi, cui *1. Corin.* per omnia sine exceptione parendū sit. Hunc delectum qui non tenet, nihil in religione constitutum habebit; quando multa ignorarunt sancti illi uiri, sepe inter se conflictantur, interdum etiam se-

cum pugnant. Non sine causa, inquit,  
*Prouer. 22* à Solomone admonemur, Ne transgre-  
 diamur antiquos terminos, quos posue-  
 runt patres nostri. At non eadem est re-  
 gula in agrorum limitibus, & obedi-  
 tia fidei: quam sic cōparatam esse oportet,  
*Psal. 45* ut obliuiscatur populum suū, & do-  
 mum patris sui. Quod si tantopere ge-  
 stiunt ἀλλυγορίζειν, cur nō apostolos po-  
 tius quàm alios quosuis patres interpre-  
 tantur, à quibus præscriptos terminos  
 nefas sit reuellere? Sic enim interpreta-  
 tus est Hieronymus, cuius uerba in suos  
 canones retulerunt. Quod si eorū quos  
 intelligunt, fixos esse uolunt terminos,  
 cur ipsi quoties libet adeo licenter trans-  
 grediuntur? Ex patribus erant, quorum  
*Acatius, in* alter dixit, deum nostrum nō edere neq;  
*Tripert. hi* bibere: itaq; non habere opus calicibus,  
*storia.* neq; discis. Alter, sacra aurum nō quæ-  
*Ambros. li.* rere, neque auro placere, quæ auro non  
*1. de offi.* emuntur. Transgrediuntur ergo limitē,  
 cum in sacris suis tantopere auro, argen-  
 to, ebore, marmore, lapillis, sericis dele-  
 ctantur

ctantur: nec rite deū colī putant, nisi omnia luxu diffuāt. Pater erat qui dixit, ideo se libere carnes edere, quo die ceteri abstinebāt, quia Christianus esset. Itaque fines transiliunt, cum diris animam deuouent, quæ per quadagesimam carnem gustauerit. Patres erant, quorum unus dixit, monachū, qui manibus suis nō laboret, uolento iudicari æqualem. Alter, non licere monachis ex alieno uiuere, etiam si assidui sint in cōtemplationibus, in orationibus, in studijs. Et hūc limitem transgressi sunt, cū ociosos monachorum uentres in lustris & fornicibus collocarunt, qui aliena substantia saturarentur. Pater erat, qui dixit horrendam esse abominationem, uidere imaginem in Christianorum templis. Plurimū abest quin se intra hos fines contineant, quando non relinquunt angulum imaginibus uacuum. Alius pater consuluit, ut officio humanitatis erga mortuos in sepultura defuncti sineremus eos quiescere. Hos limites perrumpunt, cū per-

*Spiridion  
Trip. hist.  
lib. 1. ca. 10*

*Tripert. bi  
sto. li. 5. c. 1*

*August. de  
operib. monach.*

*Epiphani.  
epistola ab  
Hieronymo  
mouersa.*

*Ambrosii  
bro de Abraham.*

petuam mortuorum sollicitudinem incu-  
 tiunt. Ex patribus erat, qui negauit in sa-  
 cramento cœnæ esse uerum corpus, sed  
 mysterium duntaxat corporis: sic enim  
 ad uerbum loquitur. Igitur modum pre-  
 tereunt, cum faciunt reale & substantia-  
 le. Patres erant, quorum unus ab usu sa-  
 cræ Christi cœnæ in totum submouen-  
 dos decreuit, qui alterius speciei partici-  
 patione contenti, ab altera abstinebant.  
 Alter fortiter pugnat, non denegandum  
 populo Christiano domini sui sangui-  
 nem, pro cuius confessione sanguinem  
 suum effundere iubetur. Hos terminos  
 sustulerunt, cū inuiolabili lege id ipsum  
 iusserūt, quod ille ex cōmunicatione pu-  
 niebat, hīc ualida ratione improbabat.  
 Pater erat, qui temeritatem esse asseruit,  
 de re obscura in utramuis partem defini-  
 re, sine claris atq; euidentibus scripturæ  
 testimonijs. Hūc terminum obliti sunt,  
 cum tot constitutiones, tot canones, tot  
 magistrales determinationes, sine ullo  
 dei uerbo statuerūt, † Pater erat, qui Mō-  
 tano



tano inter alias hæreses exprobrauit, qđ  
 primus ieiuniorum leges imposuisset.  
 Hunc quoq; terminum longe excesserunt,  
 cū ieiunia strictissimis legibus san-  
 xerunt. Pater erat, qui negauit ecclesiæ  
 ministris interdicens coniugium: &  
 castitatem pronūciauit, cū propria uxo-  
 re cōcubitum: & Patres, qui eius auto-  
 ritati assenserūt, his finibus egressi sunt,  
 cum suis sacrificis cōlibatum indixerūt.  
 Pater erat, qui censuit unum Christum  
 audiendum esse: de quo dictū sit, Ipsum  
 audite. nec respiciendum, quid alijs ante  
 nos aut dixerint, aut fecerint: sed quid,  
 qui primus omnium est, Christus præce-  
 perit. Hunc finem neq; ipsi sibi præsti-  
 tuunt, neq; alijs præstitutum habere per-  
 mittunt, dum alios & sibi & alijs magi-  
 stros quàm Christum præficiunt. Patres  
 omnes uno pectore execrati sunt, et uno  
 ore detestati, sanctū Dei uerbum sophi-  
 starum argutijs contaminari, & dialecti-  
 corum rixis implicari. An isti ijs limitib.  
 se continent, dum nihil aliud in tota uia

*Paphūtius  
 Trip. hist.  
 li. 2. ca. 14*

*Cypria. epi-  
 sto. 3. lib. 2*

ta agunt, quàm infinitis contentionibus  
& plus quàm sophisticis iurgijs scriptu-  
rę simplicitatem inuoluere & impedire?  
ut si nũc patres suscitentur, & huiusmo-  
di iurgandi artem audiant (quam specu-  
latiuam theologiam appellant) nihil mi-  
nus credant, quàm de deo haberi dispu-  
tationem. Verum quàm late sese oratio  
nostra effunderet, si recensere uellem, cõ-  
petulanter isti Patrum iugum (quorum  
obseruantes filij uideri uolunt) excutiãt.  
menses profecto, atq; anni me deficerẽt.  
Et adeo perdita sunt deplorataq; impu-  
dentia, ut nos castigare ausint, quod ter-  
minos antiquos trãsgradiamur. Iam ue-  
ro quod nos ad consuetudinem uocãt,  
nihil efficiũt. Iniustissime enim nobiscũ  
ageretur, si consuetudini cedendũ esset.  
Equidem si recta essent hominum iudi-  
cia, cõsuetudo à bonis petenda erat. Ve-  
rum longe aliter sæpiuscule agi contigit.  
Quod enim à multis fieri conspectũ est,  
cõsuetudinis ius obtinuit. Atqui uix un-  
quam tam bene habuerunt res huma-  
næ,



næ, ut pluribus placerent meliora. Ergo  
 ex priuatis multorum uitijs, publicus er-  
 ror plerunq; factus est: uel potius com-  
 munis uitiorum consensus, quem nunc  
 boni isti uiri pro lege esse uolunt. Vidēt  
 qui oculos habent, non unum mare ma-  
 lorum inundasse, multas fonticas pestes *Decret. di-*  
 inuasisse orbem, omnia in præceps rue- *stin. 8. c. fi.*  
 re, ut aut prorsus res humanæ deploran- *extra de cō*  
 dæ sint, aut tantis malis iniicienda ma- *suetu.*  
 nus, uel potius uis afferenda. Et abigīt  
 remedium nō alia ratione, nisi quia iam  
 pridem malis assueuimus. Sed locum sa-  
 nè habeat in hominum societate publi-  
 cus error. in regno tamen Dei, sola eius  
 æterna ueritas audienda et spectāda est:  
 cui nulla annorum serie, nulla consuetu-  
 dine, nulla coniuratione præscribi po-  
 test. Sic quondam electos dei docebat  
 Iesaias, ne dicerent cōspiratio, ad omnia *Iesaiæ 8.*  
 in quibus populus dicebat, conspiratio:  
 hoc est, ne in populi conspirationem &  
 consensum unā ipsi conspirarent, nè ue-  
 timorem eius timerent ac formidarent.

sed potius ut dominū exercituum sanctificarent, & ipse esset timor eorum, & pavor eorum. Nunc itaq; ut uolent, & præterita secula, & præsentia exempla nobis obiecerent. Si dominum exercituum sanctificauerimus, nō ualde terrebimur. Siue enim in similem impietatem multa secula consenserint, fortis est, qui ultionem in tertiam & quartam generationē faciat; siue totus simul orbis in eandē nequitiam conspiret, experimento docuit quis sit eorum exitus, qui cum multitudi-  
*Gen. 7* nū genus diluuiō p̄didit, seruato Noah  
*Heb. 11* cum modica familia, qui per suā unius fidem totum orbem condemnaret. Deniq; praua consuetudo non secus ac publica quædam est pestis, in qua non minus pereunt, qui in turba cadūt. Dilemmate suo nō adeo uehementer nos premunt, ut fateri adigant, uel ecclesiā fuisse aliquandiu intermortuam, uel nunc cum ecclesia nobis litem esse. Vixit sanē Christi ecclesia, et uiuet, quādiu Christus

flus regnabit ad dexteram patris, cuius  
 manu sustinetur, cuius præsidio armat,  
 cuius uirtute roboratur. Præstabit enim  
 ille indubie, quod semel recepit se affu-  
 turum suis, usq; ad consummationem se *Matth. ult.*  
 culi. Aduersus eam nulla nūc nobis pu-  
 gna est. siquidem Deum unū, & Chri-  
 stum dominū uno consensu cum omni  
 fidelium populo colimus & adoramus,  
 qualiter semper ab omnibus pijs adora-  
 tus est. Sed non parum à uero ipsi aber-  
 rant, dum ecclesiam non agnoscunt, nisi  
 quam præsentī oculo cernant: & eam ijs  
 finibus circumscribere conātur, quibus  
 minime inclusa est. In his cardinibus cō-  
 trouersia nostra uertitur: primum quod  
 ecclesiæ formā semper apparere, & spe-  
 ctabilem esse cōtendunt: deinde quod  
 formam ipsam in sede Romanæ eccle-  
 siæ, & præsulū ordine constituunt. Nos  
 contrā asserimus: & ecclesiam nulla ap-  
 parente forma cōstare posse: nec formā  
 externo illo splendore, quem stulte ad-  
 mirantur, sed longe alia nota contineri:  
 nempe

nempe pura uerbi dei prædicatione, & legitima sacramentorum administratione. Fremunt, nisi ecclesia semper digito ostendatur. Sed quàm sepe in populo ludæorum sic deformari contigit, ut nulla species emineret? Quam putamus formam resplenduisse, cum Helias solum se relictum deploraret? quandiu ab aduentu Christi deformis latuit? quoties ab eo tempore bellis, seditionibus, hæresibus sic oppressa est, ut nulla parte fulgeret? An si eo tempore uixissent, credidissent ullam esse ecclesiam? Sed audiuit Helias, salua esse septem milia uirorum, qui nō curuauerāt genu ante Baal. Nec dubium nobis esse debet, quin semper in terris regnauerit Christus, ex quo cœlum ascendit. Notabilem aliquam formam si tum pñ oculis requisissent, nōne protinus concidissent animis? permitamus igitur hoc domino, ut quando solus ipse nouit qui sui sint, interdum etiā ecclesiæ suæ exteriorem notitiam ab hominum aspectu auferat. Est, fateor, horribilis

3. Reg. 19

2. Timot. 2

ribilis illa dei uindicta super terram. sed si ita meretur hominum impietas, cur diuine iustitię obistere nitimur? Sic antea ceteris seculis dominus hominum ingrati-  
tudinem ultus est, nam quia ueritati suę obedire noluerant, & lucem suam extin-  
xerant: eos excæcato sensu, & absurdis mendacijs ludi, & altis tenebris immergi passus est, ut nulla uerę ecclesię fa-  
cies extaret. Interim tamē suos & disper-  
sos & delitescentes in medijs erroribus & tenebris seruauit. Nec mirum: didicit enim seruare & in ipsa cōfusione Baby-  
lonis, & flāma fornacis ardentis. Quod  
autem formam ecclesię nescio qua uana  
pompa cenferi uolunt, id quā pericu-  
losum sit, paucis indicabo magis q̃  
enarrabo, ne orationem in immensum  
extrahā. Papa (inquiunt) Romanus, qui  
sedem apostolicam tenet, & episcopi alij  
ecclesiam representāt, & pro ecclesia ha-  
beri debēt: ideo nec errare possunt. Quī  
sic? Quia pastores sunt ecclesię, & con-  
secrati domino, Et Aaron, cæteri q̃ præ-  
fecti

Exo. 32 fecit Israël, pastores erant. Aaron & filij  
eius iā sacerdotes designati, errauerūt ta-  
men, cum vitulum fabricauerunt. Cui  
secundum hanc rationem, ecclesiam  
non representassent quadringenti illi  
prophetae, qui Ahab mentiebantur? at

3. Reg. 22 ecclesia stabat à partibus Micha, solius  
quidem, & contemptibilis: sed ex cuius  
ore uerum egrediebatur. Nōne & no-  
men & faciem ecclesiae prae se ferebant

Iere. 18 prophetae, cum uno impetu aduersus  
Ieremiam insurgerent? & minaces iacta-  
rent, fieri non posse, ut periret lex à sa-  
cerdote, consilium à sapiente, uerbum à  
propheta? Aduersus totam propheta-  
rum nationem solus Ieremias mittitur,  
qui à domino denunciaret fore, ut lex pe-  
reat à sacerdote, consilium à sapiente,  
uerbum à propheta. Nōne talis splen-

Ioan. 11 dor refulgebat in eo concilio, quod pon-  
tifices, scribae, & pharisaei collegerunt,  
consilia de interficiendo Christo capta-  
turi? Eant nunc, & in aeterna larua hae-  
reant, ut Christum & omnes Dei uiui  
prophe-



prophetas faciant schismaticos: satanæ ministros, faciant spiritus sancti organa. Quod si ex animo loquuntur, respondeant mihi bona fide, ubinam gentium ac locorum ecclesiam residere existiment, ex quo Basiliensis Concilij decreto deiectus & abdicatus est pontificatu Eugenius, subrogato in eius locum Amedæo? Negare, uel si rumpan-  
 tur, nequeunt, concilium, quantum ad externos ritus attinet, fuisse legitimum: nec ab uno tantum pontifice, sed à duobus indictum. Damnatus est illic Eugenius schismatis, rebellionis, pertinaciæ, cum toto Cardinalium & episcoporum grege, qui cum eo Concilij dissolutionem admoliti erant, postea tamē principum favore subleuatus, saluum pontificatum recepit. Illa Amedæi electio, generalis & sacrosanctæ synodi auctoritate rite peracta, in fumum abiit: nisi quod ipse galero cardinalitio, ceu canis latrās, iniecta offa placatus est. Ex illorum hæreticorum, rebellium, pertinaciū gremio  
 proa

prodijt, quicquid postea Papatũ, Cardinalium, episcoporum, abbatum, presbyterorum fuit: hic deprehensi hæreant necesse est. Vtram enim in partem ecclesię nomen conferent? Negabunt ne concilium generale fuisse, cui nihil ad exteriorem maiestatem decrat? nempe quod duobus diplomatibus solēniter indictũ, præsidente Romanę sedis legato consecratum, rerum omniũ ordine bene compositum, eadem semper dignitate ad extremum perseuerauit. Fatebuntur schismaticum Eugenium cum tota sua cohorte, à qua omnes sanctificati sunt? Aut igitur ecclesię formam aliter definiant: aut quotquot sunt, habebuntur à nobis schismatici: qui scientes, uolentes, ab hæreticis ordinati sunt. Quod si nunquam antea compertum fuisset, externis pompis non alligari ecclesiam, ipsi proluxo documento nobis esse possunt, qui sub specioso illo ecclesię titulo, tamdiu se orbi superciliose uenditarunt, cū tamen essent exitiales ecclesię pestes. De moribus nō loquor,



loquor, & tragicis illis facinoribus, quibus scatet tota eorum uita: quando Pharisæos se esse aiunt, qui sint audiendi, nō imitandi. ipsam, ipsam doctrinam, cui id deberi aiunt, quod sunt ecclesia, exitialem animarum carnificinam, facem, ruinam, & excidium ecclesiæ esse non obscure cognosces, si legendis nostris aliquantum ocij tui decidas. Postremo nō satis candide faciunt, cum inuidiose cōmemorant, quātas turbas, tumultus, cōtentiones secū traxerit nostræ doctrinæ prædicatio: & quos nunc in multis fructus ferat. Nam horum malorum culpa indigne in ipsam deriuatur, quæ in satanæ malitiā torqueri debuerat. Est hic diuini uerbi quidam quasi genius, ut nunquā emergat quieto ac dormiēte satana. Hæc certissima & imprimis fidelis nota, qua discernitur à mēdacibus doctrinis: quæ se facile prodūt, dum æquis omnīū auribus recipiunt, & à mundo plaudente audiuntur. Sic seculis aliquot, quibus profundis tenebris submersa fuerūt

omnia, isti mundi domino homines ludus erant ac iocus, nec secus ac Sardana palus aliquis in alta pace desidebat ac delitiabatur. Quid enim aliud quàm risisset ac lusisset, tranquilla ac pacifica regni possessione? At uero ubi lux è supernis affulgens, tenebras eius aliquantum discussit, ubi fortior ille regnum eius turbauit ac perculit: tum uero solitum suū torporem excutere cœpit, & arma corrumpere. Et primum quidem hominum manus concitauit, quibus illucescentem ueritatem uiolenter opprimeret, per quas ubi nihil profectum est, ad insidias se cōuertit, diffidia & dogmatum contentiones per Catabaptistas suos, & alia nebulonū portenta excitauit, quibus eam obscuraret, & tandem extingueret. Et nunc utraq; machina ipsam tentare perseverat. Siquidem & uerum illud semē ui ac manu hominum euellere conatur, & suis zizanijs ( quantum in se est ) nititur occæcare, ne crescat, & fructum reddat. Id tamen ipsum frustra, si moni-

torem.

torem Dominū audimus, qui & eius artes multo antè nobis aperuit, ne incautos deprehenderet, & contra omnes eius machinas satis firmis præsidijs armavit. Cæterum in ipsum Dei uerbum inuidiam conferre, aut seditionum quas improbi & rebelles: aut sectarum, quas impostores contrà excitant, quanta est malignitas? Nouum tamen exemplum non est. Interrogabatur Helias, an non is esset qui turbabat Israël. Christus seditiosus Iudæis erat: Apostolis crimen impingebat cōmotionis popularis. Quid aliud agunt, qui hodie omnes turbas, tumultus, contentiones, quæ in nos ebulliunt, nobis imputant? Talibus autem quid respondendum sit, docuit nos Helias, nos non esse, qui uel errores spargimus, uel tumultus commouemus: sed eos ipsos, qui Dei uirtutē obluſtant. Verum ut illud unū ad retūdendam eorum temeritatem satis est: ita rursus aliorum imbecillitati occurrēdū est, quos talibus offendiculis cōmoueri, ac perturbatos

3. Reg. 18

Luc. 23

Ioan. 19

Act. 24

uacillare, non raro contingit. Si uero ne  
 hac perturbatione labascāt, ac de gradu  
 deſciantur, ſciant eadem expertos eſſe  
 ſuo ſeculo Apoſtolos, quæ nunc uſu no-  
 bis ueniunt. Erant indocti & inſtabiles,  
 qui ad ſuam ipſorum perniciem depra-  
 uarent, q̃a Paulo diuinitus ſcripta erāt,  
 2. Pet. ult. ut ait Petrus. Erant dei contēptores, qui  
 cum audiebant abūdaſſe peccatum, ut  
 Roma. 6 gratia exūdaret, ſtatim ingerebāt: Mane-  
 bimus in peccato, ut gratia abundet. Cū  
 audiebant fideles non eſſe ſub lege, pro-  
 1. Corin. 1. tinus occinebant: Peccabimus, quia nō  
 ſumus ſub lege, ſed ſub gratia. Erāt, qui  
 2. Corin. 11 illum mali ſua ſorem arguebant: Subin-  
 trabant multi pseudoapoſtoli, qui dirue-  
 Galat. 1 rēt eccleſias, quas ipſe edificauerat. Qui  
 Philip. 1 dam per inuidiam & contentionem nec  
 ſyncere Euangelium prædicabant, mali-  
 tioſe etiam cogitantes ſe preſſuram ſu-  
 In epiſtolis ſcitare uinculis eiſ. Alicubi non mul-  
 ad Corint. tus erat Euangelij p̃fectus. Omnes quæ  
 1. ad Tim. ſua erant quærebant, nō quæ Ieſu Chri-  
 moth. ſti. Alij retrorſum abibant, canes ad uo-  
 mitum,

mitum, & fues ad uolutabrum luti. Ple- Philip. 1  
 riq; libertatem spiritus rapiebāt in licen- 2. Pct. 2  
 tiam carnis. Insinuabāt sese multi fratres  
 à quibus deinde pñs imminebant peric-  
 cula. Inter ipsos fratres uariæ cōcertatio-  
 nes suscitabant. Quid hic apostolis agē-  
 dum erat: an non uel ad tempus dissimu-  
 landum, uel prorsus omittendum istud  
 Euangelium, ac deferendum erat, quod  
 tot litium uidebant esse seminarium, tot  
 periculorum materiam, tot scādalorum  
 occasionem? At in huiusmodi angustijs  
 succurrebat, Christū esse lapidem offen- Iesaiæ 8  
 sionis, & petram scandali, positū in rui- Roma. 9  
 nam & resurrectionem multorum, & in Lucæ 2  
 signum cui contradiceretur. qua fidu- 1. Pct. 2  
 cia armati, per omnia tumultum, offen-  
 sionumq; discrimina audacter progre-  
 diebantur. Eadem & nos cogitatione su-  
 stentari decet, quādo hoc Euangelij esse  
 perpetuum testatur Paulus, ut sit odor 2. Corin. 2  
 mortis in mortem iñs qui pereunt: odor  
 uitæ in uitam iñs, qui salui fiunt. Sed ad  
 te reuertor, ô magnanīme Rex. Nihil te



moueant uanæ illæ delationes, quibus  
 terrorem tibi inñcere nituntur nostri ad-  
 uersarij; non aliud hoc nouo Euangelio  
 (sic enim appellāt) captari ac quæri, ni-  
 si seditionum oportunitatem, ac uitio-  
 rum omnium impunitatem. Neq; enim  
 diuisionis Deus autor est, sed pacis: & fi-  
 lius Dei non peccati minister est, qui ue-  
 nit ad dissoluenda opera diaboli. Et nos  
 talium cupiditatum immerito accusa-  
 mur, quarum ne minimam quidem su-  
 spitionem unquā dedimus. Scilicet nos  
 regnorū inuersionem meditamur, quo-  
 rum nulla unquam factiosa uox audita  
 est, & uita semper quieta simplexq; co-  
 gnita fuit, cum sub te uiueremus: & qui  
 nunc etiam domo profugi, tibi tamen re-  
 gnoq; tuo fausta omnia precari non de-  
 sinimus. Scilicet nos impunitam uitio-  
 rum petulantiam aucupamur: quorum  
 in moribus etsi multa reprehendi pos-  
 sunt, nihil tamen tanta insectatione di-  
 gnum. Nec tam infeliciter, gratia Dei, in  
 Euangelio profecimus, quin istis obtre-  
 ctatoriis



ctatoribus uita nostra castitatis, benignitatis, misericordiae, continentiae, patientiae, modestiae, & uirtutis cuiusuis exemplum esse possit. Nos sanè deum syncere timere & colere, res ipsa testatur: quando tum uita, tum morte nostra, nomen eius sanctificari petimus. Et ipsa inuidia coacta est, quibusdam nostrum innocentiae & ciuilibis integritatis testimonium dare, in quibus id unum morte plectebatur, quod singulari in laude ponendum erat. Quod si qui sub prætectu Euangelij tumultuantur ( quales hactenus aliquos in regno tuo fuisse non compertum est: ) si qui uitiorum suorum licentiae libertatem gratiae Dei praetextunt ( quales permultos noui: ) sunt leges, & legum poenae, quibus pro meritis grauiter coërceantur, modò ne interim Euangelium Dei ob scelestorum hominum nequitiam male audiat. Habes, Rex magnificentissime, satis multis expositam calumniatorum uirulentam iniquitatem, ne in eorū delationes

ultra modum credula aure propēdeas: vereor etiam ne nimis multis. Quando iam hæc præfatio adiustæ penè apologię modum accedit, qua non defensionem texere, sed duntaxat ad ipsam causæ actionem audiēdam animum tuum præmollire studui: auersum quidē nunc & alienatū à nobis, addo etiam inflammatum: sed cuius gratiā recolligere nos posse confidimus, si hanc nostram confessionem, quam pro defensione apud tuam maiestatem esse uolumus, placidus compositusq; semel legeris. Sin uero ita aures tuas occupāt maleuolorum susurri, ut nullus sit reis pro se dicendi locus: importunæ uero illæ furia, te conuiuente, semper uinculis, flagris, equuleis, sectationibus, incendijs sæuiunt: nos quidē uelut oves maectationi destinatae, ad extrema quæq; redigemur. sic tamen, ut

**LUC. 21** in patientia nostra possideamus animas nostras, & manum domini fortem expectemus: quæ indubie tempore aderit, & sese armata exeret, tum ad pauperes ex afflictione

afflictione eruendos, tum ad uindicandos contemptores. DOMINVS, REX REGVM, thronum tuum iustitia stabiliat, & solium tuum æquitate, Fortissime ac illustrissime Rex. BASILEAE,  
 X. Calendas Septembres.


C 5 S V M M A



CHRISTIANAE  
RELIGIONIS INSTITV  
tio, IO. CALVINO autore.

DE LEGE, QVOD DE-  
calogi explicationem continet.

C A P. I.



V M M A. ferè sacrae doctri-  
nae duabus his partibus con-  
stat, Cognitione Dei, ac no-  
stri. Hæc uero de Deo nobis  
in præsentia discēda sunt. Pri-  
mum, ut certa fide constitu-  
tum habeamus, ipsum infinitam esse sapientiam, iusti-  
tiam, bonitatem, misericordiā, ueritatem, uirtutem,  
Baruch 3 ac uitam: ut nulla sit prorsus alia sapientia, iustitia,  
Iacobi 1 bonitas, ueritas, uirtus, & uita. Et quicquid earum re-  
rum

rum ubiuis spectatur, ab ipso sit. Deinde, uniuerſa quæ in cælo ſunt & in terra, in eius gloriam creata eſſe. Idq; iure illi deberi, ut ſingula pro naturæ ſuæ ratione illi ſeruiant, eius imperium intucantur, maiestatem eius ſuſpiciant, & parendo uelut dominũ ac regem agnoſcāt. Tertio loco, iuſtũ eſſe ipſum iudicẽ. itaq; in eos ſeuere uindicaturum, qui ab eius præſcriptis deflexerint: qui nõ per omnia eius uoluntati obſecuti fuerint: qui alia cogitauerint, dixerint, ac fecerint, quàm quæ ad eius gloriam pertinent. Quarto, miſericordem eſſe ac manſuetum, & qui miſeros ac pauperculos benigne ſit accepturus, qui ad eius clementiam confugiant, & in eius fidem ſe conſerant: qui parcere ac condonare paratus ſit, ſi qui ueniam ab eo poſtulent: qui uelit ſuccurrere ac opem ferre, ſi qui eius auxilium implorẽt: qui ſeruare uelit, ſi qui fiduciã omnem in eo reponant ac deſigant. Quo in certam noſtri notiã ueniamus, hoc prius habendum eſt, parentem omnium noſtrũ Adam eſſe creatum ad imaginem & ſimilitudinem Dei, hoc eſt, ſapientia, iuſtitia, ſanctitate præditum: atq; his gratiæ donis Deo ita hærentem, ut perpetuò in eo uicturus fuerit, ſi in hac integritate naturæ, quam à Deo acceperat, ſtetiſſet. Verum ubi in peccatum lapſus eſt,

Prouer. 16

Pſal. 148

Daniel. 3

Roma. 1

Pſal. 7

Roma. 2

Pſal. 103

Ieſa. 35

Pſal. 25

&amp; 85

Gene. 1

Genc. 3 est, hæc imago & similitudo Dei inducta & oblitterata est: hoc est, omnia diuinæ gratiæ bona perdidit, quibus in uiam uitæ deduci poterat. Præterea, longe à Deo diuisus est, & prorsus alienus factus. Vnde consecrariū est, omni sapientia, iustitia, uirtute, uita, exutum & spoliatum: quas nisi in Deo haberi non posse, iam antè dictum est. Quare nihil illi reliquum fuit, nisi ignorantia, iniquitas, impotentia, mors, & iudicium. hi nempe sunt fructus peccati. Quæ calamitas non in ipsum tantum cecidit, sed in nos quoq; defluxit, qui semen eius sumus ac posteritas. Ergo quicunq; ex Adam nascimur, omnes Dei ignorantes sumus & expertes, peruersi, corrupti, omnisq; boni inopes. Cor uero præsertim in omne malum procliuè, prauisq; cupiditatibus repletum, hisq; addictum, & aduersus Deum contumax. Quod si quippiam boni interdum in speciem ostentamus, interior tamen ille animi affectus in suis sortibus ac obliqua peruersitate manet. Quod ipsum primum, uel potius pro omnibus est in iudicio Dei: qui non secundum faciem iudicat, nec magni externum splendorem æstimat, sed cordis secreta intuetur. Itaq; quantumuis splendidam sanctimoniam faciem ex se habeat homo, non aliud est quàm hypocrisis



crisis, & coram Deo etiam abominatio, cum animi cogitationes prauæ semper & corruptæ subsint.

Quamquam etiam sic nati sumus, ut nō sit in nobis situm quicquam agere, quod Deo acceptum esse possit: nec sit in nostra uirtute positum, illi gratificari: non tamen desinimus id ipsum debere, quod præstare non possumus. quando enim Dei creaturæ sumus, eius honori & gloriæ seruire debebamus, ac eius mandatis morem gerere. Nec prætendere excusationē licet, quod facultas desit, & uelut exhausti debitores soluendo nō simus. Culpa enim nostra est & peccati nostri, quod nos uinctos tenet, ne qđ bene aut uelimus agere aut possimus. Porro cum Deus sit iustus scelerum uindex, agnoscamus nos oportet maledictioni obnoxios esse, mortisq; æternæ iudiciū mereri. Siquidem nemo est nostrū, qui aut uelit ea quæ sunt officij sui facere, aut possit.

Qua ratione scriptura nos uocat omnes filios iræ Dei, ac pronuntiat nos omnes in mortem ac perditionē ire præcipientes. Nihil ergo homini superest, cur in seipso suam iustitiam, uirtutem, uitā, ac salutē quærat. quæ omnia non nisi in uno Deo sunt, à quo homo dissitus ac diuisus peccatō suo, apud se non nisi infelicitatem, imbecillitatem, iniquitatem, mortem,

Ioan. 8

Rom. 1. 7

Ephc. 2

Rom. 1. 3

Osee 13

Roma. 2

mortem, & ipsos deniq; inferos reperiet. Horum ne ignorantes homines essent, legem in omnium cordibus Dominus inscripsit, & quasi impressit. Hæc uero non aliud est quam conscientia, quæ nobis intus testis sit eorum quæ Deo debemus: nobisq; quid bonum sit, quid malum, proponat: atq; ita nos accuset, reosq; teneat, dum nobis ipsi conscij sumus, non esse (ut decuit) officio nostro defunctos. Quoniam autem homo adhuc arrogantia & ambitione sic turgidus, & sui amore excæcatus est, ut se perspicere non possit, & uelut in se descendere, quo se deijcere & submittere discat, suamq; miseriam fateri: Dominus legem nobis scriptam posuit, qua edoceamur de perfecta iustitia, quæ & qualis illa sit, & quibus numeris absoluator: nempe si in Deo penitus defixi sumus, nec aliò q̃ in ipsum intendimus & collineamus, quicqd cogitamus, optamus, agimus, aut loquimur. Quæ iustitiæ doctrina liquide nobis ostēdit, q̃ procul absimus à recta uia. Huc etiā spectāt promissiones omnes, ac maledictiones, in ipsa lege nobis positæ. Illic enim pollicetur Dominus, si quis perfectè, exacteq; opere impleuerit quicqd præcipit, mercedē se redditurū salutis æternæ. Quo scilicet nobis indicat, eā, quæ in lege docetur, uitæ perfectionē uere

Leuit. 18

re

re esse iustitiā: sic apud se haberi, dignāq; tali merce  
 de fore, si qua reperiri inter homines posset. Rursum Deut. 27  
 maledictionē in oēs edicit, iudiciūq; denūciat æter- Gala. 3  
 næ mortis, q nō plene, ac sine ulla exceptione omnē  
 legis iustitiam seruauerint. Qua certe poena omnes  
 qui unquam fuerunt, sunt, uel futuri sunt homines,  
 obstringit. Inter quos nullus ostendi potest non le-  
 gis transgressor. Quamobrem lex dum nos uolunta Roma. 3  
 tem Dei edocet, cui implendæ obstricti & tanquam & 7  
 obæratī sumus: dumq; ostendit quā nihil eorū quæ  
 à Deo præcipiuntur, exacte efficiamus, planè est no-  
 bis speculū, in quo peccatū & maledictionē nostrā  
 cernere ac contēplari liceat. quemadmodum in spe-  
 culo sordes & maculas oris nostri uulgo intuemur.  
 Proprieq; hæc ipsa scripta lex, testimoniū est dunta-  
 xat legis naturalis: quod memoriā nostrā sæpius ex-  
 citet, & inculcet ea quæ docēte intus lege naturali,  
 non satis didiceramus. Nunc intelligere promptum  
 est, quid ex lege discendum sit: nempe Deum crea-  
 torem esse, dominum ac patrem nostrum. Hac ratio-  
 ne deberi illi à nobis gloriā, honorem, amorem. Iam  
 cum nemo ex nobis partibus suis defungatur, omnes  
 nos maledictione, iudicio, morte demum æterna di-  
 gnos esse. Quærendam igitur aliam salutis uiam,  
 quā

quàm per operum nostrorum iustitiam: ea est peccatorum remissio. Deinde cum non sit nostræ uirtutis aut facultatis, exoluere quod legi debemus: de nobis desperandum esse, ac aliunde opem poscendam & expectandam. Postquàm in hanc humilitatem ac submissionem descendimus, tum nobis dominus affulget, seq; facilem, clementem, mansuetum, indulgentem exhibet: de quo scriptum est, quod superbis resistat, humilibus det gratiam. Ac primum si eius iram cum fiducia deprecamur, ac ueniam poscimus: eam nobis haud dubie indulget, quicquid peccata nostra merebantur remittit, ac recipit in gratiam.

Deinde si opem ac manum eius imploramus, certo persuasi fore, ut illius præsidij instructi, omnia possimus: pro bona sua uoluntate nouum cor, quo uelimus, nouamq; uirtutem, qua ualeamus eius mandata exequi, nobis impertitur. Atq; hæc quidem omnia nobis largitur propter Iesum Christum Dominum nostrum. qui unus cum patre Deus cum esset, carnem nostram induit, quo nobiscum fœdus iniret, ac Deo nos proxime adiungeret, quos peccata longo intervallo ab eo distraxerant. Hic mortis etiam suæ merito, iustitiæ Dei debita nostra persoluit, iramq; eius placauit: à maledictione ac iudicio,

cui

cui obnoxij eramus, nos redimens, ac peccati pœnam in corpore suo perferens, ut ab ea nos solueret. Hic omnem cœlestium benedictionum opulentiam in terras descendens secum attulit, quas in nos larga manu effunderet. sunt autem dona spiritus sancti: per quem regeneramur, è diaboli potestate & uinculis explicamur, in filios Dei gratuito adoptamur, ad omne opus bonum sanctificamur: per quem etiam, quàm diu in hoc mortali corpore tenemur, emoriuntur in nobis prauæ cupiditates, carnis desideria, & quicquid naturæ nostræ contorta corruptaq; peruersitas gignit: per quem de die in diem renouamur, ut in nouitate uitæ ambulemus, ac iustitiæ uiuamus.

Ioan. 1. 7

Rom. 8

Rom. 3. 5

Hæc omnia nobis à Deo offeruntur, ac dantur in Christo Domino nostro: nempe remissio peccatorū gratuita, pax & recōciliatio cum Deo, dona & gratiæ spiritus sancti: si certa fide ea amplectimur & accipimus, magna fiducia diuinæ bonitati innixi, et uelut incumbentes: nihilq; hæsitantes, quin uerbū Dei uirtus sit & ueritas, quod nobis ea omnia pollicetur. deniq; si Christo communicamus, in ipso possidemus cœlestes omnes thesauros, ac spiritus sancti dona, quæ nos in uitam ac salutem deducant. Quod nunquā nisi uera uiuaq; fide assequimur, dum omne

d                      nostrum

nostrum bonum in ipso esse agnoscimus: nos uero,  
 nisi in ipso, nihil esse: ac pro certo nobiscum statui-  
 - Ioan. 1 mus, in ipso nos filios Dei fieri, regniq; cœlestis hæ  
 Rom. 8 redes. Rursum, qui partem in Christo non habent,  
 quales quales sint, quicquid agant uel moliantur, in  
 Ioan. 3 exitum tamen ac confusionem, æternæq; mortis iu-  
 i. Ioan. 5 dicio abeunt: à Deo abiecti, & omni salutis expe-  
 ctatione exclusi. Et quādo hæc nostri, nostræq; ino-  
 Iere. 31 piæ & calamitatis cognitio, qua nosmetipsos humi-  
 liare ac deijcere coram Deo, eiusq; misericordiam  
 quærere docemur: simul fides ista, quæ nobis gustū  
 præbet diuinæ bonitatis ac misericordiæ, qua nobi-  
 scum in Christo suo agit: non ex nobis sunt, aut in  
 facultate nostrâ positæ: rogandus Deus, ut non si-  
 mulata pœnitentia, in illam nostri: & certa fide, in  
 hanc suæ mansuetudinis notitiam nos adducat, &  
 Philip. 1 suauitatis, quam exhibet in Christo suo. ut ipso duce  
 Ioan. 14 in æternam beatitudinem perducamur: qui unica est  
 Rom. 5 uia, qua ad patrem peruenitur. Decem legis præce-  
 Exod. 32 pta in duas tabulas distributa fuerunt. quarum prior,  
 & 34 quatuor prioribus constat: quibus edocemur de his  
 Deut. 10 quæ Deo debemus: nempe, ut ipsum solum Deum  
 agnoscamus, ac profiteamur: ipsum super omnia, &  
 præ omnibus amemus, honoremus, timeamus: in  
 ipso



ipso uno spes omnes atq; opes nostras reponamus, ipsius opem semper imploremus. Altera, sex reliqua cōplectitur, quibus charitas charitatisq; officia explicantur, quæ proximo propter Deum præstanda sunt. Quæ ratione Dominus noster (ut Euangelistæ Luc. 10 referunt) legem totam summam in duo capita collegit: ut Deum ex toto corde, ex tota anima, ex totis uiribus diligamus: ut proximum amemus, sicut nosmetipsos. Verum quanquam uniuersa lex duobus illis capitibus conclusa est: Dominus tamen noster, quo omnem excusationis prætextum tolleret, uoluit fusius et explicatius decem præceptis enarrare, tum quæcunq; ad honorem, timorem, amorem sui spectant: tum quæ ad amorem perinent, quem propter se nobis erga proximos nostros mandat. Antè uero q̃ præcipere incipiat, in hunc modum præfatur.

Ego Dominus Deus tuus, qui eduxi Exod. 10  
te de terra Aegypti, & de domo seruitu- Deut. 5  
tis. His admonens, se Dominū esse, qui & ius habeat præcipiendi, & cui sit parendum. In memoriam præterea reuocās, q̃ magnifice uirtutem suam ac potentiam exeruerit, cum Israëliticum populum è seruitio Pharaonis & Aegyptiorum in libertatē afferuit. quam eandem quotidie exerit, dum electos suos (qui

ueri sunt Isaëlitæ ) è peccatorum seruitute ( quæ sub Aegypti nomine figuratur ) eximit , dum extrahit è uinculis diaboli ( qui spiritualis est Pharaò , Aegyptiorum Dominus , eorum scilicet , qui in cõcupiscentijs suis ambulant . ) Subijcit deinde mandatum primum in hanc formam:

## M A N D A T V M I.

Non habebis Deos alienos coram me.

Isa. 30 Quo prohibemur aliò auertere fiduciam, quæ in  
 & 31 eo tota posita esse debet: aliò ad opem quærendã con-  
 Iere. 2 fugere: aliò cuiusuis boni & uirtutis laudẽ transfer-  
 1. Tim. 1 re, quæ solius eius esse debet. Quin potius ipsum sic  
 Deut. 6. 10 à nobis super omnia timeri & amari oportet, ut so-  
 lum pro Deo nostro agnoscamus, omnem spem ac fi-  
 duciam nostram in ipso desigentes: cogitantes, quic-  
 1. Cor. 10 quid boni nobis accidit, ab ipso esse: nihil omnino  
 admittentes, nisi in quo honoretur ac colatur. Nec  
 solum hoc agendum est, ut lingua et corporis gestu,  
 omniq; exteriori significatione non alium esse nobis  
 Deum declaremus: uerum ut etiam mente, toto cor-  
 de, toto studio tales nos præstemus. Nõ enim uerba  
 modo nostra, externaq; opera corã ipso sunt: uerum  
 1. Paral. 28 penitissimi cordis recessus, ac intimæ cogitationes  
 animi, melius atque certius ipsi patent, q̃ nobis ipsis.

M A N-

## M A N D A T V M II.

Non facies tibi sculptile, neq; similitudinem aliquam eorum quæ sunt in cœlo sursum, uel in terra deorsum, uel in aquis quæ sub terra sunt, non adorabis ea neq; coles.

Quo significatur, cultum omnem atq; adorationem deberi uni Deo. Qui cum sit incomprehensibilis, incorporeus, inuisibilis: sicq; omnia contineat, ut nullo loco concludi possit: ne somniemus, figura aliqua exprimi posse, aut quouis simulacro repræsentari: nec idolum, quasi Dei similitudo esset, uenemur. quin potius adoremus Deum, qui spiritus est, in spiritu & ueritate. Primum ergo mandatū, unum esse Deum tradit, præter quem nulli alij dij cogitandi, aut habendi sint. Istud, qualis ipse ille sit, docet, et quo cultus genere honorandus: ne quid illi carnale affingere audeamus, aut ipsum sub nostros sensus subijcere: quasi stolido nostro capite comprehendere possit, aut ulla specie repræsentari. Huc aduertant, qui execrabilem idololatriam, qua multis ante hac seculis uera religio submersa subuersaq; fuit, misero prætextu defendere conantur. Imagines, inquiunt, pro dijs non reputantur. Nec tam prorsus incogitan-

Deut. 6.10

3. Reg. 8

Ioan. 1

1. Tim. 1.10

Ioan. 4

tes erant Iudæi, ut non meminissent Deum fuisse, cuius manu educti essent ex Aegypto, antequam fabri carent uitulum. Nec ita stupidi fuisse ethnici credendi sunt, ut non intelligerent Deum aliud esse quàm ligna, aut lapides. Mutabant enim pro arbitrio simulacra: eosdem semper Deos animo retinebant. & multa uni Deo dicata erant simulacra: nec tamen tot sibi Deos fingeant, quot simulacra essent. Præterea noua quotidie consecrabant: nec putabant tamen se novos facere Deos. Quid ergo? Omnes idololatræ, siue ex Iudæis, siue ex gentibus, Deū talem esse persuasum habuerunt, qualem mentis suæ uanitas concepisset. Ad hanc uanitatem addita est improbitas. qualem intus finxerāt, expresserunt. Mens igitur idolum genuit, manus peperit. nihilominus & Deum æternum Iudæi, unum uerumq; cœli ac terræ Dominum, sub talibus simulacris se colere arbitrabantur: & gentes, suos (licet falsos) Deos, quos tamen in cœlo habitare fingerent. Ad hæc non crediderunt, Deum sibi adesse, nisi carnaliter se præsentē exhiberet. Ut huic cæcæ cupiditati obsequerentur, erexerunt signa, in quibus Deū sibi præ oculis carnalibus obuersari crederent. Cum uero Deum se in illis intueri arbitrarentur, & ipsum quoq; in illis coluerunt. Tandem toti et

animis

animis & oculis illic affixi, magis obbrutescere cœperunt: & quasi aliquid diuinitatis inesset, obstupescere & admirari. Hoc qui ante hac factum, & nostra etiā memoria fieri negant, imprudenter mentiuntur. Cur enim coram illis prosternuntur? Cur sese ad illa, precaturi, tanquā ad aures Dei conuertunt? Cur pro illis, tanquam pro aris & focus, ad cædes usq; & strages digladiuntur? ut facilius laturos sint Deū unum sibi eripi, quā sua idola. Et tamen nondum crassos uulgi errores (qui penē infiniti sunt, & omnium ferē corda occupant) enumero. tantum indico, quod ipsi profitentur, cum se maxime ab idololatria purgare uolunt. Non uocamus, inquiūt, nostros Deos. Neq; illi, aut Iudæi, aut gentiles, uocabant: sed signa duntaxat, & Deorum simulacra. Et tamen prophetæ, et omnes scripturæ, illis fornicationes cum ligno & lapide exprobrare non desinebant. tantum ob ea, quæ quotidie ab his fiunt, qui Christiani haberi uolunt: nempe, quod Deum in ligno & lapide carnaliter uenerabantur. Vltimum effugium est, quod aiunt esse libros idiotarum. Id ut concedamus (quanquam uanissimum est, cum certo certius sit, non in alium usum prostare, quā ut adorentur) nō tamen uideo quem fructum asferre possint idiotis imagines præsertim

Iesa. 40

Iere. 2

Iezech. 6

Hab. 2

Deuter. 32

&amp;c.

sertim quibus Deum effigiare uolunt) nisi ut faciant anthropomorphitas. Quas uero sanctis statuūt, quid sunt nisi perditissimi luxus & obscœnitatis exempla? ad quæ si quis se formare uellet, fustuario dignus sit. Equidem lupanaria pudicius & modestius cultas meretrices ostendunt, quæ templa eas, quas uolunt uirginum uideri imagines. Componant ergo suas imagines uel ad modicum saltem pudorem: ut paulò uerecundius mentiantur, alicuius sanctitatis libros esse. Sed tum etiam respondebimus, non hanc esse docendi populi Dei rationem: quem longe alia doctrina, quæ istis nœnijs, institui uoluit Dominus. Verbi sui prædicationem, communem omnibus doctrinā proposuit. Quorsum itaq; pertinebat erigi tot cruces ligneas, lapideas, argenteas etiam & aureas: si illud sæpe inculcaretur, Christum esse traditum propter delicta nostra, ut in cruce maledictionem nostram sustineret, & peccata nostra ablueret? ex quo uno uerbo plus discere poterant, quæ ex mille crucibus ligneis aut lapideis. Nā in aureas & argenteas, auari mentes et oculos tenacius forte defigūt, quæ in ulla dei uerba. Et quos

**IOAN. 6** quæso uocāt idiotas? hos scilicet, quos dominus theodidactos agnoscit. En incomparabile imaginū bonū, quod nulla pensatione resarciri potest. Quo uero  
signifi-



significantius declaret, quàm grauitèr omnem infidelitatem atq; idololatriam excretur: subiicit duobus istis mandatis, Se dominum esse, Deum nostrum, fortem, & æmulatorem: qui uisit iniquitatem patrum in filios, in tertiam & quartam generationē, in his qui oderunt nomen suum: faciat autem misericordiam in milia, his qui diligunt se, ac præcepta sua seruant. Hoc uero perinde est, ac si diceret: se solum esse, in quo hæere debeamus, nec consortem ferre posse. uindictam etiam futuram suæ maiestatis ac gloriæ, si qui eam ad sculptilia aut res alias transferant. neq; id semel: sed in patribus, filiis, ac nepotibus: hoc est, quocunq; tempore. Quæadmodū ppetuo quoq; misericordiā ac benignitatem suā ijs exhibet, q se diligūt, ac legē suā custodiūt.

## M A N D A T V M III.

**Non usurpabis nomen Dei tui  
in uanum.**

Cuius sensus est: Siquidem Deum timeri à nobis atq; amari oportet, ne sacrosancto eius nomine ulla ratione abutamur. quin ipsum potius pro sua sanctitate super omnia magnificemus, in omni re tum prospera, tum aduersa illi gloriam demus, toto animo

d s ipsum

ipsum requiramus: omnium, quæ ab eius manu nobis  
 eueniunt, gratias ei agentes. In summa, ab omni eius  
 contumelia & blasphemia nos solícite cōtineamus:  
 ne aliter ipsum nominemus, aut secus de eo loqua-  
 mur, quàm sublimem eius maiestatem decet. Ne sa-  
 crum illud eius nomen in alios usus conferamus, q̃ in  
 quos ipse conferri uoluit. id enim foret prophanare  
 ac polluere. Vt qui illud necromantiæ, incantationi-  
 bus, diris deuotionibus, illicitis exorcismis, alijsq; im-  
 pijs superstitionibus seruire faciunt. Quod autem ad  
 sacramēta aut iuramēta pertinet, ne in ullo sanctum  
 hoc nomen falso inuocemus. neq; enim grauius in-  
 honorari potest æterna ueritas, quàm si mendacij te-  
 stis citetur. Ne ullum deniq; etiam uerum iuramen-  
 tum temere usurpemus: nisi quod Dei gloria, aut fra-  
 trum usus necessario postulet. Hac enim excepta cau-  
 sa, quoduis iurisiurandi genus interdictū est: Vt nos  
 docent uerba Christi, qui hoc legis caput enarrans,  
 uult, ut omnis sermo noster sit, est, est: non, non. &  
 quod ultra sit, à maligno esse testatur. Vbi hoc etiam  
 obseruandum est: prohiberi unumquemq;, ne ullum  
 iuramentū propria ac priuata temeritate usurpet. Id  
 uero iuramentum, quod deferente exigenteq; magi-  
 stratu præstamus, huic mandato minime aduersatur.

Cum

Cum alio in loco illis potestatem Deus fecerit deferendi, cum ueritatis testimonium pro iudicio exigendū est. Imò publica omnia iuramenta ab hoc interdicto eximuntur. qualia sunt, quæ Paulus usurpauit, ad dignitatem Euangelij asserendam. Non enim Apostoli, priuati sunt homines in sua functione, sed publici Dei ministri. Qualia etiam uel in sanciendo fœderibus usurpari à principibus possunt, uel à populo, cum in nomen principis sui iurat: & si qua sunt alia, quæ non priuata cupiditate fiant, sed publico bono. Primū est igitur, ut meminerimus iuramentum nō libidinis aut uoluptatis, sed necessitatis causa permissum. Quemadmodum uero nomen Dei aliter quàm dictum est, appellare non licet, ad sermonis nostri confirmationē: Ita. quoties usus est, illud ipsum, non aliud appellandum est. Refert enim eius honoris ac gloriæ, ipsum esse & haberi unicum testem ueritatis, qui unica est & æterna ueritas. Demū, quo efficacius eximiam nominis sui maiestatem commendaret Dominus, huic mandato adiunxit: Non habiturum se innocentē, qui nomen suum in uanum usurpauerit. Quibus uerbis, peculiarem quandam ultionem edicit in huius mandati præuaricatores.

Exod. 22

Hebr. 6

Rom. 1.9

Deu. 6. 10

Ies. 45

&amp; 48

## M A N D A T V M I I I I.

Recordare diei sabbati, ut sanctifices illum. Sex diebus operaberis, & facies cunctum opus tuum: septimo autē die sabbatum est Domini Dei tui. Non facies ullum opus tuum, tu & filius tuus, & filia tua, seruus tuus & ancilla tua, iumentum atq; peregrinus tuus, qui est in portis tuis. Quoniā sex diebus fecit Dominus cœlum & terrā, mare, & omnia quæ in eis sunt: & die septimo quieuit. ideo benedixit illi, & sanctificauit illum.

Pertinet quoq; ad pietatem & Dei cultum, sabbati observatio: quandoquidem sub prima tabula comprehensa est, & diei sanctificatio nominatur. **Exod. 31** Quare nihil unquam seuerius exegit Dominus. Et **Numer. 15** cum subuersam omnem religionē uult apud prophetas significare, polluta ac prophanata, uiolata, nō custodita, non sanctificata sua sabbata commemorat. **Iere. 17** quasi omisso hoc obsequio, nihil restaret amplius, in quo honorari posset. Minime autem ambigendū est, quin præceptum hoc umbratile fuerit, ac ludæis pro ceremoniarum tempore mandatum: ut spirituales Dei cultum sub externa illis observatione repræsentaret.

taret. Quare aduentu Christi, qui umbrarum lux  
 est, & figurarū ueritas, abrogatum fuit: ut cæteræ  
 Mosaicæ legis umbræ, quemadmodum euidenter te-  
 statur Paulus. Sed nos abolita ceremonia & exter- Galat. 4  
 no ritu, quo sub legis pædagogia Iudæorum fides ex Colos. 3  
 ercebatur, ueritatē tamen præcepti retinemus: quam  
 dominus perpetuam, Iudæisq; & nobis communem  
 esse uoluit. Ea autem est ueritas: Quandoquidem ti-  
 meri à nobis Deum atque amari oportet, ut quietem  
 nostram in ipso agamus. Quod tum fiet, si prauis no-  
 stris cupiditatibus nos planè abdicabimus: quæ nihil Ies. 35. 18  
 aliud quàm conscientiam torquent, conturbant, & Heb. 3. et 4  
 exagitāt. si ab improbis carnis nostræ operibus ces-  
 sabimus: hoc est, quæ ex concupiscentia nostra, &  
 naturæ nostræ nequitia gignuntur: ab omnibus (ut  
 semel dicam) operibus, quæ ex Dei spiritu non sunt.  
 quamlibet sapientiæ humanæ speciem præ se ferant.  
 Cuiusmodi opera omnia uere seruilia sunt: à quibus  
 cessare lex sabbati iubet, ut Deus in nobis habitet, Ioan. 14  
 operetur quod bonum est, ac sancti sui spiritus du- Ephes. 3  
 ctu nos regat. cuius regnum, pacem ac tranquillita- 1. Cor. 3  
 tem conscientiae confert. Id autem est uerum sabba- Rom. 8  
 tum, cuius typus ac uelut umbra, Iudaicum illud fuit.  
 Ideoq; diei septimo assignatū erat, qui numerus per-  
 fectionis

fectionis significationem habet in scriptura. Quod docemur, sabbatum nobis à Deo perpetuum mandari, & quod nullo termino finiatur. deinde, nunquam fore, ut plene & ad iustum modum sanctificetur, usque ad septimum diem. Ille uero dies septimus; ultimus est & æternus. In quem licet pro parte ingressi sumus, quicumque sumus fideles, nondum tamen plene peruenimus. Nunc enim per fidem, nostram in Deo quietem inchoauimus, in qua etiam quotidie progressus facimus: ut tunc tandem perficiatur, cum implebitur illud Iesaiæ, quo ecclesiæ Dei promittitur sabbatum ex sabbato. nempe, cum erit Deus omnia in omnibus. Id & Dominus nobis in creatione mundi ostendit, quam sex diebus absoluit, septimo quieuit ab omni opere, ut eius exemplo ab operibus quoque nostris cessantes, requiem in ipso nostram quaeramus, & ad hoc septimi diei sabbatum assidue aspiремus. Quod attinet ad diem dominicum, quem nunc obseruamus: non est ideo institutus, ut præ cæteris illum sanctificemus, id est, sanctiorem æstimemus. hæc enim solius Dei prærogatiua est, quod dies omnes ex æquo honorauit. Verum, ut ad preces & laudes Dei, ad audiendum uerbum, ad sacramentorum usum, ecclesiæ eo die conueniat. In quæ officia quo melius studium

Hebr. 4

Ies. 66

1. Cor. 13

Gen. 2

Gal. 4

Coloß. 3



studium omne uacui conferamus, cessatur à mechanicis & manuarijs operibus, ac auocamentis omnibus, quæ ad huius uitæ rationem pertinent. Eiusdem rationis sunt & solennes alij dies, quibus mysteria salutis nostræ memoria repetuntur. Quod si uerbum illud toto animo (ut decet) imbibimus, ac per ipsum mortificamus hominis ueteris opera: nō diebus duntaxat festis, sed omni die continenter sabbatū sanctificamus, & quod hic iubemur, celebrare incipimus sabbatum ex sabbato. In summa, non religione aliqua discernimus inter diem & diem, sed communis politicæ causa. Quosdam enim dies præscriptos habemus, nō quibus simpliciter feriemur, quasi nostra cessatione colatur aut delectetur Deus: sed quia aliquo die ecclesiam conuenire oportet. Diem autem certum ac statum esse refert, ut omnia secundum ordinem, & citra tumultum fiant. Ita euanescent nugæ sophistarum, qui Iudaica opinione orbem imbuerunt: abrogatum esse quod ceremoniale erat in hoc mandato (id autem uocant sua lingua, diei septimæ taxationē:) remanere autem quod morale est, nempe, unius diei obseruationem in hebdomade. Atqui id nihil aliud est, quam in Iudæorū contumeliam diem mutare, diei obseruationem retinere.

Et sanè

1. Cor. 14

Et sanè uidemus, quid tali doctrina profecerint. Qui enim eorum constitutionibus hærent, crassa carnaliqu; sabbatismi superstitione Iudæos ter superant.

Isa. 1. 18

Vt non minus hodie ipsis cōueniant obiurgationes, quæ apud Iesaiam leguntur: quàm ijs, quos sua ætate propheta increpabat. Aliud in sabbatismo spectandum officium Iudæis erat. non illud ad religionem pertinens, sed ad conseruandam inter homines æquitatem: quæ uult, interdum seruorum & animalium operas remitti, ne inhumani exactores assidue iustando, ultra iustum modū ipsos premant. Quanquã hæc (ut arbitror) magis instituti utilitas à Moseh indicabatur, quàm instituendi causa. Huius æquitatis ratio à nobis hodie quoq; habenda est, non seruili quadam necessitate, sed prout charitas dictauerit.

Exod. 23

Deuter. 5

En quatuor prima præcepta, quæ præscribūt, quales nos erga Deum gerere debeamus: quibus prima tabula clauditur. Quod autem præter uulgarem, & ferè ubiq; usitatam formam, quatuor præcepta sub prima tabula includo: id non aut nulla, aut leui etiam ratione factum est. Nam qui aliter partiuntur, secundum mandatum quod recitauimus, numero expungunt: quod indubie mandati loco distincte à Domino positum est. Decimum uero de non concupiscendis proxi-

dis proximi rebus, inepte in duo conserpunt quod  
unum & idem est. Ad hæc talem partiendi rationem  
puriorē seculo incognitam fuisse intelligi ex eo po-  
test, quod Origines hanc nostram sine cōtrouersia  
posuit. Augustini quidem tempore iam illa inuenta  
erat: sed non ab omnibus probabatur. Ipsi certe Au-  
gustino ob nimium leuem causam arrisit, quod in nu-  
mero trinario (si tribus præceptis conficiatur prima  
tabula) magis eluceat mysterium trinitatis. in cæte-  
ris nostra magis ei placebat. Nec dubitauerim dia-  
boli fraude id factum. ut sensim ex hominum animis  
mandatū illud elaberetur, quo tam caute idololatria  
prohibetur. Hoc obiter perstringendum fuit, ne quis  
ceu nouam & nuper excogitatam, nostram partiti-  
onē aut miretur, aut rideat. Superest secunda tabula.

Orig. in  
Exod.  
Aug. lib. 2  
quæst. uet.  
testamen.  
Nobiscum  
sentit au-  
tor opis  
imperfecti  
in Matth.

## M A N D A T V M V.

Honora patrem & matrem.

Hoc est, quandoquidem timeri à nobis Deum  
atq; amari oportet: ne parentes uel negligamus, uel  
ulla in re offendamus. uerum his multū deferamus,  
eos reuereamur & colamus, ijs sub Domini uolunta-  
te obediamus: ijs commodare ac gratificari studea-  
mus, quibuscūq; in rebus illis usui esse poterit nostra  
opera. Additur benedictio: Victuros diu su-

Ephes. 6

Math. 15

e per

per terram, qui parentes eo quo debent honore persecuti fuerint: Velut singularis cuiusdam commendationis uice, quæ declaret quæ grata sit Deo huius mandati observatio, & torporem nostrum exciet & exhortetur. simul ut ingrati filij, qui mutuam parentibus uicem ac gratiam referre neglexerint, certissimam maledictionem expectent.

## M A N D A T U M VI.

Non occides.

Matth. 5 Hoc est, Quandoquidem timeri Deum à nobis atque amari oportet, ne quem ullo genere offensionis lædamus, ne cui iniurij simus, ne quem laceßamus, ne cui uim afferamus. quin potius, si quis est in nobis timor atque amor Dei, omnibus, amicis, inimicis, beneuolentiam exhibeamus: utrisque placere studeamus: utrisque, si quo in discrimine sunt, auxiliarem manum afferamus: utrisque benefici esse, quantum possumus, contendamus.

## M A N D A T U M VII

Non fornicaberis.

Matth. 5 Huc pertinet, ut, quoniã timeri à nobis atque amari  
 Ephes. 5 Deum oportet, caste ac continenter in omni uita nostra  
 1. Cor. 6 omnia cõponamus, loquamur, agamus. Et quãdo uir  
 Matth. 19 ginitas singulare est donum Dei, uideant singuli quod sibi  
 datum

datum sit. Nam qui hoc uerbum non capiunt, remedium habent carnis suæ impuritati, oblatum sibi à Domino. eo nisi utantur, cum Deo pugnant, ac eius ordinationi resistunt. Neq; dicant (ut multi hodie dicūt) se Dei auxilio adiutos omnia posse. Dei enim auxilium non nisi ijs adest, qui in uijs suis ambulant: hoc est, in sua uocatione, à qua se isti contra Dei uoluntatem subducere conantur. In hac peruicacia, ne Deum auxiliatorem expectent: sed meminerint potius eius quod dictum est, Dominū Deum tuum non tentabis. Hoc uero Deum tentare est, contra naturā, quæ ab eo nobis indita est, niti: ac præsentia eius dona spernere. Quod isti non modo faciunt, sed matrimonium etiam, quod Deus instituere dignatus est, quod in omnibus honorabile pronunciauit, quod Christus Dominus noster sua præsentia sanctificauit, quod primo suo miraculo cohonestare dignatus est, pollutionem uocare audent, tantum ut qualemcunq; coelibatum miris encomijs tollant. Quasi uero non aliud coelibatus sit, aliud uirginitas. Vitam angelicam uocant: in hoc angelis Dei maxime iniurijs, quibus scortatores, adulteros, & aliquid multo peius ac foedius comparant. Et sanè argumentis hic minime opus est, ubi reipsa palam reuincuntur. Videmus

1. Cor. 7

Psal. 91

Deut. 6

Matth. 4

Gen. 2

Hebr. 13

Ioan. 2

enim, quàm horrendis pœnis huiusmodi arrogantia, & donorum suorum contemptum passim ulciscatur Dominus. Coniuges uero neq; sibi licere omnia ipsi existiment, sed suam quisq; uxorem sobrie ac modeste habeat: & uicissim uxor uirum. sic agentes, ne quid omnino indignum honestate ac temperantia matrimonij admittant. postremo, cogitent se in Domino nupsisse.

## M A N D A T V M VIII.

## Non furtum facies.

Hanc sententiam habet. Quandoquidem timeri à nobis Deum atq; amari oportet: ne cuiquam, uel fraude intercipiamus, uel manu ac ui rapiamus, quod suum est: ne quem in negotijs ac contractibus imperitum circumscribamus: aut plus uendendo, aut iusto uilius emendo ab ijs, qui rerum precia ignorant: uel quauis alia arte ac dolo, quo bonis alienis manū iniiciamus. Verum, si quis est in nobis timor atq; amor Dei, huc magis omni conatu incumbamus, ut

- Ies. 58. **amicos iuxta ac inimicos, quoad licet, consilio atq;**  
 Rom. 12. **ope in retinendis suis iuuenimus: ac nostro potius ce-**  
 2. Cor. 8. **damus, quàm ex alieno subducamus. neq; id solum:**  
 Ephe. 4. **sed si rerū difficultate premūtur, eorū necessitatibus**  
 &c. **cōmunicemus, ac inopiam nostra copia subleuemus.**



## M A N D A T V M IX.

Non falsum testimonium dices.

Hoc uult. Quandoquidem timeri Deum à nobis atq; amari oportet, ne quem falsa accusatione premamus, ne cuius famam proscindamus: ne maledictis & amaris salibus, uel linguâ, uel aures præbeamus: ne quid de aliquo sinistrum suspicemur, aut sentiamus. uerum, si quis est timor atq; amor Dei in nobis, de omnibus, quoad licet, & candide sentiamus, & honorifice loquamur: ut æqui erga omnes interpretes, eorum dicta & facta in optimam, quantum licebit, partem accipiamus. Huc quoq; extenditur mandatum istud, ne ullis mendacijs delectemur, ne scurrilem urbanitatem affectemus, ne urbanæ atq; ociosæ loquacitati nos accommodemus.

Math. 7

Rom. 13

E 14

Psal. 5

Math. 12

Ephes. 4

E 5

## M A N D A T V M X.

Non concupisces domum proximi tui, non desiderabis uxorem eius, non seruum, non ancillam, non bouem, non asinum, neque omnia quæ illius sunt.

Quo Dominus, quem timeri à nobis atq; amari decet, omne desiderium alienæ uxoris, familiæ, possessionum, aut cuiusuis boni interdicat. Qua ratione multo magis uetat, ne quas insidias, ne quam frau-

e 3

dem,

dem aut artem, etiamſi honeſto nomine prætexi poſſit, intendamus : qua uel uxor è mariti conſortio exeat, uel ſerui eius manu ſe ſubducant, uel alia bona illi excutiantur. Ne uxore ac ſeruos, blandiloquentia à marito uel domino diſtrahamus : ne maritum ipſum ab uxore, quo repudiata noſtra fiat. ne dominum à ſeruis, à quo expulſi ad nos tranſeāt : ne quos demum eiufmodi dolos, quibus aſſueti ſunt captioſi homines, inſtruamus, quibus alienæ res in manus noſtras ueniant. Opus enim prohibitum haud dubie oportet eſſe, ubi uoluntas ipſa & cupido, habendiq; cogitatio prohibetur. Verum, ſi quis eſt in nobis timor atq; amor Dei, potius hoc agamus, ut non optemus modo ſuam cuiq; uxorem, & omnia ſua ſaluâ atq; integra manere: ſed etiam uiri atq; uxoris amorem foueamus, ſeruos ad officium hortemur: omnibus deniq; rationibus ſuum cuiq; tueamur, quantum in nobis eſt. Quod uero aliena concupiſcere prohibemur, huc etiam referri debet, ut pro ſua quiſq; uocatione partibus ſuis fungatur: & alteri quod officij ſui eſt, præſtet. Alienum enim & concupiſcit, & retinet, qui non exequitur quæ ex ſuæ uocationis munere alijs debet. Hac ratione populus ſuos reges, principes, magiſtratus, & alios ſibi præfectos, in honore

Ephes. 4

Rom. 13

1. Pet. 2

Tit. 3

nore habeat, eorum dominationem æquo animo ferat, legibus & iussis pareat, nihil detrectet quod sub Dei uoluntate exequi possit. Rursum, illi plebis suæ curam sustineant, ius reddant, publicam pacem ac tranquillitatem cōseruent: bonis sint præsidio, malos coherceant: sic omnia administrent, quasi supremo regi ac iudici Deo functionis uæ rationē reddituri. Episcopi & ecclesiarum ministri fideliter uerbi ministerio incumbant, nec salutis doctrinam adulterent, sed puram & sincerā populo Dei tradant. nec doctrina solum, sed uitæ exemplo eum instituunt. præsent deniq; ut boni pastores ouibus. Populus uicissim eos pro nuncijs & apostolis Dei agnoscat: eum ijs honorem reddat, quo Dominus eos dignatus est. quæ eorum uitæ necessaria sunt, præbeat. Parentes, liberos ut sibi à Deo commissos, alendos, docendos, regendos, suscipiant. nec sua inhumanitate ac sæuitia eorū animos exasperent, & à se auerant: sed lenitate ac indulgētia, quæ suam personam deceat, eos foueant & amplectantur. quomodo & suam illis obseruationē à liberis deberi, antè dictum est. Iuniores senilem ætatem reuereātur, ut eam ætatem honorabilē esse Dominus uoluit. Senes quoq; iuuentutis imbecillitatem sua prudentia, & quo ma-

Deut. 17  
2. Paral. 19

1. Timot. 3  
2. Tim. 2

& 4  
Tit. 1

1. Pet. 5.  
Matth. 10

Rom. 10  
& 15

1. Cor. 9  
Galat. 6

1. Thes. 5  
1. Timot. 5

Ephes. 6  
Coloss. 3

gis quàm illi pollent rerum usu, moderentur: non asperis clamoribusq; insectationibus eos incessentes, sed comitate ac facilitate seueritatem temperantes.

- Ephes. 6 Serui se ad officium sedulos & obsequentes Domini præstent: non ad oculum seruientes, sed ex animo, tanquã obsequia sua Deo reddãt. Domini quoq; non morosos se & intractabiles erga seruos gerant, non asperitate nimia eos uexent, non contumeliose accipiant: sed potius agnoscant sibi fratres esse, eiusdemq; Domini, qui in cœlis est, conseruos: quos mutuo amare & tolerare in omni mansuetudine debeant. Ad hunc modum quisq; reputet, quid in suo ordine ac loco proximis debeat, et quod debet, soluat. Habemus totam legem decem mandatis explicatam, quibus satis omnium eorum admonemur, quæ uel à nobis exigit Deus, uel fieri uetat, tũ erga se, tũ erga alios. Facile autẽ est p̃spicere quò tendãt omnia: nẽpe ad docendam charitatem. Ac primum, ut Deum timeamus, amemus, colamus, ipso confidamus, ipsum inuocemus ac requiramus, ab ipso omnia expectemus, in ipso præsidia nostra collocemus, in ipso quiescamus: quæ summa est primæ tabulæ, qua ad pietatem peculiariter instituimur. Deinde, ut propter Deum, charitatem cum alijs colamus: ita cum omnibus

bus agendo, ut nobiscum agi optemus : quod est secundæ tabulæ caput . non aut ut nos ipsos amemus . Neq; enim in tota lege syllaba una legitur, quæ regulâ homini de ijs statuat , q̃ suo cōmodo factururus aut omissurus sit . Et sanè quādo ita nati sunt homines, ut in amorē sui toti proni ferātur : nulla fuit opus lege, quæ amorē illū sponte sua immodicū magis inflāma ret . Quo planè perspicuū est, non nostri ipsorū amorem, sed Dei & proximi, obseruationē mādatorum esse : optimeq; ac sanctissime eum uiuere, qui q̃ minime fieri potest, sibi uiuit ac studet : neminem uero copeiū nec iniquius uiuere , qui sibi duntaxat uiuit ac studet, suaq; duntaxat cogitat ac quærit . Hoc uero nō est obiter prætereundū : nō externa modo opera lege Dei præcipi aut prohiberi, sed cogitatiōes ipsas & intimos cordis affectus . ne quis legi satisfactum existimet, ubi manus duntaxat ab opere cōtinuerit . Sunt enim qui oculos, pedes, manus, & omnes corporis partes in aliquam legis obseruationem componunt : cor ab omni obediētia alienissimū interim retinent . tū se defunctos putant, si probe apud homines dissimulauerint, quod corā Deo in corde gerūt . Audiūt, Nō occides, Nō mœchaberis, Nō furaberis : gladium ad cædem non exerunt , corpora sua meretricibus

cibus non commiscet, manus alienis bonis non iniiciūt. Hæc omnia bene hæctenus: sed cædes totis animis spirant, feruent in libidinem, omnium bona oculis retortis aspiciunt, & cupiditate deuorant. Iam ue-

**Roma. 7** ro deest quod præcipuum erat legis. His fortiter re-  
clamat Paulus, affirmās legem spiritualesse: hoc est, quæ totam mentem, totam animam, totam uoluntatem obsequentem exigat. hunc cum esse legis sensum dicimus, non nouam ex nobis interpretationem ingerimus: sed Christum optimū legis interpretem sequimur. Cum enim Pharisei peruersa opinio-

**Matth. 7** ne populum imbuissent, legem perficere, qui externo opere nihil aduersus legem perpetrasset: hunc periculosissimum errorem arguit, & impudicum mulieris aspectum, scortationem esse pronunciat. homicidas pronunciat, quicumq; fratrem oderint. facit enim reos iudicio, qui uel iram animo cōceperint: reos consilio, qui murmurando aut fremendo aliquam offensionis animi significationē dederint: reos geennæ ignis, qui conuitijs & maledictis in apertam iram prosilierint. Hæc qui non uiderunt, finxerunt Christum alterum Moſen legis Euangelicæ latorem, quæ defectum Mosaicæ illius supplenerit: quod falsissimum est. Nihil enim illic ad legem ueterē adiecit, sed Phariseorum



risæorum mendacijs obscuratam, & fermento inquinatam, tantū asseruit & repurgauit. Eadem uel ignorantia uel malitia ex præceptis de non appetenda uindicta, de diligēdis inimicis, quæ & omnibus olim Iudæis tradita fuerunt, & tum omnibus in commune Christianis tradebantur, consilia fecerunt: quibus parēre, uel non parēre, liberum esset. Eorum autem necessariam obedientiam ad monachos relegauerunt, ut uel hoc uno simplicibus Christianis essent iustiores, quod ultro se seruandis consilijs obstringerent. Et rationem assignant, cur ea pro legibus non recipiant: quod sibi onerosa nimium & graua uideantur, Christianis præsertim, qui sunt sub lege gratiæ. Itā ne legem Dei æternam de diligēdo proximo refigere audent? An nō autem proximum nostrum, proposita parabola, uel alienissimum quenque esse, cui opera nostra usui esset, declarauit Christus? An non passim occurrunt mandata, quæ inimicorum dilectionem à nobis exigant? Vt cum esurientes iubemur pascere, eorum errātes boues & asinos in uiam dirigere, aut oneri succumbentes subleuare. An non est æternum uerbum Domini? Mihi uindictam, & ego retribuam. Et quid hæc sibi, quæso, uolunt? Diligite inimicos uestros: benefacite ijs qui oderunt uos:

orate

Luc. 10

Prouer. 2

Rom 12

Exod 23

Deut. 32

Hebr. 10

Matth. 5

orate pro persequentibus uos, ut sitis filij patris ue-  
stri qui in cœlis est. Qui erunt igitur filij cœlestis pa-  
tris? an monachi? Bene uero nobiscum agetur: si soli  
monachi Deum patrem uocare audeant. Vere itaq;  
se filios sathanæ esse produnt, qui cōmune iugum fi-  
liorum Dei ita licenter excutiunt. Sed quàm insulse  
ratiocinantur? Onus esset nimium graue Christi-  
anis. Quasi uero grauius quicquam excogitari pos-  
sit, quàm diligere Deum ex toto corde, ex tota ani-  
ma, ex totis uiribus. præ ista lege, nihil non facile ha-  
beri possit: siue diligendus inimicus, siue omnis uindi-  
ctæ cupiditas ex animis deponēda. Omnia certe no-  
stræ imbecillitati ardua sunt et difficilia, uel ad mini-  
mum usq; legis apicē. Dominus est, in quo uirtutem  
facimus. Det ille quod iubet, & iubeat quod uelit.  
Sub lege gratiæ esse Christianos, non est effrenate  
sine lege uagari. sed Christo insitos esse, cuius gra-  
tia à legis maledictione liberi sunt: & cuius spiritu  
legem habeāt inscriptam in cordibus. Hanc gratiā,  
Rom. 8 legem improprie uocauit Paulus, alludens ad legem  
Dei, cui per contentionem eam opponebat. Isti in  
nomine legis de nihilo philosophantur. Porro iam  
antè audistis, grauem atq; horribilem sententiam à  
Domino pronunciari in eos omnes, qui legem suam  
ulla in

ulla in parte transgressi fuerint, ac nō per omnia impleuerint. quam ut impleamus, non est in nostris uiribus situm. Oēs igitur legis trāsgressores statuimur. nec aliquibus nostrū, sed nobis omnib. debentur, ac ceruicibus nostris imminēt, quæ in ea peccatoribus edictæ sunt maledictiones. Itaq; si in legē duntaxat intuemur, non aliud quàm animum despondere, confundi, ac desperare possumus, cum ex ea damnemur omnes ac maledicamur. Id est, quod ait Paulus: Qui cunq; sub lege sunt, omnes sub maledicto esse. Neq; enim aliter potest lex, quàm omnes ad unum homines accusare & arguere: conuincere, & uelut deprehensos tenere. damnare deniq;, in iudicio Dei: ut Deus solus iustificetur, sileat autē à facie eius omnis caro. Neq; uero garriamus, quod à multis hodie iactari solet. qui postquam fateri coacti sunt, rem sibi esse impossibilem, perfectam ultimamq; iustitiam assequi operum meritis, cum legem nunquā perficiant: id quidē fatentur. sed ne uideantur omni gloria spoliati, hoc est, prorsus Deo cessisse: legem se pro parte seruare allegant, hac pro parte se iustos esse. quod uero deest, id suffici ac redimi contendunt per satisfactiones ac supererogationis opera. hanc sibi esse coram Deo sui defectus compensationem. In hunc

Gal. 3

Rom. 3

errorem

errorem eos demersit sui ipsorum obliuio, iustitiæ Dei contemptus, ac peccati sui ignorantia. Excidunt certe à sui cognitione, qui alios se esse existimant, quam scriptura describit uniuersos filios Adam. quorum excellentiam hisce elogijs cōmendat, quod sint peruerso & præfracto corde, quod figmentum cordis eorum malum sit à primis annis, quod omnes cogitationes uanæ, quod lumen tenebræ, quod omnes quasi oues errauerint, unusquisq; in uiam suam declinauerit, quod non sit ad unum inuentus qui faciat bonum, quod nemo eorum intelligat aut Deum requirat, quod timorem Dei præ oculis non habeant: breuiter, quod caro sint. quo nomine intelliguntur opera illa omnia, quæ enumerantur à Paulo: fornicatio, immūditia, impudicitia, luxuria, idolorū seruitus, ueneficia, inimicitia, cōtentiōes, æmulatiōes, iræ, rixæ, dissensiōes, sectæ, inuidiæ, homicidia, & quicquid sceditatis aut abominatiōis excogitari potest. Tātæ scilicet dignitatis fiducia stolide aduersus Deum superbimus. Hoc enim habendum est catholicum theorema: Aduersus Deum gloriari, quicūq; in se gloriantur. Siquidem hoc, mundū Deo subdi, Paulus uocat: dum prorsus adempta est hominibus gloriandi materia. Audet ne homo tantæ ignominia à Deo damnatus

natus, quicquã sibi reliquum facere? adhuc ne se aliquid esse putat? nondum se prosternere & deijcere, Deoq; omnia dare discit? nondum in sua humilitate, Deum exaltare? Nõ enim humilitatem uoco, si quid sibi residuum esse putat. Et hæcenus perniciosam hypocrisim docuerunt, qui hæc duo iunxerunt: humiliter de nobis sentiendum coram Deo, & sciendum aliqua esse nostra merita. Si enim contra quã sentimus confitemur coram Deo, illi mentimur. Si autem reuera & serio agnoscimus nihil nostrũ esse, euanescit omnis meritorum non modo fiducia, sed opinio. In homine igitur, si naturalibus suis dotibus censeatur, à uertice capitis ad plantã usq; pedis scintilla boni nõ reperietur. Gratia Dei est, quicquid in eo est quod laudem meretur. Sed hæc nostra est malignitas, nostræ quidem sceditati prætextum semper inducere, Dei uero dona in laudem nostram arripere. Dei etiam iustitia cõtemnitur, ubi talis tamq; perfecta nõ agnoscitur, ut nihil ei acceptum sit, nisi integrum ac perfectũ, nullaq; sorde inquinatũ. Quod si ita est: omnia nostra, si sua dignitate censeantur, nihil nisi inquinatio sunt & sordes. Ita iustitia nostra, iniquitas: integritas, pollutio: gloria, ignominia. Quod enim optimum à nobis proferri potest, aliqua  
tamen

tamen semper carnis nostræ impuritate respersum  
 & corruptū est, & tanquā aliquid fecis admixtum  
 habet. Deinde etiam si fieri posset, ut aliqua nobis  
 essent omnino pura iustaq; opera: unū tamen pecca-  
 tū satis est ad delendā extinguedāq; omnē memoriā  
 prioris iustitiæ, ut ait propheta. cui & Iacobus con-  
 sentit: Qui offendit, inquit, in uno, factus est omniū  
 reus. Iam cum uita hæc mortalis nunquam à pecca-  
 to pura sit, quicquid iustitiæ à nobis comparatum  
 esset, id sequentibus peccatis corruptum, oppressum  
 & perditum, in conspectum Dei non ueniret: nec  
 ad iustitiam nobis imputaretur. Deniq; in lege Dei  
 non opus respiciendum, sed mandatum. Ideo si ex le-  
 ge iustitia quæritur, non unum aut alterum opus, ius-  
 tum faciet: sed perpetua legis obedientia. Præterea  
 peccatum res est eousq; execrabilis coram Deo, ac  
 tam grauis momēti, ut tota hominū iustitia in unum  
 cumulum coacta, unius compensationi par esse non  
 possit. Videmus enim hominē uno delicto sic à Deo  
 abiectum & abdicatum fuisse, ut simul omnem re-  
 cipiendæ ac recuperandæ salutis rationem perdide-  
 rit. Sublata est igitur satisfactionis facultas, qua qui  
 sibi blandiuntur, nunquam certe Deo satisficient:  
 cui nihil gratū acceptumq; est, quod ab inimicis suis  
 profectum

Ezech. 18

Iacob. 2

Prou. 24

1. Ioh. 1

Gene. 3



profectum sit. Inimici uero sunt omnes, quibus impu-  
 tat peccata. Tecta igitur & remissa peccata nobis  
 oportet, antequam ad ullum opus nostrū Dominus  
 respiciat. Ex quo sequitur, gratuitam esse peccato-  
 rum remissionem, quam obscurant & blasphemant,  
 qui suas satisfactiones ingerunt. Nos ergo exemplo Philip. 3  
 Apostoli, quæ retro sunt obliuiscences, ad ea autem  
 pergentes quæ ante nos sunt, curramus in stadio no-  
 stro, tendentes ad brabeum supernæ uocationis. Ia-  
 ctare uero supererogationis opera, quomodo cū illo  
 conuenit, quod nobis præceptum est? ut cum feceri Luc. 17  
 mus quæcunq; præcipiuntur nobis, dicamus nos ser-  
 uos inutiles esse, nec plus fecisse, quàm quod debui-  
 mus. Dicere coram Deo, non est simulare aut men-  
 tiri: sed pro certo habere, & uerè ita sentire. Iubet  
 itaq; Dominus nos sincere statuere, & nobiscum re-  
 putare, nulla nos sibi præstare gratuita officia, sed  
 debita obsequia reddere. Idq; cū fecerimus quæcūq;  
 præcipiuntur nobis: hoc est, si omnes nostræ cogi-  
 tationes omniq; membra uersa essent in officia le-  
 gis: uel si plusq; omnes omniū hominū iustitiæ, unius  
 essent. Isti, qui longissime ab eo absunt, ut fecerint  
 quæ præcepta sunt: audent tamen gloriari se cumu-  
 lum addidisse ad iustam mensuram. sed facile scilicet  
 f      & cuius

& cuius in promptu est, hæc in sellis & cathedris  
 sub umbra disputare. Cum autem summus ille Iudex  
 pro tribunali sederit, omne os obstrui, & omnem  
 gloriationem euanescere oportebit. Hoc, hoc quæ-  
 rendum erat, quam ad eius tribunal defensionis fidu-  
 ciam adferre, non quid in scholis & angulis fabula-  
 ri possimus. Ad hæc, quales sunt, quas isti uendita-  
 re Deo uolunt supererogationes? nugæ, quas neque  
 Deus unquam iussit, neq; approbat: nec cum reddenda  
 erit apud se ratio, acceptas feret. Hac demum si-  
 gnificatione concedemus esse supererogationis ope-  
 ra. utpote de quibus à propheta dictum est: Quis quæ  
 siuit hæc de manibus uestris? Manet igitur illud, To-  
 tum hominum genus per legem argui, maledictioni  
 & iræ Dei obnoxium. à qua ut soluantur, è potestate  
 legis exire necesse est, et uelut ab eius seruitute in  
 libertatem asseri: non carnalem quidem illam, quæ  
 ab obseruatione legis nos subducat, ad rerum omniū  
 licentiam nos inuitet, concupiscentiam nostram ue-  
 lut ruptis repagulis aut effusis habenis lasciuire per-  
 mittat: sed spiritualem: quæ percussam, & consterna-  
 tam conscientiam soletur & erigat, liberam illam  
 ostendens à maledictione ac damnatione, qua illam  
 lex uinctam & constrictam premebat. Hanc à sub-  
 iectione

Ies. 1

iectione legis liberationem, & (ut ita dicam) manu-  
 missionem assequimur: cum per fidē; misericordiam  
 Dei in Christo apprehendimus. qua securi certiq;  
 reddimur de peccatorū remissione, quorū sensu nos **1. Cor. 13**  
 pungebat ac mordebat lex. Hanc uero peccatorum  
 remissionem non semel: ut multi stolide opinantur,  
 nobis largitur Deus: ut impetrata præteritæ uitæ ue-  
 nia, postea in lege iustitiam quæramus. quo nihil q̃  
 in spem falsam inductos rideret ac luderet. Cū enim  
 perfectio nulla obtingere nobis possit, quamdiu hac  
 carne induti sumus: lex autem mortem ac iudicium  
 omnibus denunciēt, qui non integram iustitiam ope-  
 re p̃fecerint: habebit semper quo nos accuset, reosq;  
 agat, nisi contrā occurreret Domini misericordia,  
 quæ. assidua peccatorū remissione nos subinde ab-  
 solueret. Quare id semper constat quod principio  
 dicebamus, Si ipsi ex nostra dignitate æstimamur,  
 quicqd meditemur aut moliamur, nos tamē cū omni-  
 bus nostris conatibus & studijs, morte & cōfusio-  
 ne dignos esse. Hac ratione & quæ in lege nobis of-  
 ferebantur promissiones, inefficaces sunt omnes &  
 irritæ. Hæc enim conditio, ut legem perficiamus,  
 à qua ipsæ pendent, & qua demum præstādæ sunt,  
 nunquam implebitur. Hoc argumentum magis urget  
 f 2 Apostolus

**Rom. 4** Apostolus. Si ex lege, inquit, promissio hæreditatis: exinanita est fides, abolita est promissio. duo infert. Prius, exinanitam & euacuatam esse fidem, si promissio operum nostrorum merita respiciat, aut ex legis obseruatione pendeat. nunquam enim illa certo fidere quisquam posset, aut in ea secure acquiescere: quãdo nunquam futurum est, ut certo apud se quisquam statuât, se legi satisfacisse. ut certe nullus unquam per opera plene satisfacit. Cuius rei ne longe petantur testimonia, sibi quisque testis esse potest, qui se recto oculo intueri uolet. Igitur in omniũ animos subiret primum hæsitatio, demum & desperatio: dum pro se quisque subduceret, quanta debiti mole adhuc obrueretur, quamque longe distaret ab imposita sibi conditione. En iam oppressam extinctamque fidem.

- 1. Cor. 2** Non enim fluctuari, uariare, sursum deorsum ferri,  
**2. Cor. 13** hæsitare, suspensum uersari, desperare denique, fidere est: sed constanti certitudine, ac solida securitate animum affirmare, & habere ubi recumbas & pedem figas. Ex eo alterum sequitur, promissionem quoque ipsam abolitam esse, & euanidam perire. Siquidem nullis implebitur, nisi qui certo ac sine hæsitatione persuasum habuerint, implendã sibi esse, uel (ut uno uerbo dicam) fidem illi habuerint. Collapsa igitur fide, nulla

de, nulla uis promissionis residua esse potest. Vt igitur spes aliqua salutis proponatur, nouæ promissiones offerantur oportet, quæ præstari nobis possint. Sunt autem promissiones Euangelicæ, quas nobis gratuita misericors Dominus offert: non aliqua nostræ dignitatis aut benefactorum ratione, sed paterna sua bonitate: nec aliam nobis conditionem imponens, quam ut tantam beneplaciti sui gratiam toto animo amplectamur. Hoc est quod subiicit Paulus: ideo ex fide salutis hæreditatem nobis obuenire, ut firma sit promissio. Certa enim est fides, quæ sola Dei misericordia nititur: sciens, quia misericordia & ueritas obuiauerunt sibi: hoc est, quæcunq; Deus misericorditer pollicetur, fideliter quoq; præstet. Et certam fidem sequitur firma promissio, quæ non potest non impleri credentibus. Quare iam agnoscendum est, salutem nostram sola Dei misericordia constare: nulla uero nostra dignitate, aut quacunq; re, quæ ex nobis sit. Ideoq; in hac spem totam sistere conuenit, & uelut profunde figere: non respectare ad opera nostra, aut ex illis subsidiū aliquod petere. Adeoq; hæc fidei natura est, aures arrigere, oculos claudere: hoc est, promissioni attendere, cogitationem auertere ab omni hominis dignitate uel merito. Nunquam enim

Rom. 10

Rom. 4

Psal. 85

Deo satis confidemus, nisi de nobis penitus diffisi. nunquam in ipso satis animos erigemus, nisi prius in nobis deiectos. nunquam in ipso nos satis solabimur, nisi in nobis desolati. nunquam in ipso satis gloriabimur, nisi omni in nobis gloria abdicati. Gratiam ergo Dei, abiecta quidē prorsus nostri fiducia, de eius tamē bonitate certo confisi, apprehendimus ac obtinemus. & (ut ait Augustinus) nostra merita obliti, Christi dona amplectimur. quod ipsum est habere ueram, ut decet, fidem. Hanc uero certitudinem nullus assequi potest, nisi per Christum: cuius solius benedictione à maledictione legis liberamur, quæ omnibus nobis edicta & denunciata est: cum ob imbecillitatem, quam ex patre Adam hæreditariā accepimus, legem operibus nostris implere nō possimus, ut necesse erat ijs, qui sibi iustitiam inde comparare uelint. cuius deinde iustitia, iusti ipsi & legis imitatores fimus. Hanc enim, ut nostram, induimus. & sanè pro nostra nobis à Deo accepta fertur, ut pro sanctis, puris, & innocentibus nos habeat. Ita impletur

1. Cor. 1. quod ait Paulus, Christum nobis factum esse iustitiam, sanctificationem, & redemptionem. Nam primum quidem misericors Dominus pro sua bonitate ac gratuita uoluntate, nos clementer in gratiam recipit, pec-



pit, peccata nobis remittens ac cōdonans, quæ iram merebantur & æternam mortem. Deinde per gratias sancti sui spiritus in nobis habitat ac regnat, per quæ cōcupiscetiæ carnis nostræ in dies magis ac magis mortificantur: nos uero sanctificamur, hoc est, consecramur Domino in omnem uitæ puritatem, cordibus nostris in obsequium legis formatis. ut hæc sit una nostra uolūtas, uoluntati eius seruire, ac eius duntaxat gloriam modis omnibus prouehere: oderimusq; quod in nobis sordium carnis nostræ residet. Tum postremo, etiam dum sancti spiritus ductu in uijs Domini ambulamus, ne tamen nostri obliti animos tollamus, remanet quiddam in nobis imperfectum, quod nobis humilitatis argumentum præbeat: quo omne os coram Deo obstruatur, discamusq; fiduciam omnem à nobis in illum semper traducere. Itaq; nobis semper peccatorum remissione opus est. Quam ob rem illa etiā ipsa opera, quæ à nobis fiunt dum in uijs Domini currimus ( & si Deo placent quatenus in fide fiunt: ) non tamē ex se nos Deo acceptos gratiososq; reddere possunt. Verum iustitiam Christi, quæ una ut perfecta est, ita sola Dei cōspectum sustinere potest, pro nobis sisti oportet, ac iudicio repræsentari uelut sponsores. Ipsa uero à Deo

Rom. 5. 6

Roma. 7

Hebr. 11

Rom. 8

accepta fertur, ac nobis imputatur, perinde ac si nostra esset. Ita in fide peccatorum remissionem subinde atq; assidue obtinemus, nullæq; nostræ sordes aut immunditiæ imperfectionis imputantur: sed illa puritate Christi ac perfectione uelut sepultæ conteguntur, ne in iudicium Dei ueniant, donec hora aduenit qua confecto in nobis ac plane extincto ueteri homine, diuina bonitas nos in beatam pacem cum no-

1. Cor. 15 uo Adam (qui Christus est) recipit. ubi diem Domini expectemus, quo in gloriam cœlestis regni, receptis incorruptis corporibus, transferemur. Ex his colligi potest, quale officium, & quis sit usus legis. Tribus autem partibus continetur. primum, ut dum iustitiam Dei ostendit, hoc est, quam à nobis Deus exigit, suæ unumquenq; iniustitiæ admoneat, ac peccati conuincat. Sic enim opus est, ut, quoniam omnes simul homines, nisi eorum uanitatem Dominus arguat, insana uirium suarum fiducia inflati sunt: omissa hac stolida suæ uirtutis opinione, sola Dei manu stare se & consistere intelligant. Rursum, quoniam operum suorum iustitia cōtra Dei gratiam eriguntur, hanc arrogantiam deiici & confundi decet: ut nudi & uacui ad misericordiam Dei confugiant, in hanc se toti reclinent, in hanc se abdant,  
hanc

hanc unam pro iustitia & meritis arripiant. quæ omnibus in Christo exposita est, quicunq; eam uera fide & expetunt, & expectant. Deinde, quatenus Deum fore ultorem declarat, pœnam transgressoribus constituit, mortem ac iudicium minatur: huc prodest, ut q nulla iusti rectiq; cura, nisi coacti, tanguntur, coherceantur saltem pœnarum formidine. Cohercentur autem, nō quod interior eorū animus permoueatur, aut afficiatur: sed quia tanquam iniecto freno manus ab exteriori opere continent, suam prauitatē intus cohibent, quā alioqui petulanter effusuri erant. Ex eo nec meliores quidē sunt, nec apud Deum iustiores. nam tametsi uel terrore, uel pudore impediti, exercere non audent, quod animo conceperunt, nec pro sua libidine furere: cor tamen non habent compositum ad timorem & obedientiā Dei. imō quo magis sese retinent, hoc magis intus accenduntur, feruent, & ebulliunt: parati quiduis facere, & quouis prorumpere, nisi hic terror legis obstaret. nec id solum, sed legem quoq; ipsam pessime oderūt, & Deum legislatorē execrantur: ut si possent, eum tollere maxime uelint, quem nec recta iubentē, nec suæ maiestatis contemptores ulciscentem ferre possunt. Sed tamen hæc coacta expressaq; iustitia, ne-

f 5

cessaria

cessaria est publicæ hominum communitati. cuius tranquillitati sic consulitur, dum cauetur ne omnia tumultu permisceantur: quod fieret, si omnib. omnia licerent. Postremo & fidelibus, quorum in cordibus iam uiget ac regnat Dei spiritus, nō mediocrem usum adfert: dum eos magis ac magis assidue admonet, quid rectum sit, & placitum coram Domino.

**Iere. 31** Nam tametsi digito Dei legē scriptā & insculptam  
**Hebr. 10** habent in cordibus, hoc est, sic affecti sunt & animati, ut Domini uoluntati obtemperare cupiāt: hoc tamen proficiunt in lege, quod ex ea certius in dies ac melius discunt, qualis sit uoluntas Domini. ut si quis seruus iam ita sit toto animi studio comparatus, ut Domino suo se approbet: opus tamē habet, ut mores Domini compertos habeat, ad quos se componat & accommodet. Præterea quantumlibet spiritu prompti & alacres ad Dei obsequium, carne tamen desidesunt, & peccato potius quàm Deo seruiūt. huic carni lex flagrū est, quo instar ignaui inertisq; asini stimuletur, incitetur, & ad opus urgeatur. In summa, lex fidelibus exhortatio est: nō quæ eorum conscientiam maledictione liget, sed quæ pigritiam subinde instando excutiat, & imperfectionem uellicet. Multi, cum uellent significare hanc à legis maledictione

Etione liberationem, dixerūt abrogatam esse legem fidelibus. non quòd non amplius illis iubeat, quod rectum est: sed duntaxat, ne sit illis quod antea erat. hoc est, ne eorum conscientias mortis nuncio cōfundat & perterreat, ne damnet & perdat. Quemadmodum contrā, iustificatio bonis operibus detrahitur: non ut nulla bona fiant opera, aut negentur bona opa, quæ sunt: sed ne illis fidamus, ne gloriemur, ne salutē adscribamus. Fiducia enim hæc nostra est, quod Christus filius Dei noster est, nobisq; datus: *Iesa. 9*  
ut in ipso simus & nos filij Dei, regniq; cœlestis hæredes: *1. Thes. 4*  
Dei benignitate, non nostra arte, uocati in spem æternæ salutis. Vocati autem sumus non ad imunditiam & iniquitatem, sed ut simus mundi et immaculati in conspectu Dei nostri, in charitate. Hæc si quo oportuerat ordine, tractata digestaq; essent anteaetis seculis, nunquam tantum turbarum ac dissensionum ortum esset. Paulus ait, in architectura *1. Cor. 3*  
Christianæ doctrinæ retinendū fundamentū quod posuit, & præter quod nullum aliud poni potest: quod est Iesus Christus. Quale autē istud est fundamentum? An quod Iesus Christus initium fuit nostræ salutis? & quod uiam nobis aperuit, cum nobis meruit occasionem merendi? Minime: sed quod in  
eo electi

Ephes. 1 eo electi ab æterno sumus ante mundi constitutio-  
 Rom. 9 nem, nullo nostro merito, sed secundum propositum  
 2. Tim. 1 beneplaciti Dei: quod eius morte, ipsi à mortis da-  
 Ioan. 1 matione redempti, ac liberati à perditione sumus:  
 Ephes. 1. 3 quod in ipso adoptati à patre sumus, in filios et hære-  
 Rom. 5. 8 des: quod per ipsius sanguinem patri reconciliati:  
 2. Cor. 5 quod illi à patre in custodiã dati sumus, ne unquam  
 Ioan. 10 pereamus aut excidamus: quod, ita illi inserti, iam  
 & 17 uitæ æternæ quodammodo sumus participes, in re-  
 gnũ Dei per spem ingressi. hoc parum est. quod  
 1. Cor. 1 talem eius participationem adepti, ut simus adhuc in  
 Matth. ult. nobis stulti, ipse nobis coram Deo sapientia est. ut  
 Coloss. 1. 3 peccatores simus, ipse est nobis iustitia. ut immundi  
 Rom. 8 simus, ipse est nobis sanctificatio. ut infirmi simus,  
 Ephe. 2. 4 ut inermes & sathanæ expositi, ipsi tamen data est  
 potestas in cœlo & in terra, ut pro nobis sathanam  
 conterat, & inferorum portas confringat. ut corpus  
 mortis adhuc nobiscum circunferamus, ipse tamen  
 nobis uita est. Breuiter, qđ omnia illius nostra sunt  
 & nos in eo omnia, in nobis nihil. Super hoc funda-  
 mentum ædificari nos conuenit, si uolumus crescere  
 in templum sanctũ Domino. Iam uero iactò hoc fun-  
 damento, sapientes architecti superædificant. nam  
 siue doctrina & exhortatione opus est, admonent:  
 quod



quod in hoc filius Dei apparuit, ut dissoluat opera diaboli, ne peccent qui ex Deo sunt. sufficere præteritum tempus implendis gentium desiderijs: electos Dei uasa esse misericordiæ, electa in honorem, quæ à sordibus emundari debeant. Sed omnia semel dicuntur, cum ostenditur quod tales uelit Christus discipulos qui semetipsos abnegent, & sublata sua cruce ipsum sequantur. Qui semetipsum abnegauit, malorum omnium radicem execut, ne amplius quærat quæ sua sunt. Qui crucem suam sustulit, ad omnem patientiam ac mansuetudinẽ se cõparauit. At Christi exemplum, & hæc, & alia omnia pietatis ac sanctitatis officia complectitur. ille se patri obedientem præstitit ad mortem usq; . ille totus fuit in perficiendis operibus Dei. ille patris gloriam toto pectore spirauit. ille animam suam pro fratribus posuit. ille hostibus suis bene & fecit, & precatus est. Quod si consolationis usus fuerit, mirificam afferunt consolationem, quod affligimur, non tamen anxij reddimur: laboramus, sed non deserimur: humiliamur, sed non confundimur: deijcitur, sed non perimus: mortificationem Iesu Christi semper in corpore nostro circunferẽtes, ut uita Iesu manifestetur in nobis. Quod si commortui sumus, & cõuiuemus: si compatimur,

1. Ioan. 3  
 1. Pet. 4.  
 2. Tim. 2  
 Matth. 16  
 Philip. 3  
 Luc. 2  
 Ioan. 4. 7  
 8. 10. 15. 17  
 Luc. 23  
 Philip. 2  
 2. Cor. 4  
 2. Tim. 2  
 & con

& conregnabimus. quòd configuramur passioni-  
 bus eius, quia pater prædestinavit conformes fieri  
 imaginis filij sui, quos in ipso elegit: ut sit ipse primo-  
 genitus in multis fratrib. Itaq; quòd neq; mors, neq;  
 uita, neq; præsentia, neque futura, separabunt nos à  
 charitate Dei, quæ est in Christo. Ecce, non iustifi-  
 camus hominẽ ex operibus coram Deo: sed omnes,  
 qui ex Deo sunt, dicimus regenerari, & nouã crea-  
 turam fieri, ut ex regno peccati transeant in regnum  
 iustitiæ. hoc testimonio certam facere suam uocatio-  
 nem, & tanquam arbores à fructibus iudicari. Hoc  
 uno uerbo refelli potest impiorum quorundam impu-  
 dentia, qui calumniantur, nos abolere bona opera,  
 cum omnia hominum studia damnamus: nimis faci-  
 lem peccatorũ remissionem prædicare, cum gratuita  
 ipsam facimus: & hac illecebra homines suapte spon-  
 te satis procliues, ad peccandum allicere: à bonorum  
 operum studio homines abducere, cum docemus eos  
 non iustificari ex operibus, nec salutem mereri. Hæ,  
 inquam, omnes calumniæ uno illo uerbo satis refu-  
 tantur. breuiter tamen respõdebo ad singulas. Non  
 negamus bona opera, sed quæ sunt, à Deo esse con-  
 tendimus, eiq; debere referri accepta. quia huiusmo-  
 di omnia Paulus uocat fructus spiritus Dei: ut qui  
 gloriatur,

gloriatur, in Domino gloriatur. Neq; bonorum operum laudē, ut illi faciunt, inter Deū & hominē partimur: sed totam integram & illibatam Domino seruamus. Tantum hoc homini in bonis operibus assignamus, quòd ea ipsa, quæ bona erāt, sua impuritate polluit & cōtaminat. Nihil enim ab homine exit, quantumuis perfectò, quod non sit aliqua macula inquinatum. uocet igitur Dominus in iudiciū, quæ in humanis operibus optima sunt: & suā in illis iustitiam agnoscet, hominis uero confusionem. Hac ratione hominum studia damnamus: hoc est, quicquid homo habet aut agit à seipso, maledictū pronūciamus. Cæterum singulari consolatione fidelium animi nostra doctrina eriguntur: qua docentur hæc bona opera sibi à Deo dari, & sua esse, quia à Deo data sint. simul Deo accepta esse, ac seipsos in his placere: non quòd ita merentur, sed quia diuina bonitas hoc illis precium statuit. Quin potius hoc exigimus, ut nulum quisquā opus tentet, aut aggrediatur, sine fide: hoc est, nisi certa animi fiducia apud se definiat Deo placiturum. Quid illi? Bona quidem opera semper in ore habent, interim sic conscientias instituunt, ut nunquam confidere ausint, Deum se propitium ac fauentem suis operibus præbere. Non inuitamus ad  
peccandum

peccandum homines, cum gratuitam peccatorum remissionem affirmamus: sed tanti esse dicimus, ut nullo nostro bono pensari possit. itaq; nunquam impetrandam, nisi gratuita foret. Porro, nobis quidē gratuita est: Christo non item, cui tam magno constitit. nempe suo sacratissimo sanguine: ultra quem nulum satis dignum precium fuit, quod Dei iustitiæ solveretur. Hæc cum docentur, admonentur homines, se toties sacratissimum illum sanguinem effundere, quoties peccant. Ad hæc, dicimus eam esse sceditatem nostram, quæ nisi huius purissimi sanguinis fonte nunquam eluatur. Hæc qui audiunt, si quid Dei habent, quomodo non horreant se in lutum prouoluere, quo huius fontis puritatem, quantum in se est, inquinēt? Laui pedes meos, inquit fidelis anima apud Solomonē, quomodo rursus inquinabo illos? Nunc palàm est, utri uiliorem peccatorum remissionem faciant. Illi Deum friuolis suis satisfactionibus, hoc est, stercorebus placari nugantur. nos grauiorem esse peccati noxam asserimus, q̄ quæ tam leuibus nugis expietur: maiore esse Dei offensam, quā quæ his nihili satisfactionibus remittatur. hanc solius Christi sanguinis prærogatiuam esse. Non abducimus hominū animos ab affectu bene agendi, cū illis

merendi

Cantic. 3

merendi opinionem tollimus. Nam quod aiunt, nullam fore curam bene instituendæ uitæ, nisi spe mercedis proposita: tota uia errant. Si enim hoc tantum agitur, ut homines mercedem spectent, cum Deo seruiunt, & illi suas operas locent aut uendant, parum proficitur. Gratis coli uult, gratis amari. hunc, inquam, cultorē probat: qui præcisa omni spe recipiendæ mercedis, colere tamen eum non desinat. Porro si incitandi sunt homines ad bona opera, nemo poterat acriores stimulos admouere, quàm admonet Paulus, cum ait, nos cum Christo resurrexisse, ut iustitiæ uiuamus: cū offerri præcipit corpora nostra hostiam uiuentem, sanctam, Deo placentem: cum præcipit, ut postquam unum corpus Christi sumus, mutuis officijs testemur, nos eiusdē esse corporis membra: cum admonet corpora nostra templa esse spiritus sancti, nullum esse consensum Christo cum Belial, luci cum tenebris: cum ostendit uoluntatem Dei esse sanctificationem nostram, ut nos abstinemus ab illicitis desiderijs: cum arguit nos esse liberatos à seruitio peccati, ut iustitiæ obediamus. An incitari ad charitatem ullo uiuaciori argumento possumus, quàm illo Ioannis: ut mutuo nos diligamus, quemadmodum Deus dilexit nos? hoc differre

g      filios

Rom. 6

Rom. 12

Ephes. 4

2. Cor. 6

1. Thes. 4

Rom. 6

1. Ioan. 4

filios Dei à filijs diaboli, filios lucis à filijs tenebrarum, quia in dilectione manent? An ad sanctitatem

1. Ioan. 3 fortius prouocari, q̄ dum ab eodem audimus, Omnes qui habent hanc spem, sanctificare seipso, quoniam Deus eorum sanctus est? quàm dum Christū ipsum audimus se nobis exemplar proponentem, ut sequamur uestigia eius? Atq; hæc quidem paucula tantum

Ioan. 15 in gustum proposui. nam si singula persequi esset animus, longū uolumen cōtexendum foret. toti parænesibus, adhortationibus, castigationibus, consolationibus, pleni sunt Apostoli, quibus hominem Dei ad omne opus bonum citra meriti mentionem insti-

Math. 5 tuant. Et sanè hæc nobis una causa satis esse debuerat, ut Deus in nobis glorificetur. Qd̄ si q̄ erga Dei gloriam non uehementer afficiuntur, memoria tamē beneficiorū Dei sufficiens est, quæ tales ad benefaciendum incitet. Verum isti quia seruilia forte aliqua coactaq; legis obsequia, ingerēdis meritis extundunt: mentiuntur nos nihil habere, quo ad bona opera exhortemur. quia non eādē ingredimur uia.

2. Cor. 9 Quasi uero talibus obsequijs ualde oblectetur deus, qui profitetur se hilarem datorem diligere, & quicq̄ dari quasi ex tristitia aut necessitate uetat. Quinq̄ scriptura ut nullū omittat exhortationis genus, sæpenu-



penumero etiam commemorat, Deum unicuiq; redditurum mercedem secundum opera sua. Ex eo autem ne quis ratiocinetur, opera nostra huius retributionis causam esse. siquidem regnum cœlorum non seruorum stipendiũ, sed filiorũ est hæreditas: quam soli potentur, qui a Domino in filios cooptati fuerint: neq; ullam aliam ob causam, quàm ob hanc adoptionem. Itaq; ne cogitemus spiritũ sanctũ huiusmodi promissione commendare uoluisse operum nostrorum dignitatem, ac si talem mercedem promererentur. Nihil enim nobis scriptura reliquum facit, quo in conspectu Dei exaltemur. Quin potius tota in hoc est, ut arrogantiam nostram retundat, nos humiliet, deiiciat, & prorsus conterat. Verum nostræ imbecillitati sic occurritur: quæ statim alioqui collaberetur ac concideret, nisi hac se expectatione sustineret ac solaretur. Primum quàm durum sit, non modo sua omnia, sed se quoq; ipsum relinquere & abnegare, reputent pro se quisq; singuli. & tamen hoc tyrocinio discipulos suos, hoc est, pios omnes Christus iniciat. Deinde sic per omnem uitam sub crucis disciplina erudit, ne cor adijciant ad bonorum presentium uel cupiditatem, uel fiduciam. Breuiter, sic ferè tractat, ut quocunq; flectāt oculos, quàm longe

Matth. 16

Ephes. 1

Matth. 16

1. Cor. 15


hic mundus patet, non nisi desperationem sibi ubique obuersantem habeant : ut Paulus dicat miserabiliores nos esse omnibus hominibus, si in hoc mundo duntaxat sperantes sumus. In his tantis angustiis ne deficiant, adest illis Dominus, qui monet ut altius caput exerant, & longius oculos conijciant: beatitudinem, quam in mundo non uident, apud se reperturos. Hanc beatitudinem, præmium, mercedem, retributionem, uocat: non operum meritum æstimans, sed compensationem esse significans eorum pressuris, passionibus, contumeliis, &c. Quamobrem nihil obest, quominus uitam æternam, renumerationem scripturæ exēplo uocemus : quod in ea Dominus suos ex laboribus in quietem, ex afflictione in consolationem, ex mœstitia in gaudium, ex ignominia in gloriam recipiat: omnia breuiter, quæ perpessi sunt mala, bonis maioribus permutet. Sic & nihil erit incōmodi, si uitæ sanctitatem existimemus esse uiā, non quidē quæ ducat, sed qua electi à Deo suo in gloriā regni cœlestis ducantur. Quoniā hæc bona eius uoluntas est, glorificare quos sanctificauit. Hac ratione, obseruationes mandatorū aliquoties uocantur iustitiæ Domini : non quibus Dominus iustificet, hoc est, iustos habeat ac reputet: sed quibus

iustos

iustos suos quos iam antè sua gratia iustificauit, exerceat. Verum, si quis uel minimam salutis nostræ portionem ad opera deriuet, is totam scripturam peruertit ac corrumpit, quæ solidam laudem diuinæ bonitati assignat. Nomen uero meriti qui usurpat, aduersus Dei gratiam blasphemiam erigit: quæ cum illo stare non potest. certe arrogantia & ferocientis aduersus Deum uanitatis plenum est. Deus mercedem & remunerationem pollicetur. Audio. sed nostrum erat, tantæ Dei beneficentiæ gratias agere, per quam nobis dari agnosceremus, quod minime debatur: non animis efferri, & plus arripere quàm dabatur. Qui usum fructum in fundo dono accepit, si fundi etiam proprietatem sibi uindict, nōne tali ingratitudine illum ipsum quem possidebat usum fructum amittere meretur? Et nos scilicet impune aduersus tantam suam gratiam tam ingratos Dominus feret?

102 CHRIST. RELIGIONIS  
DE FIDE, VBI ET SYM  
bolum (quod Apostolicum uo-  
cant) explicatur.

C A P V T II.



**I**AM satis ex proxima disputa-  
tione intelligi potest, quæ nobis  
per legem agenda Dominus præ-  
scribat: quorum si qua in parte  
lapsi fuerimus, iram & terribile  
mortis æternæ iudicium edicit. rursum, quàm non  
modo arduũ, sed prorsus supra vires, extraq; omnem  
nostrã facultatẽ sit, legem implere ut exigit. Quare  
si nos dũtaxat ipsos intuemur, quidq; nobis dignum  
sit cogitamus: nihil est bonæ spei reliquũ. sed à Deo  
abiectos mors & certissima confusio nos manet. Id  
etiam explicatum fuit, unam esse effugiendæ huius  
calamitatis rationem, quæq; nos in melius restituat.  
nempe Domini misericordiam: quam certissime ex-  
periemur, si eam solida fide accipiemus, inq; ea secu-  
re acquiescemus. Hoc nunc superest, qualis esse hæc  
fides debeat: id quod ex symbolo (quod Apostolicũ  
uocant) facile discemus: quo breuiter compendium  
collectum

collectū est, & quasi epitome quædā fidei, in quam consentit Ecclesia catholica. Verum antequam ultra progredimur, admonendi sumus, duas esse fidei formas. Altera est, si quis credat Deum esse: historiam, quæ de Christo narratur, uerā esse arbitretur. quale est nobis iudicium de ijs, quæ uel olim gesta narrantur, uel ipsi præsentes spectauimus. Hæc uero ut nullius est momenti: ita indigna est fidei appellatione. de qua si quis gloriatur, intelligat eam se habere cum diabolis communem: quibus tamen nihil inde accedit, nisi quòd magis terrentur, tremunt, & consternantur. Altera est, qua non modo Deum & Christum esse credimus: sed etiam in Deum credimus, & Christum. uere ipsum pro Deo nostro, ac Christum pro saluatore agnoscentes. Hoc uero est, non modo uerum reputare id omne, quod de Deo ac Christo uel scriptum est, uel dicitur: sed spem omnem ac fiduciam in uno Deo, ac Christo reponere: hac que cogitatione sic affirmatos esse, ut de bona Dei erga nos uoluntate nihil dubitemus. ut certo persuasi simus, quicquid nobis necesse est, tum in animæ, tum in corporis usus, ab eo nobis datum iri. ut certo expectemus præstaturum, quicquid de eo scripturæ pollicentur. ut nihil hæsi-

Iacob. 2

temus, quin nobis Christus sit Iesus, hoc est, saluator: quin, ut p ipsum peccatorum remissionem ac sanctificationem obtinemus, ita salus quoque data sit: ut tandem perducamur in regnum Dei, quod ultimo die reuelabitur. Atque hoc quidem caput est, & ferè summa eorum omnium, quæ sacro suo uerbo nobis offert ac promittit Dominus. hæc meta, quam nobis in scripturis suis statuit: hic scopus, quem proponit. Verbum ergo Dei, obiectum est & scopus fidei, in quem colimare debet: basisque, qua fulciatur ac sustineatur, sine qua etiam consistere nequeat. Atque ita non aliud est uera hæc fides, quæ demum Christiana uocari potest, quam firma animi persuasio, qua nobiscum statuimus, tam certam esse Dei ueritatem, ut non possit non præstare, quod se facturum sancto suo uerbo recepit. Quod Paulus in eius definitione docet: substantiam rerum sperandarum ipsam uocans, argumentumque non apparentium. Per substantiam aut hypostasim (ut Græce legitur) quasi fulcrum intelligens, cui innitimur & incumbimus. ac si diceret: fidem ipsam, certam quandam ac securam possessionem eorum, quæ nobis à Deo promissa sunt. Rursum, ut significaret ad supremum usque diem, quo libri aperientur, sublimiora esse, quam quæ sensu nostro percipi

Rom. 10

Hebr. 11



percipi, aut oculis spectari, manūue contrectari possint: eaq; interim non aliter possideri à nobis, quàm si captum omnem ingenij nostri excedamus, ac supra omnia quæ in mundo sunt aciem nostram intendamus, nos deniq; ipsos superemus: Addidit, securitatem hanc possidendi esse rerum, quæ in spe iacent, ideoq; non uidentur. Nam (ut ipse alibi scribit) spes quæ uidetur, non est spes, nec quis ea quæ uidet, sperat. Dum uero indicem aut probationem (nam Græce est elenchus) appellat, rerum non apparentium: perinde loquitur, ac si diceret, euentiam non apparentium rerum: uisionem earum, quæ non uidentur: perspicuitatem obscurarum, præsentiam absentium, demonstrationem occultarum. Mystèria enim Dei, cuiusmodi sunt quæ ad salutem nostram pertinent, in se, suaq; ( ut dicitur ) natura cerni non possunt: uerum ipsa in eius duntaxat uerbo intuemur. cuius ueritas sic persuasa esse nobis debet, ut pro facto impletoq; habendum sit, quicquid loquitur. Hæc fidei ratio longe à priore diuersa est. Hanc quisquis habet, fieri non potest quin Deo sit acceptus. quemadmodum etiam contra, nunquam fiet, ut sine ipsa illi quisq; placeat. Per hanc quicquid optamus à Deo ac poscimus, impetramus: quatenus ipse nobis condu-

Rom. 8

Hebr. 11

cere prouidet. Hæc uero, nec in obliquo peruersoq;  
ac simulato corde sedem habere potest: nec inchoa-  
ri aut conseruari, nisi sola Dei gratia. Hæc ipsa est  
quam primo legis suæ mādato à nobis exigit Deus.  
ubi præfatus, se unum esse Dominū Deum nostrum,  
subijcit, Ne habeamus Deos alienos corā se. Id scili-  
cet uolens, ne alibi quā in se uno spes ac fiducia no-  
stra resideat: quæ sibi uni debeatur. Innuens etiam, si  
aliò spes & fiducia nostra respiciat, aliū nobis esse  
Deum. De hac sermonem instituimus, cui compen-  
diò docendæ conscriptum est Symbolum, quatuor  
partibus distinctum. quarum tres primæ tribus per-  
sonis sacræ trinitatis destinatae sunt, Patri, Filio, &  
Sancto Spiritui: q̄ est unus Deus noster æternus ac  
omnipotens, in quem credimus: quarta explicat,  
quæ ad nos ex ea in Deum fide redeant, quæq; ex-  
pectanda sint. Quando uero impij quidam, ut fidem  
nostram ab ipsis radicibus reuellant, circa prima ini-  
tia obstrepunt, & nos Deum unum in tribus perso-  
nis cōfidentes ludibrio habent: postulabat hic locus,  
ut eorum blasphemiae compescerentur. Verum, quia  
dociles manu ducere, non autem cum pugnacibus et  
rebellibus manum conserere, hic propositū est: cum  
illis nunc instructis copijs non congregiar. Tantum  
quid

quid sequendum hac in parte sit, quid cauendum, paucis indicabo: ut habeant qui faciles apertasq; ueritati aures dederint, in quo certo pede consistant. Scriptura unū nobis Deum tradit, non plures. Israël inquit, Dominus Deus tuus Deus unus est. Eadem tamen & patrem Deum, & filium Deum, & spiritum sanctū Deum, nihil obscure asserit. Vnum duntaxat argumentum proferemus: sed quod pro mille esse possit. Paulus hæc tria sic connectit, Deum, fidem, & baptismum: ut ab uno ad alterum ratiocinetur. Vt quia una est fides, ex eo unum esse Deum demonstret: quia unus est baptismus, inde quoq; unam esse fidem ostendat. Cum enim fides non huc atq; illuc circumspicere, neq; per uaria discurrere debeat, sed in unum Deum spectare, in eum conferri, in eo hæreret: ex eo facile constituitur, quod si plures sunt fides, plures etiam esse Deos oporteat. Rursum, quia baptismus sacramentum est fidei, ipsius unitatem nobis confirmat, ex eo quod unus est. Atqui fidē profiteri nemo potest, nisi in unum Deum. Ergo ut baptisamur in unam fidem, ita in unum Deum fides nostra credit. Et ille itaq; unus est, & hæc una est, quia utrunq; unius Dei est. Hinc etiam conficitur, ut non nisi in unū Deum baptisari liceat, quia in eius fidem baptisamur

Deut. 6

Ephes.

baptisamur, in cuius nomen baptisamur. Iam, cū scri-  
 ptura uoluerit, nos baptisari in nomen patris & filij  
 & spiritus sancti, simul utiq; uoluit, una omnes fide  
 in patrem, filium, & spiritum sanctum credere. id ue-  
 ro quid aliud est, quā clare testari. patrem, filium,  
 & spiritum sanctū unum Deum esse? Si enim in eo-  
 rum nomen baptisamur, in eorū fidem baptisamur.  
 Vnus igitur Deus sunt, si una fide coluntur. Extant  
 & alia luculenta testimonia, quæ partim unā trium  
 diuinitatem, partim personalem distinctionem asse-  
 rant. Filio nomen illud, quod Iudæi uocant ineffabi-  
 le, apud Ieremiam attribuitur. Vnū igitur æternum  
 illum Deum esse oportet, quī alibi negat se daturum  
 suam gloriā alteri. Et tamen cum dicitur principio fu-  
 isse apud Deum, patremq; fecisse per illū secula: præ-  
 terea cum ipse testatur, claritatem suam se habuisse  
 apud patrem, anteq̃ mundus fieret: distinctio osten-  
 ditur. magis etiam perspicue ex eo, quod non pater  
 uenisse, & carnem nostram induisse: sed filius à pa-  
 alibi tre exisse, ut ad nos descenderet, & homo fieret, di-  
 citur. Vtrunq; simul apud alterum prophetā expres-  
 sum est: ubi pater socium uel cognatum ipsum appel-  
 lat. Non est autē Deo cognatus uel socius, nisi qua-  
 tenus Deus. Rursum, si socius est, distinctum esse  
 oportet.

oportet: quando non est societas nisi inter duos. Spiritum sanctum diserte Deum esse pronuntiat Petrus in Actis. Aliū tamē esse à Christo, plus decē locis ex Ioannis Euangelio constat. Sed omnium clarissime hoc totum mysterium explicauit Paulus, cum Spiritum Christi, & spiritum eius qui suscitauit Iesum à mortuis, promiscue uocauit. Si enim unus est patris & filij spiritus, pater & filius unum sint oportet. Rursum, spiritum ipsum unum esse cum patre & filio conuenit, cū nullus à spiritu suo diuersus sit. Cauiillantur quidam se audire Deum spiritum esse: ideo nihil se intelligere per spiritū, quā Deum patrem. Sed ut Deum esse spiritū audiunt, ita etiam audiunt spiritum sanctum esse spiritum Dei. Nihil ergo repugnat, quo minus tota Dei essentia spiritualis sit, & in illa essentia sint, pater, filius, & spiritus. Nec defuerunt qui dicerent, non alia ratione Deū, nunc patrem, nunc filium, nunc spiritum sanctum nominari: quā qua & fortis, & bonus, et gloriosus, & misericors appellatur. Sed ij quoq; facile reuincuntur. quod hæc epitheta esse apparet, quæ ostendunt qualis sit Deus: illa nomina, quæ declarant quis uere sit. Vident non cōtentiosi, nec peruiaces, patrē, filium, & spiritum sanctum unum esse Deum. quia & pa-

Acto. 7

Ioan. 14. 11

Rom. 8

ter



ter Deus, & filius Deus, & spiritus Deus: nec potest nisi unus esse Deus. Rursum, tres nominantur, tres describuntur, tres distinguuntur. Vnus itaq; & tres: unus Deus, una essentia. Qui tres? Nō tres dii, non tres essentiae. Vtrunq; ut significarent orthodoxi ueteres, dixerunt unam esse θείαν, tres ὑποστάσεις: id est, substantiam unam, tres in una substantia subsistentias. Latini, cū per omnia sensu conuenirent, alterum tantum nomen reddiderunt, in altero quiddā aliud expresseŕūt. Dixerunt enim unam essentiam (quod nomen Græco illi respondet:) tres uero personas. quo relationem quandā indicare uoluerunt. Oblatrant hæretici, quod θεία, ὑποστάσεις, essentia, personæ, conficta sunt hominum arbitrio nomina, nusquam in scripturis lecta aut uisa. Sed cum hoc nobis excutere non possint, tres dici, qui unus Deus sunt: qualis est istæ morositas, improbare uerba, quæ non aliud explicant, quàm quod scripturis testatum consignatumq; est? Satiùs foret, inquit, non modo sensa nostra, sed uerba etiam intra scripturæ fines continere: quàm exotica uerba spargere, quæ dissensionum ac iurgiorum seminaria futura sint. Sic enim languetur circa uerborum pugnas, sic ueritas altercando amittitur, sic charitas dissoluitur



dissoluitur. Si uerbum exoticum appellant, quod totidem syllabis compositum in scriptura ostendi non possit, iniquam sanè legem nobis imponunt: qua damnantur omnes conciones, quæ scripturæ cōtextu non cōsarcinantur. Sin exoticum illis est, quod curiose excogitatū superstitiose defenditur: qđ ad contentionē magis qđ ad ædificationē ualet: qđ uel impotune, uel nullo fructu usurpatur: quod sua asperitate pias aures offendit: quod à uerbi Dei simplicitate abstrahit: eorū sobrietatē toto animo amplector. Non enim minori religione de Deo nobis loquendū, qđ cogitandum sentio. quando, & quicquid de eo à nobis cogitamus, stultum est: & quicquid loquimur, insulsum. Est tamen modus aliquis seruādus. petenda certe est ex scripturis, & cogitandi & loquendi regula. ad hanc amussim, & mentis cogitationes omnes, & oris uerba exigenda sunt. Sed quid uetat, quominus, quæ captui nostro perplexa in scripturis impeditaq; sunt, ea uerbis planioribus edisseramus? quæ tamen religiose & fideliter ipsius scripturæ ueritati seruiant, & parce modesteq;, nec citra occasionē usurpentur. Occurrunt quotidiana exempla. Sæpe de fidei iustitia disputatur: pauci assequuntur, quomodo fiamus iusti fide. Addamus hanc esse Christi iustitiam,

tiam, non nostram: in ipso, non in nobis sitam: sed imputatione nostram fieri, quoniam accepta nobis fertur. Ita non uere nos esse iustos, sed imputatiue: uel nō esse iustos, sed pro iustis imputatione haberi, quatenus Christi iustitiam per fidem possidemus, res plana erit & expedita. Dicitur Deus in reprobis operari, quorū opera damnata sunt. difficilis & inuoluta quæstio. An Deus autor sit peccati? an malū Deo sit imputandum? an iniustitia opus eius censerī debeat? Subijciamus, in eodem facto respiciendum peruersi hominis, ac iusti Dei opus. Hominem reprobū, mali radicem in se habere fixam, à se malum cogitare, à se uelle, à se conari, à se perpetrare. Ideo illi imputandum, quicquid in opere mali ac culpæ est. Quia consilio, uoluntate, facto, contra Deum nittur. Deum uero, malam uoluntatem, ac malum conatum, quo uult inflectere, nunc coërcere ac moderari: nūc successum dare, & uires addere. sed omnia iuste. Sic Pharaō, Nabuchadnezer, Sennacherib, contra Deum uiuentem belligerabantur, potentiam eius ridebant: populum, quantum in se erat, immerentem persequiebantur: uiolenter, nullo iure, irruebant in alienam possessionem. Deus autē eos omnes exci-

Exod. 9  
Iere. 5

tauerat, ut hæc omnia perpetrarent: sed iam male uolentes,

uolentes, & male cogitantes: aut potius malam eorum uoluntatem, & malū conatum, in Israhēlem conuerterat, & faciebat inualescere: nunc ut populi sui impietatem ulcisceretur, nunc ut liberationem faceret magnificentiorē. Sic afflictio Iob, opus erat Dei Iob 1. & diaboli, & tamen diaboli iniustitiam à Dei iustitia distinguere conuenit: quod ille perdere conabatur, Deus autem exercebat. Sic Assur erat uirga furoris Domini, Sennacherib securis manus eius: oēs Iesa. 10 ab eo uocati, suscitati, impulsī, deniq; eius ministri. Sed quid? dum efferatæ suæ libidini obsequebantur, Iere. 27 iustitiæ Dei insciī seruiebant. En Deus, & illi, eiusdem operis autores. sed in eodem opere elucet Dei iustitia, eorum iniquitas. Hac distinctione implicitus ille nodus dissoluitur: Si quis interpellet & fremat non probari sibi distinctiones, quia suas rixas distinctiunculis Sophistæ sarciriūt. quis talem importunitatem non oderit? Si quis uerborum nouitatem reprehendat, nōne merito iudicetur lucem ueritatis indigne ferre? ut qui tantum hoc reprehendat, ueritatem planam ac dilucidam reddi. Huiusmodi autem uerborum nouitas (si ita appellanda est) tum potissimum usu uenit, dum aduersus calumniatores asserenda est ueritas, qui tergiversando ipsam eludunt. Quod hodie plus

die plus satis experimur, quibus plurimum est negotij in expugnandis ueritatis hostibus: adeo obliquo & uolubili flexu lubrici isti angues effugiunt, nisi fortiter premantur, & deprehensi urgeantur. Sic ueteres uarijs prauorum dogmatũ certaminibus excitati, coacti sunt exquisita perspicuitate edisserere, quid sentiret, ne obliqua subterfugia impijs relinquerent: quibus uerborũ inuolucra, errorũ erāt latebræ. Arrius fatebatur Christũ Deum, & filiũ Dei: quia euidentibus scripturis reluctari non poterat. & quasi probe defunctus, consensum aliquem cum alijs simulabat. At interim non desinebat iactare, Christũ creatum esse, & initium habuisse, ut reliquas creaturas. Quo flexilem hominis uafritiem è latebris extraherent ueteres, ultra progressi sunt, & declararũt Christum æternum patris filium, patriq; cõsubstantialem esse. Hic efferbuit Arrianorum impietas, dum nomẽ *ὁμοῦσις* pessime odisse, & execrari cœperunt. Quòd si principio, Christum confesși essent sincere & ex animo, Deum, non inficiati essent patri esse cõsubstantialem. Quis probos illos uiros insectari audeat, quasi rixatores & cõtentionosos, quòd ob uoculam unam tanto disceptandi feruore incauerint, & ecclesiæ quietem turbauerint? At uocula illa

illa distinguebat inter puræ fidei Christianos, & sacrilegos Arrianos. Surrexit postea Sabellius, qui patris, filij, & spiritus sancti nomina uana esse disputa-  
bat: nec distinctiōis alicuius causa posita, sed diuersa  
esse Dei attributa. cuiusmodi plurima habentur. Si in-  
certamē uentū esset, fatebatur se credere Patrē deū,  
Filiū deū, Spiritū deū: sed postea elabebatur, nihil se  
aliud dixisse, q̄ si Deum fortem & iustum & sapien-  
tem uocasset. Itaq; recinebat aliam cantilenā, patrem  
esse filium, & spiritum sanctum esse patrem, nullo  
ordine, nulla distinctiōe. Ii, quibus tum pietas  
cordi erat, ut hominis improbitatem frangerent, con-  
trā reclamabant, uere agnoscendas esse in Deo uno  
tres proprietates. Et, ut se simplici ueritate aduersus  
tortuosas uersutias munirent, affirmarūt uere in uno  
Deo tres personas subsistere, seu (quod idem erat)  
in Dei unitate subsistere personarum trinitatem. Si  
ergo temere non sunt inuenta nomina, temere repu-  
diantur. Vtinam sepulta essent: constaret hæc modo  
inter omnes fides, patrē, filiū, et spiritū sanctū unum  
esse Deum. nec tamen aut filium, patrem esse: aut spi-  
ritum sanctum, filium: sed proprietate quadam esse  
distinctos. Verum ubi occurrendum est, ex una par-  
te Arrianis, ex altera Sabellianis: qui utrisq; tergier  
h 2 sandi

sandi ansam præcidi stomachantur, nonnullam suspi-  
 tionē iniiciunt, uel Arrij se esse discipulos, uel Sabel-  
 lij. Dicit Arrius Christū esse deū, sed musitat factū  
 esse, & initiū habuisse. dicit unū cum patre, sed clam  
 in suorū aures insusurrat, unitum ut reliquos fideles,  
 quanq̃ singulari prærogatiua. Dic consubstantialē,  
 detraxeris uersipelli laruā, & tamen nihil addis scri-  
 pturis. Dicit Sabellius, patrem, filium, & spiritum  
 sanctū nihil in Deo distinctū sonare. Dic tres esse,  
 uociferabitur te nominare tres deos. Dic in una  
 Dei essentia personarum esse trinitatem: dixeris  
 uno uerbo quod scripturæ loquuntur, & inanem  
 loquacitatem compresseris. Et si hæc nomina non fe-  
 runt, concedat saltē nobis, quod inficiari, uel si rum-  
 pantur, non possunt: cum unum audimus, intelligen-  
 dam esse substantiæ unitatem: cum tres audimus, in  
 una hac essentia distinguendas tamen tres proprie-  
 tates. Siquidem ita eas scriptura distinguit, ut Patri  
 principium agendi rerumq; omnium fontem & ori-  
 ginem attribuat: Filio, sapientiam & consilium agen-  
 di assignet: ad Spiritum, uirtutem efficaciamq; actio-  
 nis referat. Vnde & filius uerbū patris dicitur: non  
 quale homines loquuntur aut cogitant, sed æternum  
 & incōmutabile, ineffabili modo à patre emergens.

ut spiri



ut spiritus sanctus uirtus, digitus, potentia nuncupatur. Nunc simplicē ueritatis confessionē audiamus.

P A R S   S Y M B O L I  
P R I M A.

**C** Redo in Deū patrem omnipotentem, creatorem cœli & terræ.

Qua profitemur, nos fiduciam habere omnem in Deo patre fixā: quem & nostrū, & omniū omnino rerum, quæ creatæ sunt, creatorē agnoscimus. quas uerbo & æterna sua sapientia ( qui filius est ) & sua uirtute ( qui spiritus sanctus est ) condidit. Atq; ut semel condidit: ita nunc sustinere, fouere, agere, conseruare, bonitate ac uirtute sua: citra quam omnia statim collapsura essent, & in nihilū abitura. Cum uero omnipotentem & rerum omnium creatorem appellamus, talem eius omnipotentiam, qua omnia operatur in omnibus: talemq; providentiam, qua omnia moderatur, cogitare oportet. non qualem illi Sophistæ affingunt, inanem, sopitam, ociosam: ut fide persuasum habeamus, quæcunq; nobis accidunt, læta iuxta ac tristia, prospera ac aduersa, siue ad corpus illa, siue ad animam pertineant, ab eo nobis euenire.

Psal. 3.

Psal. 10.

Acto. 1.

Hebr. 1.

1. Cor.

Thre.

(excepto duntaxat peccato quod nequitiae nostrae  
 imputari cōuenit, eius etiam praesidijs nos tuto pro-  
 tegi, defendi ac seruari, ne qua uis inimica noceat.  
 nihil deniq; (cum omnia ex eius manu suscipiamus)  
 ab eo nobis euenire, quod non in rem nostrā condu-  
 cat: ut ut res nunc prosperae, nunc aduersae uulgo ui-  
 deantur. Atq; haec quidem omnia nobis ab eo fieri,  
 non aliqua nostra dignitate, non merito aliquo, cui  
 hanc gratiam debeat. non quod remunerari eius be-  
 neficentiam mutua uice ualeamus: sed paterna beni-  
 gnitate ac clementia. qua ut nobiscū sic agat, in cau-  
 sa sola est eius bonitas. Quamobrem danda opera,  
 ut gratiarum actionem tantae bonitati referamus, il-  
 lam cum animis nostris reputemus, illam lingua prae-  
 dicemus, & quibus possumus, laudibus tollamus. Ta-  
 lem patrem grata pietate ardentiq; amore sic cola-  
 mus, ut nos totos eius obsequio deuoueamus, illum  
 in omnibus honoremus. omnia, aduersa quoq; æquis  
 placidisq; animis, quasi ex eius manu, suscipiamus:  
 cogitantes eius providentiam sic quoq; nobis ac salu-  
 ti nostrae prospicere, dum affligit & tribulat. Itaq;  
 quicquid tandem accadat, nunquam ambigendū aut  
 diffidendum erit, eum nos habere propitium ac bene-  
 uolentem, salusq; ab eo nihilominus expectanda. Est  
 enim

enim certissimum ac uerissimum, hanc esse rectam fidem. quam ut quisq; habeat, hac prima Symboli parte docemur.

## S E C V N D A.

Et in Iesum Christum, filium eius unicum, Dominum nostrum. qui conceptus est è spiritu sancto, natus ex Maria uirgine, passus sub Pontio Pilato, crucifixus, mortuus, & sepultus. descendit ad inferos, tertia die resurrexit à mortuis. ascendit in cœlum, sedet ad dexteram patris: inde uenturus ad iudicandum uiuos & mortuos.

Qua cōfitemur nos credere in Iesum Christum: quem persuasum habeamus, unicum esse Dei patris filium. non ut fideles, adoptione duntaxat & gratia: sed naturalem, & ab æterno ex patre genitum. Sic enim à cæteris omnibus ipsum discernimus, dū unicum uocamus. Vt, quatenus Deus est, sit unus cum

Psal. 100

patre Deus, eiusdem naturæ ac substantiæ seu essentiæ: non aliter, quàm persona distinctus, quam propriam ac distinctam à patre habet. Quicquid autem est humanæ sapientiæ, hic submitti ac uelut captiuū generi decet. nihilq; aut. curiose argutando, aut hæsi-

tando huiusmodi mysteria adorari, quæ omnem humani sensus captum longe superat. Ac ne quicquam hac in parte aut animo concipiamus, aut sentiamus, aut loquamur, quàm scripturis docemur, terreant nos hæreticorū exempla: qui in præceptis deturbati sunt, dum sensu suo abundare uolūt. Quando igitur Deus filius, unus atq; idem cum patre Deus est, habemus

**Hebr. 1** uerum esse Deum creatorem cœli & terræ. Atq; ut fiduciam omnem in patre constituimus: ita & in filio constituenda est, cum unus sit Deus. Quod autem hic peculiariter cœli ac terræ creator pater dicitur, in causa est ea, quam antè diximus, proprietatum distinctio, qua ad patrem agendi principium refertur: ut ipse quidem proprie agere dicatur, sed per uerbum ac sapientiam suam, sed in uirtute sua. Cæterum communem trium personarum actionem fuisse

**Gene. 1** in creando mundo, planum facit uox illa patris, Faciamus hominem ad imaginem & similitudinem nostram. qua non cum angelis deliberat, non seipsum alloquitur, sed sapientiā suam & uirtutem aduocat.

Præterea cōfitemur nos credere, ipsum nostra causa, ut nos à diaboli tyrannide solueret, cui obnoxii eramus: à uinculis peccati, quibus astricti tenebamur: à seruitio mortis & corporis et animæ, in quod detrusi

detrussi eramus: ab æternis pœnis, quibus eramus addicti (cū hinc exolui ac extricari facultatis nostræ nō esset:) diuina benignitate ac misericordia à patre missum, ad nos descendisse, ut carnem nostram indueret, quam suæ diuinitati coniunxit. Sic enim nostra referebat, uerum esse Deum & hominem, eum, qui mediator noster futurus esset. Cum enim omnia dissipata essent, cum peccata nostra opposuissent nubem inter nos & Deū nostrū, quis ad eū pertingeret? Homó ne? Atqui omnes cū parente suo Adam ad cōspectū Domini horrebant. Angelus? Atqui etiam illi opus habebant capite, in quo Deo suo cohærent. Quid igitur? Deplorata res erat, nisi maiestas ipsa Dei ad nos descenderet, quando ascendere nostrum non erat. Ita Dei filius, factus est nobis Immanuel, id est, nobiscū Deus. Rursum cum modis omnibus nostra humilitas cum Dei maiestate dissideat, quis satis confidere ausus etiamnum esset, Deum sibi propinquum esse, secum habitare, sibi adesse? Nondum igitur satis propinqua uicinitas, nondum satis firma affinitas: nisi, ut suam nobis diuinitatem adiungerat, ita nostram quoq; humanitatem suæ diuinitati adiungeret. Ita Paulus, cum eum nobis mediatorem proponeret, nominatim dixit hominem. Media-

Iesā. 19

Gen. 3

Ephes.

Coloss.

Iesā. 7

1. Cor.

tor, inquit, Dei & hominum, homo Iesus Christus. Poterat Deū dicere, poterat saltē & hoc nomen, ut Dei nomen, omittere: sed infirmitatem nostram nouerat. Ne quis itaq; se torqueret, ubi ille quærendus mediator, quomodo ad ipsum perueniretur: continuo addidit, Homo est. ac si diceret, uobis propinquus est, imò contiguus, caro uestra est. Id scilicet designare uolens, quod alibi significantius explicauit: Non esse nobis pontificem, qui nō possit compati infirmitatibus nostris, quando more nostro sit, absq; peccato, per omnia tentatus. Non erat res uulgaris, quæ mediatori præstanda erat: ut ex filiis hominum, filios Dei faceret. ex hæredibus geennæ, cælestis regni hæredes. Quis hoc poterat, nisi filius Dei, filius hominis fieret? & sic nostrum acciperet, ut suum ad nos transferret? quod suum erat natura, nostrum faceret gratia? Hæc ergo spes nostra est, quod filij Dei sumus: quia naturalis Dei filius, sibi corpus ex corpore nostro, carnem ex carne nostra, ossa ex ossibus nostris composuit, ut idem nobiscum esset. quod nobis proprium erat, ad se pertinere uoluit: ut, quod sibi proprium erat, ad nos pertineret. & ita in cōmune ipse nobiscum & filius Dei esset, & filius hominis. Hæc spes nostra est, quod hære-

ditas



ditas regni cœlestis nostra sit: quia unicus Dei filius, cuius solida erat hæreditas, nos sibi fratres adoptauit quòd si fratres, ergo & hæreditatis participes. Præterea sic nostra referebat, uerum esse Deum & hominem, qui redemptor noster futurus esset. Eius erat mortem absorbere. quis hoc poterat, nisi uita? Eius erat peccatum uincere. quis hoc poterat, nisi ipsa iustitia? Porro quis aut uita est, aut iustitia, nisi solus Deus? Sese ergo clemētissimus Dominus redemptorem nostrum fecit, dum nos redemptos uoluit. Alterum hoc redemptionis nostræ caput erat: ut homo, qui sese sua inobedientia perdiderat, suam confusionem obedientia tolleret: ut iustitiæ Dei satisfaceret, ut pœnas peccati persolueret. Prodiit ergo uerus homo, Dominus noster. Adæ personam induit, nomen assumpsit, ut patri se obedientem pro eo exhiberet, ut carnem nostram in satisfactionē iustitiæ Dei statueret, ut in carne nostra peccati pœnam persolueret. Qui ergo Christum sua aut diuinitate, aut humanitate spoliant, illius quidem uel maiestatem blasphemant, uel bonitatem obscurant: sed non minus fidem nostrā labefactant & euertunt, quæ, nisi hoc fundamento stare non potest. Verbum itaq; caro factum est: & qui Deus erat, simul etiam homo factus est.

Rom. 5

Etus est, ut unus sit idem, & homo & Deus: nō confusione substantiæ, sed unitate personæ. Id hominis exemplo intelligi potest, quem uidemus duabus partibus constitutum: quarum neutra tamen sic alteri permixta est, ut non retineat naturæ suæ proprietatem. Neq; enim, aut anima corpus, aut corpus anima est. Quare & de anima seorsum dicitur, qd̄ in corpus nullo modo cadere potest: & de corpore rursus, quod nulla ratione animæ conueniat. de toto homine, quod nec de anima seorsum, nec de corpore nisi inepte accipi possit. postremo animæ propria ad corpus transferuntur, & corporis propria ad animam. Qui tamen ijs constat, unus homo est, non plures. Huiusmodi uero loquendi formulæ, & unam esse in homine naturam, ex duabus connexis compositam, significant: & duas diuersas subesse naturas, quæ hanc componant. Sic & de Christo scripturæ loquuntur. attribuunt illi interdum, quæ ad humanitatem singulariter referri oporteat: interdum, quæ diuinitati peculiariter competant: nonnunquam, quæ utramq; naturam complectantur, neutri seorsum satis conueniant. postremo, & per idiomatum communicationem ipsius diuinitati assignant, quæ humanitatis propria erant: & humanitati, quæ ad diuinitatem spe

tem spectabant. Horum nihil meum est: sed plana exempla in scripturis extant. Quod de se ipse dicebat Christus: Antequam Abraham fieret, ego sum: ab eius humanitate longe alienum erat. Non enim homo factus est, nisi multis post Abrahamum seculis. Id ergo peculiare erat diuinitatis. Quod seruus patris uocatur, quod creuit ætate & sapientia apud Deum & homines, quod gloriam suam non quæsit; solius humanitatis fuit. Siquidem quatenus Deus est, æqualis est patri: nec augeri ulla re potest, & omnia propter semetipsum operatur. Nec diuinitatis singulare, nec humanitatis fuit, sed utriusq; simul: quod potestatem accepit à patre remittendi peccata, suscitandi mortuos, quod iudex constitutus est uiuorum & mortuorum. Huiusmodi enim prærogatiuis præditus fuit filius Dei, cū in carne manifestatus est. quas & ipse una cum patre, ante mundi constitutionem possidebat: & quæ homini, qui nihil esset quàm homo, dari non poterant. Istius formæ permulta sunt in Euangelio Ioannis. quæ nec diuinitati, nec humanitati bene conueniant: Christi personæ, in qua Deus & homo manifestatus est, optime congruāt. In hunc quoq; sensum accipiendū est quod legitur apud Paulum, Christum redditurum regnum Deo & patri.

Non

Ioan. 8

Iesa. 53. 4

Luc. 2

Ioan. 8

Philip. 2

Luc. 5

Ioan. 5. 8

Acto. 10

1. Cor. 15

Non enim regnum filij Dei, quod initium nullum habuit, finem habiturum est. sed, quomodo post suam abiectionē, gloria & honore coronatus est, & constitutus super omnia: quomodo, postquā semetipsum exinanivit, & patri obedientē se ad mortē præstitit, exaltatus est, & nomē accepit, in quo genu omne fletatur: ita tum & nomen ipsum, & quicquid à patre accepit, patri subiiciet: ut sit Deus omnia in omnibus. Communicatio autem idiomatum siue proprietatum est, quod Paulus dicit Deum suo sanguine acquisisse sibi ecclesiam, & Dominum gloriæ crucifixum. Deus enim proprie sanguinem nō habet, nec patitur. Sed quia uerus Deus & uerus homo Christus sanguinē suum crucifixus pro nobis fudit: quæ in eius humanitate peracta sunt, ad diuinitatē transferuntur. Rursum, cum Christus diceret, neminem in cœlum ascendisse, nisi filium hominis qui in cœlo esset: certe tū non erat in cœlo corpore, quod assumpserat. sed quia ipse idem, erat Deus & homo, propter naturarum unitatem, uni dabat, quod alterius erat. Hæc pluribus persequor, propter eos qui nulla ratione adduci possunt, ut in una Christi persona utriusq; naturæ proprietates obseruent. Ita Christū fatentur Deum, & hominem, & filium Dei. Verum  
 si pro-

Philip. 2

Acto. 20

1. Cor. 2.

Ioan. 3

si proprius inſtes, anim aduerſes non aliter Deum  
& Dei filium ab illis dici, quàm quia conceptus eſt  
ex ſpiritu ſancto, in utero uirginis. qualiter olim Ma-  
nichæi nugabantur, hominem ex traduce Dei ani-  
mam habere, quia legebant Deum illi inſpiſſaſſe  
ſpiraculum uitæ. Atque in erroris ſui patrocini-  
um tumultuoſe urgent, quòd dicitur Deus proprio filio  
non peperciffe: quòd illum ipſum, qui è uirgine naſce-  
retur, filium altiffimi uocari angelus præcepit. Neq;  
ſanè duos Chriſtos facimus: ſed ſimpliciter profite-  
mur eum, qui filius erat æternus Dei, carnẽ noſtram  
induiffe. ſic ut unus idemq; Chriſtus, Deus ſit & ho-  
mo ſed unitis, nõ confuſis naturis. Verum ne adhuc  
ſuperbiant futili ſua obiectione, qua pugnant, Chri-  
ſtum eſſe filium Dei ſecundum humanitatem dunta-  
xat: quia is, q è uirgine natus eſt homo, paſſusq; eſt,  
non alius, Dei filius uocatur: diſcant rationẽ loquen-  
di ſcripturæ, ex uno prophetæ loco, apud quem ſic  
Dominus loquitur. Et tu Bethleem Ephrata, paru-  
la es in milibus Iuda. ex te mihi naſcetur dux, qui  
regat populum meum Iſraël. & egreſſus eius ab ini-  
tio, à diebus æternitatis. Audiūt ne eius ipſius Chri-  
ſti, qui in Bethleem naſcitur, egreſſum eſſe à diebus  
æternitatis? Atqui, ſi in illam dierum æternitatem in-  
tuemur,

Mich. 5



- tuemur, nondum Christus erat. Verum istud quidem: sed filius Dei erat, qui postea factus est Christus. Sic autor epistolæ ad Hebræos: Proximis, inquit, diebus locutus est nobis Deus in dilecto filio suo, quem constituit uniuersorū hæredem, per quem secula etiam fecit. Certe filium esse oportebat, anteq̃ homo fieret, si per eū facta sunt secula. quin & colligere hinc licet, uerbum Dei esse filium Dei. Nam quod Ioannes inquit, per uerbum facta esse omnia: Apostolus ait, per filium. Paulus quoq; adeo perspicue distinguit utramq; appellationem, filij Dei & filij hominis, ut adhuc refragari, non modo cæcitatibus, sed obstinationis fuerit. Primum, dum se ait segregatum esse in Euangelium Dei, quod antè promiserat per prophetas, de filio suo, qui factus fuit ex semine Dauid, secundū carnem, declaratus filius Dei in uirtute. Cur secundum carnem distincte notaret esse filium Dauid, nisi uellet innuere filium Dei, non secundum carnē? Alibi: Ex quibus, inquit, est Christus, secundum carnem, qui est Deus benedictus in secula. An quicquam uolunt apertius, quàm Christum uocari Abrahamæ semen secundum carnem: cæterum, ultra carnem esse Deum benedictum in secula? Rursum id testatum uolo, Nos non negare unum Christum



Christum, uerum esse Deum, & hominem : nec diuinitatem eius ab humanitate per hæc diuelli, sed distinguui. Hæc pulchre cōueniunt, si sobrium habent interpretem, qui tanta mysteria, qua decet religione, tractet. Nihil est autem quod furiosi & phrenetici spiritus non perturbent. Arripiunt attributa humanitatis, ad tollendā diuinitatē: diuinitatis, ad tollendā humanitatē. quæ uero de utraq; natura sic cōiūctim dicta sunt, ut neutri cōueniant, ad tollendā utramq;. Hoc uero quid aliud est, q̄ contendere Christū non esse hominē, quia Deus est: nō esse Deū, quia homo est: nec hominē, nec Deum esse, quia et homo simul & Deus est? Ergo Christus, præter id quod Deus est, assumpta uera carne homo factus est. Hunc ut sic uoce patris & cælesti oraculo appellatus est, ita uere esse Iesum credimus. hocq; nomen, nō aliud, datum hominibus, in quo oporteat saluos fieri. Credimus & Christum ipsum esse: hoc est, omnibus sancti spiritus gratijs perfusum. quæ oleum ideo dicitur, quod j̄ne his aridi & steriles tabescimus. sicq;, ut spiritus super ipsum requieuerit, ac sese totum in eum effuderit: ut de plenitudine eius omnes accipiamus, quicunq; simus per fidem eius consortes ac participes, hac deniq; unctione constitutum esse à patre regem

Luc. 1

Acto. 4

Ps. 41. 8

Ies. 11. 6

Ioan. 1

Psal. 2 tre regem, qui omnem sibi potestatem in cælo & in  
 terra subiiceret : ut in ipso reges essemus, imperium  
 habentes supra diabolum, peccatum, mortem & in-  
 1. Pet. 2 feros. Deinde sacerdotem, qui suo sacrificio patrem  
 Apocal. 1 nobis placaret ac reconciliaret: ut in ipso sacerdotes  
 Psal. 110 essemus: ipso intercessore ac mediatore, patri preces,  
 Hebr. 5. 13. gratiarum actiones, nosmetipsos, & nostra omnia  
 offerentes. Itaq; & Dominum unicum esse ipsum  
 agnoscimus, ut nobis à patre præfectus est. Hunc  
 Rom. 12 mirabili, nobisq; inenarrabili spiritus sancti uirtute,  
 Luc. 1. 2 conceptum esse hominem credimus, in utero sacræ  
 uirginis : ex qua natus homo mortalis, salutem no-  
 strâ, cuius causa uenerat, ut perficeret, corpus suum  
 in miserrimam mortem tradidit, ac suum sanguinem  
 in redemptionis precium effudit. Passus est autem  
 sub Pontio Pilato, iudicis scilicet sententia damna-  
 tus, pro nocente & malefico : ut apud summi iudi-  
 Deut. 21 cis tribunal, eius damnatione absolueremur. Cruci-  
 Gal. 3 fixus, ut in cruce, quæ Dei lege maledicta fuerat, ma-  
 ledictionem nostram sustineret, quam peccata no-  
 Ose. 13 stra merebantur. Mortuus, ut morte sua mortem uin-  
 1. Cor. 15 ceret, quæ nobis imminebat : ac absorberet, à qua  
 Hebr. 2 absorbendi eramus. Sepultus, ut per eius gratiam pec-  
 Rom. 6 cato sepeliatur : à diaboli et mortis imperio liberati.

Quod

Quod uero ad inferos descendit, id significat, affluctum à Deo fuisse, ac diuini iudicij horrorem & seueritatem sensisse: ut iræ Dei intercederet, ac eius iustitiæ, nostro nomine, satisfaceret. ita debitas soluens ac luens poenas, non suæ (quæ nulla unq̃ fuit) sed nostræ iniquitati. Neq; tamen intelligendum est, patrem illi unquam iratum fuisse. Quomodo enim dilecto filio, in quo illi complacitū est, irasceretur? aut quomodo ipse patrē sua intercessione placaret, quem insensum haberet? Sed hoc sensu dicitur diuinæ seueritatis grauitatē sustinuisse, quoniam manu Dei percussus & afflictus, omnia irati & punientis Dei signa expertus est. ut coactus fuerit, urgente angustia, exclamare. Pater: pater, ut quid me dereliquisti? Id sanè dicitur, ipsum descendisse ad inferos: non autem in locum aliquem certum (cui lympi nomen confictum est) commigrasse, quo patres, qui sub ueteri testamento uixerant, ueluti carcere clausi tenerentur, ibi in uinculis ac captiuitate redemptionē suam expectantes: ac eius loci fores ui perfregisse, ut ipsos inde eximeret. Hæc enim fabula, tametsi magnos auctores habet, & hodie quoq; à multis serio pro ueritate defenditur, nihil tamē quàm fabula est. Neq; incum sensum accipi debet Petri locus, quem semper

Psal. 24

Ies. 4. 53

Matth. 3

Matth. 2

1. Pet. 3

obtrudunt, qui eam tueri uolunt : Quod Christus, spiritu ueniens prædicauerit his, qui in carcere erant spiritibus. Hoc enim tantum uoluit Petrus, uirtutem redemptionis per Christum partæ, exhibitã & planè manifestatam eorum spiritibus, qui ante id tempus defuncti fuerant. Fideles enim, qui suam ab illo salutem semper expectauerant, tunc planè & præ-senti aspectu perspexerunt eius uisitationem. Contra, reprobis ipsum unicam esse salutẽ sero percipientes, à qua exclusi essent, nullam sibi spem residuam tunc planius agnouerunt. Quod autem Petrus, nullo discrimine, pios simul & impios in carcere fuisse ait: non ita accipiendum, quasi pii angustijs quibusdam uincti clauderentur: uerum quia obscure, & sub nubium umbris, Christum eminus conspiciebant nondum exhibitum. Hanc eorum anxiam expectationem, quodam schemate, carcerem appellat. Porro scriptura testificatur, tũ in sinu Abraham eois fuisse, ut nunc etiam sunt: hoc est, in requie ac tranquillitate, quæ sit ipsis beatitudinis initiũ. Intelligunt enim se uiuere in Deo. & illi inseparabiliter hære. Quo sensu eximiam consolationem accipiunt, expectantes beatæ resurrectionis diem. Quanquam autem hæc particula de descensu ad inferos, à nõnullis omissa

Luc. 16

Apoc. 6

omissa est, minime tamen est superflua, utpote quæ rerum maximarum maxima mysteria continet.

Præterea, credimus tertia die suscitatum ex mortuis: hoc est, ex eadem morte, qua cæteri homines naturæ lege defunguntur. Atq; in uitam resurrexisse, uerum hominem, non iam tamen mortalem: sed incorruptum, corporeq; & anima receptis glorificatum.

Hancq; esse resurrectionis eius uirtutem, ut iustificati suscitemur per eam à morte peccati, in uitæ nouitate ac iustitiâ. Simul, ut securi simus, omnes olim homines, qui eandem mortem obierunt, suscitandos.

Quoniâ eius resurrectio, certissima est fides & hypostasis resurrectionis hominû. Credimus in cælum ascendisse: quo ascensu aditum regni cælorum, qui in Adam omnibus clausus fuerat, nobis aperuit.

Siquidem cælum in carne nostra, quasi nostro nomine, ingressus est, ut iam in ipso per spem cælum possideamus: adeoq; inter cælestes quodâmodo sedeamus.

Credimus item illic, qualis in carne manifestatus est, sedere ad dexteram patris. Quo significatur, constitutum ac declaratum regem, arbitrum, ac dominum super omnia: nulla creaturæ exceptione, quæ non eius dominio subiecta fuerit. quo, sua uirtute, nos spiritualibus donis ditaret. Itaq; nos sancti-

i 3      ficat,

Rom. 6

1. Cor. 1

Acto. 1

Ioan. 14

Hebr. 2

Ephes.

1. Cor. 1

Hebr. 2

Ephes.

ficat, ac peccatorum sordibus expurgat, gubernat,  
 ac deducit, donec ad sese pertingamus, per mortem:  
 quæ finem quidem nostræ imperfectioni, initium ue-  
 ro afferet beatitudini, quam in ipso obtinebimus. Vt  
 regnum eius & gloria, nostrum sit robur, uirtus, ac  
 aduersus inferos gloriatio. Nec sine magno nostro  
 bono apud patrem nunc est. quin potius, ut nobis  
 ad eū accessum præbeat, ac uiam sternat, nos illi of-  
 ferat, gratiam nobis ab eo impetret, illum perpetuus  
 pro nobis aduocatus ac mediator interpellat, illi pro  
 nostris offensis intercedat, illumq; nobis assidue re-  
 conciliet. Itaq; quanquam in cælum sublatus, corpo-  
 ris sui præsentiam è conspectu nostro sustulit: non  
 tamen auxilio ac potentia desinit adesse suis fideli-  
 bus, manifestamq; præsentiae suæ uirtutem ostende-  
 re. Quod etiam pollicitus est: Ecce, inquit, uobiscum  
 sum usq; ad consummationem seculi. Postremo,  
 credimus ipsum uisibili forma inde descensurū, qua-  
 lis ascēdere uisus est: supremo scilicet die, quo omni-  
 bus simul apparebit, cum ineffabili regni sui maiesta-  
 te, iudicaturus uiuos & mortuos. hoc est, tum, quos  
 dies ille superstitēs deprehendet: tum, qui iam antea  
 morte sublati fuerant. ac mercedem omnibus reddi-  
 turus, secundum opera sua: ut se quisq; fidelem suis  
 operibus,



operibus, aut infidelem probauerit. Quando itaq; totam salutis nostræ summam, ac omnes etiam partes in Christo comprehensas uidemus, cauendum, ne uel minimam salutis nostræ portiunculam alibi repositam arbitremur. Nā in ipso solo cœlestes omnes thesauri sunt reconditi. Vnde quicquid boni expeti potest, ad satietatem hauriant, qui tota expectatione ab eo uno pendēt. Hæc siquidem haud dubie omnia, quæ antè scripta sunt, si nobis ab eo præstantur, qui cunq; ipsa ex eius uerbo certa fide expectamus, nulla prorsus ullius boni pars abesse nobis poterit.

## T E R T I A.

## Credo in spiritum sanctum.

Vbi confitemur, nos credere spiritum sanctum, uerum cum patre ac filio Deum esse, tertiam personam sacrosanctæ trinitatis, patri & filio consubstantialem ac coæternum, omnipotentē, omniumq; creatorem. Sunt enim personæ tres distinctæ, una essentia: ut dictum est. Quæ, ut alta sunt atq; abdita mysteria, ita adorari magis quàm excuti oportet. quando neq; ad ingenij nostri, neq; ad linguæ rationem ac modulos exigī, aut debent, aut queunt. Quare, ut fiduciam omnem in Deo patre, ac unico eius filio repositam habemus, ita & in spiritu sancto habeamus.

mus. Siquidem unus cum patre & filio est Deus no-  
 Rom. 8 ster. Persuasi, non alium esse nobis ad patrem ducto  
 Ephe. 2 rem ac directorem, quàm spiritum sanctum: quemad-  
 1. Cor. 12 modum non alia est uia, quàm Christus. nihil no-  
 bis gratiæ à Deo esse, quàm per spiritum sanctum.  
 cū gratia, ipsa sit spiritus uirtus atq; actio: per quam  
 Deus pater, in filio, quicquid usq̃ est boni, operatur:  
 per quam agit, sustinet, uegetat, ac uiuificat omnia.  
 per quam nos iustificat, sanctificat, expurgat, ad sese  
 uocat ac trahit, ut salutem consequamur. Itaq; spiri-  
 tus sanctus, dum in nobis ad hunc modum habitat,  
 nobis suo lumine illucet: quo discamus, & plane  
 1. Cor. 2 agnoscamus, quàm ingentem diuinæ bonitatis opu-  
 2. Cor. 13 lentiam in Christo possideamus. Corda nostra in-  
 cendit ardore charitatis, tum Dei, tum proximi: ma-  
 gisq; indies excoquit & exurit concupiscentiæ no-  
 Rom. 8 stræ uitia. ut si qua sunt in nobis bona opera, fructus  
 Gal. 5 sint gratiæ ipsius, & uirtutes. Nostræ uero sine ipso  
 dotes, mētis sunt tenebræ, cordisq; peruersitas. Atq;  
 hæc quidem omnia dona, non aliquibus nostris offi-  
 cijs aut meritis rependuntur: sed liberaliter nobis à  
 diuina largitate, & gratuito donantur. Itaq; credi-  
 mus in spiritum sanctum, hunc cum patre & filio,  
 pro uno Deo nostro agnoscetes. pro certo con-  
 stantiq;

stantiq; habentes, ipsius opus ac uirtutem esse, quòd sacrum Euangelij uerbum audierimus, quòd ipsum fide acceperimus, quòd nunc in ea fide perstemus. Opus, inquam, gratuitum: ne quid nostris meritis assignetur. Hæc cum fidelibus omnibus pariter eueniant, debet hæc omnium esse fides.

## Q V A R T A.

Credo sanctam ecclesiã catholicam, Sanctorum communionem, remissionem peccatorũ, carnis resurrectionem, uitam æternam.

Primum, credimus sanctam ecclesiã catholicam: hoc est, uniuersum electorum numerum, siue angeli sint, siue homines: ex hominibus, siue mortui, siue adhuc uiuant: ex uiuentibus, quibuscunq; in terris agent, aut ubiuis gentium dispersi sint, unam esse ecclesiam ac societatem, & unum Dei populum. cuius Christus, Dominus noster, dux sit & princeps, ac tanquam unius corporis caput. prout in ipso diuina bonitate electi sunt, ante mundi constitutionem, ut in regnum Dei omnes aggregarentur. Hæc autem societas, catholica est, id est, uniuersalis: quia nõ duas aut tres inuenire liceat. uerum electi Dei, sic omnes in Christo uniuntur ac coadunantur, ut,

Ephes. 1.  
Coloss. 1.

Roma. 12 quemadmodum ab uno capite pendent, ita in unum  
 1. Cor. 10 uelut corpus coalescant: ea inter se compositione co  
 & 12 hærentes, qua eiusdem corporis membra: uere unum  
 Ephes. 4 facti, qui in una fide, spe, charitate, eodem Dei spiri-  
 tu, simul uiuunt, in eandem uitæ æternæ hæredita-  
 tem uocati. Sancta etiam est: quia quotquot æter-  
 na Dei providentia electi sunt, ut in ecclesiæ mem-  
 bra cooptarentur, à Domino omnes sanctificantur.

Ioan. 17 Atq; hic quidem ordo misericordiæ Dei nobis à  
 Ephes. 5 Paulo describitur, ut, quos ex hominibus elegit, eos  
 Rom. 8 uocet: quos uocauit, iustificet: quos iustificauit, glo-  
 rificet. Vocat, dum ad sese attrahit suos, illis se pro  
 Deo & patre cognoscendum exhibens. Iustificat,  
 dum eos Christi iustitia uestit: qua & pro sua perfe-  
 ctione ornentur, & suam imperfectionem obtegāt.  
 ac sancti sui spiritus benedictionibus eos irrigat, qui  
 bus de die in diem à carnis suæ corruptione expur-  
 gentur, & in uitæ nouitatem regenerentur: donec  
 planè sancti & immaculati, in conspectu eius appa-  
 reant. Glorificabit, cum maiestas regni sui in omni-  
 bus, & per omnia manifestata fuerit. Itaq; Domi-  
 nus, dū suos uocat, iustificat, glorificat, nihil aliud q̃  
 æternā suam electionem declarat: qua huc eos desti-  
 nauerat, anteq̃ nasceretur. Quare nullus in gloriam  
 cælestis

cœlestis regni unquam ingressurus est, qui nō fuerit in hunc modum uocatus, & iustificatus, quando sine ulla exceptione in cunctis hominibus, quos elegit, suam electionem Dominus ad eum modum profert & manifestat. Scriptura sæpe, dum se accommodat sensui nostro, electionem Dei nō uocat, nisi quæ hac uocatione & iustificatione iam manifestata fuerit. Atq; hæc causa est, ut sæpe in populo Dei numeret eos, in quibus Deus uirtutes suas operatus est: quamuis electi non essent. rursum, qui uere electi sunt, eos in populo Dei non recenseat: quia nondum tales declarati sunt. Hic enim nō unam illam & incommutabilem Dei prouidentiam respicit: sed tales nobis Dei filios describit, quales à nobis cognosci possunt: qui scilicet spiritu Dei aguntur. Cum autem ecclesia sit populus electorum Dei: fieri non potest, ut qui uere eius sunt membra, tandem pereant; aut malo exitio perdantur. Nititur enim eorum salus tam certis solidis que fulcris, ut, etiam si tota orbis machina labefactetur, concidere ipsa & corruere non possit. Primum, stat cum Dei electione: nec, nisi cum æterna illa sapientia, uariare aut deficere potest. Titubare ergo & fluctuari, cadere etiam possunt: sed nō colliduntur. quia Dominus supponit

manum

Osee. 2

Rom. 9. 10

&amp; 11

Ioan. 10

- Rom. 11** manum suam. id est quod ait Paulus: Sine pœnitentia esse dona & uocationem Dei. Deinde quos
- Ioan. 6** Dominus elegit, eos Christo filio suo in fidem ac custodiam tradidit: ut neminem ex illis perderet, sed resuscitaret omnes in nouissimo die. Sub tam bono custode, & errare ac labi possunt, perdi certe nō possunt. Præterea sic statuendum: nullum fuisse ab orbe condito tempus, quo non habuerit Dominus ecclesiam suam super terram. nullum etiam fore, usq; ad consummationē seculi, quo nō sit habiturus, quēadmodum ipse pollicetur. Nam etsi statim à principio hominum genus, Adæ peccato corruptum ac uitiatum est: ex hac tamen, ceu polluta massa, semper aliqua uasa sanctificat in honorem. ut nulla sit ætas, quæ non suam misericordiam experiatur. Postremo, sic credenda nobis est ecclesia, ut diuinæ bonitatis fiducia freti, pro certo habeamus, nos quoq; ex ea esse: ac cum cæteris Dei electis, cum quibus uocati, & iā ex parte iustificati sumus, perfectē iustificatum ac glorificatum iri confidamus. Comprehendere quidem nō possumus incomprehensibilem Dei sapientiam, nec eam excutere nostrum est: ut nobis constet, qui æterno eius consilio electi, qui reprobati sint. Verū, neq; id fidei nostræ opus est: quæ abunde hac
- Ioel. 3**
- Psal. 89**  
**& 132**
- Rom. 11**
- Ioan. 1**



de hac promissione secura redditur : Deum agniturem pro filijs, qui unigenitū filium suum receperint. Quis tam improba cupiditate fuerit, qui non contentus se Dei filium esse, aliquid ultra appetat? Quando itaq; in uno Christo bonam Dei patris erga nos uoluntatem, uitam, salutem, & ipsum deniq; regnum ccelorū inuenimus: solus ipse satis superq; nobis esse debet. Hoc enim cogitandum est, nihil penitus nobis defuturum, quod in salutem ac bonum nostrum conducere possit, si ille noster est. illū uero nostrum fieri, & omnia quæ illius sunt: si certa fide in ipsum recumbimus, si in ipso acquiescimus: si in ipso salutem, uitam, omnia deniq; nostra reponimus: si certo expectamus, nunquam futurum, ut nos deserat. Ipse enim obujs manibus sese nobis desert: tantum fide accipiamus. Qui uero Christo non contenti, nitūtur a'tius penetrare, iram Dei aduersum se prouocant. & quia in abyssum maiestatis eius irrūpunt, nihil possunt quā opprimi à gloria. Cum enim Christus Dominus noster, is sit, in quo pater ab æterno elegit, quos uoluit esse suos, ac in ecclesiæ suæ gregem referri: satis clarum testimonium habemus, nos & inter Dei electos, et ex ecclesia esse, si Christo communicamus. Deinde, cum sit ipse idem Christus

Prouer. 25

**Ioan. 1. 14** stus, constans & immutabilis patris ueritas: minime hæsitandum est, quin eius sermo uere nobis enarret patris uoluntatem, qualis ab initio fuit, & semper futura est. Quando itaq; Christum, & quicquid eius est, fide possidemus: certò statuendum, quòd ut ipse dilectus est patris filius, hæresq; regni cœlorũ, ita & nos per ipsum in Dei filios sumus adoptati: & sic eius fratres ac consortes, ut eiusdem simus hæreditatis participes. ob id certi quoq; simus, nos inter eos esse, quos Dominus ab æterno elegit, quos semper est protecturus, quos nunquam perire sinet.

**Rom. 8**

Alioqui frustra, nulloq; fructu, à nobis crederetur esse ecclesia catholica: nisi se quisq; membrum eius esse crederet. Cæterum, de alijs certò censere, an sint ex ecclesia, nec ne: ac electos à reprobis discernere, non nostrum est. Hæc enim singularis est Dei prærogatiua, nosse qui sui sint: ut testatur Paulus. Et ne hominum temeritas eò se proriperet, ipso quotidie euētu admonemur, quàm longe sensum nostrum superent iudicia Domini. Nam &, qui perditissimi uidebantur, & planè deplorati fuerāt, eius bonitate in uiam reuocantur: &, qui præ alijs stare uidebantur, sæpe corruunt. solius Dei oculi uident, qui

**2. Tim. 2**

**Matth. 24** in finē usq; sint perseueraturi: quod demū est salutis caput.

caput. Neq; uero quia Christus affirmauit, solui *Matth. 18*  
ac ligari in cælo, quæ uerbi sui ministri in terra sol-  
uerint, aut ligarint: ex eo sequitur, perspicui à nobis  
posse, qui ex ecclesia sint, qui ab ea alieni. Hac enim  
promissione, non externum aliquod indicium dare  
uoluit, quod nobis ligatos & solutos palàm designa-  
ret, & ob oculos poneret: sed hoc duntaxat pollice-  
ri, eos, qui Euangelicam promissionem, qua Chri-  
stus in redemptionem ac liberationem offertur, in  
terra, id est, in hac uita, ab homine sibi prædicatam,  
audierint, & fide acceperint: eos, inquam, uere sol-  
ui ac liberari in cælo, id est, coram Deo & eius iu-  
dicio. Qui uero respuerint ac contempserint: ijs ab  
ea esse testimonium, quòd in cælo & coram Deo, in  
suis uinculis, atq; adeo in sua damnatione manean-  
t.

Quanquam autem fidei certitudine agnosci à no-  
bis electi non possunt: quando tamen scriptura cer-  
tas quasdā notas nobis describit, ut antea dictū est,  
quibus electos & filios Dei à reprobis & extraneis  
distingueamus, quatenus à nobis uult agnosci: debēt  
quodā charitatis iudicio p electis ac ecclesiæ mēbris  
haberi oēs, qui et fidei cōfessione, & uitæ exēplo, et  
sacramentorū participatione, eundē nobiscū Deū ac  
Christū pfitētur. etiā si aliquid impfectionis in eorū  
moribus

moribus resideat ( ut nullus hic perfectus conspici-  
 tur) modo in suis uitijs non sibi nimium placeant, &  
 blandiantur. ac de ijs bene sperandum fore, ut Dei  
 ductu semper in melius proficiant, donec omnem im-  
 perfectionem exuti, in æternam electorum beatitu-  
 dinem perueniant. His enim notis ac indicatijs scriptu-  
 ra electos Dei, filios Dei, populum Dei, ecclesiam  
 Dei nobis definit, ut à nobis intelligi possunt. Qui  
 uero, aut nobiscum non consentiunt in eandem fi-  
 dem, aut, etiamsi confessionē in labris habēt, Deum  
 tamen, quem ore confitentur, operibus abnegant (ut  
 quos uidemus in omni uita sceleratos ac perditos,  
 peccandi uoluptate ebrios, malisq; suis indormiētes)  
 huiusmodi omnes suis se indicatijs prodūt, non esse ad  
 præsens ecclesiæ membra. In hunc usum consti-  
 tutæ sunt excōmunicationes, quibus à fidelium con-  
 sortio abdicarentur atq; expellerentur ij, qui fidem  
 Christi falso obtendentes, uitæ nequitia, effreniq;  
 peccandi licentia, nihil aliud sunt quàm scandala ec-  
 clesiæ: ideoq; indigni, qui Christi nomine glorien-  
 tur. Primum, ne cum Dei contumelia inter Chri-  
 stianos nominentur: ac si sancta eius ecclesia foret  
 maleficorum ac publice improborum hominum con-  
 iuratio. Deinde, ne frequenti consuetudine alios cor-  
 rumpant

1. Cor. 5  
 Matth. 18  
 1. Timot. 1

rumpant peruersæ uitæ exemplo. postremo, ut eos ipsos pudore cōfusus, suæ turpitudinis pœnitere incipiat: ac ex ea pœnitentia resipiscere tandem discant.

Tales quidem iudicare possumus, pro eo tempore ab ecclesia alienos, quantum cernere datur, ac secundum eius, quam diximus, notitiæ regulam. Verum ne sic quidem desperādi à nobis sunt, quasi extra manum Dei abiecti. Ac omnino nefas est quempiam expungere ex electorum numero, aut desperare, quasi iam perditum: nisi quos forte certò constat, uerbo Dei iam damnatos. ut si quis, data opera, ac destinata malitia, ueritatē oppugnet, ut opprimat Euangelium, ut nomen Dei extinguat, ut spiritui sancto resistat. de ijs enim iā ore Domini pronunciatū est: cū dixit nō remitti peccatū in spiritū sanctū, neq; in hoc seculo, neq; in futuro. Quod raro adeo sentiri à nobis potest (si unq̃ tamen potest) ut sanioris sit consilij, expectare diem reuelationis, nec temere Dei iudicio præire. Plus licentiæ ne nobis in iudicando arrogemus: nisi uolumus Dei uirtutem limitare, ac misericordiæ eius legē dicere. cui quoties uisum est, pessimi in optimos mutantur, alieni inseruntur, extra nei cooptantur in ecclesiam. ut sic hominum opinio nem eludat, & temeritatem retundat: ne sibi iudican

Matth. 12

Hebr. 6. 10

Ioan. 5

1. Cor. 4

k

di ius

Matth. 7 di ius, *suprà* quàm decet, usurpare audeant. Dan-  
 Ro. 12. 14 da potius opera, ut mutuo candore alter de altero, q̃  
 1. Thes. 5 poterit optime fieri, sentiamus. alij aliorum facta ac  
 H. br. 12 dicta uicissim in optimam partem accipiamus: nō ut  
 suspicaces solent, oblique ac sinistre torqueamus.  
 Quod si qui ita peruersi sunt, ut de se bene sentiri  
 non permittant: eos tamen in manum Dei committa-  
 mus, bonitatiq; cōmendemus, meliora de his speran-  
 tes, quàm uidemus. Sic enim fiet, ut & mutua æqui-  
 tate ac patientia nos sufferentes, pacem ac charita-  
 tem alamus: nec stolidè irrūpentes in secretiora Dei  
 iudicia, errorū tenebris nos inuoluamus. Vt uno uer-  
 bo absoluam, nō personam ipsam, quæ in manu atq;  
 arbitrio Dei est, in mortem addicamus: sed tantum,  
 qualia sint cuiusq; opera, æstimemus ex lege Dei,  
 quæ boni & mali regula est. In hunc sensum ac-  
 cipiendæ sunt excommunicationes, non quibus dei-  
 ciantur ex spe salutis, qui coram hominibus abdican-  
 tur ex ecclesiæ grege: sed quibus duntaxat castigentur,  
 donec ex uitæ prioris sordibus in uiam redeant.  
 1. Cor. 5 Quemadmodum Paulus scribit, se tradidisse satha-  
 næ hominem, in interitum carnis, ut spiritus saluus  
 fieret in die Domini: hoc est (ut ego quidem inter-  
 pretor) coniecisse in damnationem temporaneam,  
 ut in



ut in æternum saluus fieret. Itaq; tametsi familia- 1. Cor. 5  
 rius uersari, aut interiorem consuetudinem habere 2. Theſ. ul.  
 cum excōmunicatis, per ecclesiasticam disciplinam  
 non liceat: debemus tamen cōtendere, quibus possu-  
 mus modis, siue exhortatione ac doctrina, siue cle-  
 mentia ac mansuetudine, siue nostris ad Deum pre-  
 cibus, ut ad meliorem frugem conuersi, in societatem  
 ac unitatem ecclesiæ se recipiant. Neq; ij modo sic tra-  
 ctandi sunt, sed Turcæ quoq; ac Sarraceni, cæteri q;  
 ueræ religionis hostes. tantum abest ut probandæ  
 sint rationes, quibus eos ad fidem nostram adigere  
 multi hæctenus moliti sunt: dum aqua & igni, com-  
 munibusq; elementis illis interdicitur, cum omnia illis  
 humanitatis officia denegant, cū ferro & armis per-  
 sequuntur. Quanquam autem, dum adhuc incer-  
 tum est nobis Dei iudicium, censere singulatim non  
 licet, qui ad ecclesiam pertineant, nec ne: ubi tamen  
 cunq; uerbum Dei sincere prædicari atq; audiri, ubi  
 sacramenta ex Christi instituto administrari uide-  
 mus, illic aliquam esse Dei ecclesiam nullo modo am-  
 bigendum est. quando eius promissio fallere non po-  
 test: Vbicunq; duo aut tres congregati fuerint in no- Matth. 18  
 mine meo, ibi in medio eorum sum. Certior au-  
 tem, alia etiam, de ecclesia Dei haberi in terris noti-

tia non potest, nec aliter discerni, qui ex ea sint aut minus. Quin potius nihil horum, nisi fide, intelligitur. quod ipsum significamus, cū dicimus nos ipsam credere. Creduntur enim quæ præsentī oculo spectari nequeūt. Quo planū sit, non rē esse carnalem, quæ sensibus nostris subijci, aut certo spacio circumscribi, aut in sede aliqua figi debeat. Credimus item comunione sanctōrum: hoc est, in ecclesia catholica electis omnibus, qui uera Deum fide simul colunt, esse mutuam bonorum omnium communicationem, ac participationem. Quo non negatur, quin diuersæ sint singulis gratiæ (ut Paulus diuisa esse dona spiritus, & uarie distributa docet) non quin recte atq; ordine proprium singuli teneāt, quod ex politica constitutione possident (ut necesse est sub elementis huius mundi, inter homines, distinctas esse possessiones:) sed huc spectat fidelium communitas, qđ omnia huiusmodi bona, tū spiritus, tū corporis, quatenus æquum est, quantumq; usus postulat, benigne & qua debent charitate, inter se cōmunicant.

Rom. 12

1. Cor. 11

Et sanè quicquid donorum Dei uni obtigit, eius omnes uere fiūt participes: tametsi Dei dispensatione id uni peculiariter datum est, non alijs. Quemadmodum unius corporis membra quadam communi-

tate

tate inter se omnia participant, sunt nihilominus suæ singulis peculiares dotes, distinctaq; ministeria. nã, ut dictum est, in unum collecti ac cõpacti sunt corpus. Hæc est ecclesia catholica, corpus Christi my  
 sticum. Ita proximo capite testati sumus, nos credere ecclesiam. Hoc uero declaramus, qualem ipsam esse credamus. Scio uero hanc partem ab alijs præteriri, ab alijs in alium sensum trahi: sed sum interpre-  
 tatus, qua optima potui fide. Credimus remissionem peccatorum: hoc est, diuina liberalitate, interce-  
 dente Christi merito, peccatorum remissionem ac gratiam nobis fieri, qui in ecclesiæ corpus asciti & inserti sumus. nullam uero peccatorum remissionem aut aliunde, aut ulla alia ratione, aut alijs, dari. Quan-  
 do extra hanc ecclesiam, & hanc sanctorum communionẽ, nulla est salus. Porro ecclesia ipsa constat ac consistit hac peccatorum remissione, hocq; ueluti fundamento suffulta est. Quando peccatorum remissio, uia est, qua ad Deum accedatur: ac ratio, qua nobis concilietur. ideoq; & hæc una nobis ingressum in ecclesiam (quæ ciuitas est Dei, & tabernaculum, quod sibi in habitationem sanctificauit altissimus) aperit: & nos in ea retinet, ac tuetur. Hanc uero remissionem accipiunt fideles, cum pec-  
 k 3 catorum

Ephc. 1

Acto. 10

1. Ioan. 2

Iesa. 33

Osee. 2

Psal. 46

E 87

1. Timot.

catorum suorum cōscientia oppressi, afflicti, & confusi, diuini iudicij sensu consternantur, sibiq; ipsis displicent, & uelut sub graui pondere gemunt ac laborant. hocq; peccati odio, ac sui cōfusione, carnem suam, & quicquid ex se est, mortificāt. Atq; ut hanc pœnitentiam assidue (sic enim oportet) illi quamdiu in carcere sui corporis degunt, prosequuntur: ita sub inde atq; assidue illam remissionem obtinent. Non quòd ita eorum pœnitentia mereatur: sed uisum est Domino, sese hominibus hoc ordine exhibere. ut cū ex suæ ipsorum paupertatis agnitione omnem fastum exuerint, se totos abiecerint, ac sibi planè ipsis uiluerint: tum demum suauitatē misericordiæ, quam illis in Christo proponit, gustare incipiant. qua percepta, respirent, ac se cōsolentur, secure sibi in Christo promittentes & peccatorum remissionē, & beatam salutem. Rursum, qui his gradibus ad Deum non contendunt, nunquam hanc, quæ salutis cardo est, remissionem peccatorū assequuntur. Polleant quam uis splendida operum magnificentia, etiam ad miraculum usq;: omnia tamen eorum dicta, facta, cogitata, Deus abominatur. eo etiā magis, quo maiore sanctitatis speciez homines fallunt: quorum oculi inani illo operum splendore sæpe perstringuntur. Cre-

dimus

dimus carnis resurrectionem: hoc est, futurum, ut  
omnia hominum corpora ex corruptione in incor-  
ruptionem, ex mortalitate in immortalitatem, semel  
suscitentur. atq; hi quidem, qui antea uita defuncti  
fuerint, carnem suam recipiant: siue à uermibus cor-  
rosa fuerit, siue in terra putruerit, siue in cineres re-  
ducta, siue alio quouis modo dissipata. Qui uero tūc  
superstitēs reperientur, suæ etiam carnis corruptio-  
nem exuant: omnes subita immutatione in naturam  
immortalem transeant, pīj quidem in gloriam uitæ,  
reprobi in mortis damnationem. Credimus po-  
stremo uitam æternam: hoc est, futurum, ut tum suos  
Dominus corpore & anima glorificatos in beatitu-  
dinem accipiat, sine fine perstaturam, extra omnem  
mutationis aut corruptionis sortem. quæ uera erit so-  
lidaq; in uitam, lucem, iustitiam, perfectio: cum in se  
parabiliter Domino adhærebimus, qui earum, uelut  
fons inexhaustus, plenitudinē in se continet. Illa ue-  
ro beatitudo, regnum erit Dei, omni claritate, gau-  
dio, uirtute, fœlicitate, refertum: rebus ab hominum  
sensu nunc remotissimis, & quas (ut Paulus ait) nec  
auris audiuit, nec oculus uidit, nec mens hominis per-  
cepit. Cōtrā, impij ac reprobi, qui sincera fide Deū  
non quæsierint ac coluerint, quando nullam in Deo

1. Cor. 15

1. Thes. 4

Acto. 25

Ioan. 5

Matth. 25

1. Cor. 15

1. Cor. 2

ac regno eius partem habituri sunt, in æternam mortem cum diabolis coniicientur. ut extra omne gaudium, uirtutem, & cætera regni cælestis bona, æternis tenebris, æternoq; cruciatu damnati, uermes immortali arrodantur, & igni ardeant inextinguibili.

Matth. 22

Iesa. ult.

Mar. 9

Ac sic quidem credere & sanctorum cõmunio-  
nem, & peccatorum remissionem, & carnis resurre-  
ctionem, & uitam æternam conuenit: ut de Domini  
bonitate confisi, certo statuamus, hæc nobis cum  
omnibus sanctis euentura omnia. Atq; ut quàm  
sit horum omnium certa constansq; ueritas, signifi-  
cetur: utq; sese omnes hac fide confirment, pro se  
quisq; Dominum sibi Deum, Christum sibi saluato-  
rem statuentes, carnisq; suæ resurrectionẽ ac uitam  
æternam expectantes, tota confessio uerbo Amen  
clauditur, quæ probatæ certitudinis nota est. Iam  
uero ubicunq; est uiua hæc fides, quam esse in unum  
Deum ac Christum fiduciã prius ostendimus, ocio-  
sa certe esse non potest: quin simul comites habeat,  
spem, & charitatem. Quæ si penitus desunt, quam-  
libet diserte atq; orate de fide disseramus, nullã ha-  
bere conuincimur. Non quia ex spe aut charitate gi-  
gnitur in nobis fides: uerum, quia fieri omnino non  
potest, quin fidem spes & charitas perpetuo sequan-  
tur



tur. Nam ut de spe prius comprobemus: si fides (ut auditū est) certa est de ueritate Dei persuasio, & nec mentiri nobis, nec fallere, nec irrita esse possit: qui hanc certitudinem conceperunt, simul profecto expectant fore, ut promissiones suas Deus præstet. cum, eorum opinione, non nisi ueræ esse possint. ut, in summa, non aliud sit spes, quàm eorum expectatio, quæ uere à Deo promissa fides credidit. Ita fides Deum ueracem credit: spes expectat, ut in temporis occasione ueritatem suam exhibeat. fides credit nobis esse patrem: spes expectat, ut se talem erga nos semp gerat. fides datā nobis uitā æternā credit: spes expectat, ut aliquando reueletur. fides fundamentum est, cui spes incumbit: spes fidem alit, ac sustinet. Nam ut expectare à Deo nemo quicquam potest, nisi qui prius eius promissis crediderit: ita rursum fidei nostræ imbecillitatem, ne uelut fessa concidat, sustineri ac foueri, patienter sperando & expectando oportet. De charitate nihilo est obscurius argumentum. cum enim fides Christum amplectatur, ut nobis offertur à patre: ille uero non modo sit remissio, iustitia, pax, & recōciliatio apud patrem: sed etiam sanctificatio, & fons aquæ uiuæ: indubie in eo charitatem reperit. quæ donum est & fructus

Gal. 1

k 4

spiritus

spiritus sancti, opusq; eius sanctificationis. En,  
 ut spes & charitas, ex fide ambæ pariter nascantur  
 ac proveniant, eiq; indiuidua copula adiunctæ, ad-  
 nexæq; sint. Neq; tamen de charitate existimandū,  
 quod de spe nuper docuimus: nempe, quod per eam  
 nutriatur, conseruetur, ac stabiliatur fides. siquidem  
 id spei proprium est. quia dum in silentio & patien-  
 tia Dominum expectat, fidem continet, ne nimium  
 festinet: & confirmat, ne uacillet aut hæsitet de fide  
 promissionum Dei. Longe diuersa charitatis ratio,  
 quæ nihil horum habet simile. Qui solent obtru-  
 dere, quod ait Paulus: Si quis, scilicet, omnem fidem  
 habeat, ut montes transferat, charitatem autem non  
 habeat, eum nihil esse: quo euincant, fidem aliquam  
 citra charitatē haberi (quam ipsi informem uocāt:) non  
 animaduertunt, quid in eo loco Apostolo sit fi-  
 des. Cum enim proximo capite disseruisset de uarijs  
 donis spiritus, in quibus reposuerat uirtutes, genera  
 linguarū, prophetiā: & hortatus esset Corinthios,  
 sectari ex ijs meliora, hoc est, unde plus fructus redi-  
 ret ad ecclesiam Dei: subiicit, excellentiorem adhuc  
 uiam se demonstraturum. hæc dona omnia, utcunq;  
 per se excellentia sint, nihil tamen esse, nisi charitati  
 seruiant. esse enim data ad ædificationem ecclesiæ:  
 in quam

in quam nisi conferantur, perdere suam gratiam. Ad id probandum distributione utitur, repetens eadem illa dona, quæ supra recensuerat: sed alijs nominibus. Pro eodem autem usurpat uirtutes & fidem: hoc est, pro dono edendi miracula. Cum autem hæc, siue uirtus, siue fides miraculorum, sit donum particulare Dei, quo abuti quispiam possit, ut dono linguarum, ut prophetia, ut alijs charismatibus: constat, longissime à uera & christiana fide distare. id & in exemplo Iudæ spectare est: qui eam habuit, nihil tamen minus quam fidelis. Quod

Luc. 10

autem ex hoc ipso loco, & alio qui eodem capite sequitur, charitatem spe & fide maiorem esse, asserere contendunt, potius nos charitate quam fide iustificari: nepe, uirtute, & ut ipsi aiunt, potiore: nullo negotio diluitur hæc argutatio. Habemus enim, ad ueram fidem nihil pertinere, quæ primo loco dicuntur. Alterum nos quoque de uera fide interpretamur, qua maiorem esse charitatem dicit. quia magis fructuosa est, quia latius patet, quia pluribus seruit, quia semper uiget: cum fidei usus ad tempus consistat. Quis sano iudicio, imò quis omnino sano cerebro, ex eo ratiocinetur, magis iustificare? Vis enim iustificandi, in dignitate operis sita non est. Sola Dei  
misericor-

misericordia, constat nostra iustificatio: quam dum  
 fides apprehendit, iustificare dicitur. Si quis autem  
 rixator adhuc interpellet, cur fidei nomen tantulo  
 interuallo uarie accipiā: huius interpretationis non  
 leuis ratio mihi constat. Cum enim dona illa, quæ  
 enumerauerat Paulus, fidei & spei quodāmodo sub-  
 sint, quia ad cognitionem Dei spectant: ea omnia  
 κατ' ἀνακεφαλαιώσιν, sub nomine fidei & spei  
 complectitur. ac si diceret: Et prophetia, & lingua,  
 & interpretandi gratia, & scientia, hunc habent sco-  
 pum, ut nos ad cognitionem Dei deducāt. Deum au-  
 tem non, nisi per fidem & spem, in hac uita cogno-  
 scimus. Cū ergo fidem et spem nomino, hæc omnia  
 simul cōprehendo. manent itaq; hæc tria: fides, spes,  
 charitas. hoc est, quāta cūq; sit donorū uarietas, huc  
 omnia referuntur: inter hæc præcipua est charitas,  
 & cætera. Porro cogitandum est, & fidem, &  
 spem, & charitatem, spiritus sancti dona esse: nec  
 posse ullam ex ipsis aut inchoari, aut consistere, nisi  
 Dei misericordia. Itaq; & omnes à Deo petere, non  
 in nobis quærere, discamus: & si quid in nobis aut  
 spei, aut charitatis, aut fidei sentimus, id totum refe-  
 ramus acceptum Deo, cum gratiarū actione. postu-  
 lantes corde & ore, corde uero præsertim: idq; con-  
 tinenter

tinenter, ut eas in nobis tueri, ac indies in melius pro-  
uehere uelit. Sic enim nobis opus est, ut perpetuo au-  
geantur, dum in hac uita sumus. quæ (dum optime  
nobiscum agitur) non aliud est, quàm uia & profe-  
ctus: donec ad Deum plane pertingamus, in quo to-  
ta nostra perfectio sita est.

## DE ORATIONE; VBI & oratio dominica enarratur.

### CAPVT III.



**I**n his quæ hætenus disputata  
sunt, non obscure perspicimus,  
quàm sit homo bonorū omnium  
egenus ac inanis: utq; illi omnia  
desint salutis adiumenta. Quare si  
præsidia quærit, quibus inopiæ suæ succurrat, extra  
se exeat oportet, & aliunde ea sibi comparet. Hoc  
postea uobis explicatum est, Dominum sese nobis  
ultro ac liberaliter in Christo suo exhibere: in quo  
pro nostra miseria, omnem felicitatem: pro nostra  
inopia, opulentiam offerat. In quo cœlestes thesau-  
ros no-

ros nobis aperiat, ut dilectum illum filium suum tota fides nostra intueatur, ab ipso tota nostra expectatio p̄deat, in ipso tota spes nostra hæreat et acquiescat. Hæc quidē secreta est absconditaq; philosophia, & quæ syllogismis erui non potest. sed scilicet eam perdiscūt, quibus oculos aperuit Deus, ut in suo lumine lumen uideāt. Postq̄ uero fide edocti sumus agnoscere, quicquid nobis necesse est, nobisq; apud nos deest, id in deo esse ac Domino nostro Iesu Christo: in quo scilicet omnē suæ largitatis plenitudinē Pater residere uoluit, ut inde, uelut ex uberrimo fonte, hauriamus omnes: superest ut in ipso quæramus, & ab ipso precibus postulemus, qđ in ipso esse didicimus. Alioqui scire Deum bonorū omniū Dominū ac largitorem, qui nos ad se poscendum inuitet: ipsum uero nec adire, nec poscere, adeo nō prodesset: ut perinde id futurū sit, ac si quis indicatū thesaurum, humi sepultum ac defossum negligat. Hoc ergo postremum, quia obiter duntaxat antea dictum, & quasi leuiter attactum est, nunc fusius tractari cōuenit. Porro, esto hæc prima probæ orationis lex, ut omni gloriæ nostræ cogitatione nos abdicemus, ut omnē nostræ dignitatis opinionē exuamus, ut omni nostri fiducia decedamus: dantes gloriā in abiectione nostri, ac hu  
militate

Coloss. 1  
Ioan. 1



militate nostra Domino, ut prophetica doctrina ad- Daniël.  
monemur: Non in iustitijs nostris corā te fundimus  
preces, sed in misericordijs tuis magnis: Exaudi nos  
Domine, Domine propitius sis nobis: Exaudi nos, et  
fac quæ petimus, propter te ipsum. quia inuocatū  
est nomen tuū super populū tuum, & super locū san-  
ctum tuū. Alter uero propheta scribit: Anima tristis Baruch  
et desolata super magnitudine mali, curua et infirma,  
anima famelica, & oculi deficientes, dant tibi gloriā  
Domine. Non secundū iustitias patrū fundimus pre-  
ces in cōspectu tuo, & corā facie tua petimus miseri-  
cordiā Domine Deus noster. sed quia tu es misericors,  
miserere nostri: quia peccauimus corā te. Esto et al-  
tera, ut uerè inopiā nostrā sentiamus, ac serio cogi-  
temus his nos indigere, quæ à Deo nobis, ac in rē no-  
strā, petimus: eaq; nos petere, ut ab ipso impetremus.  
Nā si alius nobis esset sensus, aut animus, oratio no-  
stra ficta impuraq; foret. Vt si quis peccatorū remis-  
sionem à Deo postulet, non certò ac serio se peccato-  
rē cogitans: nihil aliud, quàm sua simulatione Deum  
rideat. Deinde, quæ in Dei duntaxat gloriā petimus,  
ut ea magno desiderij feruore et æstu petamus. ut cū  
petimus nomen eius sanctificari: ardentè ( ut ita di-  
cam ) esurienda & sitienda est illa sanctificatio.

Si

Si itaq; nos peccatorum mole premi ac laborare intelligimus: si rebus omnib. uacuos inspicimus, quæ gratiam apud Deum nobis conciliare possint: ne hic nos sensus terreat, quominus ad ipsum nos conferamus. quando nobis necesse est, cum ad eum accedimus, tales nos cogitare ac sentire. Non enim instituta est oratio, qua nos arroganter coram Deo effera-  
**Luc. 17** mus, aut aliquid nostrū magno æstimemus: sed qua nostras calamitates confiteamur, & apud eum deploremus. quemadmodum filij apud parentes suas querelas familiariter deponunt. Quin hic potius sensus nobis instar calcaris ac stimuli esse debet, quo magis ad orationem incitemur. Ad hanc nostræ egestatis cognitionem duo addidit optimus pater: quibus nos ad orationis studiū uehementer impelleret. Mandatum, quo orare præcipit: promissionem, qua polli-  
**Luc. 11** cetur, impetraturos quicquid petierimus. Mandatum  
**Ioan. 16** sæpenumero repetitum habemus: Petite, uenite  
**Matth. 7** ad me, quærite me, reuertimini ad me, Inuocate me  
 & **11** in die necessitatis uestre. Ac, cum sæpe aliàs, tum  
**Zach. 1** etiam in tertio legis capite: quo prohibemur accipe-  
**Psal. 50** re in uanum nomē Domini. Nam ex quo in uanum  
**Exod. 20** accipere prohibemur, simul etiam iubemur accipere in gloriam: omnem uirtutis, boni, opis, ac præsidij

laudem illi deferendo : dum ab eo hæc ipsa & petimus, & expectamus . Quamobrē nisi ad ipsum confugimus, cum aliqua nos urget necessitas : nisi ipsum requirimus, ac eius opem imploramus: non aliter eius iram prouocamus, quàm si aut alienos nobis deos faceremus, aut idola fabricaremur. siquidem eius uoluntatem in omnium præceptorum contemptu æque contemnimus. Rursum, qui eum inuocant, requirūt, laudem referunt, magna consolatione fruūtur: quòd intelligant sic se agere rem illi acceptam, uoluntatiq; eius seruire. Promissio est: Petite, & accipietis, fiet uobis, exaudiam uos, eruam uos, reficiam uos, confortabo uos, pascam uos in affluentia, non confundimini. Quæ omnia, ut nobis à Deo promissa sunt, ita indubie præstabuntur, si certa fide expectemus. Non enim orationis est meritum aut dignitas, quæ petita obtineat: sed tota exorandi spes in promissione huiusmodi sita est, atque ab ea pendet. Itaq; cum animis nostris statuendum est, nos exauditū iri, non minus quàm exauditus fuerit Petrus, uel Paulus, uel alius sanctorum quilibet ( tametsi maiore quàm nos uitæ sanctimonia præditi fuerint: ) si tamen eadem, ac æque firma fide Deū imploramus. Quādo eodem orandi mandato, eadem exorandi promissione instru-

Matth. 7

Luc. 11

Ioan. 16

Mar. 11

Ies. 65

Iere. 29

Psal. 50. 9

Matth. 18

Et ar-

Etiam armatiq; sumus. Deus uero non ex personæ digni-  
 tate orationis preciū æstimat: uerū ob fidē dūtaxat,  
 in qua & suo præcepto obediunt, & suæ promissio-  
 ni confidunt. Rursum qui Dei promissione parum se-  
 curi, ueritatem eius in dubium uocant: atq; ita dubij  
 & hæsitantes an exaudiēdi sint, Deum ipsum inuo-  
 cant, nihil proficiunt (ut inquit Iacobus.) quos etiam  
 fluctibus comparat, qui à uento uarie mouentur &  
 circumferuntur. Deinde cum Dominus iuxta suam  
 cuiq; fidem fieri affirmet: sequitur, citra fidem nihil  
 assequi nos posse. - Quando uero nemo est homi-  
 num dignus, qui Deo se repræsentet, ac in eius con-  
 spectum prodeat: ipse cœlestis pater, ut nos hac con-  
 fusione eximeret, quæ nostros omnium animos dei  
 cere debebat, filium nobis suum donauit Iesum, Chri-  
 stum Dominum nostrū: qui apud ipsum nobis sit ad-  
 uocatus et mediator, cuius ductu ad ipsum secure ac-  
 cedamus. tali intercessore confisi, nihil, quod eius no-  
 mine petierimus, nobis denegatum iri: ut illi à patre  
 nihil denegari potest. Thronum quoq; Dei, non ma-  
 iestatis tantum esse thronum, sed gratiæ: apud quem  
 eius nomine cum omni fiducia apparere audeamus,  
 misericordiam consecuturi, & gratiam inuenturi in  
 auxilio opportuno. Atq; ut lex de inuocando

Deo

Deo posita est, ut promissio data, exauditum iri qui *Ioan. 14*  
 inuocauerint: ita in nomine Christi inuocare pecu- *et 16*  
 liariter iubemur, & promissionem habemus propo-  
 sitā, impetraturos, quod in eius nomine petierimus.

Hinc, sine controuersia, clarum est, eos qui in  
 alio quā Christi nomine Deum inuocāt, illius ius-  
 sa contumaciter præuaricari, ac uoluntatem pro ni-  
 hilo reputare: nullā uero promissionē habere, quic-  
 quam impetrandi. Siquidem ( ut ait Paulus ) omnes *2. Cor. 1*  
 Dei promissiones, in Christo sunt Etiam, & Amen: *Ioan. 14*  
 id est, confirmantur & implentur. Porro cū sit ipse  
 unica uia, ac unus accessus, quo ad Deum ingredi no-  
 bis datur: qui ab hac uia defleunt, & hunc acces-  
 sum deserūt, ijs neq; uia ulla, neq; accessus ad Deum  
 superest: nihil in eius throno reliquum habent, præ-  
 ter iram, iudicium, ac terrorē. Deniq; cum hunc pro *Ioan. 6*  
 capite ac duce pater nobis signauerit: qui ab eo ullo  
 modo declinant uel obliquant, conantur, quantum  
 in se est, notam à Deo impressam delere & adulte-  
 rare. Quantum ad sanctos attinet, qui mortui in  
 Christo uiuunt: ne somniemus ijs ipsis aliam esse ro-  
 gandi Dei uiam, quā Christum ( qui solus uia est: )  
 aut alio nomine Deo esse acceptos. Itaq; postquam  
 scriptura nos ab omnibus ad Christum unum reuo-

**Coloss. 1** cat, postquam cœlestis pater uult omnia in ipso re-  
**Ephes. 1** colligi, error est, accessum per sanctos uelle nobis  
 moliri, quem neq; sibi ipsi præstare possunt. Præte-  
 rea cum in unam Dei uoluntatem omnia sua deside-  
 ria referant, hanc intueantur, in ea acquiescant: stoli-  
 de & carnaliter, atq; etiam contumeliose de ijs cogi-  
 tat qui aliam ipsis orationem assignat, quàm qua re-  
 gnum Dei aduenire expetant. Quod ut piorum sa-  
 lute, ita reproborum confusione implebitur. Quare  
 non expectandū est, iuuari nos eorum orationibus  
 quicquā posse: nisi partem in Christo habuerimus,  
 & pars regni eius fuerimus. Quemadmodum etiam  
 rursum, si Christi participes fuerimus, secure statue-  
 re debemus, à nobis stare quicquid ex Deo est: to-  
 tamq; ecclesiam, cuius sancti illi membra sunt, pro  
 nobis orare: dum orat, ut regnum Domini sui adue-  
 niat. Iam uero, tametsi in hunc modum pro no-

**1. Tim. 2** bis orant: non tamen à nobis inuocandi sunt. Neq;  
**Iacob. 7** id agendum ex eo protinus consequitur, quòd qui in  
 terris degunt homines, uicissim alter alterius preci-  
 bus cōmendare se possunt. Hoc enim alendæ in ipsis  
 charitati officium seruit, dum suas inter se necessita-  
 tes ueluti partiuntur, & mutuo suscipiunt. Quæ ra-  
 tio abest à mortuis, quos à nostro contubernio Do-  
 minus



minus subduxit. Quorum tamen si erga nos semper  
uiget charitas, ut sunt una in Christū fide nobiscum 1. Cor. 13  
deuincti, nullum tamen remanet nec linguæ. nec au-  
ditus commercium. Nam secus affirmare, quid est,  
nisi p̄ temulenta cerebri nostri somnia, uelle in abdi-  
ta Dei iudicia sine eius uerbo penetrare & perrum-  
pere, ac scripturam conculcare? quæ toties carnis  
nostræ prudentiam, sapientiæ Dei inimicam pronun- Deut. 12  
ciat: uanitatem sensus nostri in uniuersum damnat,  
prostrata omni nostra ratione, solā Dei uoluntatem  
à nobis uult spectari. Hæc uero ipsa Christum uni-  
ce nobis offert, ad ipsum nos mittit, & in ipso sistit.  
Ipse, inquit Ambrosius, os nostrum est, per quod pa-  
tri loquimur: oculus noster, per quem patrem uide-  
mus: dextra nostra, per quam nos patri offerimus.  
quo nisi intercedente, nec nobis, nec sanctis omni-  
bus, quidquam cum Deo est. Porro qui sibi ex  
sanctis peculiare patronos cooptant ac deligunt,  
qui singulari aliqua eorum cōmendatione adiutū se  
iri sperant, sunt in eos non parum contumeliosi. Eos  
enim ab unica illa uoluntate retrahunt, quam statim  
(ut diximus) & immotā in Deo habent, ut regnum  
eius adueniat: dum carnalem illis affectū affingunt,  
qui in unum aut alterum suum cultorē sit propēsior.

Qui uero illos sibi mediatores faciunt, ac si se Christus deficeret, aut nimium sibi seuerus esset: ipsum inhonorant, & solius mediatoris titulo spoliant. qui ut illi in singularem prerogatiuam à patre datus est, ita neq; aliò transferri debet. Atq; hoc quidem ipso gloriam natiuitatis ipsius obscurant, crucem euacuant: quicquid deniq; in salutem nostram aut fecit, aut passus est, sua laude exuunt ac defraudant. Siquidem huc tendunt omnia, ut solus sit & habeatur mediator. Simul Dei benignitatem abiiciunt, qui se illis in patrem exhibebat. Non enim illis pater est, nisi Christum sibi esse fratrem agnoscant. Quod plane abnegant, nisi fraterno esse erga se affectu, quo nihil mollius esse potest, cogitant. Sed hoc quosdam scilicet mouet, quod sanctorum orationes saepe leguntur exaudita.

**Psal. 22.** Cur? Nempe, quia orarunt. In te sperauerauerunt, inquit Propheta, & salui facti sunt: clamauerunt, & non sunt confusi. Oremus ergo & nos eorum exemplo, ut eorum instar exaudiamur. Nos uero, contra quam decet, praepostere ratiocinamur: non exauditum iri, nisi qui semel exauditi sunt. Quanto melius Iacobus? Helias, inquit, homo erat nobis similis, & precatione precatus est, ne plueret: & non pluit super terram annos tres, & menses sex. Rursum orauit, & coelum

lum dedit pluuiam, & terra dedit fructū suum. Quo non aliquam Heliae prærogatiuam colligit, sed uim orationis docet, ut nos ad similiter orandum exhortetur. Orationis (ut hoc nomen nunc accipimus) duæ sunt partes, petitio, & gratiarum actio. Petitio ne cordis nostri desideria apud Deū deponimus, petentes ab ipsius bonitate, primum quæ ipsius duntaxat gloriæ seruiunt: deinde quæ usibus etiā nostris conducunt. Gratiarum actione eius erga nos benefacta recognoscimus, & cum laude confitemur: accepta ferentes eius bonitati omnia, quæ uspiā sunt, bona. Vtrunq; uno uersu David complexus est, cum in persona Dei ita scripsit: Inuoca me in die necessitatis, eruam te, & glorificabis me. Vtraq; in usu nobis esse cōtinenter debet. Tanta est enim nostra inopia, tanta rerū angustia nos undiq; urget ac premit, ut satis sit causæ omnibus, etiā sanctissimis, cur assidue gemant ac suspirent ad Deū, supplicesq; ipsum inuocent. Ad hæc, tanta ac tā effusa benefactorum Dei largitas nos penè obruit, tot ac tā ingentia eius miracula, quaquauersum spectes cernuntur: ut nunquam nobis desit laudis gratiarumq; actionis argumentum ac materia. Atq; ut hæc planius aliquanto explicentur. cum sic in Deo spes omnes opesq;

1. Tim. 3

Psal. 50

Luc. 18.

Ephes. 5

nostræ sitæ sint (quod iam antea satis probatū est:)  
 ut neq; nos, neq; nostra omnia, prospere habere, nisi  
 eius benedictione, possimus: assidue nos ei cōmende-  
 mus, nostraq; omnia cōmittamus oportet. Deinde  
 quicquid deliberamus, loquimur, agimus, sub eius ma-  
 nu ac uoluntate, sub spe deniq; auxiliij eius delibera-  
 mus, loquamur, agamus. Omnes enim à Deo male-  
 dicti pronunciantur, qui sui alteriusue cuiuspiam fi-  
 ducia, consilia agitant ac statuunt, qui extra eius uo-  
 luntatem, ipsoq; non inuocato, quicquā moliuntur,  
 aut inchoare tentant. Cum autem dictum sit,  
 agnoscendum esse ipsum bonorum omniū autorem:  
 consequitur, tanquam ex eius manu suscipienda esse  
 omnia, cum assidua gratiarum actione. nullamq; esse  
 iustam rationem, qua eius beneficia usurpemus, quæ  
 nullo fine ab eius largitate nobis fluūt ac proueniūt:  
 nisi etiam in laude eius confitenda, & gratijs agen-  
 dis assidui simus. Paulus enim dum testatur, per uer-  
 bum & orationē sanctificari: simul innuit, sine uer-  
 bo & oratiōe minime sanctificata esse. Per uerbum  
 scilicet, fidē metonymice intelligens. Hæc ratio est,  
 cur alibi Paulus sine intermissione orare iubeat. uo-  
 lens omni tempore, omni hora, omni loco, omnibus  
 in rebus, erecta esse ad Deum, omniū uota: quæ &  
 omnia

Iacob. 4

1. 30. 31

1. 12. 4

Thes. 5

1. 12. 2

omnia ab eo expectent, & omnium laudem illi referant. ut perpetua laudandi orandiq; argumenta nobis proponuntur. Hæc autem orandi assiduitas,

propriæ ac priuatas cuiusq; respicit: nihil ad publicas ecclesiæ oratiões pertinet. quæ nec assiduæ esse possunt, nec aliter etiam fieri debent, quàm ex politia: quæ cōmuni inter omnes consensu conuenerit.

Ideo & certæ horæ condicuntur ac præstituuntur, ut apud Deum indifferentes, ita hominū usibus necessariae: ut omnium cōmoditati prospectum sit, & omnia decenter & composite (iuxta Pauli sententiam) in ecclesia administrentur. Huc & loca

1. Cor. 14

publica destinata sunt, quæ tēpla dicimus. non quæ secreta aliqua sua sanctitate orationes magis sanctificent, uel exaudiri à Deo faciant: sed quæ fideiū congregationem cōmodius accipiant, dum ad orandum, ad audiendam uerbi prædicationem, ad sacramenta suscipienda simul conueniunt. Alioqui (ut ait Paulus) nos ipsi sumus uera Dei templa: qui si orare in

1. Cor. 3.

Dei templo uolumus, in nobis ipsis oremus. Qui uero aurem Dei propius sibi in templo admotam opinantur, aut sacratiorem loci sanctitate orationem ducunt, hoc pro Iudæorū aut gentiū crassitie faciunt: carnaliter Deū adorantes, contrā quàm præceptum

2. Cor. 6

**Ioan. 4** est, ut sine ulla loci discretionē, in spiritu & ueritate adoremus. Quando uero hunc esse orationis scopum iam prius dictum est, ut erecti in Deum animi ferantur, tum ad confessionem laudis, tū ad opem implorandam: ex eo intelligere licet, primas eius partes in mente & animo positas esse. Vel potius orationē ipsam, esse proprie interioris cordis affectum: qui apud Deum, cordiū scrutatorem, effunditur & exponitur. Quamobrem Christus Dominus noster, cum optimam orandi legem ferre uellet, iussit intrare in cubiculum: ibiq; ostio clauso, orare patrem nostrum in abscondito: ut pater noster, qui est in abscondito, nos exaudiat. Nam ubi ab hypocritarum exemplo abstraxit, qui ambitiosa precum ostentatione hominum fauorem captant: simul adiicit, quid sit melius: intrare scilicet cubiculum, & clauso ostio ibi orare. Quibus uerbis (ut ego interpretor) tota cogitatione in cor nostrum descendere & ingredi nos docuit, propinquū nobis Deum talibus animi affectibus promittēs: cuius templa esse debent, corpora nostra. Neq; enim negare uoluit, quin alijs quoq; locis orare expediat: sed esse quiddam secretum ostendit, orationem, quæ & in animo potissimum locata sit, & eius tranquillitatem, procul omnibus curarū tur-

bis,



bis, maxime requirat. Hinc plusquam clarum est, neq; uocem, neq; cantum (si in oratione intercedāt) habere quicquā momenti, aut hilum proficere apud Deū: nisi ex alto cordis affectu profecta. Quin eius iram aduersum nos prouocant, si è summis duntaxat labris & gutture exeunt. quando id est sacrosancto eius nomine abuti, ac eius maiestatem derisui habere. ut ipse per Prophetam affirmat: Populus, inquit, iste appropinquat mihi ore suo, & labijs suis me honorat: cor aut eorum longe est à me. & Timuerunt me mādato & doctrina hominū. propterea ecce faciā in populo hoc, miraculū grande & stupendum. Peribit enim sapiētia à sapientibus eorū, & prudētia seniorū euanesceat. Neq; tamē uocē, aut cantum hic dānamus: modo animi affectū sequantur, eiq; seruiant. Sic enim mentē in Dei cogitatione exercent & intentā retinēt: quæ (ut lubrica est) facile remittitur, & in uaria distrahitur. Præterea, cum Dei gloria in singulis corporis nostri partib. elucere quodāmodo debeat, cōuenit præsertim linguā huic ministerio ad dictā esse ac deuotā, tum canendo, tū loquendo. quæ peculiariter ad enarrandā prædicandāq; Dei laudē condita est. Potissimus uero linguæ usus est in orationibus publicis, quæ in fidelīū cōuentu habentur.

quibus

Iesa. 29  
Matth.

quibus hoc agitur, ut Deum, quem uno spiritu, eademq; fide colimus cōmuni una uoce, & ueluti eodem omnes ore pariter glorificemus. idq; palàm, ut omnes uicissim, à suo quisq; fratre, cōfessionem fidei accipiant, ad cuius exemplū inuitentur. Quo etiam plane constat, nō Græco inter Latinos, nec Latino inter Gallos aut Anglos (ut hactenus passim factitatum est: ) sed populari sermone concipiendas esse publicas orationes, qui uulgo à toto cœtu intelligi possit. quandoquidē in totius ecclesiæ ædificationem fieri conuenit: ad quam ex sono non intellecto nullus penitus fructus redit. Apud quos uero nulla est charitatis ratio, ij saltem Pauli autoritate moueri debebant, cuius uerba minime ambigua sunt: Si benedixeris, inquit, spiritu, is qui implet locum idiotæ, quomodo ad tuam benedictionem dicet Amen? quādoquidem quid dicas nescit. nam tu gratias agis: sed alius non ædificatur. Sic tamen omnino sentiendum. nulla ratione fieri posse, nec in publicā oratione, nec in priuata, ut lingua sine animo, Deo accepta sit. Præterea, tantam esse debere uim atq; ardorem eius quod mens cogitat, ut totum longe superet, quod lingua enunciando exprimere potest. Postremo, ne esse quidem orationi priuatae necessariam linguam

linguam: interior sensus sibi ipse ad incitationem satis esset. ut optimæ interdum orationes uoce careāt. quo modo in exemplo Moschæ & Hannæ spectatur. Nunc certior orandi non modo ratio, sed forma quoq; ipsa discenda est. Ea scilicet, quam per dilectum filium suum nobis cœlestis pater tradidit. ubi immensam bonitatem ac mansuetudinem agnoscere licet. Nam præterquam quod nos monet atq; hortatur, ut se in omni nostra necessitate quæramus (ut filij in parentum fidem cōfugere solent:) quoniam uidebat, ne id quidem satis nos perspicere, quàm angusta esset nostra paupertas, quid æquū postulare, quid etiam è re nostra esset: huic etiā nostræ ignorantie occurrit. & quod captui nostro deerat, de suo ipse suppleuit ac suffecit. Conscripsit enim nobis formulam: qua, uelut in tabula, proposuit, quicquid à se expetere licet, quicquid in rem nostram cōducit, quicquid postulare necesse est. Ex qua eius benignitate magnum consolationis fructū percipimus. quod nihil absurdum, nihil alienum aut importunū, nihil deniq; non illi acceptū, postulare nos intelligimus, qui penè ex eius ore rogamus. Hæc orādi seu forma, seu regula, sex petitionibus cōstituta est. Nā, ne ijs accedam, qui septem capitulis distinguūt: facit, quòd apud

Lucam

Exod. 1.

1. Reg. 1.

Matth. 6.

Luc. 11

Lucam sex duntaxat leguntur: qui sanè orationē man-  
cam non reliquisset. Vt iam quod septimo loco apud  
Matth. additū est, exegetice ad sextam petitionē refe-  
rendum sit. in his autē omnibus tametsi gloriæ Dei  
ratio imprimis habenda est: rursum tametsi oēs in rē  
nostrā sunt, atq; ita euenire, ut petimus, expedit: prio-  
res tamē tres, dei gloriæ peculiariter destinatæ sunt:  
quam solam in illis intueri nos oportet, nullo cōmodi  
nostri (ut aiūt) respectu. Tres reliquæ, nostri curam  
gerunt: ac proprie ijs, quæ ex usu nostro sunt, postu-  
landis sunt assignatæ. Vt cum nomen Dei sanctifica-  
ri petimus: nihil tum de nostro cōmodo cogitandum  
est, sed eius gloria nobis proponēda est, quam inten-  
tis oculis unā intueamur. nec aliter in huiusmodi pre-  
cibus affecti esse debemus. Atq; hoc quidē ipsum no-  
bis in magnum cōmodum cedit: quod dum ita, ut pe-  
timus, sanctificatur, fit etiā nostra sanctificatiō. Sed  
ad huiusmodi utilitatem oculi nostri (ut dictum est)  
uelut cæcutire debēt, ne in ipsam ullo modo respici-  
ant. Vt si omnis spes priuati nostri boni præcisa esset  
hæc tamē sanctificatio, & alia quæ ad Dei gloriam  
pertinent, à nobis & optari, & precibus postulari  
non desinant, ut in exemplis Mosche & Pauli spe-  
ratur, qui mentes & oculos à seipsis auertentes, ue-  
hementi

hementi incensoq; Zelo suam ipsorum perditionem expetebant: ut uel suo dispendio, gloria & regnum Dei promoueretur. Rursum, cū panem nostrū quotidianū nobis dari petimus: tametsi optamus quod est nostri cōmodi, tamē hic quoq; Dei gloriam quærere præsertim debemus. Vt ne petituri quidem simus, nisi in Dei gloriam uerteret.

PATER NOSTER QVI ES  
in cœlis.

Primum, in ipso limine occurrit, quod antea diximus. omnem à nobis orationem offerri Deo debere in Christi nomine, ut nulla alio nomine commendari illi potest. Nam ex quo patrem uocamus Deum, nomen certe Christi prætendimus. Qua enim fiducia Deum aliquis patrem nominaret, quis huc temeritatis prorūperet ut sibi honorē usurparet filij Dei, nisi in Christo adoptati essemus in filios gratiæ? Qui cum uerus sit filius, nobis in fratrem ab ipso datus est. ut quod natura ipse proprium habet, adoptionis beneficio nostrū fiat: si tantam beneficentiā certa fide amplectimur. Quemadmodum Ioannes ait, datam esse potestatem ijs qui credunt in nomē unigeniti filij Dei, ut filij Dei ipsi quoq; fiant. Itaq; et patrē se nostrum appellat, & sic à nobis uocari uult. Hac tanta  
hominis

Ioan. 1

nominis suauitate omni nos diffidentia eximens.  
 quando nullus alibi maior amoris affectus, quàm in  
 patre reperiri possit. Ipsius uero charitas tanto erga  
 nos maior præstantiorq; est omni parentum nostro  
 rum charitate, quanto ipse omnes homines bonitate  
 ac misericordia superat. Vt si, quotquot in terra sunt  
 patres, omni paternæ pietatis sensu exuti, filios desti-  
 tuerint, ipse nobis nunquam defuturus sit: quoniam  
 se ipsum negare non potest. Habemus enim eius pro-  
 missum: Si uos cū mali sitis, nostis bona dare filiis ue-  
 stris: quāto magis pater uester qui in cælis est? Quod  
 si filij eius sumus: ut filius in fidem extranei alieniq;  
 hominis se conferre non potest, nisi simul de patris  
 uel sæuitia, uel inopia queratur: ita aliunde subsidia q̃  
 ab ipso quærere nō possumus, nisi ex p̃brata illi ege-  
 state ac facultatū inopia, uel sæuitia, nimiaq; austeri-  
 tate. Nec causemur, nos merito timidos reddi pec-  
 catorū consciētia: quæ patrem, quāuis bonū ac man-  
 suetū, tamen nobis offensum reddiderint. Nā si inter  
 homines, nullo meliore patrono causam suā apud pa-  
 trē filius agege potest, nullo meliore interprete perdi-  
 tam eius gratiā sibi cōciliare, q̃ si ipse supplex ac de-  
 missus culpamq; agnoscens, patris misericordiam im-  
 ploret: (non enim tum se paterna uiscera dissimulare  
 possunt,

Tim. 2  
 Matth. 7

Cor. 1



possunt, quin ad tales preces commoueantur) quid ille pater misericordiarum, & Deus totius consolationis? an non potius filiorum pro se deprecantium lachrymas & genitus exaudiet (cum præsertim ad id nos inuitet & exhortetur) quàm quæuis aliorum patrocinia? ad quorum præsidia ideo suffugiūt: quia de patris sui mansuetudine ac clementia hæsitant.

Hanc paternæ mansuetudinis exuberantiā nobis Luc. 15 in parabola pingit ac repræsentat: ubi pater filium, qui ab eo se alienauerat, qui substantiam eius dissolute prodegerat, qui grauius in eum deliquerat, obuijs ulnis amplectitur. nec expectat donec uerbis ueniā postulet, sed ipse anteuertit, redeuntem eminus agnoscit, ultro illi occurrit, solatur, in gratiā recipit. Hoc enim tantæ mansuetudinis exemplū in homine spectandum proponens, docere nos uoluit, quàm effusio-  
riorem expectare debeamus à se, non modo patre, sed patrum omnium longe optimo ac clementissimo: quæuis ingrati, rebelles, ac improbi filij. modo tamē in eius misericordiam nos coniiciamus. Ac quo certio-  
riorem fidem faceret, se huiusmodi patrem nobis ipsis esse (si christiani sumus: ) nō modo pater, sed nominatim noster dici uoluit. Ac si in hunc modū cum eo ageremus. Pater, qui tanta in filios pietate es præ-  
ditus,

ditus, tanta ad ignoscendum facilitate, nos filij tui te appellamus ac poscimus, securi ac planè persuasi, nō alio te esse erga nos affectu, quā paterno: quantūvis indignos tali patre. Quod autem non ita institumur, ut suum quisq; patrem peculiariter nominet, sed potius, ut nostrum in cōmune omnes uocemus: ex eo admonemur, quantū fraternæ dilectionis affectum inter nos intercedere oporteat: qui talis patris communes sumus filij. Nam si unus omnibus nobis communis est pater, à quo prouenit quicquid omnino boni obtingere nobis potest: nihil inter nos diuisum esse decet, quod non magna animi alacritate parati simus alter alteri cōmunicare, quantum usus postulat. Iam si ita, ut par est, uicissim manum porrigere atq; opem ferre cupimus: non est in quo magis cōmodare fratribus possimus, quā si optimi patris curæ ac prouidentiae commendemus. quo propitio ac fauente, nihil omnino desiderari potest. Et sanè hoc ipsum patri etiam nostro debemus. Vt enim qui patrem aliquem familias uere & ex animo diligit, totam simul eius domum amore ac beneuolentia complectitur: ad hunc modum, quo simus in hunc cœlestem patrem studio atq; affectu, erga eius populum, eius familiam, eius deniq; hæreditatē ostendere conuenit,

uenit : quam tantopere honorauit, ut plenitudinem Ephc. 1  
 unigeniti filij sui uocauerit. Ad hanc igitur legem,  
 Christiani hominis orationem exigi oportet, ut com-  
 munis sit, ac omnes cōplectatur, qui illi sunt in Chri-  
 sto fratres. Neq; solum quos tales ad præsens uidet  
 atq; cognoscit, sed omnes qui super terrā agunt ho-  
 mines. De quibus quid statuerit Dominus, extra no-  
 titiam nostram est: nisi quod illis optima optare, &  
 sperare debemus. Etsi præ alijs, in domesticos fidei  
 singulari quodam affectu propensi esse debemus:  
 quos apostolus peculiariter nobis omni in re com- Gal. 6  
 mendauit. In summa, sic debent omnes esse ora-  
 tiones: ut in eam spectent cōmunitatem, quam Do-  
 minus noster in regno suo ac domo sua constituit.  
 Neq; id tamen obest, quo minus & pro nobis, &  
 pro certis alijs orare specialiter liceat. modo tamen  
 animus ab huius cōmunitatis contemplatione non di-  
 scedat, nec defleat quidem, sed omnia istuc referat.  
 Nam quamuis singulariter cōcipiantur: quia tamen  
 ad eum scopum diriguntur, communes esse non de-  
 sinūt. Id totum similitudine facile intelligi potest.  
 Generale est Dei mandatum de subleuanda paupe-  
 rum omnium egestate. Et huic tamen obediunt, qui  
 in eum finem eorum inopiæ succurrunt, quos labo-

rare aut norunt, aut uident: etiam si multos prætere-  
 unt, qui non leuiori necessitate premuntur: uel quia  
 nō omnes nosse, uel quia nō omnibus sufficere pos-  
 sint. In hunc modum, neq; ij uolūtati Dei repugnāt,  
 qui cōmunem hanc societatem ecclesiæ spectantes  
 & cogitātes, huiusmodi particulares orationes con-  
 cipiunt, quibus, publico animo, singularibus uerbis,  
 se aut alios Deo cōmendant: quorum necessitatem  
 propius sibi innotescere uoluit. Quanquā nō omnia  
 quidem in oratione, & facultatum erogatione, sunt  
 similia. Nam benignitas largiendi exerceri non nisi  
 erga eos potest, quorum perspecta est nobis inopia.  
 iuuare autem oratione uel alienissimos & ignotissi-  
 mos licet, quantumlibet longo terrarum interuallo à  
 nobis disiti sint. Id autem fit per generalē illam pre-  
 cationis formulam, qua omnes filij Dei cōtinentur,  
 in quibus & illi sunt. Adscribitur, ipsum esse  
 in cœlis. Ex quo, non protinus raciocinandum est,  
 ipsum cœli circumferentia, quasi cancellis quibusdā,  
 inclusum & circumscriptū alligari. Siquidem & So-  
 3. Reg. 8 lomōn confitetur, cœlos cœlorum eum capere non  
 1es4. 66 posse. & ipse per prophetam ait, cœlum suam sedem  
 et. 7. 17 esse: terram autem, scabellum pedum suorum. Quo  
 scilicet significat, non certa aliqua regione se limita-  
 ri, sed

ri: sed diffundi per omnia. Verum, quia aliter inenarrabilem eius gloriam mens nostra, pro sua crassitie, concipere non poterat: nobis per cœlum designata est, quo nihil augustius, aut maiestate plenius sub aspectum nostrum uenire potest. Quare, hoc perinde est, ac si dictus esset potens, sublimis, incomprehensibilis. Id uero dum audimus, exerenda est altius nostra cogitatio, cū de Deo sermo est: ne quicquā terrenū aut carnale de eo somniemus, ne ipsum nostris modulis metiamur, ne eius uoluntatem ad nostros affectus exigamus.

## PRIMA. PETITIO.

## Sanctificetur nomen tuum.

Dei nomine hic eius potestas indicatur, quæ omnibus eius uirtutibus constat: ut, eius potentia, sapientia, iustitia, misericordia, ueritate. in hoc enim magnus & mirabilis est Deus, quia iustus, quia sapiens, quia misericors, quia potens, quia uerax, &c. Hanc ergo maiestatem in huiusmodi uirtutibus sanctificari petimus. non in Deo ipso: cui apud se nihil accedere aut decedere potest: uerum ut ab omnibus sancta habeatur: hoc est, uere agnoscatur & magnificetur. Et quicquid agit Deus, omnia eius opera gloriosa, ut sunt, appareant. Vt siue ipse puniat, iustus: siue igno-

m 3 scat,

scat, misericors: siue præstet quod promisit, uerax prædicetur. Nulla deniq; omnino res sit, in qua non eius gloria insculpta reluceat. & ita in omnibus animis, in omnibus linguis, laudes eius personēt. Postremo, ut omnis impietas, quæ sanctum hoc nomē polluit & prophanat: hoc est, quæ hanc sanctificationem obscurat aut diminuit, pereat atq; confundatur. in qua etiam cōfusione magis ac magis Dei maiestas inclarescat. Atq; ita hac petitione & gratiarum actio continetur. Nam dum nomen Dei ubiq; sanctificari petimus: omnium illi bonorum laudem tribuimus, omnia illi accepta ferimus, beneficia eius erga nos recognoscimus.

## S E C V N D A.

Adueniat regnum tuum.

Regnum Dei est, sancto suo spiritu agere ac regere suos: quò in omnibus eorū operibus diuitias bonitatis ac misericordiæ suæ cōspicuas faciat. rursum, reprobos, qui se pro Deo ac Domino nō agnoscunt, qui suo imperio subijci nolunt, perdere ac deijcere, & sacrilegam eorum arrogantiam prosternere: quò manifestum fiat, nullam esse potestatem, quæ suæ potestati resistere queat. Hæc autem cum in oculis nostris quotidie fiant, dum sanctum eius uerbum in-

stat



flar sceptri erectum, sub cruce etiam & mundi con- 1. Cor. 1.  
tēptu atq; ignominia uiget, regnat, prosperatur, fru- 10ā. 17.  
ctum suum profert: uidere est, huiusmodi regnum in Rom. 14  
hoc quoq; mundo florere, Et si ex hoc mundo non  
est. Primū, quia spirituale rebusq; spiritualibus con- Luc. 1  
flans: deinde, quia incorruptibile ac æternum. Daniel.

Oramus itaq; ut regnū hoc Dei adueniat: hoc est,  
ut nouum indies fidelium populum sibi Dominus  
multiplicet, qui gloriam suam modis omnibus cele-  
brent: in eos gratiarum suarum ubertatē largius sem-  
per effundat, per quas in ipsis magis indies ac ma-  
gis uiuat ac regnet. donec sibi perfecte adiunctos to-  
tus impleat. Simul ut lucem ac ueritatem suam nouis  
semper incremētis illustret, quibus sathanæ, regniq;  
eius tenebræ ac mendacia euanescent, dispellantur,  
extinguantur, pereant. Dum autem hunc in mo-  
dum precamur, ut regnum Dei adueniat: simul opta-  
mus, ut perficiatur tandem & impleatur, in reuela- 1. Cor. 17  
tione scilicet iudiciij eius. quo die solus ipse exaltabi-  
tur, eritq; in omnibus omnia, collectis ac  
receptis in gloriam suis: regno uero  
sathanæ deturbato penitus,  
& prostrato.

## T E R T I A.

Fiat uoluntas tua, ut in cœlo,  
ita in terra.

Qua postulamus, ut, tum in cœlo, tum in terra, hoc est, ubiq;, omnia pro uolūtate sua temperet atq; componat, omnes rerum euentus moderetur, omnibus suis creaturis pro arbitrio suo utatur, oēs omniū uoluntates sibi subiiciat: ut uolūtati suæ pariter obediant. aliæ consensu, ut suorum: aliæ inuitæ ac reluctantes, ut diaboli & reprobōrū, qui eius imperium detrectāt ac subterfugiant, & obsequio se subducere conantur. Atq; id quidem postulantes, nostris omnibus desiderijs abrenunciamus. quicquid in nobis est affectuum, Domino resignantes ac permittentēs: rogantesq;, ne res ex uoto nostro nobis fluere: uerum, ut ipse prospexerit ac decreuerit, succedere faciat. Neq; uero id solum petimus, ut affectus nostros, qui uolūtati suæ aduersantur, Deus uanos & irritos faciat: sed potius, ut nouas mētes nouosq; animos, nostris extinctis, Deus in nobis creet. ut nullus cupiditatis motus in nobis sentiatur, quā purus cū uolūtate sua cōsensus. In summa, ne qd ex nobis ipsis uelimus: sed ut spiritus suus uelit in nobis. quo intus docēte, discamus amare ea, quæ ipsi placita sunt: odisse

odisse uero atq; abominari, quæcunq; displicent.

En prima tria capita precationis, in quibus poscendis solam Dei gloriâ præ oculis habere conuenit, omiſſa noſtri ratione, nec ſpectata ulla noſtra utilitate. Quæ tametsi larga inde nobis prouenit, hic tamen à nobis quærenda non eſt. Hæc autẽ omnia quamuis nec cogitãtib; nec optantibus, nec petentibus nobis, ſuo nihilominus tempore euenire oporteat: optanda tamen & poſcenda nobis ſunt. Idq; facere non leue operæ præciũ eſt. ut ſic nos ſeruos eſſe ac filios Dei teſtemur, & profiteamur: eius honori (quod Domino patriq; debetur) quantũ in nobis eſt, ſeruiẽtes. Itaq; qui hoc affectu ac ſtudio promouendæ Dei gloriæ, non petunt, ut nomen Dei ſanctificetur, ut regnum eius adueniat, ut fiat uoluntas eius: ij neq; inter filios & ſeruos Dei habẽdi ſunt. Ac quem admodum hæc omnia illis inuitis fient: ita in conſuſionem illis cædent ac iudicium.

#### Q V A R T A.

Hæc ex reliquis tribus prima: quibus peculiari-ter quæ in rem noſtram ſunt, ac noſtræ neceſſitati ſuccurrunt, à Deo poſcimus.

m 5

Panem

**Panem nostrum quoti-  
dianum da nobis  
hodie.**

Qua in genere omnia, quibus corporis usus sub  
elementis huius mundi indiget, à Deo petimus, non  
modo quo alamur ac uestiamur: uerum etiā quicquid  
omnino nobis cōducere ipse prospicit, ut panem no-  
strum in pace comedamus. Qua breuiter, nos in eius  
curam tradimus, ac prouidentiae cōmittimus: ut nos  
pascat, foueat, seruet. Non enim dedignatur optimus  
pater, corpus etiam nostrum in fidem ac custodiam  
suam suscipere, ut fidem nostram minutis istis in re-  
bus exerceat: dum ab eo omnia, usq; ad micam pa-  
nis, & guttam aquae, expectamus. Nam cum sit ne-  
scio qua nostra iniquitate comparatū, ut maiori car-  
nis quā animae solitudine afficiamur ac torquea-  
mur, multi qui audent Deo de anima fidere, sunt ta-  
men adhuc de carne solliciti. adhuc hæsitant, quid  
edant, quid uestiantur: & nisi prae manibus habeant  
uini, frumenti, & olei copiam, trepidant. Tanto plu-  
ris nobis est huius momentaneae uitae umbra, quā  
aeterna illa immortalitas. Qui uero Deo confisi,  
illam de carnis cura anxietatem semel abiecerūt, si-  
mul statim quae maiora sunt, etiam salutem & uitam  
aeternam,

æternam, ab eo expectant. Non ergo leue est fidei exercitiũ, ea de Deo sperare, quæ alioqui nos tantopere anxios habent. neq; parum profectum est, ubi hanc, quæ in omnium penè hominũ ossibus mordicus hæret, infidelitatem exuimus. Itaq; à patre nostro petimus panem nostrum. Porro quod quotidianum, & hodie dicimus: docemur, ne immodica fluxarum istarum rerum cupiditate ardeamus: quas postea ambitiose in uoluptatem, in ostentationem, aut aliã luxus speciem profundamus. Sed petendum duntaxat quantum necessitati nostræ satis est, & uelut in diem. Hac certa fiducia, patrem nostrum, ubi nos hodie nutrierit, neq; nobis crastino defuturum.

Matth. 6

Quantacunq; autem rerum copia nobis affluat, etiam ubi expleta fuerint horrea, & plena cellaria: semper tamen panem quotidianum nos petere conuenit: hoc cogitantes, omnem substantiam nihil esse, nisi quatenus, effusa sua benedictione, Dominus prosperat & fecundat. & quæ in manu nostra est, ne eã quidem nostrã esse: nisi quatenus in singulas horas portiunculam nobis largitur, usumq; permittit. Qui uero pane quotidiano nõ cõtenti, sed effreni cupiditate, infinitis inhiantes: aut qui abundantia sua saturi, & diuitiarum suarũ cumulo securi, hac nihilo minus

minus precatione Deo supplicant, nihil quàm ipsum irident. Priores enim petunt, quod impetratum nolent: imò quod maxime abominantur. nempe, panem quotidianum duntaxat. quantumq; possunt, auaritiæ suæ affectū Deo dissimulant. cum uera oratio totam ipsam mentem, & quicquid intus latet, apud ipsum effundere debeat. Alteri uero postulant, quod minime ab eo expectant. nempe, quod sibi apud se esse arbitrantur. In eo quòd Noster dicitur, magis adhuc eminet Dei benignitas, quæ nostrum facit, quod nobis nulla ratione debebatur. Quòd dari notis petimus, significatur esse simplex ac gratuitum Dei donum, undecunq; nobis adueniat: etiam ubi maxime uisus fuerit arte atq; industria nostra quæsitus, ac manibus nostris comparatus.

Deut. 8

## Q V I N T A.

Remitte nobis debita nostra, sicut & nos remittimus debitoribus nostris.

Rom. 3

Qua peccatorum remissionem condonari nobis petimus: omnibus, sine ulla exceptione, hominibus necessariam. Et peccata, debita nuncupamus: quòd eorum pœnam Deo, ceu precium, debemus. nec satisfacere ullo modo possemus, nisi hac remissione liberaremur: quæ uenia est gratuita misericordiæ eius

cum



cū ipse liberaliter hæc debita expungit, ijsq; nos soluit, nullum à nobis precium accipiens: sed sua ipsius misericordia sibi satisfaciens in Christo, qui se semel patri in compensationem tradidit. Itaq; qui suis aut aliorum meritis, Deo satisfieri confidunt, hisq; satisfactionibus peccatorum remissionem pensari ac redimi, huic gratuita condonationi minime communicant. ac dum in hanc formam Deum inuocant, nihil aliud quàm in suam accusationem subscribunt, ac damnationem obsignant, suo ipsorum testimonio. Fatentur enim se debitores, nisi remissionis beneficio soluantur: quam tamen non accipiunt, sed magis respuunt, dum sua merita ac satisfactiones Deo obtrudunt. Sic enim non eius misericordiam implo- rant, sed iustitiam appellant. Petimus demum remissionem nobis fieri, ut ipsi debitoribus nostris remittimus: hoc est, ut ijs parcimus, ac ueniã condonamus, à quibus ulla in re læsi sumus, aut facto iniquè tractati, aut dicto contumeliose accepti. Non quod ijs delicti atq; offensæ culpam remittere nostrū sit, Ies. 43 quod solius Dei est: uerum hæc nostra est remissio, iram, odium, uindictæ appetentiam, ex animo ultro deponere, & iniuriarum memoriam uoluntaria obliuione conterere. Quamobrem peccatorum re-  
missio

missio à Deo petenda non est, nisi offensas etiã ipsi nostras omnibus remittamus, qui nobis iniuriæ uel sunt, uel fuerunt. Si qua uero odia animis retinemus, ultiones meditamur, & qua noceamus occasione, cogitamus: imò uero nisi cū inimicis redire in gratiam, ipsosq; omnium officiorũ genere demereri, nobisq; conciliare nitimur: hac precatione Deum obtestamur, ne peccatorum remissionem nobis faciat. Poscimus enim, ut nobis faciat, quã alijs facimus. Hoc uero est petere, ne nobis faciat, nisi ipsi facimus. Qui ergo huiusmodi sunt, quid consequuntur sua petitione, nisi grauius iudicium? Postremo obseruandũ est, non hanc conditionem ideo adijci: Vt remittat nobis sicut debitoribus nostris remittimus: propterea quòd nostra, quam alijs facimus, remissione, eius remissionẽ mereamur. Verum hoc uerbo solari duntaxat uoluit Dominus fidei nostræ imbecillitatem. Addidit enim hoc tanquam signum: quo confirmaremur, tam certo nobis factam à se remissionem peccatorum, quàm certo consciũ sumus, alijs eam à nobis fieri. si tamen animus nobis omni odio, liuore, uindicta uacuus, purgatusq; est. Præterea hac ueluti nota, è filiorum numero expunxit, qui ad ulciscendum præcipites, ad remittendũ difficiles, pertinaces inimicitias

inimicitias exercent: & indignationem, quam in Deo deprecantur, ipsi aduersus alios fouent, ne se pro patre innuocare ausint.

## S E X T A.

**N**enos inducas in tentationem, sed libera nos à maligno.

Multæ sunt ac uariæ tentationum formæ. Nam & prauæ omnes animi conceptiones, in legis transgressionem nos prouocantes: quas, uel concupiscentia nostra nobis suggerit, uel diabolus excitat, tentationes sunt. Et quæ suapte natura mala non sunt, diaboli tamen arte, tentationes fiunt: cum sic oculis nostris ingeruntur, ut eorum obiectu à Deo abstrahamur, aut declinemus. Et hæc quidem tentationes sunt, uel à dextris, uel à sinistris: A dextris, ut diuitiæ, potentia, honores: quæ plærunq; suo fulgore & boni specie, quam præ se ferunt, hominū aciem præstringūt, et blāditijs suis inescāt, ut talibus præstigijs capti, ut tali dulcedine ebrī, Deū suū obliuiscantur. A sinistris, ut paupertas, probra, contemptus, afflictiones, et cætera id genus: quorū acerbitate, difficultatēq; offensi, animos despōdeāt, fiduciā ac spē abiiciāt, demū à Deo prorsus alienentur. His tentationibus, quæ uel cōcupiscētia nostra in nobis accēse, uel

sathanæ

Iacob. 1

Math. 4

1. Thes. 3

sathanæ uasritia nobis propositæ, nobiscū pugnant, ne cedere nos permittat, à Deo patre nostro precamur. Verum, ut potius manu sua nos sustētet atq; erigat, quo eius uirtute robusti, contra omnes maligni hostis insultus firmi stare possimus: quasq; cogitationes animis nostris immittat. Et quicquid nobis in utramq; partem proponitur, in bonum uertamus: hoc est, ne inflemur prosperis, nec aduersis deiiciamur. Neq; uero hic postulamus, ne ullas omnino tentatiōes sentiamus: quibus magis excitari, pungi, uellicari, magnopere nobis opus est, ne nimium resides torpeamus. Neq; enim abs re Dauid tētari optabat: *Iacob. 1* nec citra causam electos suos quotidie tentat Domi  
*Psal. 26* nus: eos per ignominiam, paupertatē, tribulationem,  
*Gen. 22* & alias crucis species castigans. Sed aliter Deus  
*ut. 8. 13* tentat, aliter sathan. hic ut perdat, damnet, confundat, præcipitet: Deus uero, ut suos probet & exerceat, eorum carnē mortificet, excoquat, urat. Quæ nisi in hunc modum coërceretur, lasciuiet, & supra modum exultaret. Præterea, sathan inermes & imparatos adoritur, ut incautos opprimat: Deus unā cū  
*. Cor. 10* tentatione facit euentū, ut sufferre sui patienter pos-  
*3. Pet. 2* sint, quicquid illis immittit. Hæc igitur nostra est postulatio, ne ullis tentationibus uincamur ac  
 obruamur:

obruamur, sed Domini uirtute contra omnes aduersas uirtutes, quibus oppugnamur, fortes cōsistamus. quod est, non succūbere tentationibus. Vt in eius cūstodiā ac fidē suscepti, ac protectione eius securi, supra peccatū, mortem, inferorū portas, & totum diaboli regnum inuicti stemus. quod est, à maligno liberari. Vbi etiam diligenter animaduertendum est, non nostrarum esse uirium, cum diabolo, tanto bellatore, congregi, nec uim eius atq; impetum ferre. Alioqui frustra aut per ludibrium à Deo posceretur, quod domi apud nos esset. Sanè qui sui fiducia ad talem se pugnam comparant, non satis intelligūt, cum quā pugnaci atq; instructo hoste sibi res sit. Nunc petimus ab eius potestate liberari, tanquā ab ore insani ac rabidi alicuius leonis, statim eius unguibus ac dentibus discerpendi, eius faucibus deglutiendi: nisi nos Dominus è media morte eripiat. Hoc tamen simul scientes, quòd si Dominus aderit, ac pro nobis tacentibus pugnabit, in eius uirtute faciemus uirtutem. Confi lant aliij, ut uolent, libero suo arbitrio, & quas ex se habent, uiribus: nobis satis sit, quòd unā Dei uirtute stamus & ualemus. Tres istæ precationes, quibus peculiariter nos ac nostra Deo commendamus, euidenter ostendunt, quod antea dixi-

mus: Christianorum orationes publicas esse debere, ac in publicam ecclesiæ ædificationem, communionisq; fidelium profectum spectare. Non enim sibi quisque priuatim dari quicquam postulat: uerum omnes in commune, panem nostrum, remissionem peccatorum, ne inducamur in tentationem, ut à maligno liberemur, poscimus. Causa præterea subiicitur, cur tanta sit nobis & petendi audacia, & fiducia obtinendi.

Quia tuum est regnum, & potentia,  
& gloria, in secula seculorum.

Hæc hæc solida tranquillaq; est fidei nostræ requies. Nam si nostra dignitate nostræ Deo orationes commendandæ essent, quis omnino uel mutire coram Deo auderet? Nunc ut miserrimi simus, ut omnium indignissimi, ut omni cōmendatione uacui, nunquam tamē orandi nos causa deficiet, nunquam fiducia destituet: quando nec patri nostro regnum suū, potentia, gloria, eripi potest. Ad finē additur, Amen. quo ardor desiderij exprimitur, obtinendi quæ à Deo petita sunt: & spes nostra confirmatur, huiusmodi omnia iam impetrata esse, & certo nobis concessum iri: quando à Deo promissa sunt, qui fallere non potest. Habemus quicquid à Deo petere debemus,



debemus, ac omnino etiam possumus, descriptū hac formula, & uelut orandi regula, ab optimo magistro Christo tradita: quem nobis doctorem pater præfecit, & quem unum auscultari atq; exaudiri uoluit. Nam & æterna eius sapientia semper fuit: & homo factus, angelus magni consilij hominibus datus est. Atq; adeo numeris omnibus absoluta est hæc oratio, ut quicquid illi extraneum alienumq; additur, quod ad eam referri non possit, impium sit, & indignū quod à Deo concedatur. Hac enim summa præscripsit, quid se dignum, quid sibi acceptum, quid necessarium nobis sit: quid deniq; concedere ipse uelit.

Matth. 17

Iesa. 9

Quamobrem qui ultra progredi audent, & præter hæc à Deo aliquid postulare: primum quidem, sapientiæ Dei ex suo addere uolunt (quod sine insana blasphemia esse non potest.) deinde, sub uoluntate Dei non se continent: sed ea contempta, longius cupiditate euagantur. postremo, nihil unquā assequuntur, cum sine fide orent. Quòd uero omnes eiusmodi orationes citra fidem fiant, nihil est dubium. quia hic abest uerbum Dei: quo nisi fides semper nititur, stare nullo modo potest. Isti uero non modo uerbo Dei carent: sed quantum omni conatu ualent, aduersantur. Hæc ita nolumus accipi, quasi hac pre-

candi formula adstringamur, ut nec uerbum aut syllabam mutare liceat. Multæ enim passim in scripturis leguntur orationes, uerbis ab ista longe diuersæ, eodem tamen spiritu conscriptæ, & quarum usus ualde utilis nobis est. Id duntaxat sic docendo agimus, ne quis omnino aliud quærat, expectet, aut postulet, quam quod hac oratione summam cōpræhensum est: & uerbis licet diuersissimis, sensu tamen non uariet. Quo modo omnes, quæ in scripturis habentur, orationes, in hanc conferri certum est. Nullam sanè reperire usquā liceat, quæ huius perfectionē æquare, nedum superare possit. Nihil hic ommissum est, quod in Dei laudes cogitari, nihil quod homini pro suis cōmodis in mentem uenire debeat. Et adeo quidem exacte, ut omnibus merito spes ablata sit, melius aliquid tentandi. In summa, meminerimus hanc diuinæ sapientiæ esse doctrinam: quæ quod uoluit, docuit: uoluit autē, quod necesse fuit. Quanquam autem supra iam dictum est, sublatis ad Deum animis semper suspirandum, & sine intermissione orandum: quando tamen ea nostra est imbecillitas, quæ multis adminiculis sustentari: is noster torpor, qui calcaribus excitari opus habeat: conuenit, ut sibi quisque nostrum exercitationis causa peculiare horas constituat,

fiituat, quæ non sine oratione effluant, & quæ totos animi affectus in hoc penitus occupatos habeant. Nempe dum mane surgimus, antequam diurnam operam aggredimur, dum ad pastum discumbimus, dum Dei benedictione pasti sumus, dum ad quietem nos recipimus. Hæc modo sit, non superstitiosa horarum observatio, quibus ceu pensum Deo soluētes in cæteris horas defuncti nobis uideamur: sed imbecillitatis nostræ pædagogia, qua sic exerceatur, & subinde stimuletur. Præsertim solícite curandum est, ut quoties aliqua rerum angustia aut ipsi premimur, aut premi alios uidemus, ad eum statim citatis, non pedibus, sed animis recurramus: deinde ne quam, aut nostram, aut aliorum prosperitatem præterire sinamus, quin laude ac gratiarum actione, manum eius agnoscere nos testemur. Postremo, hoc in omni oratione diligenter obseruandum est, ne certis circumstantijs Deum alligare uelimus, ne illi præscribere, quo quid tempore, quo loco, qua ratione facturus sit. Qualiter hac oratione docemur, nullam illi legem figere, aut conditionem imponere: sed eius arbitrio permittere, ut quæ facturus est, qua sibi ratione, quo tempore, quo loco uisum fuerit, faciat. Præterea, antequam ullam pro nobis precem concipimus: præsa-

mur,

n 3

mur, ut eius uoluntas fiat. ubi iam eius uoluntati nostrā subiicimus. Quo, hoc uelut iniecto freno, coërcita, Deum in ordinē cogere ne præsumat: sed eum uotorum omnium suorum arbitriū ac moderatorem statuatur. Si animis in hanc obedientiam compositis, prouidentia diuinæ legibus nos regi patimur: facile discemus in oratione perseverare, ac suspensis desiderijs patienter expectare dominum. certi, etiam si minime apparet, nobis tamen semper adesse: suoq; tempore declaraturum, quā non habuerit surdas aures precibus, quæ in hominum oculis neglectæ uidebantur. Erit uero istæ præsentissima consolatio, ne deficiamus, ac desperatione concidamus: si quando ad prima nostra uota Deus nō respōderit. Quem admodum solent, qui dum suo tantum ardore feruntur, sic Deū inuocant, ut nisi ad primos impetus adfuerit, ac præsentem opem attulerit, statim iratum sibi infensumq; fingant: & omni spe exorandi abiecta, inuocare desinant. Deinde etiam, ne Deum tentemus, & nostra improbitate fatigatum, aduersum nos prouocemus. Quod multis solenne est, qui non nisi certa conditione cum Deo pasciscuntur: & ac si suarum cupiditatum seruus esset, stipulationis suæ legibus adstringunt. quibus nisi extemplo pareat, indignantur.

dignantur, fremunt, obloquuntur, murmurant, tumultuantur. Quibus sæpe in furore suo iratus concedit, quod alijs in misericordia propitius deneget. Documento sunt filij Israël: quibus satius fuerat non exaudiri à Domino, quàm cum carnibus, eius indignationem uorare.

Numer. 1

Quod si demum, nec post longam expectationem, assequatur sensus noster, quid orando profectum sit: nec fructum inde ullum sentiat: fides tamen nostra, quod sensu percipi non poterit, nobis certum faciet: nos obtinuisse, quod expediebat. Atque ita efficiet, ut in paupertate, abundantiam: in afflictione, consolationem possideamus. Nam, ut deficient omnia, Deus tamen nunquam nos destituet: qui expectationem ac patientiam suorum frustrari non potest. Erit ipse unus nobis pro omnibus. quando bona omnia in se complectitur: quæ olim nobis reuelabit, in die iudicii, quo regnum suum plane manifestabit. Hac uero patientia sustentari eousque opus habent fideles: ut non diu constaturi sint, nisi in eam recumberent. Non enim leuibus experimentis suos probat Dominus: nec molliter exercet, sed in extrema quæque sæpe adigit: & adactos, diu in eo luto hærecere sinit, antequam gustum suæ dulcedinis aliquem illis præbeat. atque (ut ait Har

1. Reg. 2 na) mortificat, & uiuificat: deducit ad inferos, & reducit. Quid hic possent, nisi liqui animis & in desperationē ruere? nisi afflictos, desolatos, & iam semimortuos hæc cogitatio erigeret, se à Deo respici, & finem præsentibus malis affore?

## DE SACRAMENTIS.

## CAPVT IIII.



VNC de sacramentorum ratione dicendum erit, de quibus certam aliquam doctrinam tradi, magnopere nostra refert: unde nos, & quem in finem instituta fuerint, & quis eorum nunc usus sit, discamus. Principio animaduertere cōuenit, quid sit sacramentum. Est autem signum externum, quo bonam suam erga nos uoluntatem Dominus nobis repræsentat, ac testificatur: ad sustinendam fidei nostræ imbecillitatem. Definiri quoq; aliter potest: Ut uocetur testimonium gratiæ Dei, externo symbolo nobis declaratum. Quo etiam intelligimus, nunquam sine præeunte promissione esse sacramentum. sed illi potius tanquam appendicem



pendicem quandā adiungi, in hoc, ut promissionem ipsam firmet atq; obsignet, nobisq; uelut testatorem faciat: quomodo mentis nostræ ignorantia, ac carnis infirmitati opus esse Deus prouidet. Neq; tamen tam ut ipsam firmet, quam nos in ipsa: siquidem Dei ueritas per se satis solida certaq; est, nec aliunde meliorem confirmationem, quā à seipsa accipere potest. Verum sic exigua est & imbecilla nostra fides, ut nisi undiq; fulciatur, ac modis omnibus sustentetur, statim concutiatur, fluctuetur, uacillet. Atq; ita quidē hic se captui nostro attemperat misericors Dominus, ut quando animales sumus, qui humi semper adrepentes, & in carne hærentes, nihil spirituale cogitamus, ac ne concipimus quidem: elementis etiam istis carnalibus nos ad se deducit, atq; in ipsa carne contemplari facit ea quæ sunt spiritus. Non quia tales inditæ sunt dotes naturis rerum, quæ in sacramentis nobis proponuntur: sed quia in hanc significationem à Deo signatæ sunt. Nec audiendi sunt quidam, qui hoc cauillo argutātur: aut uerbum Dei, quod sacramentum præcedit, scimus esse ueram Dei uoluntatem: aut nescimus. si scimus, nihil ex sacramento, quod postea sequitur, nouum discimus. si nescimus, neq; id docebit sacramentū: cuius uis omnis

atq; energia in uerbo sita est. Quibus breuiter respōsum sit: Sigilla, quæ diplomatibus alijsq; publicis actis appenduntur, per se accepta, nihil sunt. utpote quæ frustra appensa forent, si membrana nihil haberet descriptū. neq; tamen ideo non confirmant atq; obsignant quod scriptum est, dum scriptis adijciuntur. Neq; hanc similitudinē nuper à nobis confictā

**Rom. 4** iactare possunt: quam Paulus ipse usurpauit, circumcisiōnē uocās σφραγίδα. Et quando Dominus

**Gen. 6 9** promissiones suas, fœdera nuncupat, sacramēta, symbola fœderum: ab ipsis hominū fœderibus simile adduci potest. Porca cæsa quid efficiat, nisi uerba intercederent: imò nisi præirent? nā porcæ sæpius cæduntur, citra ullum interius aut sublimius mysteriū.

**Gen. 17** Quid dextra data? cum manus hostiliter non raro conferantur. Et ubi uerba præierint, talibus sanè symbolis fœderum leges sanciantur: quamuis prius uerbis conceptæ, conditæ, decretæ. Sacramenta igitur exercitia sunt, quæ certiorē uerbi Dei fidem nobis faciūt. & quia carnales sumus, sub rebus carnalibus exhibentur: ut ita pro tarditatis nostræ captu nos erudiant, & perinde ac pueros pedagogi, manu ducant. Hac ratione Augustinus, sacramentū, uerbum uisibile nuncupat: quod Dei promissiones uelut

in tabu

in tabula depictas, repræsentet, & sub aspectū graphice atq; εἰκότως expressas, statuatur. Aliæ quoq; similitudines afferri possunt, quibus sacramenta plānīus designentur. ut si uocemus, fidei nostræ colūnas. Quo enim modo ædificiū, suo quidem fundamento stat & incumbit, subiectis tamen columnis certius stabilitur: ita fides in uerbo Dei, non secus ac fundamento, residet. sed cum accedunt sacramenta, ipsis adhuc ceu columnis solidius innititur. aut, si dicamus specula, in quibus gratiæ dei diuitias, quas nobis elargitur, contēplari liceat. Ipsīs enim sese nobis (ut iam dictum est) manifestat, quantum nostræ hebetudini agnoscere datum est: & bonā suam erga nos uoluntatem testificatur. Nec satis appositè ratiocinantur, qui ex eo contendunt non esse testimonia gratiæ Dei: quia & ab impijs sæpe accipiuntur, qui tamen Deum nihilo sibi magis propitiū inde sentiunt, sed grauiorem potius damnationē contrahunt. Nam eodem argumento, nec Euangelium esset testimonium gratiæ Dei, quod à multis auditur ac spernitur. nec Christus demum ipse, qui à cōpluribus uisus est ac cognitus, quorum paucissimi eum receperunt. Itaq; certum est, nobis à Domino misericordiam, ac bonæ suæ uoluntatis gratiā, cum sacro suo uerbo

uerbo, tum sacramentis offerri. Verum non apprehenditur nisi ab his, qui & uerbum & sacramenta, certa fide accipiunt. Qualiter omnibus in salutē oblatuſ à patre ac propoſituſ eſt Chriſtuſ, non tamen ab omnibus agnituſ exceptuſq; eſt. Id cū alicubi in  
 Auguſt. in dicare Auguſtinuſ uellet, dixit uerbi efficaciā in ſa-  
 Ioan. cramento proferri: non quia dicitur, ſed quia creditur. Conſtituimus ergo, ſacramēta in hoc à Deo poſita eſſe, ut fidei noſtræ ſeruiant, nempe ut alant ipſam, exerceant, augeant. Quæ uero contra hanc ſententiam obiectari à nonnulliſ ſolent rationeſ, nimis friuolæ enerueſq; ſunt. Aiunt alij meliorē fidem noſtram fieri non poſſe, ſi bona eſt. non enim eſſe fidem, niſi quæ inconcuſſe, firmiter, indistraçte, Dei miſericordiæ innititur. Quibuſ ſatius fuerat cū apoſtolis orare, ut Dominuſ ſibi augetet fidem: quàm talem fidei perfectionē ſtolide obtendere, quam nemo unquā ex filiis hominū aſſecutuſ eſt, nemo aſſequetur in hac uita. Reſpondeant, qualē ei fuiſſe fidē exiſtiment, qui dicebat: Credo Domine, adiuua incredulitatē meam. Nam & illa utcunq; inchoata fideſ, bona erat: & melior, ſublata incredulitate, fieri poterat. ſed nullo certiore argumento, quàm ſua ipſorum conſcientia, reſellentur. Nam ſi peccatoreſ ſe fa-  
 tentur

tetur (quod, uelint nolint, inficiari nequeunt) id ipsum fidei suæ imperfectioni imputent, necesse est. At respondit, inquiunt, Philippus Eunuchus, baptizari ipsum **Acto. 8** licere, si ex toto corde crederet. Quæ hic locum habet baptismi confirmatio, ubi fides totum cor implet? Rursum ipsos interrogo, An non bonam cordis sui partem fide uacuam sentiunt, an non noua quotidie incrementa agnoscunt? Gloriabatur ille, se dicendo fieri senem. Nos igitur ter miseri Christiani, si nihil proficiendo, senes fimus: quorum fides per omnes ætatum gradus progredi debet, donec adolescat in uirum perfectum. Itaque in hoc loco, ex toto corde credere, non est perfecte Christo hæerere: sed ex animo duntaxat, & sincera mente illum amplecti. non eo saturum esse: sed ardenti affectu esurire, sitire, & post eum suspirare. Hic mos est scripturæ, ut toto corde fieri dicat, quod sincere et ex animo fieri significat. Cuius rationis sunt ista: In toto corde meo exquisiui **Psal. 119** te. item, Confitebor tibi in toto corde meo: et similia. **111. 138**

Alij scribunt. Si fides per sacramenta augeatur, frustra datum esse spiritum sanctum: cuius uirtus atque opus est, inchoare, tueri, consummare fidem. Quibus equidem fateor, proprium ac solidum spiritus sancti opus fidem esse: à quo illuminati, Deum, ac benignitatis

eius

eius thesauros agnoscimus. et sine cuius lumine mēs nostra adeo cæca est, ut nihil conspiciere: adeo stupida, ut nihil subodorari rerum spiritualium possit. Verum pro uno Dei beneficio, quod ipsi prædicant, nos tria perpendimus. Nam primū, uerbo suo nos docet & instituit Dominus: deinde, sacramentis confirmat: postremo, sancti sui spiritus lumine, mētibus nostris illucet, & aditum in corda nostra uerbo ac sacramētis aperit. quæ alioqui aures duntaxat percellerent, & oculis obuersarētur: interiora minime afficerent. Adeo autem sacramenta confirmationes sunt fidei nostræ, ut nonnunq̃ Dominus, quando rerum ipsarum, quæ in sacramentis promittebantur, fiduciam tollere uult, sacramenta ipsa auferat. Cum Adam immortalitatis dono spoliatur & abdicat: non colligat, inquit, de fructu uitæ, ne uiuat in æternum. Quid audimus? an suam Adæ incorruptionem, à qua iam deciderat, restituere poterat fructus ille? minime. sed hoc perinde est, ac si dixisset: Ne uana fiducia fruatur, si promissionis meæ symbolū teneat: excutiatur illi, quod spem aliquam immortalitatis facere posset. Hac ratione, cum Apostolus Ephesios hortaretur, se meminissent fuisse hospites testamentorū, alienos à cōsortio Israël, sine Deo, sine Christo: dixit,

Gene. 3

Ephes. 2



sto: dixit, non fuisse participes circumcisionis. Quo metonymice significat, à promissione ipsa exclusos, qui tesseram promissionis non acceperant. Ad eorum uero alterū obiectū, Dei gloriā ad creaturas deriuari, quibus tantū uirtutis attribuitur, sicq; eatenus diminui: respondere promptū est, nullā in creaturis uirtutē à nobis reponi. Hoc dūtaxat dicimus: Deū medijs ac instrumētis, quæ expedire ipse prospicit, uti: ut eius gloriæ omnia obsequatur: quando omnium ipse Dominus est & arbiter. Ergo ut per panē, cæteraq; alimēta, corpora nostra pascit: ut per solē, mundū illuminat: ut per ignem, calefacit: nec tamē aut panis, aut sol, aut ignis aliquid sunt, nisi quatenus sub ijs instrumētis benedictiones suas nobis dispēsat: ita spiritaliter per sacramēta fidē alit. quorū unicū officium est, dei pmissiōes oculis nostris spectādas subiicere. Et ut nostrū est, in cæteris creaturis (quæ bona Dei uolūtate usibus nostris destinatae sunt, quarūq; ministerio bonitatis suæ munera nobis largitur: nihil fiducia defigere: nec quasi boni nostri causas, admirari et prædicare: ita neq; in sacramētis hærere fiducia nostra debet, nec Dei gloria in ipsa transferri: sed omissis omnibus, ad ipsum & sacramētorū et rerū omnium autorem, surgere, & fides et cōfessio debet. Qd autē ex ipso sacramenti nomine quærant errori suo

prætextum, parū cordate id faciunt. Sacramentum, inquit, cum multas habeat apud probatos autores significationes, unam tantum habet, quæ signis conueniat. nempe qua solenne illud iuramentum significat, quod miles imperatori præstat, cum militiæ initiatur. Vt enim militari illo sacramento, fidem suam imperatori obstringunt noui milites, & militiam profitentur: ita nos nostris signis Christū imperatorem profitemur, & sub eius signis nos militare testamur. Addunt similitudines, quibus rem magis dilucidam reddant. Vt toga Romani, à palliatis Græcis discernebantur: ut ipsi inter se ordines Romæ suis symbolis distinguebantur, senatorius ab equestri, purpura et lunatis calceis: rursum à plebeio, equester, annulo: ita nos symbola nostra gestamus, quibus à prophanis discernamur. At ego cōstanter affirmo, ueteres, qui sacramentorum nomen signis indiderunt, minime respexisse, quis fuisset uerbi huius usus latinis scriptoribus: sed nouā hanc significationē pro suo modo affinxisse, qua simpliciter sacra signa designarent. Quòd si altius argutari uolumus, uideri possunt eadem analogia nomen hoc ad eiusmodi significationem transtulisse, qua nomen fidei ad eum significatum, in quo nunc usurpatur. Cum enim fides, sit in  
præstandis

præstandis promissis ueritas, fidem tamen dixerunt certitudinem: ceu certam persuasionem, quæ de ipsa ueritate haberetur. Ad hunc modum, cum sacramentum sit militis, quo se suo imperatori uouet: fecerunt imperatoris, quo milites in ordines recipiat. Dominus enim per sacramenta se nobis in Deum fore pollicetur, & nos sibi fore in populum. Verum tales argutias omittimus. quando multis, & quidem planis argumētis euincere licet, nihil aliud spectasse, quàm ut significarent, signa hæc sanctarū & spiritualium rerum esse. Similitudines, quas afferunt, recipimus: sed non ferimus, quod posterius est in sacramentis, ab illis primum, atq; adeo unum constitui. Est autem hoc primum, ut fidei nostræ apud Deum seruiant. posterius, ut confessionem nostram apud homines testentur. Secundum hanc posteriorem rationem, ualent illæ similitudines. Rursum admonendi sumus, ut isti uim sacramentorum eneruant, usumq; prorsus euertunt: ita ab aduersa parte stare alios, qui arcanas nescio quas uirtutes sacramentis affingūt, quæ nusq̃ illis à Deo insitæ leguntur. Quo errore periculose falluntur simplices & imperiti, dum & Dei dona quærere docentur, ubi reperiri minime possunt: & à Deo sensim abstrahūtur, ut post uanitatem abeant.

Eorum autem, qui talem doctrinam serunt, duo sunt genera. Priores tradiderunt, sacramenta nouæ legis, hoc est, quæ nunc in usu sunt Christianæ ecclesiæ, iustificare & conferre gratiam : modo non ponamus obicem peccati mortalis. Quæ sententia, dici non potest, quàm sit exitialis & pestilens. eoque magis, quòd multis ante seculis, magna ecclesiæ iactura in bona orbis parte obtinuit. Planè certe diabolica est. Nam dum iustitiã citra fidem pollicetur, animas in confusionem ac iudicium præcipites agit. Deceperunt autem eos immodica illa sacramentorum encomia, quæ apud ueteres leguntur. quale illud est Augustini. Quòd ueteris legis sacramenta salutem tantum promittebant, nostra uero dant. Has & similes dicendi figuras, cum non animaduertent hyperbolicas esse, & ipsi hyperbolica sua paradoxa promulgarunt : sed prorsus alieno sensu à ueterum scriptis.

Epist. 5 Non enim aliud illic Augustinus uoluit, quam (quod alibi idem scribit) sacramenta Mosaicæ legis Christum prænunciassse, nostra uero annunciare. ac si diceret: Illa figurasse, cum adhuc expectaretur: nostra uelut præsentẽ exhibere, quia præstitus est. Quod cū ex eius loci propiori aspectu iudicari facile potest: tum ex homilia quadã, ubi aperte fatetur, Iudæorum sacramenta

proëmio  
narratiõis  
psal. 73

Epist. 5

Homil. in  
Ioan. 26

sacramenta in signis fuisse diuersa: in re, quæ significatur, paria. diuersa specie uisibili, eadem uirtute spiritali. Quamobrè fixum maneat, non esse alias sacramentorum, quàm uerbi Dei partes. quæ sunt: offerre nobis ac proponere Christum, & in eo cælestis gratiæ thesauros. Nihil autem conferunt aut prosunt, nisi ijs, à quibus fide accipiuntur. Alteri non errant adeo pernitiōse: errant tamen. credunt enim & ipsi, latentem aliquam uirtutem sacramentis adnexam affixamq; esse, ut in ipsis distribuantur spiritus sancti gratiæ: quemadmodum uinum in cratere propinatur. cum hoc tantū in ministerio habeant: testificari nobis ac confirmare Dei in nos beneuolentiam. nec ulterius proficiant, nisi accesserit spiritus sanctus, qui mētes ac corda nostra aperiat, nosq; huius testimonij capaces reddat. Vbi etiam uariæ distinctæq; Dei gratiæ luculenter eminent. Sacramenta enim quasi nuncij quidam sunt: qui non afferunt quidem, sed nunciant & ostendunt, quæ diuina largitate nobis data sunt. Spiritus sanctus, quem non omnibus promiscue sacramenta aduehunt, sed quem Dominus peculiariter suis confert: Is est, qui Dei gratias secum adfert, qui dat sacramentis in nobis locum, qui efficit, ut fructificent. Sacramenti nomen, ut de

eius ratione hactenus differuimus, omnia generaliter  
 signa complectitur, quæ unquam hominibus signa-  
 uit Deus, ut certiores securosq; de promissionū sua-  
 rum ueritate redderet. Ea uero in rebus naturalibus  
 nonnunquam extare uoluit, nonnunquam in miracu-  
 lis exhibuit. Prioris generis exēpla sunt, ut cū Adæ  
 & Euæ arborem uitæ, in arrabonem immortalita-  
 tis dedit: ut eā secure sibi promitterent, quamdiu ede-  
 rent ex illius fructu. Et cum cœlestem arcum Noah  
 & eius posteritati in monumentū statuit, posthac se  
 diluuiο non dissipaturū terrā. Hæc Adam & Noah  
 pro sacramentis habuerunt. Non quòd arbor præ-  
 staret alijs immortalitatem, quam sibi ipsa dare non  
 poterat: aut arcus coërcēdis aquis foret efficax (qui  
 solaris dūtātaxat radij repercussio est, in oppositas nu-  
 bes:) sed quia notā à uerbo Dei insculptā habebant,  
 ut documēta essent testamētōrū eius, ac sigilla. Et an-  
 tea quidē arbor, erat arbor: arcus, arcus. Vbi inscri-  
 pta fuerunt uerbo Dei, indita est noua forma: ut inci-  
 perent esse, quod prius nō erant. Hæc ne frustra dici  
 quis existimet, arcus ipse hodie quoq; nobis testis est  
 eius fœderis, quod pepigit Dominus cū Noah. quem  
 quoties intuemur, hanc Dei promissionem in eo legi-  
 mus: Terram diluuiο nonnunquam perditum iri. Itaq; si  
 quis



quis philosophaster, quò fidei nostræ simplicitatem rideat, talem colorum uarietatem ex reflexis radijs, & opposita nube oriri naturaliter contendat, fateamur quidem: sed ipsius stuporẽ rideamus, qui Deum naturæ Dominum non agnoscat: qui pro suo arbitrio elementis omnibus in obsequiũ gloriæ suæ utatur. Quod si soli, stellis, terræ, lapidibus, huiusmodi monumenta impressisset: illa omnia, sacramenta nobis forent. cur enim rude ac signatum argentum non eiusdem sunt precij, cum idem prorsus sit metallum? nempe quia illud nihil habet præter naturam: forma publica percussum, nummus fit, & nouam taxationem recipit. Et Deus suas creaturas uerbo suo signare non poterit, ut fiant sacramenta, quæ prius nuda erant elementa? Secundi generis exẽpla fuerunt, Iudic. 6 cum uellus rore irrigauit, sicca terra: rursum terram 4. Reg. 10 irrorauit, intacto uellere: ad pollicendam Gedeoni Ies. 38 uictoriam. cum umbram horologii retrorsum decem lineis retraxit, ad promittendam Ezechie incolumitatem. Hæc quando fiebant ad subleuandam ac stabilendam fidei illorum imbecillitatem, sacramenta quoq; erant. Verum præsentis instituti est, de his sacramentis peculiariter disputare, quæ Dominus ordinaria esse uoluit in ecclesia sua: ad alẽdos in unam fidem

fidem uniusq; fidei cōfessionē suos. Sunt autem non in signis tantum, sed in ceremonijs posita. aut, si maius, signa quæ hic dantur, ceremoniæ sunt. Ut definire possis sacramenta huiusmodi, ceremonias esse, quibus exerceri & confirmari uult Dominus populi sui fidem. Hæc etiam ipsa diuersa fuerunt, iuxta uariam temporis dispensationē: qua Domino uisum est, his aut illis modis, sese hominibus exhibere.

Gen. 17 Abrahamæ enim, & eius posteritati, mandata est cir-  
 In Leuit. cuncisio: cui postea purificatiōes, & sacrificia, ex le-  
 Matth. ult. ge Mosaica addita sunt. Hæc Iudæorum fuerunt sa-  
 Matib. 26 cramenta, ad Christi usq; aduentum. quo, abroga-  
 tis illis, sacramenta duo instituta, quibus nunc Chri-  
 stiana ecclesia utitur, baptismus & cœna Domini.

Quamquam in eundem, in quem nunc nostra in-  
 tendunt, scopum, & uetera illa spectarunt. nempe,  
 ut ad Christum dirigerent, & penè manducerent.  
 aut ipsum potius, ceu imagines repræsentarent, ac co-  
 gnoscendum proponerent. Cum enim iam ante do-  
 cuerimus esse, quædam sigilla, quibus promissiones  
 2. Cor. 1 Dei obsignantur: sit autem certissimum, nullam un-  
 quam Dei promissionem hominibus oblatam, nisi in  
 Christo: ut de aliqua Dei promissione nos doceant,  
 Christum ostendant necesse est. Vnum duntaxat  
 discrimen

discrimen est: quòd illa Christum promissum, cum adhuc expectaretur, adumbrarunt: hæc iam præstitum, & exhibitum testantur. Hæc ubi per partes ac sigillatim declarata fuerint, multo clariora fient. Circuncisio ludæis symbolum erat, quo admoneretur, quicquid ex hominis semine prodit, hoc est, hominum naturam corruptam esse, putationeq; habere opus. præterea, documentum ac memoriale: quo sese confirmarent in promissione Abrahamæ data, de semine benedicto, in quo benedicendæ essent omnes nationes terræ. à quo & sua ipsis benedictio expectanda erat. Porro salutare illud semen quemadmodum à Paulo docemur erat Christus, in quo solo recepturos se confidebāt, quod in Adam perdiderant. Quare illis erat circuncisio, quod Abrahamæ fuisse tradit Paulus: signaculum scilicet iustitiæ fidei, hoc est, sigillum, quo certius confirmarentur, suā fidem, qua semen ipsum expectabāt, sibi à Deo pro iustitia acceptam ferri. Baptismata & purificationes suam illis immunditiem, spurcitiam, pollutionem exponebant, qua in sua natura contaminati erant: aliud uero lauacrum pollicebantur, quo omnes extergerentur & abluerentur eorum sordes. Et hoc lauacrum, Christus erat: cuius sanguine abluti, cuius liuore sa-

Gen. 22

Gal. 3

Rom. 4

Hebr. 9

1. Ioan. 1

Apocal. 1

Ies. 1. 53

1. Pct. 2

nati sumus. Sacrificia illos suæ iniquitatis argue-  
 bant: simulq; docebant, necessariam esse aliquam sa-  
 tisfactionem, quæ iustitiæ Dei solueretur. fore ergo  
 summum quendam pontificem, inter Deum & ho-  
 mines mediatorem, qui Dei iustitiæ satisfaceret per  
 sanguinis effusionem, ac hostiæ immolationem quæ  
 in remissionem peccatorum accipienda esset. Hic sum-  
 mus sacerdos, fuit Christus. proprium ipse sanguinem  
 effudit, uictima ipse fuit. Se enim patri obedientem  
 in mortem obtulit: qua obedientia hominis inobedi-  
 tiam aboleuit, quæ Dei indignationem prouocau-  
 rat. Quantum ad nostra attinet: Christum eo  
 clarius nobis offerunt, quo propius manifestatus est  
 hominibus: ex quo à patre uere, qualis promissus fue-  
 rat, exhibitus fuit. baptisma enim nobis, quod purga-  
 ti & abluti sumus, testificatur: cœna eucharistiæ,  
 quod redempti. in aqua figuratur ablutio, in sangui-  
 ne satisfactio. Hæc duo in Christo reperiuntur.  
 qui (ut ait Ioannes) uenit in aqua & sanguine: hoc  
 est, ut purgaret, & redimeret. Cuius rei testis quoq;  
 est spiritus Dei. imò tres in unum sunt testes: aqua,  
 sanguis, & spiritus. in aqua & sanguine purgatio-  
 nis & redemptionis habemus testimonium: spiritus  
 uero primarius testis, huiusmodi testimonij certam  
 nobis

Epist. ad  
 Hebr.  
 Philip. 2  
 Rom. 5

Ioan. ult.

nobis fidem facit. Sublime istud mysterium præclare nobis in Christi cruce ostensum est: cum aqua & sanguis effluerunt ex sacro eius latere. quod, eam ob causam, iure Augustinus sacramentorum nostrorum fontem uocauit. De quibus tamen paulò fusius differendum est.

Ioan. 19

Sæpe hoc apud Aug. legitur.

## DE BAPTISMO.

**B**aptismus nobis à Deo datus est, primum, ut fidei nostræ apud se: deinde, ut confessioni apud homines seruiret. Vtriusq; institutionis rationem ordine prosequemur. Tria autem adfert fidei nostræ baptismus, quæ & ipsa sigillatim pertractanda sunt. Hoc primum est, quod nobis à Domino proponitur: ut symbolum sit nostræ purgationis, ac documentum. uel, ut melius explicemus, instar nunciij cuiusdam mittitur, per quem nobis confirmet, peccata nostra omnia sic deleta, inducta, oblitterata esse: ne unquam in conspectum suum ueniant, ne cōmemorentur, ne imputentur. uult enim omnes qui crediderint, baptisari in remissionē peccatorum. Quare, qui scribere ausi sunt, baptismū non aliud esse quàm tesseram ac notam, qua religionem nostram apud ho-

Matth. ult.

Acto. 2

mines profiteamur, quomodo imperatoris sui insignia  
 præferunt milites, in suæ professionis notam: quod  
 primum erat in baptismo, non perpenderunt. Id uero  
 est, quòd à nobis accipiendus sit cum hac promissio-  
 ne: quicumq; crediderint, & baptisati fuerint, saluos  
 fore. In hunc sensum intelligendum, quod à Pau-  
 lo scribitur: Ecclesiam à sponso Christo sanctifica-  
 tam esse, & mundatā lauacro aquæ, in uerbo uitæ.  
 & alibi. Nos secundum eius misericordiam saluos fa-  
 ctos esse, per lauacrum regenerationis, & renouatio-  
 nis spiritus sancti. et à Petro, quòd baptisma nos sal-  
 uos facit. Non enim significare uoluit ille, ablutionē  
 & salutem nostram intercedente aqua perfici: aut  
 aquam purgandi, regenerandi, renouandi instrumen-  
 tū esse: neq; hic, salutis causam: sed duntaxat talium  
 donorum cognitionem, & certitudinē in hoc sacra-  
 mento percipi. quod uerbis ipsis satis euidenter ex-  
 plicatur. Nam uerbum uitæ, & baptismum aquæ, si-  
 mul connectit Paulus. ac si diceret, per Euangelium  
 nobis nostræ ablutionis & sanctificatiōis nuncium  
 afferri: per baptismum huiusmodi nuncium obsigna-  
 ri. Et subdit cōtinuo Petrus, baptisma illud non esse  
 depositionem sordium carnis, sed conscientiam bo-  
 nam apud Deum, quæ ex fide est. Neq; uero existi-  
 mandum



mandum est, baptisma, in præteritum duntaxat tempus conferri: ut nouis lapsibus, in quos à baptismo recidimus, quærēda sint alia noua remedia. Hoc quidem errore olim factum est, ut nonnulli, nisi in ultimo uitæ discrimine, atq; adeò inter ultimos spiritus, baptismo initiari nollēt, ut sic totius uitæ obtinerent ueniam. Sic autem cogitandum est, quocunq; baptisemur tempore, nos semel in omnem uitam ablui & purgari. Itaq; quoties lapsi fuerimus, repetenda erit baptismi memoria: & hac armandus animus, ut de peccatorum remissione semper certus securusq; sit.

Nam & si semel administratus, præterisse uisus est: posterioribus tamen peccatis non est abolitus. Puritas enim Christi in eo nobis oblata est. ea semper uiget, nullis maculis opprimitur, sed omnes nostras sordes obruit & extergit. Neque hinc peccandi in futurum licentia captanda est, ut certe hinc ad talem audaciam minime instruimur: sed hæc doctrina ijs tantum traditur, qui ubi peccauerunt, sub peccatis suis fatigati & desolati gemunt: ut habeāt quo se erigant ac consolentur, ne in confusionem & desperationē ruant. Sic Paulus ait, Christū factum nobis esse propitiatorem, in remissionē præcedentium delictorum. Quo non negat, perpetuam assiduamq; peccatorum

Rom. 3

peccatorum remissionem, ad mortem usq; in eo obtineri: sed datum eum à patre miseris tantum peccatoribus significat. qui conscientiae cauterio uulnerati, ad medicum suspirant. His offertur misericordia Dei. qui peccandi materiam & licentiam ex impunitate aucupatur, nihil sibi præter iram & iudicium Dei prouocant. Alteram etiam consolationem adfert: quia nostram in Christo mortificationem nobis ostendit, & nouam in eo uitam. Siquidem (ut ait Apostolus) in mortem eius baptisati sumus, consepulti ipsi in mortem, ut in nouitate uitæ ambulemus. Quibus uerbis non ad imitationem eius nos solum exhortatur: ac si diceret, admoneri nos per baptismum, ut quodam mortis Christi exemplo, concupiscentijs nostris moriamur: & exemplo resurrectionis, ut in iustitiâ suscitemur: sed rem longe altius repetit. nempe quod per baptismum, Christus nos mortis suæ fecerit participes, ut in eâ inseramur. Et quem admodum surculus substantiam alimentumq; ducit à radice, cui insitus est: ita qui baptismum ea qua debent fide accipiunt, uere efficaciam mortis Christi sentiunt in mortificatione carnis suæ: simul etiam resurrectionis, in uiuificatione spiritus. Inde exhortationis materiâ desumit. Quod si Christiani sumus, debemus

Rom. 6

debemus mortui esse peccato, et iustitiæ uiuere. Hoc eodem argumento alibi utitur: Quòd circumcisi sumus, & exuimus ueterem hominem, postquam per baptismum in Christo sepulti sumus. Et hoc sensu, eo quem proxime citauimus loco, uocauit lauacrum regenerationis & renouationis. Sic primum Ioannes baptisauit, sic deinde apostoli: baptismo pœnitentiæ, in remissionem peccatorum. Pœnitentiæ uerbo, huiusmodi regenerationem intelligentes: remissione peccatorum, ablutionem. Quo etiam certissimū fit, idem fuisse prorsus Ioannis ministerium, quod Apostolis postea delegatum est. Non enim alium baptismum faciunt diuersæ manus, quibus administratur: sed eundem esse eadem doctrina ostendit. In unam doctrinam Ioannes & apostoli consenserunt. utriq; in pœnitentiam, utriq; in remissionem peccatorum, utriq; in nomen Christi, à quo pœnitentia & peccatorū remissio esset, baptisarunt. Ioānes dixit, agnum esse Dei, per quem tollerentur peccata mundi. Vbi etiam hostiam fecit, patri acceptam, propitiatorem, seruatorem. Quid ad hanc confessionem addere poterant Apostoli? Quid ergo est, quod Ioannes dixit, se quidem aqua baptizare: uenturum Christum, qui baptisaret in spiritu sancto & igni? paucis expe-  
diri

Coloss. 2

Tit. ult.

Matth. 3

Luc. 3

Ioan. 3. 4

Acto. 2

Ioan. 1

Matth. 3

Luc. 3

diri hoc potest. Non enim baptismum à baptismo di-  
 stinguere uoluit, sed personā suam cum Christi per-  
 sona contulit: se ministrum esse aquæ, illum spiritus  
 sancti datorem. & hanc uirtutem uisibili miraculo  
 declaraturum, quo die spiritum sanctum Apostolis  
 sub linguis igneis mitteret. Quid Apostoli iactare ul-  
 tra potuerunt? Quid & qui hodie baptisant? sunt  
 enim exterioris duntaxat signi ministri, Christus  
 interioris gratiæ autor. Hæc quæ tum de mortifi-  
 catione, tum de ablutione diximus, in populo Israël  
 adumbrata sunt. quem eam ob causam Apostolus di-  
 cit in nube & in mari fuisse baptisatum. Mortifica-  
 tio figurata est, cum Dominus è manu Pharaonis, et  
 crudeli seruitute eos asserens, uiam illis strauit per  
 mare rubrum: & Pharaonem ipsum & Aegyptios  
 hostes, qui à tergo illis instabant, & ceruicibus im-  
 minebant, submersit. Nam & ad hunc modum, in  
 baptismo pollicetur nobis, & dato signo ostendit,  
 nos ex Aegypti captiuitate, hoc est, è peccati serui-  
 tute, sua uirtute eductos & uindicatos: submersum  
 Pharaonem nostrum, id est, diabolum. quanquam  
 nec sic etiam exercere nos & fatigare desinat. Ve-  
 rum, ut Aegyptius ille non in profundum maris deie-  
 ctus fuerat, sed in littore prostratus, terribili aspectu  
 adhuc

1. Cor. 10

Exod. 14

adhuc Israëlitas terrebat, sed nocere non poterat: ita hic noster adhuc quidē minatur, arma ostendit, sentitur, sed uincere non potest. In nube, purgationis symbolum fuit. nam ut tum illos Dominus opposita nube operuit, & refrigerium præstitit, ne inclementiore solis ardore deficerent, & tabescerent: ita in baptismo, nos Christi sanguine opertos esse & protectos agnoscimus, ne Dei seueritas, quæ uere est flamma intolerabilis, nobis incumbat. Iam perspicuum est, quam falsum sit quod docuerunt nonnulli, nos per baptismum solui & eximi ab originali peccato, & ea corruptione quæ ab Adam in uniuersam posteritatem propagata est. atq; in eandem iustitiam naturæq; puritatē restitui, quam obtinuiſſet Adam, si in ea, qua primum creatus fuerat, integritate stetiſſet. Tale enim doctorum genus nunquam, quid peccatum originale, quid iustitia originalis, quæ gratia baptismi eſſet, affecutum est. Peccatum originale est, naturæ nostræ prauitas ac corruptio: quæ primum reos facit iræ Dei, tum etiam opera in nobis profert, quæ scriptura uocat opa carnis. Atq; id est, qd' proprie in scripturis peccatū nominatur. Quæ uero inde emergūt opera, qualia sunt adulteria, fornicationes, furta, odia, contentiones, cædes, comestiones,

Numer. 9

Ro. 5. 6. 7.

tiones: fructus peccati magis, secundum eam rationem uocari debent. quanquam & peccata sæpe in scriptura nuncupantur. Hæc itaq; duo distincte obseruanda. nempe q; sic omnibus naturæ nostræ partibus uitiati peruersi q; iam ob talem duntaxat corruptionem damnati merito, conuicti q; coram Deo tenemur: cui nihil est acceptum, nisi iustitia, innocentia, puritas. Atq; adeò infantes quoq; ipsi, suã secum damnationẽ è matris utero asserunt. qui tametsi suæ iniquitatis fructus nondum protulerint, habent tamen in se inclusum semen. imò tota eorum natura, quoddam est peccati semen. ideo non odiosa & abominabilis Deo esse non potest. Hanc damnationem sublatam, & à se depulsam esse, certi per baptismum fideles fiunt. Quando (ut dictum fuit) Dominus hoc signo nobis pollicetur, plenam solidamq; remissionem factam esse, & culpæ, quæ imputanda nobis erat: & pœnæ, quæ ob culpã luenda. Iustitiã quoq; apprehendunt, sed qualem in hac uita obtinere populus Dei potest: nempe imputatione duntaxat. quia pro iustis & innocentibus eos, sua misericordia, Dominus habet. Deinde, quòd hæc peruersitas nunquã in uobis cessat, sed novos assidue fructus parit. Ea scilicet, quæ ante descripsimus, opera carnis. non  
 secus



Secus atq; incensus fornax flāmam & scintillas perpetuo efflat, aut scaturigo aquā sine fine egerit. Quare qui peccatum originale definierunt, carentiam institutæ originalis: nō satis significanter uim atq; energiam ipsius expresserunt. Non enim natura nostra boni tantū inops & uacua est, sed malorū omnium adeo fertilis ac ferax, ut ociosa esse non possit. Qui dixerunt esse cōcupiscentiam, non nimis alieno uerbo usi sunt. si tamen adderent, quod minime concedunt: quicquid in homine est, ab intellectu ad uoluntatem, ab anima ad carnem usq; hac concupiscentia inquinatum, refertumq; esse. aut (ut breuius absolueretur) totum hominem non aliud ex seipso esse, quā concupiscentiā. Huiusmodi concupiscentia nunquam plane in hominibus interit & extinguitur: donec per mortē è corpore mortis liberati, semetipsos prorsus exuerint. Baptismus quidem promittit nobis submersum esse nōstrū Pharaonem, & peccati mortificationem: non tamen ita, ut amplius non sit, aut nobis negocium non faceffat: sed tantum ne superet. Nam quamdiu in hoc carcere corporis nōstri clausi degemus, habitabunt in nobis reliquiae peccati. sed si promissionem in baptismo nobis à Deo datam fide tenemus: non dominabuntur, nec regnabunt.

Nemo autem se fallat, nemo sibi in suo malo blandiatur, cum audit peccatum semper in nobis habitare. Non in hoc dicuntur ista, ut peccatis suis secure indormiant peccatores: sed tantum, ne labascant, & animū despondeant, qui à carne sua titillantur, exercentur, punguntur. magis cogitent, se in uia adhuc esse: & multum se profecisse credant, cum è sua concupiscentia aliquantulum minui indies senserint: donec eo pertigerint, quo tendunt. nempe ad ultimum interitum carnis suæ, qui in huius uitæ mortalis interitu perficietur. Sic ergo habendum est. Baptisamur in mortificationem carnis nostræ, quæ à baptismo in nobis inchoatur, quã quotidie prosequimur. perficietur autem, cum ex hac uita migrabimus ad Dominum. Postremo, & hanc è baptismo consolationem fides nostra accipit, quod certò nobis testificatur, non modo in mortē & uitam Christi nos insertos esse: sed sic ipsi Christo unitos & cōpactos, ut omnium eius bonorum participes simus. Ideo enim baptismū in suo corpore dedicauit & sanctificauit, ut cōmunem eum nobiscū haberet: ceu firmissimum unionis ac societatis, quam nobiscū inire dignatus est, uinculum. Vt Paulus ex eo probet, nos esse filios Dei: quia Christum in baptismo induimus. Con-

fessioni

Matth. 3

Galat. 3

feſſioni autem noſtræ apud homines ſic ſeruit. Siqui  
 dem nota eſt: qua palam profiteſcitur nos populo Dei  
 accenſeri uelle, qua teſtamur nos in unius Dei cultū,  
 in unam religionem cum Chriſtianis omnibus con-  
 ſentire: qua deniq; fidem noſtrā publice affirmamus.  
 ut non modo laudem Dei ſpirent corda noſtra, ſed  
 linguæ etiā, et omnia corporis membra, quibus poſ-  
 ſunt ſignificationibus, perſonent. Ita enim, ut decet,  
 noſtra omnia in obſequiū gloriæ Dei conferuntur,  
 qua nihil uacuum eſſe debet: et cæteri noſtro exēplo,  
 ad eadē ſtudia incitātur. Huc reſpiciebat Paulus, cū 1. Cor. 1  
 interrogaret Corinthios, an non in Chriſti nomen  
 baptiſati fuiſſent? innuēs ſcilicet, eo ipſo quòd in eius  
 nomen fuiſſent baptiſati, ſeſe illi deuouiſſe, in eius no-  
 men iuraſſe, & fidem illi ſuam apud homines obſtrin-  
 xiſſe. ut confiteri amplius non poſſent, niſi ſolum  
 Chriſtum: niſi confeſſionē abnegare uellent, quam  
 in baptiſmo ediderant. Nunc poſtquam enarra-  
 tum eſt, quid ſpectauerit Dominus noſter in institu-  
 tione baptiſmi, quæ ſit nobis utendi accipiendiq; ra-  
 tio, iudicare promptum eſt. Nam quatenus conſolan-  
 dæ confirmandæq; fidei noſtræ datur, accipiendus  
 eſt quaſi è manu Dei: certū perſuaſumq; habere con-  
 uenit, ipſum eſſe, qui nobis per ſignū loquitur: ipſum  
p 2 eſſe

esse, qui nos purgat, abluit, delictorum memoriam abolet. ipsum esse, qui mortis filij sui participes facit, qui sathanæ & concupiscentiæ nostræ vires eneruat, imò qui filio suo nos induit. Hæc, inquam, tam uere certòq; animæ nostræ intus facere, quàm certo uidemus corpus nostrum extrà abluì, submergi, circumdari. Ist hæc enim, siue analogia, siue similitudo, certissima est sacramentorum regula: ut in rebus corporeis, spirituales conspiciamus ac cogitemus. quando istiusmodi figuris representare domino uisum est. Non quia sacramento tales gratiæ illigatæ inclusæq; sint, aut quòd sacramentum organum ac instrumentum sit, quo nobis conferantur: sed duntaxat, quia hac tessera uoluntatem suam nobis Dominus testificatur. nèpe se hæc omnia nobis uelle largiri. Huius

**Act. 10** documentum sit Cornelius centurio, qui peccatorum remissione, qui gratijs spiritus sancti uisibilibus iam antea donatus, baptisatus est: non largiorem remissionem è baptismo petens, sed certiore fidei exercitatione. Obiecerit forte aliquis: Cur igitur Paulo dicebat Ananias, ut peccata sua per baptismũ ablueret, si baptismo peccata non abluuntur? Respondeo: Dicimur accipere, obtinere, impetrare, quod nobis à Deo datum credimus: siue id tum primum agnos-

scimus,

scimus, siue prius agnitum, certius persuasum habemus. Hoc itaq; tantum uoluit Ananias: Vt certus sis, Paule, remissa tibi esse peccata, baptizare. promittit enim Dominus in baptismo remissionē peccatorum: hanc accipe, & securus esto. Cæterum, ex hoc sacramento nihil assequimur, nisi quantum fide accipimus. si fides desit, erit in testimonium accusationis nostræ coram Deo, quod promissioni illic datæ increduli fuerimus. Quatenus uero confessionis nostræ symbolum est, testari eo debemus, fiduciam nostram in Dei misericordia esse: & puritatē nostram, in peccatorum remissione, quæ est per Iesum Christum: nosq; in ecclesiam Dei ingredi, ut uno fidei & charitatis consensu, cum fidelibus omnibus uiuamus unanimes. Hoc uoluit Paulus, cū inquit: in uno nos omnes spiritu baptisatos esse, ut unum corpus simus. 1. Cor. 12.

Iam si uerum est, quod constituimus: sacramentum non ex eius manu accipiendum esse, à quo ministratur: sed uelut ex ipsa Dei manu, à quo haud dubie mittitur: inde colligere licet, nihil illi afferri uel auferri, eius dignitate, per cuius manum traditur. ac perinde atq; inter homines, si qua missa epistola fuerit, modo satis & manus & signum agnoscatur, minime refert, quis aut qualis tabellarius fuerit: ita no-

bis sufficere debet, manum & signum Domini nostri in sacramentis suis agnoscere, à quocunq; tandem tabellario deferantur. His Donatistarum error pulchre refutatur, qui uim ac preciũ sacramenti metiebantur ministri dignitate. Tales hodie sunt Catapaptistæ nostri, qui rite nos baptisatos pernegant, quòd ab impijs & idololatrīs in regno papali baptisati sumus. itaq; anabaptismum furiose urgent. Aduersus quorum ineptias satis ualida ratione muniemur, si cogitemus nos baptismo initiatos, non in nomen alicuius hominis: sed in nomen patris, & filij & spiritus sancti. Ideoq; baptismũ nõ esse hominis, sed Dei: à quocunq; tandem administratus fuerit. Vt maxime Dei ignorantes aut contemptores fuerint, qui nos baptisabant: nõ tamen in suæ ignorantie uel sacrilegij consortium nos tinxerunt, sed in fidem Iesu Christi: quia non suum, sed Dei nomen inuocarunt, nec in aliud nomen nos baptisauerunt. Quòd si baptismus Dei erat, habuit certe promissionem, de peccatorum remissione, mortificatione carnis, uiuificatione spirituali, participatione Christi. Iam uero quòd nos interrogant, quæ tamen fides nostra baptismum aliquot annis secuta sit, ut inde euincant irritum esse baptismum, qui nobis non sanctificatur, nisi uerbo promissionis



missionis fide accepto. Ad id postulatum responde-  
 mus: nos quidem cæcos & incredulos, longo tempo-  
 re promissionem, quæ in baptismo nobis data erat,  
 non tenuisse: promissionem tamen ipsam, quando à  
 Deo erat, statam semper & firmam, ueracemq; man-  
 sisse. Etiam si omnes homines mendaces & perfidi:  
 Deus tamē uerax esse nō desinit. etiam si omnes per-  
 diti, Christus tamen salus manet. Fatemur ergo ba-  
 ptismum pro eo tempore non profuisse nobis hilum,  
 quando in eo nobis oblata promissio, sine qua bap-  
 tismus nihil est, neglecta iacebat. Nunc, ubi Dei gra-  
 tia resipiscere cœpimus, cæcitatem nostram & duri-  
 tiam cordis accusamus, qui tantæ eius bonitati tam-  
 diu ingrati fuerimus. cæterum, promissionem ipsam  
 nō euanuisse credimus. Quin potius sic reputamus.  
 Deus per baptismum, peccatorum remissionem pol-  
 licetur, & promissum indubie omnibus credentibus  
 præstabit. Ea promissio nobis in baptismo oblata: fide  
 igitur amplectamur. Diu quidem nobis propter infi-  
 delitatem sepulta fuit: nunc igitur eam per fidem reci-  
 piamus. Verum igneum sibi uidentur telum uibrare,  
 cum allegant, Paulū rebaptisasse eos, qui Ioannis ba-  
 ptismo semel baptisati erant. Nam si, nostra confes-  
 sione, idem prorsus fuit Ioannis baptismus, qui nunc

Acto. 10

noster est. quemadmodum illi antea peruerse institu-  
 ti, ubi rectam fidem edocti sunt, in eam sunt rebapti-  
 sati: ita baptismus ille, qui sine uera doctrina fuit, pro  
 nihilo reputandus est. & ex integro baptisari debe-  
 mus in ueram religionem, qua nunc primum imbuti  
 sumus. Concedo fuisse prius illud baptisma, uerum  
 Ioannis baptisma, & unum idemq; cum Christi ba-  
 ptismate: sed rebaptisatos nego. Quid igitur sibi uo-  
 lunt uerba? baptisati sunt in nomine Iesu. Quidā in-  
 terpretantur, tantū syncera doctrina eruditos à Pau-  
 lo fuisse. sed simplicius intelligere malim, baptismum  
 spiritus sancti, hoc est, gratias spiritus uisibiles per  
 manuum impositionem datas: quas baptismi nomi-  
 ne significari non nouū est. Nec repugnat quod po-  
 stea subditur, cum imposuisset illis manus, descende-  
 bat spiritus sanctus super eos. Non enim duo diuer-  
 sa narrat Lucas, sed formam narrationis sequitur He-  
 bræis familiarem: qui primum rei summā proponūt,  
 deinde fusius explicant. Quod ex ipso uerborū con-  
 textu animaduertere quiuis potest. Dicitur enim: His  
 auditis, baptisati sunt in nomine Iesu. Et cum impo-  
 suisset illis manus Paulus, spiritus sanctus descende-  
 bat super illos. Hac posteriori locutione describitur,  
 qualis ille fuerit baptismus. Verum, quia ex quo  
 dictum

dictum est sacramenti usum duabus his partibus constare: primum, ut de Domini promissionibus edoceamur: deinde, ut fidem nostram apud homines profiteamur: dubitari possit, cur Christianorū liberi adhuc infantes, baptisentur: qui neq; talibus documentis doceri quicquam posse multis videntur, nec fidem habere intus conceptam, cuius testimonium palam reddant. rationem pædobaptismi paucis explicabimus. Principio, temere affirmatur & arroganter, fidem in hanc ætatem cadere non posse. Nam si ex his, quos in eiusmodi ætatula ab hac mortali uita reuocat Dominus, regni cœlestis aliquos hæredes facit: æterna autē beatitudo in Dei cognitione sita est: cur non illis hic gustum aliquem & primitias dare possit eius boni, quo abunde olim pleneq; fruuntur? cur non per speculum & in ænigmate ab ijs uideri possit, à quibus facie ad faciem spectabimur? Id si assequi non possumus: cogitemus quàm magnifica sint opera eius omnia, & quàm eius consilia sint abstrusa sensibus nostris. Præterea, si fatemur (quod certe fateri necesse est) & ex hac ætate à Domino uasa misericordiæ eligi: neq; de fide inficiari possumus, Rom. 9  
 quæ unica est ad salutem uia. Nam si in uno Chri- Abac. 2  
 sto uiuimus, & quidē per fidem: ubi à fide discessum Rom. 1  
 fuerit,

fuerit, nihil possumus nisi in Adam mori. Clarū est  
 enim testimonium: Qui crediderit, & baptisatus fue-  
 rit, saluus erit. Qui non crediderit, iam condemna-  
 tus est. Nonnulli, ex loci circumstantia, uerbum hoc  
 ad eos duntaxat referendū contendunt, qui per æta-  
 tem, Euāgelicam prædicationē exaudire potuerint:  
 quod eo loco mittantur Apostoli ad euangelisandū,  
 deinde sequitur, Qui crediderit, hūc saluū fore. nem-  
 pe, inquit, cui prædicatum fuerit: non autem præ-  
 dicatur, nisi adultis. Sed ego contrā assero, hanc ge-  
 neralem esse sententiā, toties inculcatā repetitamq;  
 in scripturis, ut tam leui solutione eludi non possit.  
 Nullum ætatū discrimen statuitur, cū dicitur, hanc  
 esse uitam æternam, nosse unum uerum Deum, &  
 quem misit, Iesum Christum: cum dicitur, iram Dei  
 manere super eum, qui non crediderit in unigenitum  
 filium Dei: uitam non habituros, nisi qui ederint car-  
 nem filij hominis. & alia eius generis. Quare manet  
 fixa sententia, nullos nisi fide saluos fieri, siue pueri  
 sint, siue adulti. Ideo & baptisus ad infantes iure  
 pertinet, quorū cum adultis cōmunis est fides. Neq;  
 uero hæc quispiam in eum sensum accipere debet,  
 quasi dicam à matris uero semper inchoari fidē: cum  
 adultos etiā ipsos nunc serius, nunc citius, Dominus  
 uocet.

uocet. sed tantum dico, omnes Dei electos per fidem ingredi in uitā æternā, quacūq; ætatis parte ex hoc corruptionis carcere tollantur. Quòd si hæc ratio nos deficeret, abunde tamen nobis esset, quod in baptisandis infantibus Domini uoluntati paremus: qui uoluit, ut uenire ad se sinerentur. Quos impediri Matth. 19 prohibet, simul utiq; adiuuari præcipit. Et cum dixerit, talium esse regnum cœlorū: nihil aliud quàm eius sententiæ subscribimus, ueritatēq; obfirmamus, cum illis signum remissionis peccatorū cōmunicamus: sine qua regnū cœlorū omnibus clausum, obseratūq; est. Quin & præceptum à Domino positum de circuncidendis Iudæorū pueris, uice mandati nobis esse debet: quando in circuncisionis locum successit baptismus noster. Nam quòd Iudæis pollicebatur Dominus in circuncisione, se scilicet ipsis & eorum semini Deum fore, ipsos semenq; ipsorū sibi fore in populum, id ipsum hodie Christianis pollicetur in baptismo: nō adultis modo, sed & infantibus. quos etiā Gen. 17 eam ob causam Paulus sanctos dicit, ut Iudæorum 1. Cor. 7 olim infantes sancti uocari poterant,  
 præ gentilibus, immundis  
 & prophanis.

## DE COENA DOMINI.

**A**lterum Christianæ ecclesiæ institutum sacramentum, est panis in Christi corpore sanctificatus, & uinum in eius sanguine sanctificatum. Vocamus autem, uel cœnam Domini, uel eucharistiam. quòd in ipso & spiritualiter benignitate Domini pascimur, & nos illi suæ beneficentiæ gratias agimus. Promissio illic addita perspicue declarat, quem in finem institutū fuerit, ac quorsum spectet. nempe, ut nobis confirmet, corpus Domini sic pro nobis semel traditum, ut nunc nostrum sit, ac perpetuo etiam futurum: sanguinem eius sic pro nobis semel effusum, ut noster sit semper futurus. Quo rursum reuincitur eorum error, qui negare ausi sunt, sacramenta exercitia fidei esse: ad ipsam tuendam, excitandam, & augendam data. Verba enim sunt: Hic

**Luc. 22** calix nouum testamentum est, in meo sanguine. Hoc  
**1. Cor. 11** est documentum ac testimonium promissionis. Vbi-  
 cunq; autem est promissio, illic fides habet quo nita-  
 tur, quo se cōsoletur, quo se confirmet. . magnum  
 uero suauitatis ac consolationis fructum ex hoc sa-  
 cramento colligere possunt animæ nostræ: quòd sic  
 Christū nobis, sic nos illi uicissim insertos esse agno-  
 scimus, ut quicquid ipsius est, nostrum uocare: quic-  
 quid



quid nostrum est, ipsius censere liceat. Quare et nobis secure spondere audeamus, uitā æternā nostram esse, regnum ccelorum tam nobis non posse excidere, quam nec Christo ipsi. rursum peccatis nostris non posse nos magis, quam ipsum damnari: quia non iam nostra, sed ipsius sunt. Non quod ipsi ulla culpa iure imputanda sit: sed quia eorum se & debitorem statuit, & solutorē præstat. Hæc est cōmutatio, qua immensa sua bonitate nobiscum usus est. Quod nostram in se paupertatem recipiens, suam ad nos opulentiam transtulerit. Quod suscepta nostra imbecillitate, sua uirtute nos confirmauerit. Quod accepta nostra mortalitate, sua nos immortalitate donauerit. Quod in terras descendens, ascensum nobis in cælum strauerit. Quod filius hominis nobiscum factus, nos secum Dei filios fecerit. Hæc omnia adeo solide in sacramento isto promittuntur, ut certo statuendū sit, uere nobis exhiberi, nō secus ac si Christus ipse præsens aspectui nostro obijceretur, ac manibus attrectaretur. Hoc enim uerbum nos ludificari, nobis uē mentiri non potest: Accipite, edite, bibite. Hoc est corpus meum, quod pro uobis traditur. Hic est sanguis, qui in remissionē peccatorum effunditur. Quod accipere iubet, significat nostrum esse.

Matth. 26

Mar. 14

Luc. 22

1. Cor. 11

Quod

Quod manducare iubet, significat unam nobiscum substantiam fieri. Cum dicit, Hoc est corpus meum, quod pro uobis traditur: hic est sanguis meus, q̄ pro uobis effunditur: docet nō tā sua esse, quā nostrā: quæ non suo cōmodo, sed in gratiā ac rem nostrā, & sumpsit, & posuit. Ac diligenter quidē obseruandum est, totam sacramēti energiam in his uerbis sitam esse: Quod pro uobis traditur, Qui pro uobis effunditur. Alioqui non magnopere nobis conduceret, corpus ac sanguinem Domini nunc distribui, nisi in redemptionem ac salutem nostrā exposita semel fuissent. Itaq; sub pane & uino repræsentantur: quo discamus nō modo nostrā esse, sed nobis esse in uitā ac alimentum. Id est quod antea admonuimus, à rebus corporeis, quæ in sacramentis proferuntur, quadam analogia, nos ad spirituales deduci debere. Sic, cū panē uidemus nobis in signū corporis Christi exhibitū, hæc statim concipienda est similitudo. Vt corporis nostri uitā panis alit, sustinet, tuetur: ita corpus Christi uitæ nostræ spiritualis cibum ac protectionem esse. Cum uinū in symbolū sanguinis: cogitandū, quos corpori usus uinū afferat, ut eosdē spiritualiter nobis Christi sanguine afferri reputemus. Sunt autē, confirmare, reficere, exhilarare. Nā  
 si satis

si satis perpēdimus, quid nobis sacrosancti huius corporis traditio, quid sanguinis effusio p̄suerit: nō obscure perspiciemus, hæc panis & uini attributa, secundū eiusmodi analogiam, optime illis conuenire. Non ergo præcipuæ sunt sacramēti partes, corpus Christi simpliciter nobis exhibere: sed magis, promissionē illam, quæ carnē suā uere cibū esse testatur, Ioan. 6  
& sanguinē suum, potum, quibus in uitam æternam pascamur: quæ se panem uitæ esse affirmat, de quo qui manducauerit, uiuet in æternum: illam, inquam, promissionē obsignare & confirmare. Et quo id efficiat, ad Christi crucem mittere: ubi ea promissio uere præstita, & numeris omnibus impleta fuit. Nam quod se panem uitæ appellauit, non eam à sacramento appellationem sibi sumpsit (ut quidam peruerse interpretantur: ) sed quia talis à patre nobis datus fuerat, talemq; sese præstitit, cum humanæ nostræ mortalitatis particeps factus, nos diuinæ suæ immortalitatis consortes fecit: cum in sacrificiū se offerens, maledictionem in se nostrā sustulit, ut sua nos benedictione perfunderet: cū morte sua mortē deglutiuit & absorbuit: cū in sua resurrectione carnē hanc nostrā corruptibile, quā induerat, in gloriā & incorruptionem suscitauit. Sacramentū ergo nō panem uitæ  
Christum

Christi esse facit: sed quatenus in memoriã nobis reuocat panẽ esse factũ, quo assidue uescamur, eius panis gustũ & saporẽ nobis præbet. Deniq; nobis pollicetur, quicquid fecit aut passus est Christus, ea fecisse & passum esse in nostram uiuificationẽ. Deinde, hanc uiuificationem æternam esse: qua sine fine alamur, sustineamur, & conseruemur in uita. Si quidem, ut panis uitæ nobis nõ fuisset Christus, nisi nobis natus ac mortuus fuisset, nisi nobis resurrexisset: ita minime nũc esset, nisi eius natiuitatis, mortis, resurrectionis, efficacia & fructus, res æterna esset ac immortalis. Si hæc uis sacramenti pro dignitate excussa expensaq; esset, satis superq; habebat, unde nobis satisfaceret: nec excitatæ essent horribiles istæ dissensiones, quibus tum olim, tum nostra etiamnum memoria, ecclesia misere uexata est: dum uolunt curiosi homines definire, quomodo in pane præsens adsit Christi corpus. Alij, quo se argutos probarent, addiderunt ad scripturæ simplicitatem, adesse realiter ac substantialiter. Alij ultra etiam progressi sunt: iisdem esse dimensionibus, quibus in cruce pendeat. Alij prodigiosam transubstantiationẽ excogitarunt. Alij panem, ipsum esse corpus: Alij, sub pane esse: Alij, signum tantum & figuram corporis

poris proponi. Res scilicet digna, de qua tanta & uerborum, & animorum contentione disceptetur. Sic quidem uulgo existimatur: sed qui ita sentiunt, non animaduertunt, primo loco quærendum fuisse, quomodo Christi corpus, ut pro nobis traditum est, nostrum fieret: quomodo sanguis, ut pro nobis effusus est, noster fieret. Id uero est, totum Christum crucifixum possidere, ac omnium eius bonorū participem fieri. Nunc his omiſſis, quibus tantum inerat momenti, imò neglectis & penè sepultis, hæc una spinosa quæstio depugnatur: Quomodo corpus à nobis uoretur? Quo tamen in tanta opinionum turba & uarietate, una certaq; Dei ueritas nobis constet: cogitemus primum, spirituale quiddam esse sacramentum, quo Dominus non uentres nostros, sed animas pascere uoluit. ac Christum in eo quæramus, non nostro corpori, nec ut sensibus carnis nostræ comprehendere potest: sed sic, ut anima uelut præsentem sibi datum & exhibitum agnoscat. Deniq; ipsum spiritualiter obtinere, satis habemus: sic enim in uitam ipsum obtinebimus: quod ipsum est percepisse, quicquid ex sacramento fructus percipi potest. Hanc cogitationem ubi quis animo præsumpserit ac meditatus fuerit, facile intelliget, quomodo Christi corpus

in sacramento nobis offeratur. nempe, uere & efficaciter: de natura ipsa corporis minime sollicitus erit. Hæc quia minus usitata sunt ( quòd pauci hæctenus rem acu tetigerunt ) pluribus uerbis illustrari forte opus fuerit. Itaq; sic in summa habendum est. Christus, ut ueram nostram carnem induit, cum è uirgine natus est: in uera carne nostra passus est, cum pro nobis satisfecit: ita eandem ueram carnem & resurgendo recepit, & in cœlū sustulit. Hæc enim nobis nostræ resurrectionis, & in cœlum ascensionis spes est, quòd Christus resurrexit, & ascendit. Porro quàm infirma & fragilis spes foret ista, nisi hæc ipsa nostra caro in Christo uere suscitata, & in regnum cœlorum ingressa esset? Atqui hæc est perpetua corporis ueritas, ut loco contineatur, ut suis dimensionibus constet, ut suam faciem habeat. Scio quid cauillentur ceruicosi quidam, quo errorem semel susceptum obstinate tueantur: non alias unquam dimensiones habuisse Christi carnem, nisi quàm longe lateq; cælum & terra patent. Quod autem puer ex utero natus sit, quod creuerit, quod in cruce expansus, quod sepulchro inclusus: id dispensatione quadã factū, ut nascendi, moriendi, cæterisq; humanis officijs defungeretur. Quod solita corporis specie post  
resurre-



resurrectionem conspectus fuerit, quod in cœlum assumptus, quod postremo etiam post ascensionem, Stephano & Paulo uisus: eadem id dispensatione factum, ut regem se in cœlo constitutum hominum aspectui declararet. Quid hoc est, nisi Marcionem ex inferis suscitare? Quis enim dubitet corpus Christi phantasticum fuisse, si ea conditione fuit? Allegāt quod à Christo ipso dictum est. Nemo ascendit in cœlum, nisi qui descendit è cœlo: filius hominis, qui in cœlo est. Verum sunt ne obtuso adeo sensu, ut non uideant id dictum per cōmunicationem idiomatum? Qualiter à Paulo Dominus gloriæ crucifixus dicitur, non quia secundum diuinitatem sit passus: sed quia Christus, qui abiectus & contemptus in carne patiebatur, idem Deus erat & Dominus gloriæ. Ad hunc modū & filius hominis in cœlo erat: quia ipse idem Christus, qui secundum carnem hominis filius habitabat in terris, Deus erat in cœlo. Quare ratione, eo ipso loco, descendisse dicitur secundum diuinitatem. non quòd diuinitas cœlum reliquerit, ut in ergastulum corporis se abderet: sed quia, tametsi omnia impleret, in ipsa tamen Christi humanitate corporaliter, id est, naturaliter habitabat, & ineffabili quodam modo. Alij paulò argutius elabuntur.

1. Cor. 15.

Acto. 7.

Ioan. 3.

1. Cor. 2.

Coloss. 2.

Math. 17

corpus hoc, quod in sacramento exhibetur, gloriosum esse & immortale. Itaq; nihil absurdi esse, si pluribus in locis, si nullo loco, si nulla forma, sub sacramento contineatur. Sed quæro, quale dabat discipulis Dominus pridie quàm pateretur? an nō uerba sonant, mortale illud, quod statim tradendum erat, dedisse? Iam antea, inquiunt, suam gloriam tribus discipulis in monte Thabor conspiciendam dederat. Verum id quidem est. sed ea claritate gustum tantum suæ immortalitatis ad horā illis præbebat. Cum uero corpus suum in ultima ccena distribueret, imminebat iam iam hora, qua à Deo percussus & humiliatus, sine decore, ut leprosus, iaceret. tantū abest, ut tunc gloriam suam proferre uellet. Et hic quanta Marcioni fenestra aperitur, si Christi corpus uno in loco mortale & humile uidebatur, in alio immortale & gloriosum tenebatur? sed ad tantum absurdum conuiueo. Tantū de corpore glorioso mihi respondeāt, an non tamen corpus sit? Est, inquiunt, ἄρπυριον, πολὺ ἄρπυριον, ἀχρημάτιστον, ἄμετρον. Id uero est, non uno quidem uerbo, sed periphrasi, spiritum uocare. Aut negemus plane carnis resurrectionem, aut cum resurrexerit, carnem fore confiteamur: quæ à spiritu in hoc differt, quia loci spacio clauditur, quia uidetur,

uidetur, quia tangitur. Neq; uel tantillum illis patrocinatur, quod toties obiectant, Christum ad discipulos intrasse ianuis clausis. Intrauit certe, mirabili ingressu. neq; enim aut eas ui perfregit, aut expectauit dum hominis manu aperirentur: sed omne sibi obstaculū cedere sua uirtute fecit. Cæterum ingressus, corporis ueritatem discipulis approbauit: Ioan. 20 Vide, inquit, & palpite: quia spiritus carnem & ossa non habet. En gloriosum Christi corpus, uerum esse probatur: quia palpari & uideri potest. Aufer ista: iam uerū corpus esse desinet. Hic, ut nobis inuidiam faciant, de omnipotentis Dei potentia maligne nos loqui criminantur. Sed aut stulte errant, aut malitiose mentiuntur. Non enim hic quæritur, quid Deus potuerit, sed quid uoluerit. Affirmamus autem id factum esse, quod illi placitū erat. Placuit autem, Christum fratribus per omnia similem fieri, excepto peccato. Qualis est nostra caro? nonne quæ certa sua dimensione constat? quæ loco continetur? quæ tangitur? quæ uidetur? Et cur, inquiunt, nō faciat Deus, ut caro eadem, plura diuersaq; loca occupet? ut nullo loco contineatur? ut modo & specie careat? Insane, quid à Dei potentia postulas, ut carnem faciat, simul esse, & non esse carnem? perinde ac si instes, ut lucem faciat

q 3

cem, faciat simul esse lucem & tenebras. At lucem, uult esse lucem: tenebras, tenebras: carnem, carnem. Conuertet quidem cum uolet tenebras in lucem, & lucem in tenebras. sed cum exigis, ut lux & tenebræ non differant, quid aliud quàm ordinem sapientiæ Dei peruertis? carnem igitur, Carnem esse oportet: spiritum, spiritum. unumquodq; qua à Deo lege. & conditione creatum est. Ea uero est carnis conditio, ut uno certo'que loco, ut sua dimensione, ut sua forma constet. Ea conditione carnem induit Christus, cui incorruptionem quidem & gloriam

**Acto. 1** dedit: naturam & ueritatem non abstulit. Planum enim est clarum'que scripturæ testimonium, quòd in cœlum ascenderit, sic uenturus, quomodo ascendere uisus est. Nec est quod adhuc resiliant isti peruiaces, uisibilem ascendisse & reuersurum, interim tamen nobiscum inuisibilem habitare. siquidem carnem se habere & ossa Dominus noster testatus est, quæ palpari & uideri possent. Et abire, ac ascendere, non speciem ascendentis abeuntisq; dare significant: sed uere id facere, quod uerba sonant. Cæterum, tametsi carnem suam à nobis sustulit, & corpore in cœlum ascendit: ad dexteram tamen patris sedet. hoc est, in potentia, maiestate, & gloria patris

patris regnat. Hoc regnum nec ullis locorum spacijs limitatum, nec ullis dimensionibus circumscriptum: quin Christus uirtutem suam, ubicunq; placuerit, in cælo & in terra exerat, quin se præsentem potentia & uirtute exhibeat: quin suis semper adsit, in ijs uiuat, eos sustineat, confirmet, uegetet, conseruet, non secus ac si corpore adesset. Secundū hanc rationem, corpus & sanguis Christi in sacramento nobis exhibetur: secundum priorem, minime. Docēdi causa, dicimus uere & efficaciter exhiberi: non autem naturaliter. Quo scilicet significamus, non substantiam ipsam corporis, seu uerum & naturale Christi corpus illic dari: sed omnia, quæ in suo corpore nobis beneficia Christus præstitit. Ea est corporis præsentia, quam sacramenti ratio postulat. Quam tanta uirtute, tantāq; efficacia hic eminere dicimus, ut nō modo indubitatam uitæ æternæ fiduciam animis nostris afferat: sed de carnis etiam nostræ immortalitate securos nos reddat. Siquidem ab immortalis eius carne iam uiuificatur, & quodammodo eius immortalitati cōmunicat. Qui supra hæc, suis hyperbolicis euehuntur, nihil aliud quàm talibus inuolucris simplicem & planam ueritatem obscurant. Quod si quis morosulus, ex ipsis Christi uerbis, nobis etiamnum

controuerſiam faciat, quod dixerit Hoc eſſe corpus  
 ſuum, Hunc eſſe ſuum ſanguinẽ: hic uelim pauliſper  
 mecum reputet, de ſacramento nunc haberi ſermo-  
 nem, cuius omnia ad fidem referenda ſunt. fidem ue-  
 ro nos iſta, quam enarrauimus, corporis participa-  
 tione non minus laute affluenterq; paſcimus: quã  
 qui ipſum Chriſtum è cœlo detrahunt. In uerbis ue-  
 ro ſi adeò tenaciter hæremus, & uerba luculente  
 mihi ſuffragantur. Quod enim Matthæus & Mar-  
 cus referunt, Dominũ uocaſſe, poculũ, ſuum ſangui-  
 nem noui teſtamenti: Lucas & Paulus dicunt, teſta-  
 mentum in ſanguine. Clames iam, licet, hoc eſſe cor-  
 pus & ſanguinem: ego contrà contendam, eſſe teſta-  
 mentum in corpore & ſanguine. Scripturæ interpre-  
 tationem ad fidei analogiam exigere iubet Paulus:  
 quam in hac parte mihi præclare conſtare nihil du-  
 bium eſt. Ipſe ad quam fidei amuſſim te formes, uide  
 Ioan. 4 ris. Qui enim nõ confitetur Ieſum in carne ueniſſe,  
 ex Deo non eſt. Tu licet diſſimules, eum carnis ſuæ  
 ueritate ſpolias. Hæc cognitio nos facile à carna-  
 li etiam adoratione abſtrahet, quam peruerſa temeri-  
 tate quidam in ſacramento erexerunt, quòd ſecum  
 ita ſubducerent: Si corpus eſt, & anima igitur, & di-  
 uinitas, ſunt unà cum corpore: quæ iam diuelli non  
 poſſunt.



possunt . itaq; illic adorandus Christus . En egregij nostri partus, ubi semel à uerbo Dei, ad cerebri nostri somnia euagari nobis permisimus. At si, qua decebat, humilitate omnes sensus sui cogitationes sub uerbo Dei continuissent talium ratiocinationum architecti, auscultassent certe quod ipse dixit: Accipite, manducate, bibite . huicq; mandato paruissent, quo accipi sacramentum, nō adorari iubet. Itaq; qui, ut à Domino mandatum est, sine adoratione accipiunt, securi sunt se à mandato Dei non deflectere. Qua securitate nulla maior consolatio accidere potest, cum quid operis instituimus. Habent Apostolorum exemplum, quos non legimus prostratos adorasse: sed, ut erant discumbentes, accepisse & manducasse. habēt Apostolicæ ecclesiæ usum, quæ non in adoratione, sed in fractione panis cōmunicasse, à Luca narratur. Habēt Apostolicam doctrinam, qua Paulus Corinthiorum ecclesiam instituit, professus se à Domino accepisse, quod tradebat. Qui adorāt, coniecturis tantum, & nescio quibus à se natis argumentationibus nituntur: syllabam unā è uerbo Dei prætereundum nō possunt. Nam ut maxime uerba corporis & sanguinis urgeant, quis tamen sanus & sobrius, corpus Christi, Christū sibi esse persuadeat?

Acto. 2

1. Cor. 11

Videntur quidem id sibi suis syllogismis pulchre conficere. uerum si eorum conscientias grauiore aliquo sensu exerceri contingat, facile cum suis syllogismis percellentur, dissoluentur, liquefcent: ubi certo Dei uerbo defici se uidebunt (quo uno consistunt animæ nostræ, cum ad rationem uocantur: & sine quo, primo quoq; momento labascunt.) Vbi Apostolorum doctrinam & exempla sibi aduersari, se uero solos sibi autores esse. Accedent ad tales impulsus & alij non leues stimuli. Quid? an res erat nullius momenti, Deum hac forma adorare, ut nihil nobis præscriberetur? an tanta leuitate fuerat tentandum, de quo nullum usquam uerbum factum fuerat, cum de cultu ac gloria Dei ageretur? Præterea, cum scriptura Christi ascensionem diligenter nobis enarrauerit, qua corporis sui præsentia à conspectu nostro consuetudineq; subduxit, quo nobis omnem de eo carnalem cogitationē excuteret: & quoties Christi meminit, mentibus sursum erigi moneat, & ipsum in cælo quærere, sedentem in patris dextera: erat potius in cælorū gloria spiritualiter adorandus, quàm exco-  
Coloss. 3. gitandum istud tam periculosum adorationis genus, plenum carnalis crassæq; de Deo & Christo opinionis. Quare qui sacramenti adorationem excogitarunt,

tarunt, eam à seipsis somniarunt, citra scripturam, in qua nulla huius adorationis mentio ostendi potest. quæ sanè non esset prætermissa, si Deo accepta fuisset. Eoq; Deum contempserunt : qui scripturæ suæ addere non minus uetat, quàm ex ea quicquã detrachere. Ac dum suæ sibi libidinis arbitrio, Deum fabricati sunt, dereliquerunt Deum uiuentem. Siquidem eius dona, pro datore ipso coluerunt. Vbi dupliciter peccatum est. nam & honor Deo raptus, ad creaturam traductus est: & ipse etiam in polluto ac prophanato suo beneficio inhonoratus, dum ex sancto eius sacramẽto factũ est execrabile idolũ. Nos e conuerso, ne in eandẽ incidamus foueam, aures, oculos, corda, mentes, linguas, penitus defigamus in sacra Dei doctrina. Est enim ea spiritus sancti, optimi magistri, schola: in qua sic proficitur, ut nihil sit aliud disciscendum. ignorandum uero libenter, quicquid in ea non docetur. Hactenus disseruimus, quomodo nostræ apud Deum fidei seruiat. Quando autem in sacramento hoc; tantam suæ bonitatis largitatem, quantam prius enarrauimus, nobis in memoriam Dominus reuocat, & ad eam agnoscendam nos excitat: simul admonet ne tam effusæ benignitati ingrati simus. Quin potius eam, quibus par est laudibus, prædice-

prædicemus, & gratiarum actione celebremus. Itaq; cum sacramenti ipsius institutum Apostolis traderet, ut id in sui memoriam facerent, docuit. Quod Paulus interpretatur, mortē Domini nunciare. id autem est, publice atq; uno simul omnes ore palam fateri, totam uitæ ac salutis fiduciā in morte Domini positam nobis esse: ut nostra illum confessione glorificemus, & alios nostro exemplo ad dandā illi gloriam exhortemur. Hic apparet rursum, quò sacramenti scopus spectet. nempe, ut nos in mortis Christi memoria exerceat. Quòd enim iubemur mortem Domini annunciare, donec ad iudicandum ueniat: non aliud est, nisi ut oris confessione prædicemus, quod fides nostra in sacramento agnouit: mortem scilicet Christi, nostrā esse uitam. Hic secundus sacramenti usus: qui ad extremam confessionem attinet. Tertio, & exhortationis uice nobis Dominus esse uoluit: qua nulla uehemētius ad charitatem, pacem, consensum, animare nos, inflāmareq; possit. Nam sic suum illic corpus nobis Dominus cōmunicat, ut unū prorsus nobiscum fiat, nosq; cum illo. Porro, cum non nisi unum illi corpus sit, cuius nos omnes participes facit: necesse est, & nos omnes unum corpus huiusmodi participatiōe fieri. Quam unitatē representat panis,

panis, qui in sacramentum exhibetur: qui uelut ex multis granis confectus est, sic cōmixtis confusisq; ne alterum ab altero discernere liceat: in hunc modum & nos tanta animorum consensione coniunctos connexosq; esse decet, ne quid dissidij aut diuisionis intercedat. Id Pauli uerbis explicari malo. **Ca. I. Cor. 10**  
lix, inquit, benedictionis cui benedicimus, cōmunicatio est sanguinis Christi: & panis benedictionis quē frangimus, participatio est corporis Christi. Itaque unum corpus sumus, omnes, qui de uno pane participamus. Præclare uero in sacramento profecerimus, si impressa insculptaq; animis nostris fuerit hæc cogitatio: non posse à nobis quenquam ex fratribus lædi, traduci, rideri, contemni, aut ullo modo offendi: quin simul in eo Christum lædamus, traducamus, rideamus, cōtemnamus. non posse nos à fratribus dissidere, quin simul à Christo dissideamus. Christum à nobis diligere non posse, quin diligatur in fratribus. Qualem corporis nostri curam gerimus, talem fratrum quoq; gerendam, qui membra sunt corporis nostri. Quomodo nulla corporis nostri pars aliquo doloris sensu tangitur, qui non in alias omnes diffundatur: ita non ferendum esse, fratrem malo aliquo affici, cuius non & ipsi compassione tangamur. *Quam obrem*

obrem non abs re Augustinus, toties sacramentum hoc appellat charitatis uinculum. Quis enim acrior admoueri stimulus poterat, ad excitandam mutuam inter nos charitatem, quam dum Christus seipsum nobis donans, non modo suo nos exemplo, ut alter alteri nos mutuo deuoueamus ac tradamus, inuitat: sed quatenus se facit omnium communem, nos quoque omnes unum in seipso esse facit? At quemadmodum sacrū hunc panem cœnæ Domini, spiritualem esse cibum uidemus, suauem ac delicatum ijs, quibus Christum ostendit suam esse uitam, quos ad gratiarum actionem erigit, quibus ad mutuam inter se charitatem exhortatio est: ita rursus in nocentissimum uenenum ijs uertitur, quorum fidem non docet, & quos ad confessionem laudis, charitatemque non excitat. Nam (ut ait Paulus) qui indigne manducant, rei sunt corporis & sanguinis Domini, iudiciumque sibi manducant & bibunt, non dijudicantes corpus Domini. Quo loco obseruandum est, non discernere corpus & sanguinem Domini, & indigne accipere, pro eodem accepta esse. Tale enim hominum genus: qui sine ulla fidei scintilla, sine ullo charitatis studio, ad usurpandam cœnam Domini, instar porcorum, se proripiunt: minime discernit corpus



pus Domini. Nam quatenus corpus illud, suam esse uitam non credunt, qua possunt contumelia ipsum afficiunt, omni sua dignitate spoliantes: ac demum sic accipiendo, prophanant & contaminant. Quatenus uero alienati à fratribus ac dissidentes, sacrum corporis Christi symbolum cum suis dissidijs commiscere audent: nō stat per eos, quo minus Christi corpus discerpatur, ac membratim dilanietur. Itaq; non immerito rei sunt corporis & sanguinis Domini, quod sacrilega impietate fœde adeò polluant. Hac ergo indigna manducatione damnationē suam sibi accipiunt. Nam cum nullam in Christo fidem repositam habeant, sacramento tamen accepto profitentur non alibi, q̃ in eo esse sibi salutē: omnemq; aliam fiduciā abiurāt. Quare ipsi sibi sunt accusatores, testimonium ipsi aduersum se pronunciant, damnationē ipsi suam obsignant. Deinde cum odio ac maleuolētia diuisi distractiq; à fratribus, hoc est, Christi mēbris, partē in Christo nullā habeāt: testificantur tamen, hanc unam salutem esse, Christo cōmunicare, & illi unitū esse. Obiter uero adnotandū est, frustra locum istū toties obiectari p̃ reali corporis præsētia. Paulus, fateor, de uero Christi corpore loquitur: sed quo sensu, uidere licet. ut nihil sit opus pluribus excusare.

Eam ob rem præcipit Paulus, ut probet seipsum homo, antequã de hoc pane edat; aut bibat è calice. Quo (ut ego quidẽ interpretor) uoluit, unumquemq; in se descendere, & secum reputare, an cordis fiducia Christum seruatorem suum recognoscat, an oris confessione agnoscat, an Christi exemplo sese fratribus dare paratus sit, ac se ijs cõmunicare, quibus Christum cõmunem uidet: an, ut ipse à Christo habetur, ita uicissim fratres omnes p corporis sui membris habeat: an eos instar membrorũ suorum fouere, tueri, iuuare cupiat. Non quia hæc, tum fidei, tũ charitatis officia, nunc perfecta in nobis esse possint: sed quia huc nos contendere, & uotis omnibus adspirare oportet, ut inchoatam fidem magis in dies ac magis augeamus, ut imbecillam charitatem confirmemus. Quidam, dum homines ad eam manducandi dignitatem comparare uolunt, miseras conscientias torserunt ac diuexarunt diris modis: nec tamen quicquam eorum, quæ in rem essent, attulerunt. Digne māducare eos dixerūt, qui in statu gratiæ esset. In statu gratiæ esse, interpretati sunt, purum purgatũq; omni peccato esse. Quo dogmate omnes, quotquot in terris unquam fuerunt, & sunt homines, ab huius sacramenti usu arcebantur. Nam si hoc agitur,  
ut no-

ut nostram à nobis dignitatem petamus, actum de nobis est. Ruina tantum & confusio nos manent. Totis licet uiribus adnitamur, nō aliud proficiemus, nisi ut tū deniq; indignissimi futuri simus, cū de quærenda dignitate maxime laboratum à nobis fuerit. Quo huic ulceri mederentur, modum excogitarunt acquirendæ dignitatis. Vt quantum in nobis est, examine habito, reposcitāq; à nobis factorum omniū ratione, cōtritione, confessione, satisfactione, nostram indignitatem expiaremus. Quæ expiandi ratio qualis sit, erit posthac aptior dicēdi locus. Quod ad præsens institutum attinet, dico hæc nimium esse ieiuna euanidāq; solatia, cōsternatis deiectisq; conscientijs, & peccati sui horrore percussis. Nā si Dominus interdicto neminem in cœnæ suæ participationem admittit, nisi iustum & innocentem: non leui cautione opus est, quæ aliquem suæ iustitiæ securum reddat, quā à Deo requiri audit. Vnde uero hæc nobis confirmatur securitas, apud Deum defunctos esse, qui fecerunt quod in se est? Quòd si etiam ita esset, quando tamen erit, ut spondere quis sibi audeat, se fecisse quod in se erat. Ita cum nulla certa nostræ dignitatis securitas proponatur: maneret semper clausus aditus, horribili illo interdicto, quo edicitur, iudicium  
r sibi

sibi manducare & bibere, qui indigne manducant & bibunt. Nunc iudicare promptum est, qualis sit doctrina, & à quo autore profecta sit, quæ miseros peccatores huius sacramenti consolatione sic orbat & spoliat: in quo tamen omnes Euangelij deliciae nobis proponebatur. Certe diabolus nullo maiori compendio homines perdere poterat: quàm sic eos infatuando, ne gustum & saporem talis alimenti perciperent, quo eos optimus pater cœlestis pascere uoluerat. Ne igitur in huiusmodi confusionem & præcipitium ruamus, meminerimus has sacras epulas egrotis esse pharmacum, peccatoribus solatium, pauperibus largitionem: quæ sanis, iustis, & diuitibus, si qui reperiri possent, nullum afferrent operæ precium. Nam cum in illis Christus nobis in cibum detur, intelligimus nos, sine ipso, tabescere, liqui, deficere. Deinde cum in uitam detur, intelligimus nos, sine ipso, in nobis plane mortuos esse. Quare ea est dignitas, quam unam & optimam afferre Deo possumus: si nostram ei uilitatem, & (ut ita loquar) indignitatem offeramus, ut sua misericordia nos se dignos faciat: si animos in nobis despondeamus, ut nos in ipso consolemur: si nos humiliemus, ut ab ipso erigamur: si nos accusemus, ut ab ipso iustificemur. Præterea,

si ad

si ad eam, quam in sua cœna nobis cōmendat, unitatem adspiremus, & quemadmodū nos omnes, unum in seipso esse facit: ita unam omnium animam, cor unum, linguam unam nobis omnibus optemus. Hæc si perpensa, & meditata habuerimus, nunquam nos illæ cogitationes perturbabunt: Nos bonorū omniū egeni & nudi, nos peccatorum sordibus inquinati, nos semimortui, quomodo corpus Domini digne manducaremus? Magis cogitabimus, nos pauperes, uenire ad benignum largitorē: ægros, ad medicum: peccatores, ad saluatorem. dignitatem illam, quæ à Deo mandatur, fide præcipue cōstare: quæ omnia in Deo, nihil in nobis reponit. deinde, charitate. Et eam quidem ipsam, magis Deo imperfectam offerimus, ut ipsam in melius augeat: quam præstamus.

Alij nobiscum in hoc consentientes, dignitatem ipsam in fide & charitate positam esse: in modo tamen ipso dignitatis longe aberrarunt. fidei perfectionem exigentes, cui nihil omnino accedere possit: & charitatem parem ei, qua nobiscum Christus egit. At eo ipso omnes ab huius cœnæ sacrosancto accessu, non secus ac priores illi, abigunt. Si enim obtineret eorum sententia, nemo nisi indigne acciperet: quando ad unum omnes rei conuictiq; suæ imperfe-

etionis tenerentur. Et sanè nimij stuporis, ne dicam stoliditatis, fuit : eam perfectionem in recipiendo sacramento requirere, quæ sacramentũ irritum superuacuumq; faciat. quod non perfectis institutum est, sed infirmis ac debilibus: ad uellicandũ, excitandũ, stimulandum, exercendum, fidei & charitatis defectum. Quæ de sacramento hoc hætenus disseruimus, abunde ostendunt, non institutum ideo fuisse, ut semel quotannis acciperetur, idq; perfunctorie, ut nunc publici moris est: uerum, quo frequenti in usu Christianis omnibus esset, ut frequēti memoria passionem Christi repeterent. Quare recordatione & fidem suam sustinerent ac roborarent, & sese ad confessionem laudis canendam, bonitatemq; eius prædicandam hortarentur, & qua postremo mutuã charitatem alerent: & sibi etiam inter se testificarētur, cuius copulam in unitate corporis Christi uiderent. Quoties enim symbolo corporis Domini communicamus, uelut data & accepta tessera, alter alteri nos uicissim obstringimus ad omnia dilectionis officia, ut ne quid admittat nostrũ quispiam, quo fratrem lædat: ne quid prætermittat, quo eum iuuare possit, ubi necessitas postulet. Talem fuisse ecclesiæ Apostolicæ usum Lucas in Actis cõmemorat, cum fideles

ait



ait perscuerantes fuisse in doctrina Apostolorum, cōmunicatione, fractione panis, & orationibus. Sic agendum omnino erat, ut nullus ecclesiæ conuentus fieret sine uerbo, orationibus, participatione cœnæ, & eleemosinis. Hunc et apud Corinthios fuisse institutum ordinem, satis ex Paulo cōiungere licet. Et sanè hæc consuetudo, quæ semel quotannis cōmunicare iubet, certissimum est diaboli inuentū: cuiuscunq; tandē ministerio inuecta fuerit. Aiunt Zepherinum Zepher. eius decreti fuisse autorem. quod tale fuisse mihi non persuadeo, quale nunc habemus. Ille enim, suo instituto, nō forte pessime ecclesiæ consulebat, ut tū erant tempora. Minime enim dubiū est, quin tum sacra cœna proponeretur fidelibus, quoties in cœtum conuenirent, quin bona eorum pars cōmunicaret. Sed cum uix unquā eueniret, ut omnes simul cōmunicarent: esset uero necesse, eos, qui permixti erant prophanis & idololatrīs, externo aliquo symbolo fidē suam testari: diem illum, ordinis & politiæ causa, uir sanctus statuerat: quo totus Christianorū populus fidei confessionē, participatione cœnæ Domini, ederet. Cæterū nihilo propterea rarius cōmunicare desinebant. Quando nō ita multo ante institutum ab Anacleto fuerat, ut omnes quotidie Christiani cōmunicarent.

Verum probum alioqui Zepherini institutum, male detorsit posteritas, cum certa lex de una quotannis cōmunicatione posita est: qua factū est, ut ferè oēs, cum semel cōmunicauerunt, quasi in reliquum anni tempus pulchre defuncti, in utramq; aurē securi dormiant. Longe aliter factum oportuit. singulis, ad minimum, hebdomadibus proponenda erat Christianorum cœtui mensa Domini, declarandæ promissiones, quæ nos in ea spiritualiter pascere. nullus quidem necessitate cogendus: sed cohortādi omnes, & stimulādi: obiurgādi etiā ignauorū torpor. Omnes gregatim, ut famelici, ad tales lautitias conuenissent. Non iniuria igitur principio cōquestus sum, diaboli arte intrusam hanc consuetudinem: quæ dum unum anni diem præscribit, in totū annū socordes reddit.

Ex eadem prodijt officina & altera constitutio, quæ dimidiā cœnæ partem meliori populi Dei numero uel furata est, uel eripuit. nempe, symbolū sanguinis: quod laicis & prophanis (his scilicet titulis Dei hæreditatem insigunt) interdictum, paucis rasis & unctis in peculium cedit. Edictum æterni Dei est, ut omnes bibant: quod homo noua & contraria lege antiquare, & abrogare audet, edicens, ne omnes bibant. Ac ne sine ratione aduersus Deum

Deum suum pugnent tales legislatores, pericula obtendunt, quæ accidere possent, si omnibus passim exponeretur sacer hic calix. Ac si ab æterna dei sapientia prospecta ea, & animaduersa non essent. Deinde argute scilicet, ratiocinantur, unum pro duobus esse satis. Nam si corpus est, inquiunt, totus Christus est, qui à suo corpore iā diuelli non potest. Ergo & corpus sanguinem cōplectitur. En sensus nostri cū Deo consensum, ubi, uel tantillum laxis habenis, lasciuire ferocireq; cœpit. Dominus, panem ostendēs, corpus suum esse dicit, calicē dum ostendit, sanguinē uocat. Humanæ rationis audacia contra reclamation, panem esse sanguinē, uinū esse corpus. Ac si Dominus nulla causa, corpus suū à sanguine, & uerbis, & signis, distinxisset: & unq̃ fando auditū esset, corpus Christi, aut sanguinē, Deum & hominē appellari. Sanè si designare se totū uoluisset, dicere poterat, Ego sum: qualiter loqui in scripturis cōsuevit. non aut, Hoc est corpus meū, hic est sanguis n̄ eius. Equidē scio, sathanæ ministros, ut solēne illis est scripturas ludibrio habere, hic ludere et caullari: solos Apostolos in huius cœnæ participationē à Christo admissos, quos iā in sacrificorū ordinē allegisset & cooptasset. Velim tamē mihi ad quinq; postulata respōdeāt, q̃bus elabi nō poterunt,

Matth. 14

Luc. 24

Ioan. 18

poterūt, quin facile cū suis mēdacijs reuincantur. Pri-  
 mū quo oraculo reuelatā habēt hanc solutionē, tam  
 alienam à uerbo Dei? Scriptura duodecim recenset,  
 qui accubuerint cum Iesu: sed non ita Christi digni-  
 tatem obscurat, ut sacrificos eos appellet. De quo no-  
 mine postea suo loco. Et si duodecim tum dedit, præ-  
 cepit tamen ut sic facerent. nempe, ut sic inter se di-  
 stribuerent. Secundo, cur meliore illo seculo, ab apo-  
 stolis ad mille usq; annos postea, sine exceptione, o-  
 mnes fiebant utriusq; symboli participes? ignorabat  
 ne uetus ecclesia, quos Christus cōuiuas ad cœnam  
 suam admisisset? Perditissimæ impudentiæ fuerit, hic  
 restitare & tergiuersari. † Extāt ecclesiasticæ histo-  
 riæ, extant ueterum libri, qui aperta huius rei testi-  
 monia suggerunt. Tertio, cur de pane simpliciter di-  
 xit, ut ederent: de calice, ut omnes biberent? ac si sa-  
 thanæ calliditati ex destinato occurrere uoluisset.  
 Quarto, si sua cœna Dominus solos sacrificos, ut  
 ipsi uolunt, dignatus est: quis unquam hominum au-  
 sus esset, uocare in participationem extraneos, qui à  
 Domino exclusi essent? & participationem quidem  
 eius doni, cuius penes se potestas nō esset: nullo eius  
 mandato, qui solus dare poterat. Imò qua id fiducia  
 hodie usurpant, ut plebeculæ symbolum Christi cor-  
 poris

poris distribuunt, si nullū habent Domini uel mandatum, uel exemplum? Quinto, an mentiebatur Paulus cum dicebat Corinthijs, se accepisse à Domino 1. Cor. 1. quod illis tradiderat? Nam postea traditionem declarat, ut omnes promiscue utriq; symbolo communicarent. Quod si à Domino Paulus acceperat, omnes sine discrimine admittendos, uideant à quo acceperint, qui uniuersam penè Dei plebem abigunt: quando iam Deum autorem prætere nō possunt: apud quē non est, est & nō. Et adhuc tales abominationes nomine ecclesiæ præteximus, & hoc prætextu defendimus? quasi uero aut isti antichristi, ecclesia sint, qui Christi doctrinam & institutiones tam ex facili proterunt, dissipant, abrogant: aut apostolica ecclesia, ecclesia nō fuerit, in qua tota uis religionis effloruit. His et similib. inuentis conatus est sathan uelut offusis tenebris, sacram Christi cœnā infuscare & inquinare: ne saltem eius puritas in ecclesia retineretur. Sed horrendæ abominationis caput fuit, cum signum extulit, quo nō modo obscuraretur & peruerteretur: sed penitus oblitterata & abolita euanesceret, & ex hominū memoria excideret. nempe, cū pestilētissimo errore totū penè orbem occæcauit, ut crederet Missam sacrificiū et oblationē esse ad im-

r 5

petrandam

petrandam peccatorum remissionem. Quam altas radices fixerit hæc pestis, scio: quanta sub specie boni lateat, ut nomen Christi præferat: ut uno missæ nomine, totam fidei summam complecti se multi credant. Sed ubi uerbo Dei clarissime cōprobatū fuerit, hanc quātūvis fucatā et splendidā missam, insigni cōtumelia Christū afficere: crucē eius sepelire & opprimere, mortē eius in obliuionē tradere: fructū, qui ex ea nobis proueniebat, tollere: sacramentū, quo mortis memoria relicta erat, eneruare & dissipare: an erunt ullæ tā profundæ radices, quas nō ualidissima hæc securis, Verbum, inquam, Dei euellat? An ulla tam speciosa facies, sub qua latēs malū lux hæc non prodat? Ostendamus ergo quod primo loco propositum est, intolerabilem illic blasphemiam ac contumeliam Christo irrogari. sacerdos enim et pōtifex à patre cōsecratus est, nō ad tēpus, quomodo illi in ueteri testamēto cōstituti legūtur: quorū cū uita mortalis esset, sacerdotiū immortale esse non poterat. Quare et successoribus opus erat, q̄ subinde in demortuorū locū subrogaretur. At Christo, q̄ immortalis est, uicariū substitui minime necesse est. Itaq; à patre designatus est sacerdos in æternū, secūdū ordinē Melchizedech, ut æternū pmanēte sacerdotio fungeretur. Hoc mysterium

r. 5. 7.  
r. 10.

. 110.  
. 14.



riū in Melchizedech antè multo figuratū fuerat. quē ubi scriptura semel induxit sacerdotē Dei uiuentis, nusq̃ postea meminit: ac si nullū uitæ finem habuisset. Hac similitudine Christus secūdū eius ordinem sacerdos dictus est. Iam uerō qui quotidie sacrificant, oblationibus sacerdotes præficiāt necesse est: quos Christo, uelut successores & uicarios, subrogant. Qua subrogatione non modo Christū suo honore spoliāt, & æterni sacerdotij prærogatiuā illi rapiūt: sed è dextera patris deturbare ipsum conātur, in qua sedere immortalis nō potest, qn̄ simul æternus sacerdos maneat. Neq; causificetur, nō suffici suos sacrificulos Christo, quasi demortuo: sed suffraganeos dūtaxat esse æterni eius sacerdotij, q̃ propterea stare nō desinit. Verbis enim apostoli fortius cōstringuntur, quā ut sic elabi possint. nempe, alios plures factos esse sacerdotes, q̃a morte impedirētur permanere. Christus ergo, q̃ morte non impeditur, unus est: nec cōsortib. indiget. Altera missæ uirtus proposita erat, q̃ Christi crucē et passionē obruit et opprimit. Hoc q̃dem certissimum est. nam si Christus in cruce semetipsum in sacrificiū obtulit, quo nos in perpetuum sanctificaret, & æternā redēptionē nobis quæret: haud dubie uis atque efficacia eius sacrificij nullo fine

Hebr. 7.

fine perstat. Alioqui nihilo honorificentius de Chri-  
 sto sentiremus, quā de bobus & vitulis, qui sub lege  
 immolabantur: quorum oblationes ex eo inefficaces  
 arguuntur & imbecillæ, quod sæpius iterabantur.  
 Quare aut Christi sacrificio, quod in cruce præsti-  
 tit, purgationis æternæ uim defuisse fatendum erit:  
 aut uno semel sacrificio Christum, in omnia secula,  
 defunctū esse. Id est quod dicit Apostolus, Summū  
 hūc pontificē Christum, semel per immolationē sui  
 apparuisse, sub consummationem seculi, ad peccati  
 profligationem. item, Voluntate Dei nos sanctifica-  
 tos esse per oblationem corporis Iesu Christi, semel.  
 item, Christum una oblatione in perpetuū consum-  
 mase sanctificatos. Hoc & postrema sua uoce, &  
 inter ultimos spiritus edita, Christus significauit:  
 cum dixit, Consummatum est. Solemus extremas  
 morientium uoces pro oraculis obseruare. Christus  
 moriens testatur uno suo sacrificio perfectum esse  
 & impletum, quicquid in salutem nostram erat. Nos  
 huiusmodi sacrificio, cuius perfectionem luculente  
 adeo cōmendauit, quasi imperfecto, innumera quo-  
 tidie assuimus. Quando sacrosanctum Dei uerbum  
 non affirmat modo, sed clamat etiam & cōtestatur,  
 hoc sacrificiū semel peractū fuisse, eius uim æternam  
 permanere

permanere. qui aliud postulant, nonne ipsum imperfectionis insimulant & infirmitatis? At uero missa, quæ hac lege tradita est, ut millies centena sacrificia in singulos dies peragatur: quò spectat, nisi ut Christi passio, qua unicam hostiam se patri obtulit, sepulta submersaq; iaceat? Quis, nisi cæcus, non uideat, sathanæ audaciam fuisse, quæ ueritati adeò apertæ ac dilucidæ oblectaretur? Nec me latet, quibus præstigijs hanc suam fraudem prætexere soleat pater ille mendacij: Non uariaesse, nec diuersa sacrificia, sed unum idem sæpius repeti. Verum tales fumi nullo negotio discutiuntur. Tota enim disputatione contendit Apostolus, nō modo nulla alia esse sacrificia, sed unum illud semel oblatum fuisse, nec amplius iterandum. Nunc descendo ad tertias Missæ partes. ubi explicandū est, quomodo ueram & unam mortem Christi oblitteret, & ex hominum memoria excutiat. Nam ut inter homines testamenti confirmatio à morte testatoris pendet: ita etiam testamentū, quo nos peccatorum remissione, & æterna iustitia donauit, morte sua confirmauit Dominus noster. In hoc testamento qui uariare quicquam aut innouare audent, mortem eius abnegant, & tanquam nullius momenti habent, Quid uero est Missa, nisi nouum &

prorsus

Hebr. 9

prorsus diuersum testamentum? Quid enim? an non singulæ Missæ nouam peccatorum remissionem, nouam iustitiæ acquisitionē promittunt? ut iam tot sint testamenta, quot Missæ. Veniat ergo rursus Christus, & altera morte nouum hoc testamentum, uel potius infinitis mortibus innumera missarum testamenta rata faciat. An non igitur uerum principio dixi, unicam & ueram Christi mortem obliterari per missas? Quid? quod eo directe spectat Missa, ut rursus, si fieri possit, trucidetur Christus? Nam ubi testamentum est, inquit Apostolus, mortem testatoris intercedere illic necesse est. Missa nouum Christi testamentum præ se fert: eius ergo mortem postulat. Præterea, hostiā, quæ offertur, occidi & immolari necesse est. Si Christus singulis missis sacrificatur: eum singulis momentis mille in locis crudeliter interfici oportet. Non id meum est, sed Apostoli argumentū. Si necesse habuisset offerre sæpius semetipsum, oportuisse illū frequenter pati ab origine mundi. Iam quartum Missæ munus tractandum. ut scilicet fructum, qui è morte Christi ad nos redibat, nobis præripiat: dum, ne agnoscamus & cogitemus, facit. Quis enim cogitet se morte Christi redemptum esse, ubi nouā in missa redēptionē uiderit? Quis pec-

cata

Hebr. 9

cata sibi remissa confidat, ubi nouam remissionem uiderit? Neq; euadet qui dixerit, non alia causa nos peccatorū remissionem in Missa obtinere, nisi quia morte Christi iā acquisita est. Nō enim aliud affert, q̄ si iacet, ea lege nos à Christo redēptos esse, ut nos ipsi redimamus. Huiusmodi enim à sathanæ ministris doctrina sparsa est: & talē hodie clamoribus, ferro, igni, tuentur. nos, cū Christū patri in Missa offerimus, hoc oblatiōis opere assequi peccatorū remissionem, & participes fieri passiōis Christi. Quid iam passiōi Christi superest, nisi ut sit exemplū redemptionis, quo discamus nostri esse redēptores? Ad coronidē nūc uenio: nempe, sacrā cœnā, qua Dominus passiōis suæ memoriā insculptā formatāq; reliquerat, erecta Missa, ē medio sublatā, inductā, & deperditā. Siquidē cœna ipsa donū Dei est, q̄ cum gratiarum actiōe accipiendū erat. Sacrificiū Missæ preciū Deo numerare fingitur, qd̄ ipse in satisfactionē accipiat. Quantum interest inter dare, & accipere: tantum à sacramento sacrificium differt. Atq; hæc quidem miserrima hominis ingratitudo est: quod ubi agnoscenda erat diuinæ bonitatis largitas, gratiæq; agēdæ, in eo deū sibi debitorē facit Sacramētū p̄mittebat, nos Christi morte nō semel dūtaxat restitutos in uitam: sed

sed assidue uiuificari, quia tunc omnes nostræ salutis numeri impleti sint. Missæ sacrificiū longe aliam cantilenam canit: Christum oportere quotidie sacrificari, ut aliquid nobis commodet. Cœna in publico ecclesiæ cœtu distribuenda erat, quo nos de communione doceret, qua simul omnes cohæremus in Christo Iesu. Hanc communitatem dissoluit ac distrahit Missæ sacrificiū. Postquā enim error inualuit, oportere esse sacerdotes, qui pro populo sacrificarent, quasi relegata esset ad eos cœna, desijt iuxta Domini mandatum fidelium ecclesiæ cōmunicari. aditus Missis priuatis est patefactus, quæ ex cōmunicationē quandam magis referrent, quam cōmunitatem illam à Domino institutā: cum sacrificulus suam uictimam seorsum uoraturus, se à toto fidelium populo segreget. Missam priuatā uoco, ne quis fallatur: siue boatu & uociferatione personet, siue murmure tantum & susurris strideat. Quando utrunq; genus, cœnæ participationē ex ecclesia tollit. Verū antequam finem dicendi faciam, missarios nostros doctores interrogo, cum sciant potiorē esse Deo obedientiam, quàm uictimas: & magis poscere, ut uoci suæ auscultetur, quàm ut sacrificia offerantur, quomodo hanc sacrificandi rationem Deo acceptam credant? cuius

nullum



nullum illis constat mandatum, & quam ne una quidem scripturæ syllaba probari uidet. Præterea, cum Apostolum audiant dicentem, neminem sibi nomen atq; honorem sacerdotij usurpare, nisi qui uocatus est, ut Aaron: quin nec Christum ipsum sese ingessisse, sed obedisse patris uocationi: aut sacerdotij sui autorem Deum institutoremq; proferant, oportet: aut honorem non esse à Deo fateantur, in quem non uocati improba temeritate irruerunt. Atqui ne apicem quidem literæ obtendere possunt, quo suo sacerdotio patrocinentur. Quorsum igitur, sacrificia eu nescet, quæ sine sacerdote offerri nō possunt? Quid superest, nisi ut cæci uideant, surdi audiant, pueri ipsi intelligant hanc Missæ abominationē, quæ in calice aureo propinata, oēs reges terræ & populos, à summo usq; ad nouissimū, sic inebriauit, sic percussit sopore ac uertigine, ut brutis ipsis stupidiores, prorā et puppim suæ salutis in hac una exitiali uoragine statuerent? Certe nulla unq̄ ualidiorē machina sathan incubuit ad oppugnandum expugnandumq; Christi regnum. Hæc est Helena, pro qua ueritatis hostes tanta hodie rabie, tanto furore, tanta atrocitate digladiantur. Et uere Helena, cum qua spiritali fornicatione, quæ omnium est maxime execrabilis,

Hebr. 5

s

sic

sic fornicantur. Non hic, uel minimo digito attingo crassos illos abusus, quibus sacræ suæ Missæ prophanatam puritatem prætereundum possent: quàm turpes nundinas exerceant, quàm sordidos quæstus faciant suis missationibus, quanta rapacitate auariti-  
 am suam expleant. Tantum indico, idq; paucis & simplicibus uerbis, qualis sit sanctissima ipsa Missæ sanctitas: ob quam adeo spectabilis esse, tantaq; in-  
 neneratione haberi multis seculis meruit. Nam & tanta hæc mysteria pro dignitate illustrari, maioris operis fuerit: & illas obscenas sordes, quæ ante oculos oraq; omnium uersantur, admiscere nolo: ut omnes intelligant, Missam in selectissima sua, & qua maxime uenditari potest, integritate acceptam, si-  
 ue suis appendicibus, à radice ad fastigium, omni genere impietatis, blasphemix, Idololatriæ, sacrilegij scatere. Porro ne quis rixator ex sacrificij ac sacerdotis nominibus nobis pugnam faciat: id quoq;, sed compendio, expediam, quid per sacrificium, quid per sacerdotem tota disputatione significauerim. Nomen sacrificij generaliter acceptum, complectitur quicquid omnino Deo offertur. Quare distinguamus oportet, & alterum docendi causa uocemus sacrificium *ευχαριστικόν*, siue laudis: alterum

alterum propiciatorum, siue expiationis. Est autem expiationis sacrificium, cui propositū est, iram Dei placare, ipsius iustitiæ satisfacere, peccata ablueri, gratiam, salutem impetrare. Huiusmodi sacrificium ab uno Christo peractum est, quia ab alio nullo poterat. Et semel, quod illius unius à Christo peracti efficacia & uis æterna est. ut sua ipse uoce testatus est, cum dixit, perfectum esse & impletum: hoc est, quicquid reconciliandæ patris gratiæ, impetrandæ peccatorum remissioni, iustitiæ, saluti, necessarium erat, id totum unica illa sua oblatione præstitum & consummatum. adeoq; nihil deesse, ut nullus postea locus alteri hostiæ relinqueretur. Quamobrem constituo, sceleratissimum probrum, & non ferendam esse blasphemiam in Christum & sacrificium, quo per mortem suam, in cruce pro nobis defunctus est, si quis repetita oblatione, de redimenda peccatorum uenia, de propitiando Deo, & obtinenda iustitia cogitet. At quid aliud missando agitur, nisi ut nouæ oblationis merito, passionis Christi fiamus participes? Et ne ullus esset insaniendi modus, parum esse putauerunt, si dicerent commune ex æquo fieri sacrificium pro tota ecclesia: nisi adderent, sui arbitrij esse, huic aut illi, cui uellent, peculiariter applicare.

uel potius, quicumq; talem sibi mercem numerato  
 precio emere uellet? Porro, quoniam ad Iudæ taxa-  
 tionem accedere nō poterant, ut tamē uel aliqua no-  
 ta auctoris sui exemplum referrent, numeri similitu-  
 dinem retinuerunt. Vendiderat ille 30. argenteis: hi  
 triginta numulis æreis uendūt. sed ille, semel: hi, quo-  
 ties emptor occurrit. Hoc sensu & sacerdotes esse  
 negamus: nempe, qui tali oblatione apud Deum pro  
 populo intercedant, qui propitiato Deo peccatorum  
 expiationem peragāt. Nam Christus, unicus est no-  
 ui testamenti pontifex & sacerdos, in quem transla-  
 ta sunt omnia sacerdotia, & in quo clausa & termi-  
 nata. Et si nihil scriptura de æterno Christi sacerdo-  
 tio meminisset: quia tamē Deus abrogatis illis ueteri-  
 bus nullum instituit, manet inuictum Apostoli argu-  
 mentum: Neminem sibi honorem usurpare, nisi qui  
 à Deo uocatus sit. Qua ergo fiducia sacrilegi isti,  
 qui se iactāt Christi carnifices, audent se Dei uiuen-  
 tis sacerdotes appellare? Sub altero sacrificij gene-  
 re, quod εὐχαριστιᾶν diximus, cōtinentur omnes  
 nostræ preces, laudes, gratiarum actiones, & quic-  
 quid in Dei cultum à nobis agitur. siquidem nos, nō  
 straq; omnia opera, consecrari ac dedicari illi conue-  
 nit: ut quicquid in nobis est, gloriæ eius seruiat, &

eius

eius magnificentiam spiret. Hæc sacrificij ratio nihil ad iram Dei placandam, nihil ad impetrandam peccatorum remissionem, nihil ad promerendam iustitiam pertinet: sed in magnificando duntaxat & exaltando Deo uersatur. Imò fieri non potest, nisi ab ijs, qui iam accepta peccatorum remissione, Deo reconciliati & iustificati sunt. Est autem adeo ecclesiæ necessarium, ut abesse ab ea non possit. Itaq; æternum futurum est, quamdiu stabit populus Dei. quemadmodum & apud Prophetam scriptum est: Quoniam ab ortu solis usq; ad occasum, magnū est nomen meum in gentibus, & in omni loco incensum offertur nomini meo, atq; oblatio munda. quoniam terribile est nomen meum in gentibus, dicit Dominus. Tantum abest ut submoueamus. Sic Paulus iubet nos offerre corpora nostra, hostiā uiuentem, sanctā, acceptam Deo, rationalem cultum. Sic Dauid dicebat orationem suam ascensuram in conspectum Dei, uelut incensum. sic & alibi orationes sanctorum, uocantur incensa: & à propheta, uituli labiorū. Significanter admodum locutus est Paulus, cum uocauit cultum. Intellexit enim spirituale colendi Dei ritum, quem carnalibus legis Mosaicæ sacrificijs tacite opposuit. Huius generis sacrificio carere nō potest cœna Do-

Malach.

Rom. 12

Psal. 141

Apocal.

Osee. 14

mini, in qua dum eius mortem annunciamus, & gratiarum actionem referimus, nihil aliud quàm offerimus sacrificium laudis. Ab hoc sacrificandi munere, **1. Pet. 2** regale sacerdotium nuncupamur omnes Christiani, **Hebr. 13** quòd per Christum offerimus hostiam laudis Deo, fructum labiorum confitentium nomini eius. Neque enim nos cum nostris muneribus, sine intercessore, in conspectu Dei apparemus. Christus est, quo mediatore intercedente, nos ac nostra patri offerimus. Ille pontifex noster, qui in sanctuarium cœli ingressus, accessum nobis aperit. Ille altare, cui donaria nostra imponimus. In illo audemus, quicquid audemus. **Apoc. 1** Ille, inquam, est qui nos patri regnum ac sacerdotes fecit. Habent lectores in compendium collecta ea ferè omnia, quæ scribi de duobus istis sacramentis referre duximus. quorum usus, à primordio noui testamenti ad consummationem usq; seculi, Christianæ ecclesiæ est traditus. Vt scilicet baptismus, quidam quasi ingressus in ipsam esset, & fidei initiatio: Coena uero, assiduum uelut alimentum, quo Christus fidelium suorum familiam spiritualiter pascit. **Ephes. 4** Quare, ut non nisi unus est Deus, una fides, unus Christus, una ecclesia, eius corpus: Ita baptismus non nisi unus est, nec sæpe iteratur. Coena autem subinde



subinde distribuitur, ut intelligant se Christo assidue pasci, qui semel in ecclesiam allekti sunt. Præter hæc duo, ut nullum aliud à Deo institutum est: ita nec ullum agnoscere debet fidelium ecclesia. Rem enim non esse humani arbitrij, erigere ac statuere noua sacramenta, facile intelliget, qui meminerit, quod supra satis plane explicatum fuit, sacramenta in hoc à Deo posita esse, ut de aliqua sua promissione nos edoceant, & bonam suam erga nos uoluntatem nobis testificentur. Qui præterea cogitet, nullum fuisse Deo consiliarium, qui nobis certum aliquid de eius uoluntate spondere possit, aut certiores securosque reddere, quo sit in nos affectu, quid dare, quid negare uelit. Simul nanq; constituitur, neminem signum proponere posse, quod eius uoluntatis & promissionis alicuius testimonium futurum sit: solus ipse est, qui, signo dato, de se apud nos testari potest. Dicam breuius, & forte rudius, sed apertius. Sacramentum, sine salutis promissione esse nunquam potest. Omnes homines in unum simul coacti, nihil à se nobis polliceri de salute nostra possunt. Ergo nec à se edere aut erigere sacramentum. His ergo duobus contenta sit Christiana ecclesia. nec modo nullum aliud tertium ad præsens admittat,

Ies. 40  
Rom. 15

aut agnoscat : sed ne appetat quidem , aut expectet ,  
 ad consummationem usq; seculi . Nam quòd diuer-  
 sa aliquot Iudæis , pro uaria temporum inclinatione ,  
 præter sua illa ordinaria data sunt ( ut man , aqua è  
 petra profluens , serpens æneus , & similia : ) hac ue-  
 ro uariatione admonebantur , ne talibus figuris insi-  
 sterent , quarum status parum firmus esset . sed me-  
 lius aliquid à Deo expectarent , quod nullo interitu ,  
 nulloq; fine perstaret . Alia longe ratio nobis est ,  
 quibus reuelatus est Christus : in quo thesauri omnes  
 scientiæ & sapientiæ sunt absconditi , tanta affluen-  
 tia & ubertate . ut nouam aliquã accessionem ad hos  
 thesauros sperare , uel postulare , uere Deum tenta-  
 re sit , & aduersum nos prouocare . Vnum dunta-  
 xat Christum esurire , quærere , spectare , discere ,  
 ediscere , nos oportet : donec magnus ille dies illuxe-  
 rit , quo gloriam regni sui Dominus ad plenum mani-  
 festabit , & se qualis est , nobis spectandum osten-  
 det . Atq; hac ratione nostrum hoc seculum in scri-  
 pturis , per nouissimam horam , nouissimos dies , no-  
 uissima tempora , designatur . ne quis uana nouæ ali-  
 cuius aut doctrinæ , aut reuelationis , expectatio-  
 ne sese fallat . Sæpenumero enim , multisq; modis an-  
 tea locutus per prophetas , ultimis his diebus locu-  
 tus est

tus est Dominus in dilecto filio suo, qui solus patrem manifestare potest. Iam uero, ut hoc hominibus ablatum est, ne noua sacramenta in ecclesia Dei condere possint: ita optandum esset, ijs ipsis, quæ à Deo sunt, quamminimū humane inuentionis admisceri. Perinde enim atq; infusa aqua uinum fugit et diluitur, aspersoq; fermento tota farinæ massa acescit: sic mysteriorum Dei synceritas nihil aliud quàm inquinatur, ubi homo quicquam de suo adiicit. Et tamen uidemus, quantum à germana sua puritate degenerarint sacramenta, ut hodie quidem tractantur. Plus satis ubiq; pomparum, ceremoniarum, gesticulationum: at uerbi Dei interim nulla neq; ratio, neq; mentio. sine quo sacramenta etiam ipsa, sacramenta non sunt. Quin nec ceremoniæ ipsæ à Deo institutæ, in tanta turba caput exerere possunt, sed tanquam oppressæ iacent. Quantum in baptismo aspicitur, quod unum illic lucere & spectari debuerat? nempe, baptismus ipse. Cæna prorsus sepulta est, cum uersa fuit in Missam. nisi quod semel quotannis, sed concerpta & dimidiata, laceraq; forma, uisitur. At quanto satius erat, quoties baptisandus aliquis esset, in cœtum fidelium ipsum representari, & tota ecclesia, uelut teste, spectante,

& orante super eum, Deo offerri? recitari fidei confessionem, qua sit instituendus catechumenus? enarrari, quæ in baptismo habentur, promissiones? catechumenum baptisari in nomen patris & filij & spiritus sancti? remitti demum cum precibus & gratiarum actione? Sic nihil omitteretur, quod ad rem faceret: & una illa ceremonia, quæ à Deo autore profecta est, nullis exoticis sordibus obruta, clarissime effulgeret. Cæterum mergatur ne totus qui tingitur, an infusa tantum aqua aspergatur, minimum refert. sed id pro regionum diuersitate ecclesijs liberum esse debet. Quanquam & ipsum baptisandi uerbum mergere significat, & mergendi ritum ueteri ecclesiæ obseruatum fuisse constat. Quantum ad sacram cœnam attinet, sic administrari decentissime poterat, si sæpius, & singulis ad minimum hebdomadibus proponeretur ecclesiæ. Initium autem fieret à publicis precibus, haberetur deinde concio. tum minister, proposito in mensa pane & uino, institutionem cœnæ referret: deinde promissiones enarraret, quæ in ea nobis relicte sunt. simul eos omnes excommunicaret, qui interdicto Domini ab ea arcantur. Postea oraretur, ut, qua Dominus benignitate sacrum hoc alimentum nobis largitus est, nos quoque  
 ad id

ad id suscipiendum, fide & animi gratitudine erudiret & formaret. & quando ex nobis non sumus, sua misericordia nos dignos faceret tali conuiuio. Hic uero, aut canerentur psalmi, aut aliquid legeretur, & quo decet ordine fideles sacrosanctis epulis communicarent: ministris panem frangentibus, & poculum præbentibus. finita cœna, exhortatio haberetur, ad synceram fidem & fidei confessionem, ad charitatem & mores Christianis dignos. Postremo, gratiarum actio referretur, & laudes Deo canerentur. Quibus finitis, ecclesia dimitteretur in pace. In manum accipiât fideles, nec ne: inter se diuidant, an singuli quod sibi datum fuerit edant: calicem in diaconi manu reponant, an proximo tradant: panis sit fermentatus, an azymus: uinum rubrum, an album: nihil refert. Hæc indifferentia sunt, & in ecclesiæ libertate posita. Quanquam certum est, ueteris ecclesiæ ritum fuisse, ut omnes in manum acciperent. Et Christus dixit, Diuidite inter uos. Fermentatum & uulgarem panem fuisse, ante tempus Alexandri Romani episcopi, narrant historiæ: qui primus azymo pane delectatus est. qua id ratione, nō uideo: nisi ut plebis oculos nouo spectaculo in admirationem traheret, magis quàm ut animos religione institueret.

LUC. 22

tueret. Adiuro omnes qui uel leui aliquo pietatis studio tanguntur, an nō euidenter perspiciant & quanto præclarius Dei gloria hic resplendeat, & quàm affluentior spiritualis consolationis suauitas ad fideles redeat: quàm in istis frigidis & histrionicis nugis, quæ nullum alium usum afferunt, nisi ut stupentis populi sensum fallant? Id populum religione contineri uocant, cum superstitione stolidus & insatuitus quouis trahitur. Si quis uetustate tueri huiusmodi inuentiones uelit, nec ipse ignoro, quàm uetustus sit chrismatis et exufflationis in baptismo usus, quàm non longe ab ætate apostolorum cœna Domini tacta rubigine fuerit. Sed isthæc scilicet humanæ confidentiæ procacitas est: quæ se cōtinere nequit, quin semper in Dei mysterijs ludat & lasciuiat. Nos uero meminerimus, tanti esse Deo uerbi sui obedientiam, ut in ea & angelos suos,  
 & orbem uniuersum in  
 dicare uos uelit.

orin. 6.

Gal. 1.

QVINQVE



## SACRAMENTA NON

esse quinque reliqua quę pro sacramen-  
tis hactenus uulgo habita sunt, de-  
claratur: tum qualia sint,  
ostenditur.

## CAPVT V.



OTERAT superior de sa-  
cramentis disputatio, apud dociles  
& sobrios hoc obtinere, ne ul-  
tra curiosius progredērētur: nec  
præter illa duo, quæ à Domino  
instituta nosſent, ulla alia sacramenta sine Dei uerbo  
amplecterentur. Verum, quoniam illa de septem sa-  
cramentis opinio omniū ferè sermone trita, scholasq;  
& conciones omnes peruagata, uetustate ipsa radi-  
ces egit, ac hominum animis etiamnū insidet: Viſus  
sum mihi opere præcium facturus, si quinq; reliqua,  
quæ ueris ac germanis Domini sacramentis uulgo ac-  
censentur, seorsum ac propius excuterē, omniq; ab-  
sterſo fūco simplicibus spectanda proponerem, qua-  
lia sint, & quàm falso pro sacramentis hactenus ha-  
bita sint. Principio, hoc retinendum est, quod in-  
uicta

uicta ratione prius confirmauimus, sacramenti instituendi arbitrium non nisi penes unum Deum esse. Siquidem sacramentum certa Dei promissione erigere fidelium cōscientias, ac consolari debet: quæ eam certitudinem nunquā ab homine acciperent. Sacramentum nobis testimoniū esse debet bonæ erga nos Dei uoluntatis: cuius nullus hominū aut angelorum testis esse potest, quādo nemo Dei cōsiliarius fuit. solus Dominus est, qui de se nobis per uerbū suum testificatur. Sacramentū sigillū est, quo Dei testamētum seu promissio obsignatur. Obsignari uero non posset rebus corporeis & elementis huius mūdi: nisi uirtute Dei ad hoc formarentur & designarentur. Instituire ergo sacramentum homo non potest: quia facere, ut sub rebus tam abiectis tanta Dei mysteria lateant, id uero humanæ uirtutis non est. Verbum Dei præeat oportet: quod sacramentum, esse sacramentum faciat.

## DE CONFIRMATIONE.

**C**onfirmatio (ut uocant) primum signū est, quod hominum temeritas à se excogitatum, pro Dei sacramento supposuit. Confirmationis autem uir

tem uirtutem esse finxerunt, spiritū sanctum cōferre ad gratiæ augmētum, qui in baptismo collatus sit ad innocentiam: confirmare eos ad pugnam, qui in baptismo regenerati sint ad uitam. Per agitur autē hęc confirmatio unctiōe, & hac uerborum formula: Consigno te signo sanctæ crucis, & cōfirmo chrisma salutis, in nomine patris, & filij, & spiritus sancti. Pulchrē omnia, et uenuste. Sed ubi Dei uerbum, quod spiritus sancti præsentiā hic promittat? Ne iota quidē obtendere possunt. Vnde ergo nos certiores facient, chrisma suum esse uas spiritus sancti? Videmus oleum, crassum scilicet et pinguem liquorem: præterea nihil. Accedat, inquit Augustinus, uerbum ad elementum, & fiet sacramentum. Hoc, inquam, uerbum proferāt, si quicquam nos intueri in oleo uolunt, aliud quā oleum. Quod si sacramentorum se ministros (ut par est) agnoscerent, non diutius pugnandum esset. Hęc prima ministri lex est, ne quid sine mandato obeat. Age, mandatum huius ministerij aliquod producant, & uerbum non addam. Si mandato deficiuntur, sacrilegam audaciam excusare non possunt. Hac ratione Phariseos Dominus interrogabat, esset ne baptismus Ioannis è cælo, an ex hominibus? Si respōdissent ex hominibus: obtinebat

nebat, friuolum esse & uanum: si è cœlo, doctrinam Ioannis agnoscere cogeantur. Itaque ne essent nimium in Ioannem contumeliosi, non ausi sunt fateri, esse ex hominibus. Si itaq; ex hominibus est confirmatio, uana et friuola esse conuincitur: si è cœlo esse persuadere uolūt, probent. Tuentur se quidem Apostolorum exemplo, quos nihil temere fecisse existimant. Recte id sanè. Nec à nobis reprehenderentur, si se Apostolorum imitatores ostenderent. Sed

**Acto. 8** quid fecerūt Apostoli? Narrat Lucas in Actis: Apostolos, qui Hierosolymis erant, cum audissent Samaritanam recepiſſe uerbum Dei, misisse illuc Petrum & Ioannem. illos pro Samaritanis orasse, ut spiritum sanctum acciperent, qui nondum in quenquam illorum uenerat: sed baptisati tantū erāt in nomine Iesu. oratione facta, illis manus imposuisse. per quam impositionem, spiritum sanctū Samaritani acceperūt. Et de hac manuum impositione aliquoties meminit. Audio quid Apostoli fecerint: nempe, suum ministerium fideliter exequuti sunt. Visibiles illas & admirabiles spiritus sancti gratias, quas tunc in populum suum effundebat, uoluit Dominus à suis Apostolis per manū impositionem administrari & distribui. Huic autem impositioni manuum non altius subesse mysterium

mysterium cogito : sed huiusmodi ceremoniam adhi-  
tam ab illis interpretor, ut ipso gestu significarent, se  
Deo commendare, & uelut offerre eum, cui manus  
imponebant. Hoc ministerium, quo tum Aposto-  
li fungebantur, si adhuc in ecclesia maneret, manuum  
quoq; impositionem oporteret seruari. sed ubi gra-  
tia illa cōferri desijt, quorsum pertinet manuum imposi-  
tio? Adhuc certe adest populo Dei spiritus sanctus,  
quo nisi ductore & directore, cōsistere nequit Dei  
ecclesia. Habemus enim æternam & perpetuo con-  
staturam promissionem, qua Christus sitientes ad se Ioan. 7  
uocat, ut bibant aquas uiuas. Sed cessarunt illa uirtu-  
tum miracula, et manifestæ operationes, quæ per ma-  
nuum impositionē distribuebantur, nec nisi ad tem-  
pus esse debuerunt. Oportuit enim nouam Euangelij  
prædicationem, nouum Christi regnum, inauditis  
& inusitatis miraculis illustrari & magnificari. A  
quibus ubi cessauit Dominus, non protinus eccle-  
siam suam deseruit : sed regni sui magnificentiam,  
uerbiq; sui dignitatem satis excellenter manifesta-  
tam docuit. Qua igitur in parte histriones isti Apo-  
stolos se imitari dicent? Hoc agendum erat manuum  
impositione, ut euident spiritus sancti uirtus sta-  
tim se exereret. Id non efficiunt. Quid igitur pro  
se iactant

Ioan. 20

se iactant manuum impositionem? quam Apostolis quidem in usu fuisse legimus: sed prorsus in alium finem. Eiusdem hoc rationis est, ac si quis diceret, flatum illum, quo Dominus discipulos suos afflauit, sacramentum esse, quo detur spiritus sanctus. Atqui hoc semel Dominus cum fecit, non à nobis fieri etiam uoluit. Ad eum modum & Apostoli manus imponebāt, pro eo tempore, quo uisibiles spiritus sancti gratias, ad eorum preces administrari, Domino placebat: non ut posterì uacuum & frigidum signū (quod simiæ istæ faciunt) mimitice tantum, & sine re effingerent. Quod si manuum impositione Apostolos se imitari euincant (in qua nihil cum Apostolis simile habent, præter nescio quam præposteram *λαοζυλία*: ) unde tamen oleum, quod uocant, salutis? Quis eos in oleo salutē quærere docuit? Quis uim roborandi illi attribuere? An Paulus? qui nos ab elemētis huius mundi longe abstrahit: qui nihil magis damnat, q̃ talibus obseruatiunculis hære. Hoc uero non à me, sed à Domino, audacter pronuncio. Qui oleum, uocant oleum salutis, salutem quæ in Christo est abiurant, Christum abnegant, partem in regno Dei non habēt. Oleum enim uentri, & uenter oleo: utrunq; Dominus destruet. omnia enim ista infirma

Gal. 4  
Coloss. 2



infirma elementa, quæ usu ipso intereunt, nihil ad regnum Dei pertinent, quod spirituale est, & nunquam interiturum. Quid igitur? dixerit aliquis. eadem linea metiris aquam, qua baptisamur: & panem ac uinum, sub quibus cœna Domini exhibetur? Respondeo: in sacramentis Domini duo spectanda esse. substantiam rei corporeæ, quæ nobis proponitur: & formam, quæ illi à uerbo Dei impressa est, in qua tota uis iacet. quatenus ergo substantiam suam retinent, panis, uinum, aqua, quæ aspectui nostro in sacramentis offeruntur: ualet semper illud Pauli, Esca uentri, & uenter escis: Deus utrunq; destruet. Prætereunt enim & euanescent cum figura huius mundi. quatenus autem uerbo Dei sanctificantur, ut sacramenta sint: non in carne nos retinent, sed uere spiritualiter docent. Verum propius adhuc inspiciamus, quot monstra foueat alataq; hæc pinguedo. Dicunt isti unctores, spiritum sanctum in baptismo ad innocentiam dari: in confirmatione, ad gratiæ augmentum: in baptismo nos regenerari, ad uitam in confirmatione nos ad pugnam instrui. Et adeo nihil eos pudet, ut negent baptismum rite sine confirmatione perfici posse. O nequitia. An non igitur in baptismo Christo cõsepulti sumus, facti participes mortis eius?

1. Cor. 6

Rom. 6

ut &amp;

ut & resurrectionis simus cōsortes. Hanc autē participatiōe & mortis & uitæ Christi, Paulus interpretatur mortificationē carnis nostræ, uiuificationem spiritus. quod uetus homo noster crucifixus est, quod nos in nouitate uitæ ambulamus. Quid est instrui ad pugnam, nisi hoc est? Quod autē Lucas, eo quem citauimus loco, dicit baptisatos in nomine Iesu Christi fuisse, qui non accepissent spiritū sanctum: non simpliciter negat, ullo spiritus dono præditos, qui in Christum corde crederent, & ipsum ore confiterentur: sed acceptionē spiritus intelligit, qua manifestæ uirtutes & uisibiles gratiæ percipiebantur. Sic dicuntur Apostoli spiritū accepisse in die pētecostes, cum longe antea illis à Christo dictū esset: Non uos estis qui loquimini, sed spiritus patris uestri, qui loquitur in uobis. Videte malitiosam & fonticā sathanæ fraudē, qui ex Deo estis. Quod uere in baptismo datur, in sua confirmatione dari mentitur: ut furtim incautos à baptismo abducatur. Quis iā dubitet hanc sathanæ esse doctrinam, quæ promissiones baptismi proprias, à baptismo abscissas, aliò deriuat & transfert? Deprehenditur, inquā, quali nitatur fundamento præclara ista unctio. Dei uerbum est: omnes, qui

donis

Matth. 10

Galat. 3

donis. Verbum unctorum, nullam promissionem in baptismo percepisse, qua in agonibus instruamur. Illa uox, est ueritatis: hæc, mendacij esse oportet. Verius ergo definire hæc confirmationē possum, quā ipsi hæcenus definierint. nempe, insignem esse baptismi contumeliam, quæ usum ipsius obscurat & abolet: falsam esse diaboli pollicitationem, quæ nos à ueritate Dei abstrahat. Aut, si mauis, oleum diaboli mendacio pollutū, quod uelut offusis tenebris simplicium mentes fallat. Addunt præterea, fideles omnes, spiritum sanctum per manuū impositionem accipere debere post baptismū: ut pleni Christiani inueniantur. quia nunq̃ erit Christianus, nisi qui cōfirmatiōe episcopali fuerit chrismatus. Hæc illi aduerbū. Atqui putabam, quæcunq; ad Christianismum pertinent, omnia scripturis perscripta ac comprehensa esse. Nunc (ut uideo) aliunde quā ex scripturis, uera religionis forma petenda, discendaq; est. Dei ergo sapientia, cœlestis ueritas, tota Christi doctrina, Christianos duntaxat inchoat: oleum perficit. Hac sententia damnantur omnes Apostoli, & tot martyres, quos nunquam fuisse chrismatos, certo certius est: quoado nondū erat sanctum oleum, quo perfusi, omnes Christianismi numeros implerēt: uel potius,

De consec.  
distinct. 5  
cap. Spūs

vrba c. 1.  
de consecr.  
distinct. 5  
In concil.  
Aurelia. c.  
Vt ieiuni.  
de consecr.  
distinct. 5

*e. de his ue* Christiani fierent, qui nondum erant. Verum, ut  
*ro eadē. dist.* taceam, abunde se ipsi refellunt. Quotam enim  
 populi sui partem post baptismum perungunt? cur  
 igitur patiuntur in suo grege tales semichristianos,  
 quorum imperfectioni mederi facile erat? cur tam  
 supina negligentia omittere eos sinunt, quod omit-  
 ti sine gravi piaculo non licebat? Cur non seuerius  
 exigunt rem adeò necessariam, & sine qua salus ob-  
 tineri non potest? nisi forte quis subita morte præpe-  
 ditus fuerit. scilicet, dum ita licenter cōtemni patiun-  
 tur: tacite fatentur non tanti esse, quanti uenditant.

*c. spūs. ea-* Postremo constituunt, sacram hanc unctionem  
*dem dist.* maiori in ueneratione habendam esse, quàm bap-  
 tismum. quòd illa summorum pontificum manibus  
 peculiariter administratur, baptismus ab omnibus  
 uulgariter sacerdotib. distribuitur. Quid hic dicas,  
 nisi plane furiosos esse, qui suis inuentionibus ita blan-  
 diuntur, ut præ ipsis sacrosanctas Dei institutiones  
 secure contemnant? os sacrilegum, tu ne pinguedi-  
 nem foetore duntaxat anhelitus tui inquinatam, &  
 uerborum murmure incantatam, audes Christi sa-  
 cramento opponere: & conferre cum aqua uerbo  
*ib. 4. sent.* Dei sanctificata? At parum hoc ipsum erat tuæ im-  
*dist. 7. c. 2* probitati, nisi etiam præferres. Hæc sunt sanctæ se-  
 dis

disresponsa, hæc Apostolici tripodis oracula. Sed quidam eorū hanc, sua quoq; opinione, effrenatam insaniā cceperunt paulū moderari. Maiori, inquit, ueneratione colenda est. forte nō ob maiore uirtutē & utilitatē, quā cōferat: sed quia à digniorib. datur, & in digniori parte corporis fit: id est, in fronte. uel quia maius augmētū uirtutū præstat: licet baptismus plus ad remissionē ualeat. Verū, prima ratione nōne se Donatistas prodūt, qui uim sacramēti à ministri dignitate æstimant? Faxy tamen, uocetur dignior confirmatio à dignitate episcopalis manus. Sed si quis ab illis sciscitetur, unde tanta prærogatiua episcopis delata fuerit: quam rationem afferent, præter suam libidinē? Soli Apostoli eo iure usi sunt, qui soli spiritum sanctū distribuerūt. An soli episcopi Apostoli? Imò, an omnino Apostoli? Demus tamen & istud. Cur non eodē argumēto cōtendunt, solis episcopis sacramentū sanguinis in cœna Domini attingendū esse? quod laicis ideo denegāt, quia solis Apostolis à Domino datū fuerit. Si solis Apostolis: cur nō inferūt, ergo solis episcopis? sed Apostolos eo loco simplices presbyteros faciūt: nūc capitis uertigo aliō eos rapit, ut subito episcopos creēt. Postremo, nō erat Apostolus Ananias, q̄ tamē ad Paulū missus est, ut uisum re- Acto. 9

t 4 ciperet,

ciperet, baptisaretur, et impleretur spiritus sancto. Ad  
 dā & hoc ad cumulū: si iure diuino propriū hoc mu-  
 nus episcoporū fuerat, cur ausi sunt ad plebeios pres-  
 byteros transferre? Quemadmodū in quadā Gre-  
 goriij epistola legitur. Altera ratio quā friuola,  
 inepta, & stolidā est? Digniore uocare suā con-  
 firmationem, quā Dei baptismum: quia in ea frons  
 oleo inficiatur, in baptismo cranium. quasi uero ba-  
 ptismus oleo, & non aqua peragatur. Testor uero  
 pios omnes, an non hoc unum admoliantur isti nebu-  
 lones, ut sacramentorum puritatem fermento suo ui-  
 tient. Dixi hoc alibi: uix in sacramentis per rimulas  
 interlucere, quod Dei est, inter humanarū inuentio-  
 num turbam. Si quis eius rei tum fidem mihi non ha-  
 bebat, suis saltem magistris nunc habeat. Ecce, præ-  
 terita aqua, & nullo numero habita, unum oleum  
 in baptismo magni faciunt. Nos ergo contrā dici-  
 mus, in baptismo frontem aqua tingi. Præ hac,  
 uestrum oleum non unius stercoris facimus: siue  
 in baptismo, siue in confirmatione. Quod si quis  
 pluris uendi alleget, respondere promptum est:  
 uenditionem uestram, imposturam esse, nequi-  
 tiam esse, furtum esse. Tertia ratione impietatem  
 suam traducunt, dum maius uirtutum augmen-  
 tum



tum conferri in confirmatione garriunt, quàm in baptismo. Impositione manuum Apostoli uisibiles spiritus gratias administrarunt. Qua in re istorum pinguedo se fœcundam ostendit? Sed ualeant isti moderatores, qui sacrilegium unum multis sacrilegijs operiunt. Nodus Gordianus est: quem abrumpere satius sit, quàm in dissoluendo tantopere laborare.

Iam uero, cum uerbo Dei & probabili ratione defici se uident, prætexunt quod solent: uetustissimam esse hanc obseruationem, & multorum seculorum consensu firmatam. Etiam si id uerum esset, nihil tamen efficiunt. Non è terra est sacramentum, sed è cœlo: non ex hominibus, sed ab uno Deo. Deum suæ confirmationis autorem probent oportet, si sacramentum haberi uolunt. sed quid uetustatem obiectant, cum ueteres nusquam plura duobus sacramentis recenseant? Si ab hominibus petendum esset fidei nostræ præsidium, habemus arcem inexpugnabilem: nunquam ueteribus agnita fuisse pro sacramentis, quæ isti sacramenta ementiuntur. De manuum impositione loquuntur ueteres: sed an sacramentum uocant? Augustinus aperte affirmat, nihil aliud esse q̃ orationem. Neq; hic mihi putidis suis distinctionibus obgãniant: non ad confirmatoriã Au-

gustinum

gustinum illud retulisse, sed curatoriam, uel reconciliatoriam. Extat liber, & in hominum manibus uersatur. Si in aliū sensum detorqueo, quā Augustinus ipse scripsit: cedo, non conuicijs modo, pro solenni suo more, sed sputis me obruant. Utinā uero morem retineremus, quē apud ueteres fuisse suspicor, priusq̃ abortiua hæc sacramenti larua nasceretur. Non ut esset confirmatio, quæ sine baptismi iniuria nec nominari potest: sed Christiana catechesis, qua pueri aut adolescentiæ proximi, fidei suæ rationem coram ecclesia exponderent. Esset autem optima catechisandi ratio, si formula in hunc usum conscripta esset, summā continens & familiariter explicans omnium ferè religionis nostræ capitum, in quæ uniuersa fidelium ecclesia consentire sine controuersia debet. Puer decennis ecclesiæ se offerret, ad edendam fidei confessionem. rogaretur de singulis capitibus, ad singula responderet. si quid ignoraret, aut minus intelligeret, doceretur. Ita unicam ueram & synceram fidem, qua unanimiter Deum unum colit fidelium populus, teste & spectante ecclesia profiteretur. Hæc disciplina si hodie ualeret, profecto parentum quorundam ignauia acueretur: qui liberorum institutionem, quasi rem nihil ad se pertinentem, secure negligunt:

gunt: quam tum sine publico dedecore omittere non possent. Maior esset in populo Christiano fidei consensus, nec tanta multorum inscitia & ruditas. non adeo temere quidam nouis & peregrinis dogmatibus abriperentur. omnibus deniq; esset quædam uelut methodus doctrinæ Christianæ.

## DE POENITENTIA.

**P**roximo loco statuunt pœnitentiam. de qua sic confuse & perturbate disserunt, ut nihil certi nec solidi ex eorū doctrina referre possint conscientiæ. Nos primum, quæ de pœnitentia didicimus ex scripturis, paucis enarrabimus: tum deinde, quid & illi doceant: postremo, quàm leui, aut potius nulla ratione, sacramentum fecerint. De pœnitentia docti quidā uiri, longe etiā ante hæc tempora, cū iuxta scripturæ regulā simpliciter et sincere loqui uellet, dixerū cōstare duabus partib. mortificatione, & uiuificatiōe. Mortificationē interpretatur, animæ dolorem ac terrorem, ex agnitione peccati, et sensu iudicii Dei cōceptū. ubi enim quis in uerā peccati cognitione adductus est, tū uere peccatū odisse & execrari incipit: tū sibiipse ex animo displicet, miserū se et peditum

tum fatetur, & alium se esse optat. Ad hæc ubi sensu aliquo iudicij Dei tactus est (alterum enim ex altero protinus sequitur) tum uero percussus ac consternatus iacet, humiliatus ac deiectus tremit, animum despondet, desperat. Hæc prior pœnitentiæ pars, quam uulgo contritionem dixerunt. Viuificationem interpretantur cōsolationem, quæ ex fide nascitur. Vbi scilicet homo peccati conscientia prostratus, ac Dei timore percussus, postea in Dei bonitatem, in misericordiam, gratiam, salutem, quæ est per Christum, respiciens, sese erigit, respirat, animum colligit & uelut à morte in uitam redit. Alij quia uidebant uarie hoc nomen in scriptura acceptum, duas posuerunt pœnitentiæ formas: quas ut nota aliqua distinguerent, alteram legalem dixerunt: qua peccator peccati cauterio uulneratus, & terrore iræ Dei attritus, in ea perturbatione constrictus hæret, nec se explicare potest. Euangelicam alteram, qua peccator grauius quidem apud se afflictus, altius tamen emergit: & Christum uulneris sui medicinã, terroris cōsolationem, miseriæ portum, appræhendit. Legalis pœnitentiæ exempla sunt, Cain, Saul, Iudas: quorum pœnitentiã dū scriptura nobis cōmemorat, intelligit peccati sui grauitate agnita, iram Dei timuisse. sed

Deum

Deum dumtaxat ultorem & iudicem cogitantes, in eo sensu defecerunt. Ergo eorū pœnitentia non aliud fuit, quàm quoddam inferorum atrium, quo iam in hac uita ingressi, cœperūt à facie iræ maiestatis Dei pœnas dare. Euangelicam pœnitentiam uidemus in omnibus, qui peccati aculeo apud se exulcerati, fiducia autē misericordiæ Dei erecti & recreati, ad Dominum conuersi sunt. Perterritus est Ezechias accepto mortis nuncio: sed flens orauit, & in Dei bonitatem intuitus, fiduciam recepit. Conturbati sunt Niniuitæ horribili denunciatione excidij: sed induti sacco & cinere, orarunt, sperantes quod conuerti posset Dominus, & auerti à furore iræ suæ. Confessus est Dauid, se nimium peccasse in recedendo populo. sed adiecit: Aufer Domine iniquitatem serui tui. Agnouit adulterij crimen, obiurgante Nathan, & se coram Domino prostrauit: sed ueniam simul expectauit. Talis fuit eorum pœnitentia, qui ad prædicationem Petri compuncti sunt corde: sed Dei bonitate cōfisi, addiderunt, Quid faciemus uiri fratres? Talis & Petri ipsius, qui fleuit quidem amare, sed sperare non desijt. Hæc quanquam omnia uera sunt: nomen tamen ipsum pœnitentiæ (quatenus ex scripturis assequi possum) aliter accipiendum est. Nam quod

4. Reg. 20.

Ionæ. 3.

2. Reg. ult.

2. Reg. 1.

Actor. 2.

70.20. quod fidē sub pœnitentia cūplectuntur, pugnat cum  
 eo quod Paulus in Actis dicit, se Iudæis ac gentibus  
 testificatum in Deū pœnitentiam, & fidem in Iesum  
 Christum. Vbi, tanquam duo diuersa, pœnitentiam  
 & fidem enumerat. Quid igitur? An uera pœniten-  
 tia citra fidem consistere potest? minime. Verum &  
 si separari nō possunt, distinguī tamen debēt. Quem  
 admodum enim sine spe fides non est. & tamen fi-  
 des ac spes uaria sunt: ita pœnitentia & fides, quan-  
 quā perpetuo inter se uinculo cohærēt, magis tamen  
 cōiungendæ sunt, quā cōfundendæ. Est itaq; meo  
 71.1. quidem iudicio, pœnitentia, carnis nostræ ueterisq;  
 hominis mortificatio: quam in nobis efficit uerus ac  
 sincerus timor Dei. In eum sensum accipiendæ sunt  
 conciones omnes, quibus uel prophetæ quondam,  
 uel apostoli postea, sui temporis homines ad pœniten-  
 tiam hortabantur. Hoc enim contendebant, ut pec-  
 catis suis confusi, & timore Dei puncti, coram Do-  
 mino prociderent & humiliarentur, seq; in uiam re-  
 ciperent ac resipiscerent. Ideo hæc promiscue usur-  
 pant eodem significatu: Conuertere, seu reuerti ad Do-  
 minum, & pœnitentiā agere. Et fructus dignos pœ-  
 72.3. nitentia facere, dixit Ioannes, uitam agere, quæ hu-  
 iusmodi resipiscentiam & conuersionem deceat.

Tota



Tota autem Euangelij summa duobus istis capitibus continetur: pœnitentia, & peccatorum remissione. Ioannes enim angelus ante faciem Christi missus, ad præparandas vias eius, prædicabat: Pœnitentiam agite, appropinquauit regnum cœlorum. Ad pœnitentiam uocando, monebat, ut se peccatores agnoscerent, suâque omnia coram Deo damnata: quò carnis suæ mortificationem, ac nouam in spiritu regenerationem totis uotis expeterent. Regnum Dei annunciando, ad fidem uocabat. Siquidem per regnum Dei, quod docebat in propinquo esse, remissionem peccatorũ, salutem, uitã, & quicquid omnino in Christo assequimur, significabat. Quare apud alios Euangelistas legitur, Venit Ioannes prædicans baptismum pœnitentiæ, in remissionẽ peccatorũ. Quod, quid aliud est, quàm ut peccatorum mole pressi & fatigati ad Dominum se conuerterent, ac de remissione & salute spem conciperent? Sic & Christus suas conciones auspicatus est: Appropinquauit regnum Dei, pœnitentiã agite, & credite euãgelio. Primũ declarat thesauros misericordiæ Dei in se apertos, dein de pœnitentiã exigit: tũ postremo fiduciã erga dei promissiones. Itaq; quũ totũ euangelij negociũ breuiter complecti uoluit Christus, dixit se oportuisse pati, re  
surgere

Matth. 11.

Matth. 3.

Marc. 1.

Luc. 3.

Luc. 24.

surgere à mortuis, prædicari in nomine suo pœnitentiam, & remissionem peccatorũ. Id & apostoli post eius resurrectionem prædicarunt. Excitatum à Deo ad dandam pœnitentiam Israëli, & remissionem peccatorum. Prædicatur pœnitentia in nomine Christi, cum per Euangelij doctrinam audiunt homines, suas omnes cogitationes: suos affectus, sua studia corrupta & uitiosa esse. Propterea necesse esse, ut renascantur: si uolunt ingredi in regnum Dei, esse autem hanc renascendi rationem: si participationem habeant in Christo, in cuius morte emoriuntur prauæ cupiditates: in cuius cruce uetus homo noster crucifigitur: in cuius sepulchro sepelitur corpus peccati. Remissio peccatorum prædicatur: cum docentur homines: Christum sibi factum esse redemptionem, iustitiam, satisfactionem, uitam, ut eius nomine iusti et innocentes gratis habeantur in conspectu Dei. Vno igitur uerbo pœnitentiam interpretor mortificationem, Hæc pœnitentia, primum nobis ad Christi cognitionem ingressum aperit, qui nullis se exhibet, nisi miseris & afflictis peccatoribus, qui gemunt: laborant, onerati sunt, esuriunt, sitiunt, dolore & miseria labescunt. Ad hæc eniti, in hanc incumbere, hæc prosequi, tota uita nos oportet. Dicebat Plato, uitam philo-

philo-

philosophi meditationem esse mortis. uerius nobis dicere licet, uitam Christiani hominis, perpetuum esse studium & exercitationem mortificandæ carnis, do nec plane intereat. Quare illum arbitror plurimum profecisse, qui sibi plurimum displicere didicit. non, ut in hoc luto hæreat, nec ultra progrediatur, sed magis ut ad Deum festinet et suspiret, ut morti Christi insertus pœnitentiam meditetur. Hæc sententia, ut erat simplicissima omnium, ita mihi cum scripturæ ueritate optime consentire uisa est. Nunc uenio ad excutienda ea, quæ de pœnitentia scholastici sophistæ tradiderunt: quæ, quàm paucissimis fieri poterit, percurram. quia omnia persequi animus non est: ne hic noster libellus, quem ad enchiridij breuitatē exigere uolo, in immensum extrahatur. Et illi rem alioqui nō ualde implicitam, tot uoluminibus inuoluerunt, ut non futurus sit facilis exitus, si te paulum in eorum feces immerseris. Principio, in danda definitione plane ostendunt, nunquam se intellexisse, quid esset pœnitentia. \* Arripiunt enim quædam e libris ueterum dictæria, quæ uim pœnitentiæ minime exprimunt. quòd pœnitere sit, antea cta peccata deflere, & flenda non committere. item, quòd sit mala præterita plangere, & plangenda iterum non com-

u

mittere,

\*

Hæc Greg  
& refert  
lib. 4. sen  
dist. 14. c  
Secūda A  
br. refert  
illic et in  
cretis dist  
de pœnit.  
pœnitent  
priorē.  
Tertia A  
gust. & r  
fertur ea  
dist. c. pœ  
tētia post  
Quarta  
Ambr. re  
fertur. di  
i. de pœn.  
c. uera pœ  
nitentia.

mittere. item, quòd sit quædam dolens uindicta, puniens in se, quod dolet commisisse. item, quòd sit dolor cordis & amaritudo animæ, pro malis quæ quisque commisit, uel quibus consensit. Hæc enim ut à patribus bene dicta cōcedamus (quod inficiari contentioso difficile non esset,) non tamen in eam partem dicebantur, ut pœnitentiam describerent: sed tantum, ut suos hortarentur, ne in eadem delicta rursum reciderent, à quibus extracti erant. Pœnitentiam tam argute definitam in contritionem cordis, confessionem oris, satisfactionem operis partiuntur, nihilo magis dialectice, quàm definierunt: et si uideri uolunt totam ætatem in syllogismis contexendis detriuisse. Verum si quis à definitione ratiocinetur (quod genus argumentandi apud dialecticos uallet) posse aliquem antea acta peccata deflere, & flenda non committere: posse præterita mala plangere, & plangenda non committere: posse punire, quod doleat commisisse, &c. quamuis ore nō confiteatur: quomodo suam partitionem tuebuntur? si enim ille uere pœnitens non confitetur, pœnitentia sine confessione esse potest. Quod si respondeant, hanc partitionem ad pœnitentiam referri, quatenus est sacramentum: uel de tota pœnitentiæ perfectione intelligi, quam

quam suis definitionibus non comprehendunt : non est unde accuser. sibi ipsi imputet, qui nō purius ac dilucidius definiunt. Ego certe, pro mea crassitie, cum de re aliqua disputatur, ad ipsam definitionē omnia refero: quæ est totius disputationis cardo ac fundamentū. Sed sit i'la magistralis licentia. Iā partes ipsas ordine perlustremus. Velim aut animaduertant lectores, nō hic de asini umbrarixā esse: sed rē omniū maxime seriam tractari. nempe de peccatorū remissione. Cum enim tria ad pēnitentiā requirunt, compunctionē cordis, oris cōfessionē, opis satisfactionē: simul ad impetrādā peccatorū remissionē necessaria esse docet. Si quid aut in tota nostra religiōe scire nostra refert, id certe refert maxime, intelligere ac pbe tenere, qua ratiōe, qua lege, qua cōditione, qua facilitate, aut difficultate, obtineatur peccatorū remissio. Hæc notitia nisi perspicua certaq; cōstat, nullā requiē, nullā cū Deo pacē, nullā fiduciā, aut securitatē habere potest cōscientia: sed assidue trepidat, fluctuat, æstuat, cruciatur, diuexatur, horret, odit, ac fugit conspectū Dei. Quod si ab his cōditionibus perdet peccatorū remissio, quibus eam ipsi alligant: nihil nobis miserius, nec deploratius. Cōrritionē primam obtinendæ ueniæ partē faciunt, eamq; debitam

exigunt, hoc est, iustam & plenam: sed interim non constituunt, quando securus aliquis esse possit, se hac contritione ad iustum modum defunctum esse. Hic uero miserae conscientiae miris modis torquentur & exagitantur, dum sibi debitam peccatorum contritionem imponi uident, nec assequuntur debiti mensuram, ut secum decernere possint, se persoluisse quod debebant. Si dixerint, faciendum quod in nobis est: eodem semper reuoluimur. quando enim audebit sibi promittere quispiam, omnes se uires contulisse ad lugenda peccata? Vbi ergo diu secum luctatae, & longis certaminibus exercitae conscientiae, portum tandem, in quo resideant, non inueniunt: ut se aliqua saltem parte leniant, dolorem à se extorquent, & lachrymas exprimunt, quibus suam contritionem perficiant. Quod si me calumniari aiunt: prodeant sanè, & unum aliquem ostendant, qui huiusmodi contritionis doctrina uel non sit ad desperationem adactus, uel simulationem doloris, iudicio Dei, pro uero dolore, non opposuerit. Diximus & nos quodam loco, nunquam sine poenitentia obuenire peccatorum remissionem. quod nulli nisi afflicti, & peccatorum conscientia uulnerati, Dei misericordiam implorare sincere possunt. sed simul ad-

iecimus,



icimus, pœnitentiam non esse causam remissionis peccatorum. illa autem animarum tormenta sustulimus, quòd debita præstanda sit. peccatorem docuimus, non in suam cõpunctionem, neq; in suas lachrymas intueri: sed utrunq; oculum in solam Domini misericordiam defigere. tantum admonuimus, uocari à Christo laborantes & oneratos: quando missus sit ad Euangelizandum pauperibus, ad sanandum contritos corde, prædicandum captiuis remissionem, ad educendos uinctos, consolandos lugentes. Quo excluderentur & Pharisei, qui sua iustitia saturi, paupertatem suam non agnoscunt: & contemptores, qui securi iræ Dei, malo suo remedium non quærent. Tales enim nec laborant, nec onerati sunt, nec contriti corde, nec uincti, nec captiui, nec lugent. Multum uero interest, doceas ne emereri peccatorum remissionem iusta & plena contritione, qua nunquam defungi possis: an peccatorem instituas, esurire & sitire Dei misericordiam, per misericordiæ suæ agnitionem: suum æstum, lassitudinem, captiuitatem, illi ostendas: ut quærat refrigerium, requiem, liberationem. illum deniq; doceas, in sua humilitate dare Deo gloriam. De confessione semper ingens fuit pugna inter canonistas, & Theolo-

Matth. 11

Ies. 61

gos scholasticos . his contendentibus, mandari diuino præcepto confessionem : illis reclamantibus, ecclesiasticis duntaxat constitutionibus præcipi. In eo uero certamine insignis theologorum impudentia apparuit, qui tot locos scripturæ deprauarunt, & uide torserunt, quot in rem suam citabant . Et quando ne sic quidem obtineri posse uiderunt , quod postulabant: qui arguti uolebant præ alijs uideri, hoc effugio elapsi sunt. Confessionem à iure diuino profectam , quantum ad substantiam : sed formam postea accepisse à iure positiuo . nempe sic qui inter Leguleios sunt ineptissimi , citationem ad ius diuinum referunt : quia dictum sit , Adam ubi es. exceptionem item: quia responderit Adam, quasi excipiens, Vxor quam dedisti mihi, & cætera. utriq; tamen, formã à iure ciuili datam . sed uideamus, quibus argumentis confessionem hanc uel formatã, uel informem , Dei esse mandatum probent . Misit , inquiunt, leprosos

**Matth. 8** Dominus ad sacerdotes . **Luc. 5. 17** Quid? misit ne ad confessionem ? **Mar. 1** quis unquam fando audiuit audiendis confessionibus præfectos Leviticos sacerdotes? Confugiunt ergo ad allegorias. Sancitum erat lege Mosai-

**Deut. 17** ca , ut sacerdotes discernere inter lepram & lepram . Peccatum, spiritualis est lepra . de hac pronunciare

nunciare, sacerdotum est. Antequam respondeo, quæro obiter, Si hic locus spiritualis lepræ eos iudices facit, cur naturalis & carnalis lepræ cognitionem ad se trahunt? scilicet hoc non est scripturis ludere. Lex cognitionem lepræ defert sacerdotibus Leuiticis: hanc nobis usurpemus. peccatum est lepra spiritualis: sumus & peccati cognitores. Nunc respondeo. Translato sacerdotio, necesse est legis translationem fieri. omnia sacerdotia ad Christum translata sunt, in eo impleta, & finita. Ad eum igitur unum, ius omne & honor sacerdotij translatus est. Si tantopere amant allegorias sectari, unicum sacerdotem Christum sibi proponant, & rerum omnium libera iurisdictione tribunal eius cumulent. facile id feremus. Ad hæc, importuna est ipsorum allegoria, quæ legem mere politicam inter ceremonias reponit. Cur igitur Christus ad sacerdotes, leprosos mittit? Ne calumniarentur sacerdotes, ipsum legem uiolare, quæ iuberet coram sacerdote repræsentari à lepra curatum, & oblato sacrificio expiari: iubet mundatos leprosos facere, ea quæ legis erant. Ite, inquit, ostendite uos sacerdotibus: & offerte munus, quod præcepit Moses in ege, ut sit in testimonium ipsis? & uere futu-

Hebr. 7.

rum erat illis in testimonium, miraculum hoc. Pronunciauerant eos leprosos, nunc curatos pronunciant. Nónne, uelint, nolint, coguntur fieri testes miraculorum Christi? explorandum illis Christus suum miraculum permittit: diffiteri nō possunt. quia autem adhuc tergiuersantur, est illis hoc opus in testimonium. Sic alibi: Prædicabitur Euangelium hoc in uniuerso orbe, in testimonium omnibus gentibus. item: Ante reges & præsides ducemini, in testimonium ipsis, id est, quò in iudicio Dei fortius conuincantur. Secundum argumentum ex eodem fonte ducunt, hoc est, ex allegoria: quasi multum ualeant allegoriæ ad dogma aliquod confirmandum. Sed ualeant sanè, nisi eas ipsas ostendero speciosius à me obtendi, quàm ab ipsis posse. Dicunt ergo: Dominus discipulis præcepit, ut suscitatum Lazæ fascijs soluerent & expedirent. Hoc primum mentiuntur. nusquam enim legitur, hoc dixisse Dominū discipulis. Estq; multo uerisimilius, dixisse Iudæis adstantibus: quò citra ullam fraudis suspicionem, euidētius fieret miraculum: & maior sua uirtus eluceret, quòd nullo tactu, sua sola uoce, mortuos suscitaret. Sic equidem interpretor, Dominum, quò omnem sinistram suspensionē Iudæis tolleret, uoluisse

Matth. 24

Matth. 10

Ioan. 11

luisse illos reuoluere lapidem, scetorem percipere, cer-  
 ta mortis signa spectare, sola uerbi uirtute surgentem  
 uidere, uiuentem primos attrectare. Sed demus, hoc  
 dictum discipulis. quid tum obtinebunt? Dominum  
 dedisse Apostolis soluendi potestatem. quanto aptius  
 & magis dextre hæc allegorice tractari poterūt? Si  
 dicamus, hoc symbolo Dominū uoluisse fideles suos  
 instituere, ut soluerent à se suscitatos, hoc est, ne in  
 memoriā peccata reuocarent, quæ ipse oblitus esset:  
 ne, ceu peccatores, damnarēt, quos ipse absoluisset:  
 ne adhuc exprobrarent, quæ ipse cōdonasset: ne ubi  
 misericors ipse esset, & ad parcendum facilis, ipsi ad  
 puniendum seueri & morosi essent. Eant nunc, &  
 allegorias suas uentilent. Iam propius manus con-  
 serunt: dū apertis, ut sibi uidentur, sententijs pugnāt.  
 Qui ad Ioānis baptismum ueniebant, confitebantur Matth. 3  
 peccata sua. Et Iacobus iubet, ut alter alteri peccata Iacob. ult.  
 confiteamur. Nihil mirum, si confitebantur peccata  
 sua, qui uolebant baptisari. Dictum enim antea est,  
 Ioānem prædicasse baptismū pœnitentiæ, baptisasse  
 aqua in pœnitentiam. Quos igitur baptisasset, nisi  
 qui se peccatores cōfessi essent? Baptismus symbolū  
 est remissionis peccatorū: & qui ad hoc symbolum  
 admitterentur, nisi peccatores, & qui se tales agno-  
 u s scunt!

scunt? confitebantur itaq; peccata sua, ut baptisaren-  
 tur. Nec sine causa præcipit Iacobus, ut alter alteri  
 confiteamur. uerum si animaduernerent quod proxi-  
 me sequitur, intelligerent parum etiã hoc sibi suffra-  
 gari. Confitemini, inquit, alter alteri peccata uestra,  
 & orate pro inuicem. Mutuam confessionẽ, & mu-  
 tuam orationem simul iungit. Si solis sacrificulis con-  
 fitendũ est, ergo et pro illis solis orandũ. Quid quod  
 sequeretur ex uerbis Iacobi, solos sacrificulos confi-  
 teri posse? Siquidem dum uult ut mutuo cõfiteamur,  
 eos solos alloquitur, qui aliorũ cõfessionẽ audire pos-  
 sint. ἀλλήλοις, mutuo, uicissim: aut (si malũt) reci-  
 proce. Facessant igitur hoc genus nugamenta, &  
 ipsam Apostoli mentẽ accipiamus: quæ simplex est,  
 & aperta. nempe, ut nostras infirmitates uicissim al-  
 ter in alterius sinum deponamus, mutuũ cõsiliũ,  
 mutuã cõpassionem, mutuã inter nos consolationem  
 accepturi. Deinde, ut fraternæ infirmitatis mutuo  
 conscij, pro illis ad Dominũ oremus. Quid ergo con-  
 tra nos Iacobũ citant, qui tantopere cõfessionẽ mise-  
 ricordie Dei urgemus? cõfiteri aut Dei misericordiã  
 nemo potest, nisi miseriã suam prius cõfessus. Quin-  
 potius anathema esse pronunciamus, quicunq; nõ se  
 corã deo, corã angelis eius, corã ecclesia, corã omni-  
 bus



bus deniq; hominibus, peccatorem confessus fuerit. Omnia enim conclusit Dominus sub peccatū, ut omne os obstruatur, & humilietur omnis caro coram Deo: solus aut ipse iustificetur & exaltetur. Miror aut qua fronte ausint cōtendere, confessionē, de qua loquuntur, iuris esse diuini. cuius equidem uetustissimū esse usum fatemur: sed quē facile euincere possumus, olim fuisse liberū. Certe nullam de ea statam fuisse legē, aut cōstitutionē, ante Innocentij tertij tempora, eorū quoq; annales narrāt. & luculēta testimonia extāt, tū in historijs, tū apud antiquos alios scriptores, quæ doceāt hanc fuisse politicā disciplinā, ab episcopis institutā: nō legem, à Christo aut Apostolis positā. Vnum dūtaxat ē multis proferā, quod non obscuro eius rei documēto erit. Refert Sozomenus, fuisse hāc episcoporū cōstitutionē, diligenter obseruatam ecclesijs occidentalib. præsertim uero Romæ. quo significat, nō fuisse uniuersale omniū ecclesiarū institutū. Vnum aut ē presbyteris peculiariter destinātū fuisse dicit, qui huic muneri præesset. quo abunde confutat, quod isti de clauibus uniuersō sacerdotali ordini promiscue datis mentiuntur. Siquidē non omniū sacerdotū cōmunis erat functio: sed singulares unius partes, qui ad id electus ab episcopo fuerat. Subijcit deinde, eū quoq; morē Cōstātinopoli fuisse:

Galat. 3

Rom. 3

Pontif. 183

Platina au-

tor est in ui-

ta Zeph-

rini.

Tripert.

hist. lib. 9

donec matrona quædam confitentem simulans, eâ specie consuetudinē, quam habebat cum diacono, prætexuisse deprehensa est. Ob id facinus Nectarius, uir sanctitate & eruditioe clarus, illius ecclesiæ episcopus, confitendi ritum abrogauit. Hic hic aures asini isti arrigant. Si lex Dei erat, auricularis confessio: qui ausus esset Nectarius eam refigere ac conuellere? Nectarium sanctum Dei hominē, omnibus ueterum suffragijs probatum, hæreseos & schismatis accusabunt? Sed eodem calculo damnabunt ecclesiam Constantinopolitanam, in qua confitendi morem non ad tempus modo dissimulatum fuisse, sed ad suam usq; memoriā obsoluisse affirmat Sozomenus. imò nō Constantinopolitanā, sed orientales omnes ecclesias defectionis reas agent: quæ inuiolabilem (si uerum dicunt) legem, & Christianis omnibus mandatam, neglexerunt. Verum ut res tota planior & expeditior fiat, primū bona fide referemus, quod genus confessionis uerbo Dei nobis traditum sit: deinde, & eorum cōmenta de confessione subiiciemus. non quidem omnia (quis enim immensum illud mare exhauriret?) sed ea duntaxat, quibus summam suæ confessionis cōplectuntur. Non hic cōmemorarem, vulgatum esse in multis scripturæ partibus, confessio-

nem pro

nem pro laude accipi, nisi adeò eos depudisset, ut talibus quoq; locis se instruerent. ueluti cum dicunt, confessionem ualere ad mentis iucunditatem: iuxta illud, In uoce exultationis & confessionis. Hanc ergo acceptionem obseruent simplices, & diligenter ab illa distinguant, ne sibi talibus fucis illudatur. Psal. 42.

De peccatorum confessione sic docet. Quando Dominus est, qui peccata remittit, obliuiscitur, delet: huic peccata nostra confiteamur, ut ueniam obtineamus. Ille medicus est: uulnera igitur nostra illi exponamus. Ille læsus est & offensus, ab illo pacem petamus. Ille est cordium cognitor, & cogitationum omnium conscius, coram ipso corda nostra effundamus. Ille est deniq; qui peccatores uocat, ad ipsum accedamus. Peccatum meum, inquit Dauid, cognitum tibi feci: & iniustitiam meam non abscondi. Dixi, confitebor aduersum me iniustitiam meam Domino: & tu remisisti iniquitatē cordis mei. Talis est altera ipsius Dauid confessio: Miserere mei Deus, secundum magnam misericordiam tuam. Talis et Danielis: Pec-

cauimus Domine, peruerse egimus, impietates fecimus, & rebelles fuimus, declinando à mandatis tuis. Et aliæ, quæ passim in scripturis occurrunt. Si confiteamur peccata nostra, inquit Ioannes, Fidelis Domi- Psal. 32.  
Psal. 51.  
Daniel. 9.  
1. Ioann. 1.

nus,

nus, ut remittat nobis peccata nostra. Cui confiteamur? ipsi scilicet: hoc est, si adflucto & humiliato corde coram ipso procidamus: si apud ipsum nos ex animo accusantes & damnantes, bonitate eius & misericordia absolui petamus. Qui animo, et corā Deo, hanc cōfessionem amplexus fuerit, habebit haud dubie & linguam ad confessionem paratam: quoties opus fuerit, apud homines Dei misericordiam prædicare. Neque tantum ut uni, & semel, & in aurem, cordis secretum insusurret: sed sæpius, sed palàm, sed toto orbe audiente, ingenuè & suam paupertatem, & Domini magnificentiam commemoret. In hunc modum, cum David à Nathan argueretur, conscientie aculeo punctus, peccatum & coram Deo, & coram hominibus confitetur: Peccaui, inquit, Domine. hoc est, iā nihil excuso, nō tergiuersor, quo minus peccatorē me omnes iudicēt: & q̄ clā Domino esse uolui, hominib. quoq; ipsis patefiat. Duas præterea priuatæ cōfessionis formas scriptura pbat. unam quæ nostra causa fiat. quo pertinet illud Iacobi, ut alter alteri peccata cōfiteamur. Sentit enim ut nostras infirmitates, alter alteri cōmunicātes, cōsilio & cōsolatione mutuo uos iuueamus. Alterā, quæ in proximi gratiam facienda sit, ad ipsum placandum & nobis recon-

reconciliandum, si qua in re nostro uitio læsus fuerit. De qua Christus apud Matthæum: Si offers munus tuū ad altare, & ibi recordatus fueris quia frater tuus habet aliquid aduersum te, relinque ibi munus tuum, & abi: pr̃ usque recōciliare fratri tuo, & tunc ueniens offeres munus tuum. Sic enim sarcienda est charitas, quæ nostra culpa dissoluta fuerit: culpam, quam admisimus, agnoscendo & deprecando. Aliam confitendi uel rationem, uel formam, scriptura prorsus ignorat. Quid illi? statuunt, ut omnes utriusque sexus, statim atq; ad discretionis annos peruenierint, semel ad minimum quotannis confiteātur omnia sua peccata, proprio sacerdoti: nec peccatū dimitti, nisi confitendi uotum firmiter conceptum fuerit. Quod uotum nisi oblata facultate persolutum fuerit, iam nullus patet paradisi ingressus. Sacerdotem uero potestatem habere clauium, quibus peccatorem soluat & liget. quia non sit irritum Christi uerbum: Quoscuq; ligaueris, &c: De hac uero potestate pugnaciter inter se belligerantur. Alij dicūt unicam esse clauē in esētia, scilicet potestatem ligādi et soluēdi scientiā, ad bonū qdem usum requiri, sed tantū instar accessorij esse, nō esētialiter cohærere. Alij, q̃a uidebant hāc nimīū effrenatā licentiam, duas clauēs recensue-

Matth. 9.

C. omnis  
utriusq; sexus. de summa trinit. et fid. cath. in antiq. lib. 4. sent. dist. 17. c. 2. lib. 4. sent. dist. 18. c. 2.

censuerūt: discretionem, & potestatem. Alij rursum:  
 Postrema cum tali moderatione cohiberi sacerdotum improbi-  
 opinio fuit tatem uiderent, alias clauēs excuderunt: auctoritatem  
 Hugonis. discernendi, qua in definiendo uterentur: & potesta-  
 tem, quam exequutione suæ sententiæ exercerent.  
 scientiam accedere uelut consiliarium. Istud autem  
 ligare & soluere, non audent interpretari simplici-  
 ter, peccata remittere & delere. q̃a Dominū claman-  
 tē audiunt apud Prophetā, Ego sum, ego sum, qui de  
 e. *isaie. 43* leo iniquitates tuas Israël: Ego, & non alius præter  
 me. Sed dicunt, sacerdotis esse pronunciare, qui liga-  
 ti sint aut soluti: & declarare, quorum remissa aut re-  
 tenta sint peccata. Declarare autem, uel per confessi-  
 onem, cum absoluit, & peccata retinet: uel per sen-  
 tentiā, cum excommunicat & recipit ad sacramen-  
 torum cōmunionem. Demū, cum intelligunt nondū  
 se hoc nodo explicari, quin semper sibi obijci pos-  
 sit, indignos sæpe ligari & solui à suis sacerdotibus,  
 qui propterea non ligentur aut soluantur in cœlo:  
 quod ultimum refugiū est, respondent, collationem  
 clauium cum limitatione accipiendā esse: quòd Chri-  
 stus promiserit, apud tribunal suum approbatum iri  
 sacerdotis sententiam, quæ iuste prolata fuerit, secun-  
 dum quod merita ligati aut soluti postulabant. Por-  
 rò, has



rò, has claues omnibus sacerdotibus à Christo datas esse, quæ illis ab episcopis in promotione conferuntur: sed liberum usum penes eos duntaxat esse, qui ecclesiasticis muneribus funguntur. Apud excommunicatos & suspensos, manere quidem ipsas claues, sed rubiginosas ac ligatas. Et qui hæc dicunt, modesti & sobrij iure uocari possint, præ alijs, qui sub noua incude nouas claues fabricati sunt, quibus thesaurum ecclesiæ obserari tradunt. Thesaurum ecclesiæ, merita Christi, sanctorum Apostolorum, Petri, Pauli, martyrum, & cætera nuncupant. Huius horrei radicalem custodiam Romano episcopo traditam fingunt, penes quem sit radicalis tantorum bonorum dispensatio: ut & ipse per se elargiri possit, & alijs elargiendi iurisdictionem delegare. Hinc nunc plenariæ indulgentiæ à Papa, nunc certorum annorū: à Cardinalibus centum dierum, ab Episcopis quadraginta. Ad singula paucis respondebo. Taceo autem ad præsens, quo iure, quæue iniuria, suis legibus fidelium animas obstringant: quando id suo loco dispicietur. Quòd autem legem imponūt de omnium peccatorum enumeratione, quòd peccatum dimitti negant, nisi sub conditione, si uotum confitendi firmiter conceptum fuerit: quòd nul-

lum superesse ingressum paradisi garriunt, si facultas confitendi neglecta fuerit: istud uero nullo modo ferendum est. Omnia ne peccata enumeranda sunt? At David, qui secum probe, ut arbitror, meditatatus erat peccatorum confessionem, tamen exclamabat: Errores quis intelliget? ab occultis meis munda me Domine. & alibi: Iniquitates meae transierunt supra caput meum: & sicut onus graue, aggregatae sunt ultra uires meas. Nimirum intelligebat, quanta esset peccatorum nostrorum abyssus, quam multae scelerum facies, quot capita ferret, & quam longam caudam traheret haec hydra. Non ergo ad recensendum catalogum se conferebat, sed e profundo malorum clamabat ad Dominum: Obrutus sum, sepultus sum, suffocatus sum, inferorum portae circundederunt me: immersum alto puteo, deficientem, & moribundum, manus tua extrahat. Quis suorum peccatorum nunc supputationem cogitet, ubi Dauidem uidet suorum numerum inire non posse? Hac carnificina plusquam crudeliter diuexatae sunt eorum conscientiae, qui aliquo Dei sensu afficiebantur. Principio sese uocabant ad calculum: peccata in brachia, in ramos, in ramusculos, in frondes, iuxta istorum formulas, dissecabant. Tum appendebant qualitates, quanti-

quantitates, circumstantias. atq; aliquantulum quidem res procedebat. Vbi uero longius progressi fuerant, cœlum undiq; & undiq; pontus: nullus portus, nulla statio. Quo plura transiuerant, maior semper cōgeries oculis ingerebatur. imò uero, uelut altæ moles assurgebant: nec spes ulla, uel saltem post longas ambages, euadendi apparebat. Hærebant itaq; inter sacrum & saxum, nec alius tandem exitus reperiabatur, quàm desperatio. Ibi scæui isti carnifices, ut uulnera sanarent quæ fecerāt, fomenta quædam adhibuerunt, ut faceret quisq; quod in se esset. Sed nouæ rursus curæ obstrepebant: imò, noui cruciatus excoriabant miseras animas. non satis temporis impendi, non iusta opera incubui: multa negligentia præterij: & obliuio, quæ ex incuria prouenit, non est excusabilis. Suggerebantur adhuc alia pharmaca, quæ eiusmodi dolores demulcerent: Age & negligentia tuæ pœnitentiam, modo supina non sit, condonabitur. Verum omnia ista cicatricem obducere non possunt. nec tã mali sunt lenimenta, quàm uenena melle oblita, ne sua acerbitate primū gustum offendant: sed in intima penetrent, antequam sentiantur. Vrget ergo semper terribilis illa uox, & auribus insonat: Confitere omnia peccata tua, Nec po-

test horror iste pacari, nisi certo solatio. Quòd autem bona pars orbis talibus blandimētis, quibus tam exitiale uenenum temperabatur, acquieuit: non id factum est, quòd Deo satisfactum crederet, aut sibi etiam planè satisfaceret: sed ut, quasi in medio mari fixa ancora, paulum interquiesceret à nauigatione. uel, quasi fessus & fathiscens uiator, in uia decumberet. In facienda eius rei fide non laboro. Sibi enim quisq; apud se testis esse potest. Dicam in summa, qualis lex illa fuerit. Primum, simpliciter est impossibilis. itaq;, non nisi perdere, damnare, confundere, in ruinam & desperationem conijcere potest. Deinde, peccatores à uero peccatorum suorum sensu abductos, hypocritas facit: Deiq;, ac sui ipsorum ignorantes. Siquidem dum in peccatorum enumeratione toti occupantur, interim obliuiscuntur latentem illam uitiorum lernam, occultas suas iniquitates, & interiores sordes: quarum potissimū notitia suam miseriam reputare debuerant. At certissima erat confessionis regula, tantam mali nostri abyssum agnoscere & fateri, quæ sensum quoq; nostrum superet. Hac regula uidemus cōpositam publicani confessionem: Domine, propitius esto mihi peccatori. quasi diceret, quantus quantus sum, totus sum peccator:

Luc. 18

nec

nec ipsam peccatorum meorum magnitudinem, aut mente, aut lingua assequi possum. abyssus tuæ misericordiæ, hanc peccati mei abyssum absorbeat. Quid? inquires, ergone confitenda non sunt singula delicta: ergo nulla Deo accepta cōfessio, nisi duobus istis uerbis conclusa? Peccator sum. Imò uero danda potius opera, ut (quantum in nobis est) totum cor effundamus coram Domino. nec modo nos peccatores uno uerbo fateamur: sed (ut tales nos uere et ex animo agnoscamus) quanta sit, & quàm uaria peccatorum labes, tota cogitatione recognoscamus. non modo nos immundos: sed qualis sit, & quanta, quàmque in multis partibus immundities. non modo debitores: sed quantis debitis grauati, & quot nominibus obstricti. nō modo uulneratos: sed quàm multis & letalibus plagis saucij. Hac tamen recognitione cum se totum peccator coram Domino effuderit, serio ac sincere cogitet, plura adhuc restare, ac profundiores esse malorum suorum recessus, quàm quos penitus excutere possit. Atque adeò exclamet cū Dauid: Errores quis intelligit? ab occultis meis munda me Domine. Iam uero, quod asseuerant non dimitti peccata, nisi uoto confitendi firmiter concepto: & clausam esse paradisi portam ei, qui facul-

tatem confitendi sibi oblatam neglexerit. Absit, ut istud eis concedamus. Non enim alia nunc est peccatorum remissio, quam semper fuit. Quotquot remissionem peccatorum à Christo obtinuisse leguntur, non leguntur in aurem sacrificuli cuiuspiam confessi. nec sanè confiteri poterant, ubi nec sacrificuli confessionarij erant, nec ipsa etiam confessio. Et multis postea sæculis inaudita fuit hæc confessio, quibus sine hac conditione remittebantur peccata. Sed ne quasi de re dubia longius disceptemus, Verbum Dei apertum est, quod æternum manet: Quotiescunq; ingemuerit peccator, omnium iniquitatum eius non recordabor. Huic uerbo qui aliquid audet adijcere, non peccata ligat, sed Domini misericordiam. Nihil itaq; mirum, si auricularem istam confessionem, rem adeò pestilentem, totq; nominibus ecclesiæ noxiam, damnamus, ac sublatam è medio cupimus. quòd si per se res esset indifferens, quando tamen nulli usui est, nec fructui, tot autem impietatibus, sacrilegijs, erroribus, causam dedit: quis non protinus abolendam censeat? Recensent quidem aliquot usus, quos ut ualde fructuosos uenditant: sed illos, aut eментitos, aut nullius prorsus momenti. Vnum tamen singulari prærogatiua



rogatiua commendant. Erubescientiam confitentis, grauem esse poenam: qua et peccator fit in posterum cautior, & Dei uindictam anteuertit seipsum puniens. Quasi non satis magna uerecundia hominē confundamus, dum ad summū illud tribunal cœleste, ad Dei cognitionē uocamus. Egregiè uero profectū est, si unius hominis pudore peccare desinimus: Deū nō erubescimus habere malæ nostræ cōscientiæ testem. quanquam id quoq; ipsum falsissimū est. Nulla enim re fieri maiorem peccādi confidentiā aut licentiam, passim uidere est, quā dum cōfessione sacerdoti facta, homines existimant se posse tergere os, & dicere, nō feci. Nec toto solū anno fiunt ad peccandū audaciores, sed in reliquū anni tempus de cōfessione securi, nunquā ad Deum suspirant, nunq̃ ad se redeūt. sed peccata peccatis accumulant: donec omnia, ut opinantur, simul euomant. Vbi autem euomuerunt, sarcina sua exonerati sibi uidentur: iudicium à Deo transtulisse, quod sacerdoti detulerunt: Deo obliuionem induxisse, ubi consciū sacerdotem fecerūt. Porro quis confessionis diem latus instare uidet? Quis ad confitendum alacri animo pergit? ac non potius, quasi obtorto collo in carcerē trahatur, inuitus ac reluctanti similis uenit? nisi forte ipsi sacrificuli

lib. 4. sent.  
dist. 17. c. 4

crificuli. qui mutuis facinorum suorum narrationibus, quasi iocosis fabulis, se delicate oblectant. Non multas chartas inficiam referendis prodigiosis abominationibus, quibus scatet auricularis confessio. Tantum dico: si non inconsulte fecit sanctus ille uir, qui ob unum scortationis tumorem, confessionem ex ecclesia sua, uel potius è suorum memoria sustulit: infinitis hodie stupris, adulterijs, incestibus, lenocinijs, quid factu opus sit, admonemur.

Nunc uidendum de potestate clauium, in qua proram (ut aiunt) & puppim Confessionarij, sui regni locant. Ergo sine causa, inquiunt, datae sunt clauēs? Ergo sine causa dictum est: Quaecunq; solueritis super terram, erunt soluta & in cœlis? frustramus ergo uerbum Christi? Respondeo: grauem fuisse causam, cur darentur clauēs. Duo autem sunt loci, quibus testatur Dominus, ligatum & solutum iri in cœlo, quod sui in terra ligauerint & soluerint: paulò diuerso sensu. quos insulse porci isti, & inscite (ut solent omnia) confundunt. Alter est apud Io-

Ioan. 20

annem: ubi Christus missurus discipulos suos ad prædicandum, insufflat in eos, ac dicit: Accipite spiritum sanctum. quorumcunq; remiseritis peccata, remittuntur eis: & quorum retinueritis, retenta sunt.

ta sunt. Claues regni cœlorũ, quæ Petro antea promissæ, nunc illi unâ cum cæteris Apostolis exhibentur. nec illi quicquam promissum erat, quod non hic ex æquo cum omnibus accipiat. Illi dictum erat, dabo tibi claues regni cœlorum: his dicitur, ut Euangelium prædicent. quod ipsum est cœlestis regni ianuas aperire ijs, qui per Christum accessum ad patrem quæsierint: claudere uero & obserare ijs, qui ab hac uia diuerterint. Illi dictum erat, Quodcunq; ligaueris super terram, erit ligatum in cœlis: quodcunq; solueris, erit solutum. Nunc Apostolis omnibus, inter quos & ipse est, dicitur: Quorum remiseritis peccata, remissa erunt: quorum retinueritis, retenta erunt. Ligare itaq; peccata retinere est: soluere, remittere. Et sanè peccatorum remissione, uere soluuntur è durissimis compedibus conscientiæ: ut rursus retentione, arctissimis uinculis ligantur & constringuntur. Afferam interpretationem, non argutam, non coactam, non detortam: sed simplicem, germanam, fluentem, obuiam. Hoc de remittendis & retinendis peccatis mandatum, & illa de ligando & soluendo Petro facta promissio, non aliò sunt referenda, quàm ad uerbi ministerium: quod dum Apostolis suis committebat Dominus, simul

& hoc ligandi soluendiq; munere ipsos instruebat.  
 Quæ enim est summa Euangelij? nisi quòd omnes  
 serui peccati & mortis, soluumur ac liberamur per  
 redemptionem quæ est in Christo Iesu? qui uero  
 Christum liberatorem ac redemptorem non agno-  
 scunt ac suscipiunt, eos æternis uinculis damnatos  
 addictosq; esse. Hanc legationē cum Apostolis suis  
 in omnes nationes perferendam traderet Dominus,  
 ut suam esse, ut à se profectam, ut à se mandatam ap-  
 probaret, hoc præclaro testimonio eam honorauit:  
 idq; in singularem consolationē, tum Apostolorum  
 ipsorum, tum auditorum etiam, ad quos peruentura  
 esset hæc legatio. Referebat, ut Apostoli cōstantem  
 ac solidam suæ prædicationis certitudinem haberēt:  
 quam non modo infinitis laboribus, curis, molestijs,  
 periculis, obituri erāt: sed suo demum sanguine obsi-  
 gnaturi. Ipsam, inquam, nō uanam esse, nec inanem:  
 sed potentiæ ac uirtutis plenā. Referebat, ut in tanta  
 anxietate, & rerum difficultate, tantisq; discrimini-  
 bus, Dei se negotium agere persuasi essent: ut toto  
 mundo aduersante & repugnante, Deum pro se sta-  
 re cognoscerent: ut Christum doctrinæ suæ auto-  
 torem, in terra aspectu præsentē nō habentes, ipsum  
 esse in cœlo intelligerēt, ad firmandā eius ueritatem.

Oportebat

Oportebat rursum & auditoribus certissime testificatum esse, illam Euangelij doctrinam non Apostolorum esse sermonē, sed Dei ipsius. Non uocē in terra natā, sed è cœlo delapsam. Non enim in hominis potestate hæc esse possunt, peccatorū remissio, promissio uitæ æternæ, salutis nuncius. Testificatus est ergo Christus, nihil in Euangelij prædicatione Apostolorū esse, præter ministeriū. se esse, qui per eorum ora, uelut per organa, loqueretur omnia & promitteret. peccatorū remissionē, quā ipsi annuntiarent, uerā esse Dei promissionē: damnationē, quā denūciaret, certū esse Dei iudiciū. Hæc autē testificatio omnibus seculis data est, firmāq; manet: quæ certiores oēs securosq; reddat. Euangelij uerbū, à quocunq; tandē homine prædicatur, ipsissimam esse Dei sententiam, apud summū Dei tribunal promulgatā, in libro uitæ scriptā, in cœlo ratam, fixam, & firmam. Habemus, potestatem clauium esse simpliciter Euangelij prædicationem: nec tam potestatem esse, quā ministerium, si ad homines respicimus. Non enim hominibus hanc potestatem proprie Christus dedit, sed uerbo suo, cuius homines ministros fecit. Alter locus, quem in aliam partem accipiendū diximus, apud Matthæum scriptus est. ubi ait Christus: Si frater aliquis

aliquis ecclesiam non audierit, sit tibi sicut ethnicus  
 & publicanus. Amen dico uobis, quaecunq; ligaue-  
 ritis super terram, erunt ligata et in cœlis: quaecunq;  
 solueritis, erunt soluta. Non autem sic diuersos faci-  
 mus, ut non multam habeant inter se affinitatem &  
 similitudinem. Hoc primum ubiq; simile, quod utraq;  
 est generalis sententia: eadem semper ligandi soluen-  
 diq; est potestas. nempe, per uerbum Dei. Idem sol-  
 uendi & ligandi mandatum, eadem promissio. Eò au-  
 tem differunt, quòd prior locus peculiariter de præ-  
 dicatione est, qua uerbi ministri funguntur: hic ad di-  
 sciplinam excōmunicationis pertinet, quæ ecclesiæ  
 permissa est. Ligat autem ecclesia, quem excommuni-  
 cat. non quòd in perpetuā ruinam ac desperationem  
 coniiciat: sed quia eius uitam ac mores damnat, &  
 nisi resipuerit, iam eum suæ damnationis admonet.  
 Soluit, quem in cōmunionē recipit: quia uelut partici-  
 pem eum facit unitatis, quam habet in Christo Iesu.  
 Ne quis ergo contumaciter ecclesiæ iudicium con-  
 temnat, aut parui æstimet se fideiū suffragiis damna-  
 tum, testatur Dominus, tale fidelium iudicium non  
 aliud esse, quàm sententiæ suæ promulgationem: ra-  
 tumq; haberi in cœlis, quod illi in terra egerint. Ha-  
 bent enim uerbum Dei, quo per uersos damnent: ha-  
 bent



bent uerbum, quo resipiscentes in gratiam recipiant. errare autem non possunt, nec à Dei iudicio dissentire: quia non nisi ex lege Dei iudicant: quæ non incerta est aut terrena opinio: sed sancta Dei uoluntas, & cœleste oraculum. Ecclesiam autem uocat, non pauculos tōsos, rasos, linigeros, sed coetum fidelis populi, in nomine suo coactum. Nec audiendi sunt illufores qui sic argutātur: Quomodo ad ecclesiam quæ rimonia aliqua deferri posset? quæ per totum orbem sparsa est & dissipata. Satis ostendit Christus, se de omni Christiana congregatione loqui: ut in singulis locis aut prouincijs constitui ecclesiæ possunt: Vbi cunq; inquit, duo aut tres congregati fuerint in nomine meo, ibi in medio eorum sum. Ex illis duobus locis, quos, ut breuiter, ita & familiariter & uere enarrasse mihi uideor, furiosi isti nullo discrimine, pro ut sua uertigine feruntur, nunc confessionē, nunc excommunicationem, nunc iurisdictionem, nunc ius condendi leges, nunc indulgentias conātur statuere. Sed quid si uno gladio omnib. eiusmodi postulatis ansam præcidam? sacrificulos nō esse apostolorū uicarios, nec successores. Verum istud quoq; alibi tractabitur. Nunc unde se munire maxime uolunt, arietem erigūt, quo molitiones omnes suæ deiciantur. Christus

stus enim non antè Apostolis ligandi & soluendi po-  
 testatem fecit, quàm eos spiritu sancto donauit. Ne-  
 go igitur ullis competere clauium potestatem, qui non  
 acceperint spiritum sanctum. Nego quenquam cla-  
 uibus uti posse, nisi præeunte docenteq; spiritu san-  
 cto, & dictate quid agendū sit. Spiritū sanctū habere  
 se illi nugatur, sed re ipsa negat. nisi forte spiritū san-  
 ctū, rē esse uanā & nihili fingunt, ut certe fingunt:  
 sed illis non credetur. Atq; hac quidem machina in  
 uniuersum subuertuntur: ut, cuiuscunq; ostij clauem  
 se habere iactent, semper interrogandi sint, habeant  
 ne spiritum sanctum, qui clauium est arbiter ac mo-  
 derator? si habere se respōdeant: rursus interpellan-  
 di sunt, an errare possit spiritus sanctus? Istud diserte  
 profari non audebunt, tametsi oblique sua doctrina  
 insinuant. Inferendum ergo erit: nullos sacrificulos  
 habere clauium potestatem, qui passim sine delectu  
 soluunt, quæ ligari Dominus uoluerat: ligant, quæ  
 solui iusserat. Quando clarissimis experimentis euin-  
 ci se uident, quòd dignos & indignos promiscue sol-  
 uant & ligent. Potestatem usurpāt sine scientia, &  
 quāquam negare non audent, ad bonum usum re-  
 quiri scientiam: potestatem tamen ipsam malis di-  
 spensatoribus traditam, scribunt. Atqui hæc pote-  
 stas

stas est: Quodcunque ligaueris, aut solueris in terra, erit in cœlis ligatum & solutum. Aut promissum Christi mentiri oportet: aut bene ligant & soluant, qui sunt hac potestate præditi. Nec est quod tergiversentur, Christi promissum limitari secūdum eius merita, qui ligatur aut soluitur. Et nos etiā fatemur, nec solui nec ligari posse, nisi dignos, qui soluantur aut ligentur. Sed habent Euangelij nunciij, & ecclesia, uerbum: quo dignitatem hanc metiantur. In hoc uerbo, Euangelij nunciij possunt omnibus remissionem peccatorū in Christo polliceri, per fidem. Possunt damnationē edicere in omnes & super omnes, qui Christum non amplectūtur. In hoc uerbo ecclesia pronunciat, scortatores, adulteros, fures, homicidas, auaros, iniquos, partem in regno Dei non habere: talesq; certissimis uinculis ligat. Eodem uerbo soluit, quos resipiscences cōsolatur. Sed quæ erit isthæc potestas, nescire quid ligādū sit, aut soluēdū: nec ligare posse aut soluere, nisi scias? Cur ergo dicunt, se absolvere autoritate sibi data, cum incerta sit absolutio? Quò nobis imaginaria hæc potestas, si nullus sit usus? Vno autem loco habeo, aut nullum esse, aut tam incertum esse, ut pro nullo habendus sit. Cum enim fateantur, bonā esse sacerdotum partem

tem, qui non rite utantur clauibus: potestatem uero sine legitimo usu inefficacem esse: quis mihi fidem faciet, eum à quo soluor, bonum esse clauium dispensatore? quod si malus est, quid aliud habet, quam friuolam istam solutionem? Quid in te ligandū sit, aut soluendum, nescio: quando iusto clauium usu careo. sed si mereris, te absoluo. At tantundem posset, non dico laicus ( quando id æquis auribus non ferrent: ) sed Turca, aut diabolus. Id enim, est dicere, uerbum Dei non habeo, certam soluendi regulam: sed autoritas mihi data est te absoluendi, si ita sunt tua merita. Videmus igitur, quorsum spectarint, cū definierunt, clauēs esse auctoritatem discernēdi, & exequutionis potestatem. scientiam accedere consiliarium, & instar consiliarij ad bonum usum esse: nempe libidino-se & licenter sine Deo, & uerbo eius, uoluerunt regnare. Porro q̄ suas clauēs tot seris aptant & ostijs, nunc ut iurisdictioni suæ seruiant, nunc confessionibus, nunc constitutionibus, nunc deuotionibus, paucis dicam. In illo mandato, quod de remittendis & retinendis peccatis Christus apud Ioannem dat suis discipulis, non legislatores, non confessionum secretarios, non officiales, non datarios, non bullarios facit: sed, quos uerbi sui ministros fecerat, insigni testi-

monio

monio ornat. Apud Matthæum, cum ligandi & soluendi arbitrium ecclesiæ suæ defert, non iubet, ut auctoritate reuerendi alicuius mitrati aut bicornis, eliminentur & exterminentur, pulsūq; cymbalorū, & candela extincta, diris omnibus deuoueātur pauperes, qui soluendo non sunt: sed, ut disciplina excommunicationis, improborū nequitia corrigatur. idq; uerbi sui auctoritate, ecclesiæ ministerio. Iam uero insani illi, qui clauēs ecclesiæ, dispensationē meritorū Christi & martyrum esse fingunt, quam Papa suis bullis et indulgētijs partiatur, elleboro magis q̄ argumentis digni sunt. Nec in refellendis indulgētijs magnopere laborare opus est, quæ multis arietibus percussæ, nunc suapte sponte consenescere, & ad inclinationē spectare incipiūt. Et sanē quòd tam diu saluæ constiterint, ac in tam impotenti & furiosa lasciuia tam diuturnā impunitatē retinuerint: id uero documento esse potest, quàm alta errorū nocte immersi fuerint aliquot seculis homines. Videbant se à Papa & suis bulligerulis, palàm, nec dissimulāter, ludibrio haberi: quæstuosas nūdinationes de animarū suarum salute exerceri, pauculis nūmis salutis precium taxari, nihil gratuitū prostare. hac specie emungi se oblationibus, quæ in scorta, in lenones, in comestationes

y turpiter

turpiter absumerentur. summos indulgentiarum buccinatores, summos esse contemptores: monstrū istud maiori indies licētia grassari, ac luxuriari: nec finem ullum fieri. Plumbum semper nouum adferri, nouos nūmos elici. Excipiebant tamen summa ueneratione indulgentias, adorabant; redimebāt. Et qui cernebāt inter alios acutius, existimabant tamen pias esse fraudes, quibus cum fructu aliquo falli possent. Tandem, ubi orbis aliquantulū sibi sapere permisit, frigēt indulgentiæ, & paulatim etiā congelascunt, donec plane euanescent. Verum quoniā plurimi, qui sordes, imposturas, furta, rapacitates ( quibus luserunt hactenus, & nos ludificati sunt indulgentiarij ) uident, fontem ipsum impietatis non conspiciunt: operæ precium est indicare, non solū quales sint indulgentiæ, sed quid omnino sint, omni macula abstersæ. Sūt autem ( ut genuinè describam ) sanguinis Christi prophanatio, sathanæq; ludibriū, quo Christianū populū, à Dei gratia, à uita quæ est in Christo, abducatur, & à uera salutis uia auertatur. Quis enim poterat fœdius prophanari Christi sanguis, quàm dū negatur sufficere ad peccatorum remissionem, ad reconciliationem, ad satisfactionem, nisi uelut arefcentis & exhausti defectus aliunde suppleatur & sufficiatur?



ciatur? Christo lex & prophetiæ omnes (inquit Pe- Acto. 10  
 trus) testimoniũ perhibent: quòd per ipsum accipien-  
 da sit remissio peccatorũ. Indulgentiæ remissionem  
 peccatorũ per Petrum, Paulum, et martyres largiun-  
 tur. Sanguis Christi emundat nos à peccato, inquit 1. Ioan. 1  
 Ioannes. Indulgentiæ, sanguinem martyrum, faciunt  
 peccati ablutionẽ. Christus, inquit Paulus, qui pec- 2. Cor. 5  
 catum non nouerat, factus est pro nobis peccatum:  
 (id est, peccati satisfactio) ut iustitia Dei efficere-  
 mur in illo. Indulgentiæ peccatorum satisfactionem  
 in sanguine martyrum reponunt. Clamabat Paulus, 1. Cor. 1  
 & Corinthijs testificabatur, solum Christum pro  
 ipsis crucifixum & mortuum esse. Indulgentiæ pro-  
 nunciant, Paulum & alios pro nobis mortuos. Alibi Acto. 20  
 dicit, Christũ acquisiuisse ecclesiam suo sanguine.  
 Indulgentiæ aliud preciũ acquisitionis in martyrum  
 sanguine statuunt. Vna oblatione Christus consum- Hebr. 10  
 mauit in perpetuum sanctificatos, ait Apostolus. In-  
 dulgentiæ reclamant, à martyribus perfici sanctifica-  
 tionem, quæ alioqui non sufficiebat. Ioannes dicit, Apoc. 22  
 sanctos omnes lauisse stolas suas in sanguine agni.  
 Indulgentiæ docet, lauare stolas in sanguine sancto-  
 rum. Equidem cum tota eorum doctrina ex horren-  
 dis sacrilegijs & blasphemijs consuta sit, hæc tamen

præ alijs prodigiosa est blasphemia. Agnoscant, an non hæc sint sua placita. Martyres plus morte sua Deo præstitisse, ac meritos esse, quàm sibi opus esset: tantumquàm illis meritorum largitatem superfuisse, quæ in alios redundaret. ne igitur superuacuum sit tantum bonum, cõmisceri eorum sanguinem sanguini Christi: & ex utroque thesaurum ecclesiæ confici, ad remissionem & satisfactionem peccatorum. atque ita accipiendū, quod ait Paulus: Suppleo in corpore meo, ea quæ desunt passionum Christi, pro corpore eius, quod est ecclesia. Quid hoc est, nisi Christo nomen relinquere: cæterum uulgarem sanctulum facere, qui in turba uix dignoscatur? Vnum, unum illum prædicari decebat, unum proponi, unum nominari, unum respici, cum de obtinenda peccatorum remissione, expiatione, satisfactione agitur. Sed audiamus eorum entymemata. Ne sine fructu effusus sit sanguis martyrum, in commune ecclesiæ bonum conferatur. Ita ne? An uerò nullus erat fructus, glorificare Deum per mortem? ueritati eius suo sanguine subscribere? testificari præsentis uitæ contemptu, meliorem se uitam quærere? fidem ecclesiæ sua constantia confirmare, hostium autem peruicaciam frangere? Sed hoc est scilicet: nullum fructum agnoscunt, si solus Christus est

Coloss. 1

stus est propitiator, si solus mortuus est propter peccata nostra, si solus est oblatus pro nostra redemptione. Quàm uero malitiose Pauli locum detorquent? ubi dicit: se supplere in corpore suo, ea quæ deerant passionum Christi. Non enim defectum illum, supplementum uè illud, ad redemptionis, expiationis, satisfactionis opus refert: sed ad eas afflictiones, quibus Christi membra, nempe fideles omnes exerceri oportet: quamdiu in hac carne agēt. Dicit ergo. hoc restare passionum Christi: quòd in seipso semel passus, quotidie in membris suis patitur. Eo nos honore dignatur Christus, ut nostras afflictiones, suas reputet ac dicat. Quòd autē addidit Paulus, pro ecclesia: non intellexit pro redemptione, pro reconciliatione, pro satisfactione ecclesiæ: sed pro ædificatione & profectu. quemadmodum alibi ait, se sustinere omnia propter electos, ut salutem consequantur, quæ est in Christo Iesu. Absit autem, ut deesse aliquid putauerit Paulus passionibus Christi, quātum ad omnem iustitiæ, salutis, ac uitæ plenitudinem attingit: aut addere aliquid uoluerit, qui adeo luculenter & magnifice concionatur, exuberantiam gratiæ per Christum tanta largitate effusam, ut omnem uim peccati longe supergressa fuerit. Hac sola sancti oēs

2. Tim. 2

Rom. 8

A. Ro. 15

salui facti sunt: nō uitæ, aut mortis suæ merito, quem  
 admodū Petrus diserte testatur. ut in Deū, & Chri-  
 stum eius cōtumeliosus fuerit, qui ullius sancti digni-  
 tatē, alibi, q̄ in sola Dei misericordia reposuerit. Sed  
 quid hic diutius, perinde atq; in re adhuc obscura,  
 moror? cū talia prodigia traducere, uincere sit? Por-  
 rō, ut tales abominationes prætereamus: quis docuit  
 Papam, plumbo & membrana gratiā Iesu Christi in-  
 cludere? quam Dominus uerbo Euangelij dispensari  
 uoluit. Sane, aut mendax Dei Euangelium esse opor-  
 tet, aut mendaces indulgentias. Nā Euangelio, Chri-  
 stus cum omni affluentia bonorum cœlestium, cum  
 omnibus suis meritis, omni sua iustitia, sapientia, gra-  
 tia, nulla exceptione, nobis offertur. Indulgentiæ de-  
 mensum aliquod gratiæ Christi, ex armario Papæ  
 reclusum, plumbo, membranæ, loco etiam, affigūt:  
 à uerbo Dei auellunt. Tertium locum satisfactio  
 ni in pœnitentia assignant. de qua quicquid blate-  
 rant, uno uerbo subuerti potest. Dicunt non suffi-  
 cere pœniti, à præteritis malis abstinere, & mo-  
 res in melius commutare: nisi de ijs quæ facta sunt,  
 satisfaciat Domino. esse autem multa præsidia, qui-  
 bus peccata redimamus: lachrymas, ieiunia, obla-  
 tiones, eleemosynas, cæteraq; charitatis officia. ijs  
 Dominum

b. 4. sent.

t. 16. c. 4

non suffi-

. de pœni

ten. dist. 1

medicina

dem dist.

Dominum propiciandum, ijs debita iustitiæ Dei per  
 soluenda, ijs cōpensanda delicta, ijs ueniam emerend-  
 am. & quanquam Dominus largitate misericor- c.nullus. ea  
 diæ, culpam remiserit: pœnam tamen retinere, disci dem dist.  
 plina iustitiæ. hanc esse pœnam, quæ satisfactioni-  
 bus redimenda sit. Talibus mendacijs oppono, gra- Iesā. 52  
 tuitam peccatorum remissionem: qua nihil in scri- Rom. 5  
 ptura clarius prædicatur. Primum, quid est remissio, Coloss. 2  
 nisi meræ liberalitatis donum? Non enim remittere Tit. 3  
 dicitur creditor, qui antapocha testatur sibi nume- & alibi.  
 ratam pecuniam: sed qui nulla solutione, ultro, sua  
 beneficentia, nomen expungit. Cur deinde gra-  
 tis additur, nisi ad tollendam omnem satisfactionis  
 opinionem? Qua igitur confidentia suas satisfactio-  
 nes adhuc erigunt, quæ tam ualido fulmine proster-  
 nuntur? Præterea, cum scriptura uniuersa testimo-  
 nium Christo deferat, quòd per nomen eius sit acci- Acto. 10  
 pienda peccatorū remissio: nōne alia nomina omnia  
 excludit? Quomodo igitur per satisfactionum no-  
 men accipi docent? neq; per satisfactionum nomen  
 accipi negent, sed per Christi nomen, etiam si in-  
 tercedāt satisfactiones. Nam quòd scriptura ait, per  
 nomen Christi: intelligit nihil nos afferre, nihil no-  
 strum prætere, sed sola Christi commendatione  
 niti.

.Corin.5 niti. quemadmodum Paulus ait, quod Deus erat mundum sibi in filio reconcilians, non imputans propter ipsum hominibus delicta. Vereor ne (qua sunt peruersitate) & peccatorum remissionem, & reconciliationem fieri semel dicant, cum in gratia Dei per Christum in baptismo recipimur: post baptismum, resurgendum esse per satisfactiones: sanguinem Christi nihil prodesse, nisi quatenus per clauis ecclesiae dispensatur. Sed longe aliter Ioannes: Si quis peccauerit, ait, habemus aduocatū apud patrem, Iesum Christū: & ipse est propitiatio pro peccatis nostris. item: Scribo uobis filioli, quia remittuntur uobis peccata propter nomen eius. Certe fidelibus loquitur: quibus dum Christū proponit peccatorum propitiationē, nō aliam esse satisfactionē ostēdit, qua offensus Deus propitiari placari uē possit. Nō dicit, semel uobis per Christum recōciliatus est Deus, nunc uobis alias reconciliandi rationes quærite: sed perpetuū facit aduocatū, qui sua intercessione in patris gratiā nos semper restituat: perpetuam propitiationem, qua peccata expiantur. Est enim illud perpetuo uerum, quod Ioannes dicebat: Ecce agnus Dei, ecce qui tollit peccata mundi. Tollit, inq̃, ipse: nō alius. hoc est, quādo ipse solus est agnus Dei, solus quoq; est oblatio pro peccatis, solus  
expiatio,

I. Ioan. 2

od. loco.

Ioan. 1



expiatio, solus satisfactio. Duo hic perpendere conuenit: ut integer & illibatus suus honor Christo seruetur: ut cōscientiæ de peccati uenia securæ, pacem apud Deum habeant. Iesaias dicit, patrem posuisse in filio nostras omnium iniquitates, ut liuore eius sanaremur. quod alijs uerbis repetens Petrus, ait: Christum pertulisse in corpore suo peccata nostra super lignum. Paulus scribit, damnatū esse peccatū in eius carne, cum pro nobis peccatum factus est: hoc est, uim & maledictionem peccati in eius carne interemptam, cum in hostiam datus est, in quam tota peccatorum nostrorum moles, cum sua maledictione & execratione, cum iudicio Dei, & mortis damnatione reijceretur. Et quoties de redemptione per eum facta meminit, uocare solet ἀπολυτρωσις. id autē est, non simpliciter redemptio: sed premium ipsum, et satisfactio redemptionis. qua ratione & Christum ipsum se pro nobis ἐντίλυτρον dedisse, alibi tradit. Nunc peccatorum remissionem in operibus constitue: an hæc quæ dicta sunt, Christo salua manēt? immane, quantū hæc differūt? iniquitates nostras positas esse in Christo, ut in ipso expiaretur: et nostris operibus expiari. Christū esse propitiationē pro peccatis nostris, & Deum operibus propitiandū. Quod

Ies. 53

1. Pet. 2

Rom. 8

Rom. 3

1. Cor. 1

Ephes. 1

Coloss. 1

&amp; alibi.

1. Tim. 2

si de pacificanda conscientia agitur, quæ istæc erit pacificatio. si audiat peccata redimi satisfactionibus? quâdo tandem illi satisfactionis modus cōstare poterit? ergo semper dubitabit, an Deū habeat propitiū: semper æstuabit, semper horrescet. Nam qui leuibus satisfactiunculis acquiescunt, nimis contemptim iudicium Dei æstimant: & parum reputant, quanta sit peccati grauitas, ut alibi diximus. & ut in ipsis esse demus, peccata aliquot, iusta satisfactione redimere: quid tamen faciant, ubi tot peccatis obruuntur, quorum satisfactionibus, nec centum uitæ (uel si totæ in hoc sint) sufficere queant? Hic in

asylum confugiunt ineptæ distinctionis. Peccata quædam uenialia esse, quædam mortalia. pro mortalibus grauem satisfactionem deberi, uenialia faciliioribus remedijs purgari: oratione dominica, aquæ benedictæ aspersione, absolutione Missæ. sic cum Deo ludunt, & ineptiunt. Cum tamen assidue peccatum ueniale & mortale in ore habeant, nondum alterum ab altero discernere potuerunt. nisi quod impietatem & immunditiem cordis, peccatum ueniale faciunt. Nos autem (quod scriptura, iusti & iniusti regula docet) peccati stipendium pronunciamus esse mortem: & animam quæ peccauerit, morte dignam.

Rom. 6

zech. 18

dignam. Cæterum fideiū peccata uenialia esse: non quia non mortem mereantur, sed quia Dei misericordia, nulla est condemnatio ijs, qui sunt in Christo Iesu: quia non imputantur, quia uenia delentur. Scio quā inique doctrinam hanc nostram calumniantur. dicunt enim paradoxum esse stoicorum, de peccatorum æqualitate. Sed suo ipsorum ore, nullo negotio conuincuntur. Quæro enim, an non inter ea ipsa peccata, quæ mortalia fatentur, aliud alio minus agnoscant? Non igitur protinus sequitur, paria esse peccata, quæ simul mortalia sint. Cum scriptura definiat stipendium peccati, mortem esse: legis obedientiam, esse uitæ uiam: transgressionem, mortem: hanc sententiam euadere non possunt. Quem ergo satisfaciendi exitum inuenient, in tanto peccatorum cumulo? Si unius diei est, satisfactio peccati unius: dum illā meditantur, septies peccāt (loquor de iustissimis) si ad septē satisfactiōes se accingūt, cum labunt quadraginta nouē peccata. Iam præcisa est satisfaciēdi fiducia. quid morātur? quomodo adhuc de satisfaciendo cogitare audent? Conantur quidem se expedire, sed aqua (ut dicitur) illis hæret. fingunt sibi distinctionem pænæ & culpæ. Culpam remitti fatētur, Dei misericordia. (et si ipsam, læbrymis et precib. mereri nos, doceāt.) Sed culpa remissa,

Rom. 8

Psal. 32

Proue. 24

pcenam restare: quam persolui, Dei iustitia postulat. ad pcenae igitur remissionem proprie spectare satisfactiones. Verum, cum ista distinctione ex diametro pugnat, quicquid de peccatorum remissione in scriptura nobis traditur, hoc est testamentum novum, quod

**Iere. 31** Deus in Christo suo nobiscum pepigit: quod iniquitatum nostrarum non recordabitur. Quid his significauerit, discimus ex altero propheta, ubi Dominus:

**zech. 18** Si iustus, inquit, a iustitia sua deflexerit, omnium iustitiarum eius non recordabor. Si impius ab impietate sua recesserit, omnium iniquitatum eius non recordabor. Quod se iustitiarum recordaturum negat, utique hoc est, nullam se earum habiturum rationem, ut remuneretur. Ergo & peccatorum non recordari, est,

**Psal. 32** ea non postulare ad poenam. Idipsum alibi dicitur, non imputare, tecta habere. Talibus loquendi formulis non obscure sensum suum nobis explicuerat spiritus sanctus, si dociles aures illi accommodaremus. Certe si punit Deus peccata, imputat: si vindicat, recordatur: si ad iudicium uocat, tecta non habet. Audiamus uero & ex alio propheta, quibus legibus peccata remittat Dominus: Si fuerint, inquit, peccata uestra ut coccinum, quasi nix albescent: & si rubuerint ut uermiculus, erunt quasi lana. Hic mihi obtestandi

standi sunt Lectores, nō ut glossis meis auscultent,  
 sed tantum ut uerbo Dei locum aliquem esse sinant.  
 Quid quæso nobis præstitisset Christus, si adhuc  
 pro peccatis pœna exigetur? Nam cū dicimus, eum 1. Pet. 2.  
 ptulisse omnia peccata nostra in corpore suo super li-  
 gnū, nō aliud significamus, q̃ defunctū pœna et uin-  
 dicta, quæ peccatis nostris debebatur. Idipsum si-  
 gnificātius declarauit Iesaias, cū dicit, castigationem Ies 4. 53  
 siue correctionem pacis nostræ fuisse super eum.  
 Quid uero est correctio pacis nostræ, nisi pœna  
 peccatis debita, & nobis persoluēda, antequam Deo  
 reconciliari possemus, nisi uices nostras ipse subijs-  
 set? En clare uides, Christum peccatorum pœnas su-  
 stinuisse, ut suos ab illis eximeret. Vtinam sincere in-  
 telligeremus, quod Christus fidelibus suis promisit.  
 Qui credit in me, inquit, in iudicium non uenit: sed Ioan. 5.  
 transiuit à morte in uitam. Cuius promissionis fidu-  
 cia, secure Paulus asserit, nullam esse condemnatio- Rom. 8.  
 nem ijs, qui sunt in Christo Iesu. Non dubito quin  
 me risuri sint, qui iudicium & cōdemnationem ali-  
 ter accipiam, quàm pro pœna æterna. Id uero nihil  
 ad satisfactiones, quas pœnis temporarijs persolui do-  
 cent. Verum nisi in animum induxissent, resistere  
 spiritui sancto: maiorem inesse Christi & Pauli uer-  
 bis

bis energiam sentiret: nempe, fideles à peccati maledi-  
 ctione sic per Christum liberatos, ut in conspectu  
 Dei, quasi mundi & puri appareant. Verum quan-  
 do & ipsi scripturæ testimonijs sese armant, uidea-  
 mus qualia sint, quæ ipsi obtendunt argumenta.  
 David, inquit, de adulterio & homicidio à Pro-  
 pheta Nathan obiurgatus, ueniam peccati accipit:  
 & tamen morte filij, quem ex adulterio sustulerat,  
 postea plectitur. Tales pœnas, quæ post culpæ eti-  
 am remissionem infligendæ essent, satisfactionibus  
 redimere docemur. Hortabatur enim Daniel Na-  
 bucha dñe, per ut eleemosynis peccata redimeret. &  
 Solomon scribit, charitate operiri multitudinem pec-  
 catorum. Et apud Lucam, Dominus de muliere pec-  
 catrice ait, remissa esse illi peccata multa, quia di-  
 lexit multum. Vt peruerse semper & præpostere  
 facta Dei æstimant? At si obseruassent, quod mi-  
 nime prætereundum erat, duo esse diuini iudicij ge-  
 nera, longe aliud in hac Davidis correptione uidis-  
 sent, quàm peccati pœnam & ultionem. iudicium  
 unum, docendi causa, uocemus uindictæ: alterum  
 castigationis. Iudicio uindictæ iram suam in repro-  
 bos exercet Dominus, ulciscitur, confundit, dissi-  
 pat, in nihilum redigit. Id proprie est peccatum puni-  
 re &



re & uindicare. Id' que, pœna proprie aut supplicium dici potest. Iudicio castigationis, nō suppliciū sumit, non irascitur, non uindicat, sed suos erudit, admonet, castigat, uellicat. Id non pœna est, aut uindicta, sed correctio atque admonitio. Alterum iudicis est, alterum patris: iudex, cum facinorosum punit, in ipsum delictum animaduertit, & de ipso facinore pœnam expetit. Pater, cum filium seuerius corrigit, non hoc agit, ut uindictet, aut mulctet eius admissa: sed magis ut doceat, & cautiorē in posterū reddat. breuiter, ubicunque pœna est, ibi maledictio & ira Dei, quam ipse à fidelibus continet. Castigatio, Dei benedictio est, & amoris testimonium. Illā sanctos omnes semper deprecatos fuisse legimus: hāc placido animo suscepisse. Castiga me domine, sed in iudicio, non in ira tua, ne forte imminuas me. Effunde furorem tuū, &c. quāquam ne reluctor quidē, quin castigatio, huiusmodi delictorū punitio dici possit, sed quo modo accipienda sit, moneo. Sic cū Saul regno abiecit, puniebat: cū Dauidē paruulo filio orbauit, corripiebat. In hāc sententiā accipipiendū est, quod ait Paulus, Dū iudicamur, à Domino corripiamur: ne cū hoc mundo damnemur, hoc est, dum nos filij Dei, manu cœlestis patris affligimur, nō hęc pœna est, qua con-

funda-

Iere. 10.

1. Reg. 15

2. Reg. 12

1. Cor. 11

fundamur: sed castigatio, qua erudiamur. Hac cogitatione fidelem instrui necesse est in afflictionum acerbitate. Tempus est, ut iudicium incipiat à domo Domini, in qua inuocatum est nomen eius. Quid facerent filij Dei, si seueritatem, quam sentiunt, ultionem Dei esse crederent? Qui enim manu Dei percussus, Deum iudicem punientem cogitat, nō potest nisi iratum & aduersum sibi concipere: ipsum uero Dei flagellum, ut maledictionem & damnationem detestari. deniq; se à Deo diligere nunquam persuadere poterit, qui sic erga se affectum sentiet, ut adhuc punire uelit. Nec refert, sit ne æterna pcena, an temporaria. Tam enim bella, fames, pestilentia, morbi, maledictiones Dei sunt, quàm ipsum mortis æternæ iudicium. Perspiciunt omnes (ni fallor) quò spectet illa Domini animaduersio in Dauidem: nempe, ut documentū esset, grauiter Deo displicere homicidium & adulterium: aduersum quod tantam offensionem declarasset. ut eruditio esset ipsi Dauid, ne postea tale facinus auderet: non autem ut pcena esset, qua compensationem quandam Deo penderet. Sic & de altera correptione iudicandum est, qua Dominus populum uehementi peste adflixit, ob Dauidis inobedientiā, quam in recensendo ipso populo perpetrā

1. Petr. 4.

1. Reg. 24

petrā

petrauerat. Nam peccati quidem noxam Dauidi gratis remisit: sed quia tum ad publicum omnium seculorum exemplum, tum ad Dauidis quoq; humiliationem pertinebat, tale facinus non impunitum manere: ipsum flagello suo asperrime castigauit. Mirum autem est, cur sic in unum Dauidis exemplum oculos conijciant, tot exemplis non permoueantur: in quibus gratuitam peccatorum remissionem licebat contemplari. Legitur publicanus descendisse e templo iustificatus: pœna nulla sequitur. Petrus delicti ueniam obtinuit. lachrymas eius, inquit Ambrosius, legimus: satisfactionem non legimus. & audit paralyticus: Surge, remittuntur tibi peccata tua. pœna non imponitur. Omnes, quæ in scriptura commemorantur, absolutiones, gratuita describuntur. Ex hac exemplorū frequentia, regula potius peti debuerat, quàm ab unico illo: quod nescio quid singulare continet. Daniel sua exhortatione, qua suadebat Nabuchadnezer, ut peccata sua iustitia redimeret, & iniquitates suas miseratione pauperum: non uoluit significare, iustitiam & misericordiam, esse Dei propitiationem, & pœnarum redemptionem. absit enim ut alia unquam fuerit ἀπολύτρωσις, quàm sanguis Christi. sed illud redimere, ad homines potius, quàm

Luc. 18. 22

Matth. 9

Daniel. 4

tius, quàm ad Deũ retulit . ac si dixisset: Exercuisti,  
 ô rex, iniustam & uiolentam dominationẽ, oppres-  
 sisti humiles, spoliasti pauperes, dure & inique tra-  
 ctasti populum tuum. pro iniustis exactionibus, pro  
 uiolentia & oppressionẽ, nunc refer misericordiam  
 & iustitiam. Similiter Solomon, charitate operiri  
 multitudinem peccatorum ait, non apud Deum, sed  
 inter homines ipsos . Sic enim habet integer uersus:  
 Odium excitat contentiones, charitas uero operit  
 cunctas iniquitates . Quo Solomon, more suo, per  
 antithesim, mala quæ ex odijs nascantur, cum fru-  
 ctibus charitatis confert . estq; sensus: Qui inter se  
 oderunt, uicissim mordent, carpunt, exprobrant,  
 omnia uitio uertunt . qui se diligunt, multa inter se  
 mutuo dissimulant, ad multa conuiuent, multa uicis-  
 sim condonāt. non quòd alter alterius uitia probet:  
 sed tolerat, & admonendo medetur potiusquàm in-  
 sectando ulceret . Eodem sensu citatum locum hunc  
 à Petro, nihil ambigendum est: nisi deprauatæ ua-  
 fręq; detortæ scripturæ insimulare eum uolumus.

**1. Pet. 4** Quantum attinet ad locum Lucæ: nemo, qui pa-  
 rabolam illic à Domino propositam sano iudicio le-  
 gerit, nobis ex eo controuersiam faciet . Phariseus  
 apud se cogitabat, non cognosci à Domino mulierẽ,  
 quam

quam tãta facilitate ad se admisisset. Sentiebat enim, non fuisse admissurum, si peccatricẽ, qualis erat, cognouisset. Atq; ex eo colligebat, non esse prophetã, qui eum in modum falli posset. Dominus, ut peccatricem non esse ostenderet, cui iam remissa essent peccata, parabolam proposuit. Duo debitores erant uni fœneratori: alter quingenta debebat, alter quinquaginta. utriq; remissum est debitũ. Vter maiorem gratiam habet? Respondet pharisæus: Is utiq;, cui plus donatũ est. subiicit Dominus: Hinc agnosce, remissa esse huic mulieri peccata, quia dilexit multũ. Quibus uerbis (ut uides) eius dilectionem, non facit causam remissionis peccatorum, sed probationem. sunt enim sumpta à simili eius debitoris, cui remissa erant quingenta. cui non dixit ideo remissa, quia multum dilexisset: sed ideo multũ diligere, quia remissa sint. Atq; ad eam similitudinem applicari cõuenit in hanc formam. Putas mulierem hanc esse peccatricem. atqui talem non esse, agnoscere debueras, quando ei remissa sint peccata. Remissionis autem peccatorum fidem tibi facere debuerat eius dilectio, qua ob beneficium gratiam refert. Est autem argumentum à posteriori, quo aliquid demonstratur à signis sequentibus. Qua autem ratione peccatorum remissionem

Z    2

sionem illa obtinuerit, palàm Dominus testatur: Fides, inquit, tua te saluam fecit. Fide igitur remissionem assequimur: charitate gratias agimus, & Domini beneficentiam testamur. Parum au-

tem me mouent, quæ in ueterum scriptis de satisfactione passim occurrunt. Video quidem eorum nonnullos (dicam simpliciter, omnes fere, quorum libri extant:) hac in parte lapsos esse. sed non concedã, eos ipsos adeo fuisse rudes & imperitos, ut eo sensu illa scripserint, quo à nouis istis satisfactionarijs leguntur. Vocarunt enim, ut plurimũ, satisfactionem, non compensationem quæ Deo redderetur: sed publicam testificationem, qua qui excommunicatione mulctati fuerant, cum in communionem recipi uellent, ecclesiam reddebant de sua pœnitentia certiorum. Indicebantur enim illis pœnitentibus certa ieiunia, & alia, quibus se prioris uitæ uere & ex animo pertæsos esse approbarêt, uel potius priorum memoriam obliterarent. atq; ita dicebantur, non Deo, sed ecclesiæ satisfacere. Ex antiquo eo ritu sumpserunt originem confessiones, & satisfactiones, quæ hodie in usu sunt. Viperei sanè partus: quibus factum est. ut ne umbra quidem melioris illius formæ supersit. Scio ueteres interdũ duriuscule loqui, nec (ut nupe,  
dixi)



dixi) lapsos esse nego. sed quæ pauculis næuis aspersa erant, dum illotis istorū manibus tractantur, prorsus inquinantur. Et si ueterum autoritate pugnādum est, quos (Deus bone) ueteres nobis obtrudūt: Bona pars eorū, quibus Lombardus, eorū coryphæus centones suos contexuit, ex insulsis quorundam monachorum delirijs, quæ sub Ambrosij, Hieronymi, Augustini, & Chrysostomi nomine feruntur, decerpta sunt. Vt in præsentī argumēto, omnia ferè sumit è libro Augustini de poenitentia. qui à rapsodo aliquo inepte ex bonis pariter ac malis autoribus cōsarcinatus, Augustini quidē nomen præfert: sed quē nemo uel mediocriter doctus, agnoscere pro suo dignetur.

Iam nec de suo purgatorio molesti nobis sint: quod hac securi fractum, dirutū, & à fundamētis prorsus euersum est. Neq; enim quibusdā assentior, qui dissimulandum hac in parte censent, & mentionem purgatorij omittendam: ex qua acres (ut aiunt) pugnae oriuntur, minimum ædificationis referri potest. Equidem & ipse tales nugas negligendas consulerē, nisi seria ducerēt. Sed cum ex multis blasphemijs cōstruetum sit purgatoriū, et nouis quotidie fulciatur: cum multas & graues offensiones suscitet: profecto conuiuendum nō est. Illud forte utcūq; ad tempus dissi-

Deut. 18

mulari poterat, quòd sine dei uerbo curiosa audaciq;  
temeritate excogitatum erat: quòd de ipso creditum  
erat nescio quibus reuelationibus, sathanæ arte con-  
fictis, quòd ad ipsius confirmationē aliquot scriptu-  
ræ loci inscite detorti erant. (quanquam non leuiter  
fert Dominus, humanam audaciam sic in abditos iu-  
diciorum suorū recessus perrumpere: & seuerè pro-  
hibuit, neglecta uoce sua, sciscitari à mortuis uerita-  
tem: nec uerbum suum tam irreligiose contaminari  
permittit.) Demus tamen, illa omnia tolerari aliquan-  
tisper potuisse, ut res nō magni momenti. at ubi pec-  
catorū expiatio, alibi quàm in Christi sanguine quæ-  
ritur, ubi satisfactio aliò trāsferitur, periculosissimum  
silentium. Clamandū ergo, nō modo uocis, sed gut-  
turis ac laterum contentione: Purgatorium, exitiale  
sathanæ esse cōmentū, quod Christi crucē euacuat,  
quod fidem nostram labefacit & euertit. Quid au-  
tem illis est purgatorium, nisi pœna quam luunt ani-  
mæ defunctorū pro peccatorū satisfactione? Quòd  
si proxima disputatione plusquam perspicuum est,  
Christi sanguinem unicam esse pro fidelīū peccatis  
satisfactionem, expiationem, purgationem: quid su-  
perest, nisi purgatorium meram esse in Christum  
blasphemiam? Prætereo sacrilegia, quibus quotidie  
defenditur:

defenditur: offendicula, quæ in religione parit: aliq;  
innumera, quæ ex tali impietatis fonte prodire solēt.

Vt finē aliquando faciamus, uideamus iam (quod  
postremo loco propositum erat) de sacramento ipso  
pœnitentiæ. Anxiè autem sudant in reperiendo sa-  
cramento. Nec mirum. nodum enim in scirpo quæ-  
runt. Quod tamen optimū habent, rem implicitam,  
suspensam, incertam, opinionumq; uarietate confu-  
sam, ac turbatam relinquunt. Dicunt ergo, uel pœni-  
tentiam exteriorē, esse sacramentum: & si ita est, lib. 4. sent.  
existimari debere signum esse interioris pœnitentiæ, dist. 22. c. 2  
id est, contritionis cordis, quæ erit res sacramenti.  
uel utranq; simul esse sacramentū, nec duo, sed unum  
completum. sed exteriorē, esse sacramentum dun-  
taxat: interiorē, rem & sacramentum. remissio-  
nem autem peccatorum, rem tantum, & non sacra-  
mentum. Qui sacramenti definitionem suprà à no-  
bis positam memoria tenēt, ad eam exigant id quod  
dicunt esse sacramentum: & inuenient non esse ce-  
rimoniam externam à Domino institutam, ad fidei  
nostræ confirmationem. Quod si causentur, defi-  
nitionem meam legem non esse, cui parere necesse  
habeant: audiant Augustinum, quem sacrosanctum  
se habere fingunt. Sacramenta, inquit, propter car-

lib. 3. quest. uet. test. In sermone quodam de bapt. infan.

nales, uisibilia instituta sunt: ut ab ijs quæ oculis cer-  
nuntur, ad ea quæ intelliguntur, sacramentorum  
gradibus transferantur. Quid tale, aut ipsi uident,  
aut alijs queunt ostendere in eo, quod sacramen-  
tum pœnitentiæ uocant? Idem alibi: Sacramentum  
ideo dicitur, quia in eo aliud uidetur, aliud intelli-  
gitur. Quod uidetur, speciem habet corporalem:  
quod intelligitur, fructum habet spirituales. Neq;  
hæc ullo modo sacramento pœnitentiæ (quale fin-  
gunt ipsi) conueniunt: ubi nulla species est corpo-  
ralis, quæ spirituales fructus repræsentet. At (ut  
istas beluas in sua arena cōficiam) si ullum hic esset  
sacramentum, nonne longe speciosius iactari pote-  
rat, absolutionem sacerdotis sacramentum esse:  
quàm pœnitentiam, uel interiorem, uel exteriorem?  
Promptum enim erat, dicere, ceremoniam esse, ad  
confirmandam fidem nostram de peccatorū remis-  
sione: habereq; promissionem clauium, ut uocant,  
Quodcunq; ligaueritis aut solueritis super terram,  
erit solutum & ligatum in cœlis. Sed obiecisset qui-  
spiam, plerosq; absolui à sacerdotibus, quibus ni-  
hil accedit tali absolutione, cum ex eorum dogma-  
te sacramenta nouæ legis efficere debeant, quod fi-  
gurant. Ridiculum. Vt in eucharistia duplicem man-  
ductionem

ducationem statuunt, sacramentalem, quæ bonis æ-  
 que ac malis communis est: spiritualement, quæ bono-  
 rum tantum est propria. cur non & absolutionem  
 bifariam percipi fingerent? Nec hæcenus intellige-  
 re potui, quid sibi uellent cum illo suo dogmate.  
 quod quàm longe à Dei ueritate dissideat, docui-  
 mus: cum id argumentum serio tractaremus. Tan-  
 tum hic ostendere uolo, hunc scrupum nihil impe-  
 dire, quominus absolutionem sacerdotis, sacra-  
 mentum nuncupent. Respondebunt enim per os *lib. 3. ques*  
 Augustini, sanctificationem esse sine uisibili sa- *uet. test.*  
 cramento: & uisibile sacramentum, sine interiori *de bapt.*  
 sanctificatione. item, sacramenta in solis electis ef- *paruul.*  
 ficere quod figurant. item, induunt Christum alij *lib. 5. de b*  
 usque ad sacramenti perceptionem, alij usque ad san- *ptis. conti*  
 ctificationem. illud, boni & mali pariter faciunt: *Dona.*  
 istud, soli boni. Sanè hallucinati sunt plusquam pue-  
 riliter, & cæci in sole fuerunt: qui, cum multa diffi-  
 cultate æstuant, rem planam adeo & cuius ob-  
 uiam non perspexerunt. Ne tamen animos tollant,  
 quacunq; in parte sacramentum posuerint, nego iu-  
 re haberi pro sacramento. Primum, quod nulla Dei  
 promissio extet, unica sacramenti hypostasis. de-  
 inde, quòd quæcunque hic ceremonia proferatur,

merum sit hominum inuentum. cum ceremonias sacramentorum non nisi à Deo institui posse, iam definitum sit. Mendaciū ergo & impostura fuit, quod de sacramento pœnitentiæ commentī sunt. Ementitum hoc sacramentum ornarunt, quo decebat elogio: secundam esse tabulam post naufragium. quia si quis uestem innocentiae, in baptismo perceptam, peccando corruerit: per pœnitentiam reparare potest. Sed dictum est Hieronymi. Cuiuscunq; sit, quin plane impium sit, excusari nequit. Quasi uero per peccatum deleatur baptismus: & non potius in memoriam reuocandus sit peccatori, quoties de peccati remissione cogitat, ut illinc sese colligat, animūq; recipiat, & fidem confirmet, peccatorum remissionem se impetraturum, quæ sibi in baptismo promissa sit. Aptissime itaq; dixeris, si baptismum uocaueris pœnitentiæ sacramentum. cum in consolationem ijs datus sit, qui pœnitentiam meditantur.

#### DE VLTIMA (ut uocant) VNCTIONE.

**T**ertium fictitium sacramentum, est extrema unctio: quæ non nisi à sacerdote perficitur, idq;



idq; in extremis (sic loquuntur,) & oleo ab episcopo consecrato, atq; hac uerborum forma. Per istam sanctam unctionem, & pijsimam suam misericordiam, indulgeat tibi Deus quicquid peccasti per uisum, per auditum, odoratum, tactum, gustum. Eius duas esse uirtutes fingunt: peccatorum remissionem, & corporalis morbi leuamen, si ita expediat: sin minus, animæ sanitatem. Aiunt autem, institutionem ab Iacobo positam esse, cuius uerba sunt: Infirmatur quis inter uos? inducat presbyteros ecclesiæ, & orent super eum, ungentes eum oleo, in nomine Domini, & si in peccatis fuerit, remittentur ei. Eiusdem rationis est ista unctio, cuius esse manuum impositionem supra demonstrauius. nempe, histrionica hypocrisis, qua citra rationem & sine fructu, Apostolos referre uolunt.

Iacob. ult.

Refert Marcus, Apostolos in prima sua missione, iuxta mandatum quod à Domino acceperant, mortuos suscitasse, dæmonia eiecisse, leprosos mundasse, infirmos sanasse, in curatione autem ægrorum oleum adhibuisse: Vngebant, inquit, oleo multos infirmos, & sanabantur. Huc respexit Iacobus, cum iussit accersi presbyteros ad ungendum infirmum. Talibus ceremonijs nullum altius subesse mysterium facile iudicabunt,

Mar. 6

Ioan. 9

dicabunt, qui obseruarint, quanta libertate & Dominus, & eius Apostoli, uersati sint in rebus istis externis. Dominus cæco redditurus uisum, ex pulvere & sputo lutum composuit. alios tactu sanauit, alios uerbo. Ad hunc modum Apostoli, alios morbos solo uerbo, alios tactu, alios unctione curarunt. At uerisimile est unctionem istam non temere, ut nec alia omnia, fuisse usurpatam. fateor. non tamen ut esset curationis organum, sed symbolum duntaxat, quo imperitorum ruditas admoneretur, unde tanta uirtus prodiret: ne scilicet eius laudem Apostolis tribuerent. Oleo autem significari spiritum sanctum, eiusque dona, uulgare ac tritum est. Cæterum euanuit gratia illa curationum: quemadmodum & reliqua miracula, quæ ad tempus edi uoluit Dominus, quo nouam Euangelij prædicationem in æternum admirabilem redderet. Vt igitur maxime demus, unctionem sacramentum fuisse earum uirtutum, quæ tum per manus Apostolorum administrabatur: nihil nunc ad nos pertinet, quibus uirtutum administratio commissæ non est. Et qua maiori ratione sacramentum ex hac unctione faciunt, quam ex alijs quibusuis symbolis, quæ nobis in scriptura commemorantur? Cur non aliquam natatoriam Siloah destinant, in quam certis

certis temporum uicibus se immergant male habentes? frustra, inquiunt, id fieret. Certe non magis frustra, quàm unctio. Cur non mortuis incubant: quoniam puerum mortuū, illi incubando, suscitauit Paulus? Cur non lutum ex spūto & puluere sacramentum est? Sed alia singularia exempla fuerunt: hoc autē ab Iacobo præcipitur. Nempe pro eo tēpore loquebatur Iacobus, quo adhuc huiusmodi Dei benedictione fruebatur ecclesia. Affirmant quidem eandem etiamnum uim suæ unctioni inesse: sed aliter experimur. Nemo iam miretur, quomodo animas, quas uerbo Dei, hoc est, uita & luce sua spoliatas, stupidas esse & cæcas sciebant, tanta confidentia ludificati sint: cum nihil eos pudeat, corporis sensus uiuos ac sentiētes uelle fallere. Ridiculos ergo se faciunt, dum gratia curationū præditos sese iactāt. Adest sanè suis Dominus omnibus seculis. & eorum languoribus, quoties opus est, medetur non minus quàm olim: sed manifestas illas uirtutes non ita exerit, sed miracula per apostolorum manus non dispensat. Itaq; ut non abs re Apostoli gratiam curationum sibi demandatam, olei symbolo designabant, non suam, sed spiritus sancti esse uirtutem: ita rursum spiritui sancto sunt iniurij, qui putidum & nullius energię oleum, faciunt

faciunt eius uirtutem. perindeq; id est, ac si quis diceret, omne oleum uirtutem esse spiritus sancti: quod eo nomine in scriptura nuncupetur, omnem columbam esse spiritum sanctum, quod ea specie apparuerit. Verum de ijs uiderint. Quod nobis in praesentia abunde est, certo certius perspicimus, eorum unctionem sacramentum non esse: quæ nec ceremonia est à Deo instituta, nec ullam promissionem habet. Siquidem cum duo ista in sacramento exigimus, ut ceremonia sit à Deo instituta ut Dei promissionem habeat: simul postulamus, ut ceremonia illa nobis tradita sit, & promissio ad nos spectet. Non enim circuncisionem iam, sacramentum Christianæ ecclesiæ quiscquam esse contendit: tametsi & Dei institutum erat, & promissionem annexam habebat: quia nec nobis mandata fuit, nec promissio, qua illi adiuncta fuerat, nobis data. Promissionem, quam in unctione ferociter iactant, nobis non esse datam, euidenter demonstrauimus: & ipsi experientia declarant. Ceremonia usurpari non debuit, nisi ab ijs, qui curationum gratia preediti fuerunt: non ab istis carnificibus, qui plus mactando ac trucidando ualent, quam sanando. Quanquam etiam si obtinuerint, huic ætati conuenire, quod de unctione ab Iacobo præcipitur (à quo longis-

lōgiſſime abſunt:) ne ſicq̄dem adhuc multū promoue-  
rint in approbāda ſua unctiōe, qua hactenus nos il-  
leuerūt. Iacobus omnes infirmos uult inūgi: iſti non  
infirmos, ſed ſemimortua cadauera ſua pinguedine  
inſcitiūt: cū iam iā anima in primorib. labris laborat  
uel, ut ipſi loquuntur, in extremis. Si præſentem ha-  
bent medicinam in ſuo ſacramento, qua uel morbo-  
rum acerbicatem læniant, uel ſaltem aliquod animæ  
ſolatiū adferant, crudeles ſunt, qui nūquam in tem-  
pore medētur. Iacobus uult, infirmum ungi à ſeniori-  
bus eccleſiæ: iſti unctorem nō admittunt, niſi ſacri-  
ficulum. Quod apud Iacobum preſbyteros inter-  
pretātur ſacerdotes, & pluralem numerum ad deco-  
rem poſitum nugātur, nimis friuolum eſt. quaſi uero  
eccleſiæ eo tempore ſacrificorum examinibus abun-  
darint, ut in longa pompa procedere potuerint ad fe-  
rendum ſacri olei ferculum. Iacobus dum ſimplici-  
ter ungi infirmos iubet, nō aliā unctiōē mihi ſigni-  
ficat, q̄ uulgaris olei. nec aliud habetur in Marci nar-  
ratione. Iſti oleū nō dignātur, niſi ab epiſcopo cōſec-  
ratū: hoc eſt, multo halitu calefactū, multo murmure  
incātatū, & nouies flexo genu ſalutatū. ter Aue ſan-  
ctū oleū: ter aue aue ſanctū chariſma, ter, aue ſanctū  
bal-

balsamum. A quo tales exorcismos hauserunt? Iacobus dicit, quòd ubi unctus oleo fuerit infirmus, & oratū fuerit super eum, si in peccatis fuerit, remittentur ei. non intelligens, pinguedine deleri peccata: sed fidelium orationes, quibus adfluctus frater Deo commendatus fuerit, non fore irritas. Isti per sacrā suam, id est, abominabilem unctionem, peccata remitti impie mentiuntur. En, quàm pulchre proficient, ubi Iacobi testimonio pro sua libidine prolixè abuti permissi fuerint.

#### DE ORDINIBVS ECCLESIASTICIS.

**Q**uartum locum in eorum catalogo tenet sacramentum ordinis: sed adeò fecundum, ut septem ex se sacramentula pariat. Est uero istud per quàm ridiculum, quòd cum affirmant septem esse sacramenta, dum recensere ipsa uolunt, tredecim enumerant. Neq; uero causari possunt, unum esse sacramentum: quia omnia in unum sacerdotium tendunt, & uelut quidam ad ipsum sunt gradus. siquidem cum

b. 4. sent. in singulis diuersas esse ceremonias constet, diuersas  
 st. 24 c. 9 esse gratias ipsi loquatur: nemo dubitet, quin septem  
 sacram-



sacramenta dici debeant, si eorum placita recipiuntur. Et quid quasi rem ambiguā cōtrouertimus, quando ipsi plane distinctēq; septē declarant? Appellantur & septē ordines, uel gradus ecclesiastici. Sunt autē, ostiarij, lectores, exorcistæ, acoluti, subdiaconi, diaconi, sacerdotes. Et septem quidē sunt, propter septiformē spiritus sancti gratiā: qua præditi esse debent, qui ad eos promouentur. Augetur autē illis & largius cumulatur in promotione. Iam, numerus ipse peruersa scripturæ interpretatione consecratus est: quòd uidentur sibi apud Iesaiam legisse, septem spiritus sancti uirtutes, cum & uere plures non referantur à Iesaiā q̄ sex, nec propheta omnes eo loco cōcludere uoluerit. Tam enim alibi spiritus uitæ, sanctificationis, adoptionis filiorum dicitur: q̄ illic sapiētia, intelligētia, cōsiliij, fortitudinis, scientiæ, & timoris Domini. Quāq; alij acutiores, non septem ordines, sed nouē faciūt: ad similitudinē, ut aiunt, triumphantis ecclesiæ. Atq; inter eos etiā pugna est: quòd alij clericalem tonsurā uolunt esse primū ordinē, episcopatum ultimū. alij, exclusa tonsura, archiepiscopatū ordinibus annumerant. Isidorus aliter distinguit. facit enim diuersos, psalmistas et lectores. illos cantionibus præficit, hos legendis scripturis, quibus plebs

Iesā. 11  
Ezech. 1  
Rom. 1. 8

opinio hæc  
est Hugo-  
nis, altera  
Guilli. Pa-  
ris.

Isidorus li.  
7. etimol.  
allegatur.  
c. clerics  
dist. 21.  
dist. 23. c. le-  
ctor & c.  
ostiarius.

A

erudia-

erudiatur. Atq; hæc distinctio canonib. obseruatur. In tanta uarietate, quid sequi aut fugere nos uolunt? Dicamus ne septem esse ordines? Sic docet magister scholæ. Sed illuminatissimi doctores aliter determinant. rursus, inter se ipsi dissident: præterea sacratissimi canones aliò nos uocant. Sic scilicet consentiunt homines, cum de rebus diuinis sine uerbo Dei disceptant. . Iam uero, cum de origine suorū ordinum disputāt, quā se pueris quoq; ipsis ridiculos faciūt? Clerici dicuntur à sorte: uel quia à Domino sortiti, uel quia de sorte Domini, uel quia Deum partem habent. At sacrilegiū fuit, usurpare sibi hunc titulum, qui totius erat ecclesiæ. Est enim illa Christi hæreditas ei, à patre data. Nec Petrus pauculos rastos (ut ipsi improbe confingūt) clericos uocat, sed uniuersam Dei plebem. Sequitur apud eos: Raduntur clerici in uertice, ut corona regale decus significet. quia reges debēt esse clerici, ut se & alios regāt. quibus Petrus loquitur: Vos estis genus electū, regale sacerdotiū, gens sancta, populus acquisitionis. En iterū eos falsè arguo. Petrus totam ecclesiam alloquitur, isti ad pauculos detorquent: quasi solis illis dictum sit, sancti estote: quasi soli illi sanguine Christi acquisiti sint, quasi soli illi per Christum facti sint regnum & sacerdotium

lib. 4. sent.

dist. 24. c. 1

de uisitarū

rationū tan

gūtur c. cle

ros. 21. dist.

tertia c.

duo. 12.

quest. 1

1. Pet. 5

1. Pet. 1

cerdotium Deo. Assignant deinde & alias rationes. lib. 4. sent  
 summitas capitis denudatur, ut eorum mens ad Do- dist. 24  
 minum libera monstretur, quæ reuelata facie, Dei c. duo sunt  
 gloriam contempletur. uel ut uitia oris & oculorum  
 doceantur præcidenda. uel rasura capitis est, tem- 12. q. 1  
 poralium depositio: circumferentia uero coronæ, re-  
 liquiæ sunt bonorum, quæ ad sustentationem reti-  
 nentur. Omnia in figuris: quia scilicet uelum templi  
 nondum scissum est. Itaq; persuasi se præclare defun-  
 ctos esse suis partibus, quod talia per coronam suam  
 figurauerint, nihil eorum re ipsa præstant. Quo-  
 usq; nos talibus fucis & præstigijs ludent? Clerici,  
 detonsis aliquot capillis, significant temporalium bo-  
 norum abundantiam se abieciisse, gloriam Dei con-  
 templari, aurium oculorumq; concupiscentiam mor-  
 tificasse: & nullum est hominum genus rapacius,  
 stupidius, libidinosius. Cur non magis sanctitatem  
 uere exhibet, quam falsis mendacibusq; signis ipsius  
 speciem simulant? Porro, cum dicunt coronam cle-  
 ricalem habere originem à Nazaræis, & rationem: lib. 4. sent  
 quid aliud adferunt, quam sua mysteria à Iudaicis ce- dist. 24. c.  
 remonijs nata esse, uel potius merum esse Iudaismum?  
 Quod autem addunt, Priscillam, Acylam, & Pau- A Ro. 18  
 lum ipsum, suscepto uoto sibi rasisse caput, ut puri- dist.  
 ficarentur:

ficarentur : crassam suam ignorantiam produnt. Nusquā enim legitur de Priscilla: ac de Acyla etiam incertum est. siquidem tam ad Paulum referri potest tonsura illa, quā ad Acylam. Ne uerō illis relinquamus quod petūt, exemplum eos habere à Paulo: obseruandum est simplicioribus, Paulum nunquam caput sibi totondisse ad sanctificationem aliquam, sed duntaxat, ut fratrum infirmitati seruiret. Soleo eiusmodi uota appellare charitatis, non pietatis: hoc est, non suscepta ad cultum aliquem Dei, sed ad tolerandam infirmorum ruditatem. quemadmodum ipse ait, Iudæis se Iudæū factum, & cætera. Sed hoc faciebat, ut Iudæis se ad tempus accommodaret.

**1. Cor. 9** Isti, cum Nazaræorum purificationes nullo usu imitari uolunt, quid aliud quā alterum Iudaismum erigunt? Eadem religione decretalis illa epistola commissa est, quæ prohibet clericis, iuxta Apostolum, ne comam nutriant: sed instar spheræ radant. quasi

**1. Cor. 11** Apostolus, docens quid uiris omnibus decorum sit, de spherica clericorum rasura sollicitus fuerit. Hinc lectores reputent, quales sint alij ordines, quibus talis est ingressus. Verum hoc omnem stultitiam superat, quod in singulis Christum sibi collegam faciunt. Primum, inquiunt, ostiarij munere functus est,

est, quando uendentes & ementes flagello ex funi-  
culis facto, è templo eiecit. & ostiarium se esse signi-  
ficat, cum dicit: Ego sum ostium. Lectoris munus as-  
sumpsit, cum in synagoga Iesaiam legit. Exorcistæ  
officio usus est, cum linguam & aures surdi & mu-  
ti salua tangens, auditum reddidit. Acolytū se esse  
ijs uerbis testatus est: Qui sequitur me, non ambu-  
lat in tenebris. Subdiaconi officio usus est, cum lin-  
teo præcinctus, pedes discipulorum lauit. Diaconi  
personam sustinuit, cum corpus & sanguinē distri-  
buit Apostolis in cœna. Sacerdotis partes impleuit,  
cum in cruce hostiam se patri obtulit. Hæc absque  
risu adeo audiri non possunt, ut mirer absq; risu scri-  
pta esse: si tamen homines erant, qui scribebant. Sed  
in primis spectabilis est argutia, qua in acolyti no-  
mine philosophantur, ceroferarium appellantes: uer-  
bo, ut arbitror, magico: certe, inaudito gentibus ac  
linguis omnibus. cum ἀκόλῳτος Græcis simplici-  
ter significet pedissequum. Quanquam si his serio  
refellendis inhæream, iure & ipse quoq; ridear: adeo  
friuola sunt & ludicra. Ne tamen mulierculis adhuc  
fucum faciant, traducenda est obiter eorum uanitas.

Creant eximia pompa ac solennitate suos lecto-  
res, psalmistas, ostiarios, acolytos, ad ea ministeria

A

3

exequenda

Matth. 21

Ioan. 2. 10

Luc. 4

Mar. 7

Ioan. 8. 13

Matth. 26

Matth. 27

exequenda, quibus uel pueros, uel certe quos uocant laicos, præficiunt. Quis enim cereos, ut plurimum, accendit? quis urceolo uinum et aquam infundit? nisi puer, aut ex laicis sordidulus aliquis, qui ex ea re quæstum facit. Nõne ijdem canunt? nõne templorum ianuas claudunt & aperiunt? Quis enim in eorum templis unquam uidit, uel acolythum, uel ostiarium, suis partibus fungentẽ? Quin potius, qui puer acolyti munere functus est cum in ordinem acolytorum cooptatur, desinit esse id quod dici incipit. Ut uideantur ex professo uelle munus ipsum abijcere, cum titulum adsumunt. En, cur sacramentis consecrari, & spiritum sanctum accipere, necesse habeant: nõpe, ut nihil agant. Si prætexant hanc esse temporum peruersitatem, quòd ministeria sua deserunt ac negligunt: simul fateantur, nullũ hodie esse in ecclesia usum nec fructum sacrorum suorũ ordinum, quos mirifice deprædicant: totamq; ecclesiam suam anathemate plenam, quandoquidem cereos et urceolos à pueris & prophanis attrectari permittat, quibus tangendis nulli digni sunt, nisi in acolytos consecrati: quando cantiones ad pueros ablegat, quæ nisi ab ore consecrato audiri nõ debebant. Exorcistas uero in quem tandem finem consecrant? Audio Iu-  
dæis



dæis fuisse suos exorcistas : sed ab exorcismis dictos Acto. 19  
 uideo quos exercebāt. De ementitis istis exorcistis,  
 quis unquam fando audiuit, quòd specimen unum  
 suæ professionis ediderint? Fingitur illis potestas da-  
 ta imponendi manus super energumenos, & cate-  
 chumenos, & dæmoniacos: sed tali se potestate præ-  
 ditos, dæmonibus persuadere non possunt. non mo-  
 do quia eorum imperijs non cædunt dæmones: sed  
 etiam quia ipsis imperāt. Vix enim decimum quenq;  
 reperiās, qui non malo spiritu agatur. Quæcunque  
 igitur de minutulis suis ordinibus balbutiūt, siue sex  
 computentur, siue quinq;, conflata sunt ex inscitis  
 insulsisq; mendacijs. In ijs autem & subdiaconatum  
 cōplector, et si ad maiores translatus est: ex quo tur-  
 ba ista minorum graduum pullulare cæpit. Eos certe lib. 4. sent.  
 sacramentorū loco non esse habendos constat: quan- dist. 24. c. 8  
 do istorū confessione, primitiue ecclesiæ incogniti  
 fuerūt, & multis postea annis excogitati. Sacramen-  
 ta aut cum Dei promissionē contineāt, neq; ab ange-  
 lis, neq; ab hominib. sed à Deo solo institui possunt:  
 cuius unius est, promissionē dare. Pro duob. reliquis  
 testimoniū habere uidentur à uerbo Dei, ideoq; sa-  
 cros ordines honoris causa peculiariter nominant.  
 Sed quàm oblique illo in suum prætextū abutātur,

uidendum est.

Incipiemus autem ab ordine  
 idorus. c. presbyterij, siue sacerdotij. His enim duobus nomi-  
 rolectis. nibus rem unam significant: ac sic appellant eos, ad  
 s. dist. lib. quos pertinere aiunt, sacrificium corporis & sangui-  
 sent. dis. nis Christi in altari conficere, orationes dicere, &  
 24. c. 8 benedicere dona Dei. Itaq; in ordinatione calicem  
 & patenam cum hostijs accipiunt, in symbola col-  
 late potestatis, placabiles Deo hostias offerendi: ma-  
 nusq; illis inunguntur, quo symbolo intelligunt, da-  
 tam sibi esse consecrandi potestatem. A deo nihil ho-  
 rum à uerbo Dei habent, ut non potuerint impro-  
 bius ordinem à Deo positum peruertere. Principio  
 quidem, pro confesso esse debet, quod præcedenti di-  
 sputatione asseruimus: iniurios omnes esse Christo,  
 qui se sacerdotes appellant, ad offerendam placatio-  
 nis hostiam. Constitutus ille & consecratus à patre  
 ebr. 4. 7. sacerdos cum iureiurando fuit, secundum ordinem  
 7. 8. 9. Melchizedech, nullo fine, nullo successore. hostiam  
 semel obtulit æternæ expiationis & reconciliatio-  
 nis. nunc etiam sanctuarium cœli ingressus, interce-  
 dit pro nobis. In ipso omnes sumus sacerdotes, sed ad  
 laudes, & gratiarum actiones: nos deniq; nostraq;  
 1. Pet. 2. Deo offerenda. illi uni singulare fuit, sua oblatione  
 Apocal. 1. Deum placare, & peccata expiare. Quid superest,  
 nisi

nisi istorum sacerdotium impium esse sacrilegium?

Verū quando eos non pudet Apostolorū successe-  
sores se iactare, quāta fide illorū fungantur uicibus,  
spectare operæ precium est. Quāq̃ inter se consen-  
tire ipsos oportuerat, si fidem sibi haberi uolebant.  
Nunc de Apostolorum successione hostiliter digla-  
diantur episcopi, mendicantes monachi, sacrificuli.  
Obtendūt episcopi, duodecim in apostolatū allectos  
singulari prærogatiua. horum se loco & gradu esse,  
utpote qui alios honore præcellāt. Vulgares presby-  
teros pro septuaginta esse, qui postea à Domino desi-  
gnati sunt. Sed nimis imbecilla est ratio, nec sanè  
longa confutatione opus habet: siquidem hoc agno-  
scunt è suis tabulis. Anteq̃ diabolica sectio fieret in  
ecclesia, & alius diceret, Ego sum Cephæ, alius, ego  
Apollo: nullū fuisse discrimē presbyteri & episcopi.  
Senserūt multo rectius, quib. hæc discretio ab ethni-  
cis accepta uisa est: qui suos habebāt flamines, curio-  
nes, lupercales, salios, pontifices, & cæteros, hono-  
ris gradu distinctos. Mendicantes monachi hac tan-  
tum similitudine Apostolorū uicarios se uenditant:  
qua longissime ab illis discrepāt. quòd huc atq; illuc  
cursitant, & ex alieno uictitant. Apostoli enim non  
temere, ut isti erronei, quouis uolitarūt: sed profecti

dist. 21. c. 1.

Hiero. in  
epist. ad  
Tit. citatur  
dist. 93. c. 1.  
gimus et 9.  
c. olim.

lib. 4. sent  
dist. 24. c.  
10. & in c.  
no. dist. 21.  
c. 1.

A 5 sunt,

sunt, quò à Domino uocabantur ad propagandum Euangelij fructum: nec otiosos uentres pauerūt alienis laboribus, sed pro libertate sibi à Domino permissa, eorum benignitate usi sunt, quos uerbo instituebant. Neq; uero erat, cur monachi, quasi testimonio defecti, alienis plumis se tegerent: cum satis claro elogio à Plaulo describantur. Audiuimus, inquit, inter uos quosdam ambulantes inquiete, nihil operantes, sed curiose agentes. alibi: Ex his sunt, qui penetrant domos, & captiuas ducunt mulierculas oneratas peccatis, semper discentes, nunq̃ ad scientiā ueritatis peruenientes. Hæc, inquam, elogia iusto interdito uindicare cū possint, Apostolorū uices, à quibus tam procul absunt q̃ à cælo, alijs relinquāt. Ergo de sacerdotij ordine in genere uideamus, q̃ belle cū Apostolorū functione cōueniat. Dominus noster, cū nondū esset ulla ecclesiæ forma constituta, Apostolis suis mādauit, ut prædicarēt Euangeliū omni creaturæ, & credentes in remissionē peccatorū baptisarent. Antea aut̃ mandauerat, ut sacra symbola corporis et sanguinis sui ad exemplū suū distribuerēt. de sacrificando nulla mentio. En sanctā, inuiolabilē, perpetuāq; legē, impositā his qui in Apostolorū locum succedunt: qua mandatū accipiunt de Euangelij prædicatione

Thes. 3  
Vide in eū  
cū Theo  
hy lactum  
Timot. 3

Mar. ult.

Luc. 22

dicatione, & sacramentorum administratione. Ergo,  
 qui Euangelij prædicationi, ac sacramentorū admi-  
 nistrationi nō incumbunt, Apostolorum personam  
 improbe prætexunt. Rursum, qui sacrificant, cōmu-  
 ne cum Apostolis ministeriū falso iactant. Nonnihil  
 aut̃ inter Apostolos, & eos qui nunc regendis eccle-  
 sijs præesse debēt, interest. primū, nomine: q̃ tametsi  
 ex ratione & etymo uerbi, utriq; Apostoli uocari Roma. 10  
 possunt, quia utriq; missi sunt à Domino: illos tamen Luc. 6  
 duodecim peculiariter elegit Dominus, qui nouā E-  
 uangelij prædicationē orbi promulgarēt. & Aposto-  
 los peculiariter uocari uoluit: quia magni referebat,  
 certā haberi de eorū missione cognitionē, qui rē no-  
 uam & inauditā afferret. Hi, præs byteri & episco-  
 pi magis dicūtur. Deinde, officio. qđ tametsi utrisq;  
 cōmune est, uerbū & sacramenta ministrare: illis ta-  
 men duodecim, Euangelium spargere in uarias regio-  
 nes mandatū erat, nullis cōstitutis finibus: his singu- Acto. 1  
 læ ecclesiæ assignātur. Neq; hic tamē negatur, quin  
 alias ecclesias iuuare ei liceat, q̃ uni ecclesiæ præest:  
 siue quid turbarū inciderit, quod præsentiā eius re-  
 quirat: siue absens absentes scriptis docere possit. sed  
 quia ad retinendā ecclesiæ pacē necessaria est ista cō-  
 politia, unicuiq; esse propositum quod agat, ne simud  
omnes



omnes tumultuentur, sine uocatione incerti discurrant, in unum omnes locum temere confluant, & ne uacuas ecclesias pro libidine deserant. Hanc distinctionem posuit Paulus, ad Titum ita scribens: Huius rei gratia reliqui te in Creta, ut ea quæ desunt corrigas, & constituas per ciuitates presbyteros. Eadem à Luca in Actis ostenditur, dum Paulum inducit ita loquentem senioribus Ephesinæ ecclesiæ. Attendite uobis & uniuerso gregi, cui uos spiritus sanctus constituit episcopos, ad regendam ecclesiam Dei, quam acquisiuit sanguine suo. Sic Archippum Paulus commemorat Colossensium episcopum. et alibi, Philippiensium episcopos. Hæc ubi probe animaduersa fuerint, promptum erit definire, quæ sit presbyterorum functio, qui in presbyterorum ordine habendi sint: uel potius, quid omnino sit ordo ipse. functio, est Euangelium annunciare, & sacramenta administrare. (Omitto quanta morū integritate excellere, quid singulis priuatim præstare seniores debeant. neque enim præsentis instituti est, omnes boni pastoris doctes persequi: sed tantum indicare quid profiteantur, qui se presbyteros appellant.) Episcopus est, qui ad ministerium uerbi & sacramentorum uocatus, officium suum bona fide exequitur. Episcopos et presbyteros

Coloss. 4  
Philip. 1



teros promisce uoco, ecclesiæ ministros. Ordo, est ipsa uocatio. Porro quæ sit ratio uocationis, nunc docendi locus est. Ea in duobus uersatur. nempe, ut habeamus, & à quibus instituendi sint Episcopi seu presbyteri: & quo ritu, quauē ceremonia initiandi. Legitimæ institutionis documentū ex Apostolorum institutione peti non potest, qui humana uocatione non expectata, sed solo Domini mandato instructi, operi se accinxerunt. Nec quem ipsi apostoli ordinem tenuerint, satis constat: nisi quod Paulus, eo quem nuper citauimus loco, tradit se reliquisse Titum in Creta, ut Episcopos per ciuitates cōstitueret. Tit. 1  
 & alibi Timotheū admonet, ne cui temere manum imponat. 1. Timo. 5  
 Er Lucas in Actis refert, à Paulo & Barnaba constitutos per singulas Listresium, Iconum, & Antiochenorum ecclesias, presbyteros. Actor. 14  
 Hos uero locos ualde illustrarunt mitrati pōtiffices, ut eos omnes solent, qui ad farinas facere uidentur. Inde enim collegerunt, solis sibi esse potestatem, ordinandi & consecrandi presbyteros (ut loquuntur:) & ut suam consecrationem, splendida aliqua larua uenerabilem ac religiosam imperitis facerēt, multis ceremonijs adumbrarūt. At fallūtur, dū existimāt aliud quippiā esse cōsecrare, & ordinare quàm ecclesiæ episcopū & pastorem

storem cōstituere: si tamen iuxta Pauli præscriptum  
 consecrant & ordinant. Quòd si aliter agunt, pessi-  
 me hos Pauli locos ad suam libidinem detorquent. Et  
 sanè longe aliter agunt. Non enim in episcopatū or-  
 dinant, sed in sacerdotium. Ita destinamus, inquiunt,  
 ecclesiæ ministerio. Verū an aliud putant esse eccle-  
 siæ ministerium: quàm uerbi ministerium? Scio qui-  
 dem hāc cantilenā subinde ab illis recini: sacrificulos  
 suos ecclesiæ ministros esse. sed nemo sanus credit.  
 imò eos scripturæ ueritas reuincit: quæ nō aliū agno-  
 scit ecclesiæ ministrū, quàm uerbi Dei præconem,  
 ad regendam ecclesiam uocatum: quem nunc episco-  
 pum, nūc presbyterū, interdū etiam pastorem appel-  
 lat. Iam uero, si excipiūt, canonibus uetitum esse, ne  
 quis sine titulo admittatur: neq; id me latet. sed titu-  
 los quos obtendūt, pro legitimis nō recipio. Nōne me-  
 lior pars titulorum, sunt dignitates, personatus, cano-  
 nicatus & prebendæ, capellanix, prioratus, mona-  
 chatus etiam: quæ partim ex ecclesijs cathedralibus,  
 partim collegiatis, partim desertis delubris, partim è  
 claustris petūtur? Quæ omnia sathanæ esse lupana-  
 ria interpretor, & cōfidenter affirmo. Omnes enim  
 illi, in quam functionem ordinantur, nisi ut Chri-  
 stum sacrificent & imolent? Denique neminem ordi-  
 nant

Acto. 14.

o. 1. Pet. 7

nāt, nisi ad sacrificādū: quod nō est Deo, sed dæmo-  
nijs cōsecrare. Atq̃ uera unaq̃ ordinatio est, uocare  
ad regēdā ecclesiā eū, cuius uita ac doctrina probata  
fuerit: ipsumq̃ ministerio admouere. Quam in par-  
tē locos illos Pauli accipere cōuenit. quāq̃ ceremoni-  
am, et ritū uocādi: simul cū uocatione ipsa cōtinēt.  
sed de ceremonia statim suo loco. Nūc quod in mani-  
bus est, tractemus: à quib. scilicet ordinādi, hoc est,  
uocādi sint ministri ecclesiæ. Quid igitur? an Paulus  
iura collationū Timotheo & Tito deferebat, qualia  
nūc ab infulatis satrapis usurpātur? minime. sed cū u-  
triq̃ mādātū dedisset de cōstituēdis cōponēdisq̃. prouin-  
ciarū, in quib. relictī erāt, ecclesijs: alterū hortatur,  
ne ecclesias desertas patiatur: alterū nōnet, ne quē  
admittat nisi pbatū. An Paulus et Barnabas, seu me-  
tropolitani aliqui, ecclesiarū possessiones cōferebāt?  
Nihil minus. Cæterū nō existimo illos omnes, suo ar-  
bitrio imposuisse ecclesijs nescijs ac incōsultis quos  
uisum esset: sed cōmunicato cū ecclesijs cōsilio, ad id  
munus, uocasse quos ex fratrib. exploratos habebāt  
puriorē doctrinā, et uita integriorē. Atq̃; ita qdē fa-  
ctū oportuit, si ecclesias stare incolumes uoluissent,  
penes quos rerū arbitriū erat: ut ecclesia q̃ de eligen-  
do ministro deliberatura erat, anteq̃ in cōsiliū uisset,  
aduoca

aduocasset è uicinia unum aut duos Episcopos, & uitæ sanctitate, & doctrinæ sinceritate præ alijs spectabiles: cum quibus agitasset, quis potissimum assumendus fuisset. Vtrū uero totius ecclesiæ cōitijs, aut paucorū suffragijs, quib. ea cura demādetur: an uero magistratus sentētia, episcopū creari satius sit: nulla certa lex cōstitui potest. Sed pro temporū ratione, populorumq; moribus capiendum est consilium. Cyprianus fortiter contendit, nō rite eligi, nisi communibus totius plebis suffragijs. Quam obseruationem illo seculo in multis partib. ualuisse, fidē historiæ faciūt. Verū qā uix unquā euenit, ut tot capita rē aliquā uno sensu bene cōponāt: & ferè illud uerū est, incertum scindi studia in cōtraria uulgus: satius mihi uidetur, eo eligendi munere, uel magistratū, uel senatum, uel seniores aliquot defungi: aduocatis semper (ut dixi) nonnullis episcopis, quorū fidem & probitatem spectatam habeant. Sed hæc melius prospicere, pro re & tempore, possunt principes, aut liberæ ciuitates, quibus pietas cordi est. Certe rectam ordinationem penitus corruperunt cornuti presules, suis iuribus collationum, præsentationum, repræsentationum, patronatuum, & alijs id genus tyrannicis dominijs. Verum ita, inquiunt, exigebat temporum corruptio:

ptio: ut quoniam apud plebem & magistratus plus ualebāt odia & studia in assumēdis episcopis, quā rectum sanūq; iudicium, eius rei arbitrium paucis primoribus episcopis deferretur. Fuerit sanè hoc extremi mali in rebus deploratis remedium. Verum ubi medicina morbo ipso nocentior apparuit, cur non et nouo huic malo succurritur? sed canones exactissime cauent, ne sua potestate in ecclesiæ perniciē abutātur episcopi. Quanq̃ si uerū fatemur, canones ipsi potius faces sunt in uniuersum orbis excidiū accensæ, quā ad retinendā bonæ disciplinæ moderationem cautiones. hoc tamē omitto. Quid tamen mihi canones iactantur, qui suis autoribus, quoties libet, mera sunt ludibria? an uero dubitamus, quin sanctissimis legibus olim plebs se adstringi intelligeret, cum uideret sibi regulā ē uerbo Dei propositā, dū ad episcopū eligendū cōueniret? Siquidē illi una uox Dei, merito pluris esse debebat: q̃ infinitæ canūculorū myriades. Sed nihilominus pessimo affectu corrupta, nullā habebat legis aut æquitatis rationē. Sic hodie, & si optimæ scriptæ sunt leges, manēt tamē in chartis sepultæ: interim publicis moribus receptū est, ut soli ferè tōsores, coci, muliones, s̃purij, atq; eius fecis homines, ecclesiarū pastores creentur. Parū dico. Ut

B

episco-

episcopatus, lenociniorum & adulteriorum sint præmia. Nā cū uenatoribus & aucupibus dantur, præclare res cecidisse existimanda est. Tanta indignitas importune canonibus defenditur. Habebat, inquam, olim optimū canonē populus, cui uerbū Dei præscribebat: Oportere episcopū esse irreprehensibilē, doctorem, non pugnacē, non auarum, &c. Cur ergo prouincia eligendi ministri, à populo ad istos præsules trās lata est? Quia inter tumultus & factiones populi, uerbū Dei non exaudiebatur. Et cur hodie ab episcopis non trāsferatur: qui nō modo leges omnes uiolant, sed abiecto pudore, libidinoſe, auare, ambitioſe, humana diuinis cōmifcent & confundunt? An hoc, uel auditu tolerabile est: pastores ecclesiæ uocari, qui nullum unq̃ e suo grege uiderint? qui uiolenter in ecclesiæ possessionē, quasi in hostile prædiū irruerint? qui forensibus iurgijs euicerint? qui precio redemerint? qui sordidis obsequijs emeruerint? qui pueri uix dum balbutientes, eam, ceu hæreditatē, à patruis & cognatis, creuerint? An unq̃ eò progressa esset populi, quantū uis corrupti & ex legis, licentia? Qui hanc ecclesiæ faciem, quæ nostra ætate uisitur, sic cis oculis spectare possunt, crudeles sunt et impij. qui cum mederi possint, negligūt, omne inhumanitatem superant.



superant. Nunc, quod secundum est in presbyterorum uocatione, exequamur: quo ceremoniæ genere initiandi sint. Dominus noster, cū Apostolos amandaret ad Euangelij prædicationē, insufflauit in eos. Ioan. 20  
 Quo symbolo, spiritus sancti uirtutē, qua illos donabat, representauit. Hanc insufflationē retinuerūt boni isti uiri, & quasi spiritū sanctū ē gutture suo egerant, super suos, quos formant, sacrificulos demurrant: Accipite spiritū sanctū. Adeo nihil prætereūt, quod nō præpostere effingant: nō dico instar histriionum, qui rationē & modum quendā habent suæ gesticulationis: sed instar simiarū, quæ lasciuie & absq; ullo delectu quiduis imitantur. Seruamus, inquit, exemplū Domini. At multa egit Dominus, quæ nobis exempla esse noluit. Dixit Dominus discipulis: Accipite spiritū sanctum. dixit & Lazaro: Lazare ueni foras. dixit paralytico: Surge, & ambula. Cur non eadem dicunt omnibus mortuis & paralyticis? Diuinæ suæ uirtutis specimen edidit, cū insufflando in Apostolos, spiritus sancti gratia illos repleuit. Hoc ipsum si conatur efficere, Deum æmulantur, & tantum nō ad certamē prouocāt. Sed longissime absunt ab effectu: nec aliud inepto isto gestu, quàm Christo illudūt. Sunt quidē adeo effrōtes, ut asserere ausint,

conferri à se spiritum sanctum. sed q̄ id uerum sit, docet experientia: quæ clamat, ex equis fieri asinos, ex fatuis phreneticos, quicumq; in sacerdotes cōsecrantur. Nec tamē hinc pugnā illis facio. tantum ceremoniam ipsam damno, quæ in exemplū trahi nō debuit: quandoquidē à Christo in singulare miraculi symbolum usurpata est. tantum abest, ut illis patrocinari

*lib. 4. sent. 24. c. 8* debeat imitationis excusatio. Vnctionē uero à quo  
*et in cano. dist. 21. c. 1* tandem acceperunt? Respondent, se accepisse à filiis Aaron: à quo suus ordo sumpsit initiū. Perversis igitur exemplis perpetuò se tueri malūt, q̄ fateri à se excogitatum, quod temere usurpant. sed interim nō animaduertunt, dum successores se profitentur filiorum Aaron, Christi sacerdotio se esse iniurios, quod unū omnibus ueteribus sacerdotijs adumbratum figuratumq; fuit. In eo igitur omnia illa cōclusa & impleta fuerunt, in eo cessarunt. ut iam aliquoties à nobis repetitū est: & epistola ad Hebræos, nullis glossis adiuta, testatur. Quòd si tantopere Mosaicis ceremonijs oblectātur: cur nō boues, uitulos, agnos, ad sacrificia rapiunt? Habēt quidē bonā partē antiqui tabernaculi, & totius Iudaici cultus. sed hoc tamē eorū religio ni deest, q̄ uitulos & boues nō immolāt. Quis non uideat hāc unctionis obseruationē circūcisione multo esse

to esse perniciosiorem? præsertim, ubi accedit superstitione, & pharisaica opinio de dignitate operis. Iudæi in circūcisione fiduciā iustitiæ reponebāt: isti, in unctione spirituales gratias. Hoc enim est si Deo placeat sacrum oleum, quod characterē indelebile imprimat. quasi uero oleum puluere et sale abstergi nō possit: aut si tenacius adhæsit, sapone. At character ille spiritualis est. Quid oleo cū anima? An oblitī sunt, q̄ 1. quæst. 1. c.  
ex Augustino occinūt? Si detrahatur uerbū ab aqua, detrahe.  
nihil fore nisi aquā: habere autē à uerbo, ut sit sacramentum? Quod uerbum ostendent in sua pinguedine? An quod Moysi mandatum est, de filiis Aaron un- Exod. 28  
gendis? At illic etiā mandatur de tunica, de ephod, 29. 30  
de galero, de corona sanctitatis, quibus ornādus erat Aaron: de tunicis, balthéis, mitris, quibus erant uestiendi eius filij. Mādatur de mactādo uitulo, de eius adolendo adipe, de arietibus secādis & cōburendis, de sanctificandis auriculis et uestimētis, alterius arietis sanguine. et innumeræ aliæ obseruatōes, quibus prætermis-  
sis, miror cur una unctio olei illis placeat. Si autē aspergi gaudent, cur oleo potius asperguntur q̄ sanguine: scilicet rē ingeniosam conātur: ex Christianismo, & Iudaismo, et paganitate, uelut consutis centunculis, religionē unā conficere. Ecce igitur eo

rum unctio, quæ sale, id est, uerbo Dei destituitur.

Supereſt impositio manuū, quā fuisse ab Apostolis obseruatā constat, quoties aliquē ecclesiæ ministerio admovebāt. Quæ ratiōe, impositionē manuū presbyterij Paulus uocat, ordinationē ipsam, qua in episcopatū assumptus erat Timotheus. Quanq̃ scio presbyterium eo loco à quibusdā accipi, pro cœtu seniorū. sed simplicius, meo iudicio, de ministerio intelligetur. Hunc aut̃ ritū ductū existimo ab Hebræorū more: qui, quod benedictum ac sanctificatū uolebant, manuum impositione, uelut Deo repræsentabant. Sic Iacob benedicturus Ephraim et Manassech, eorū capiti bus manum imposuit. quo, ut arbitror, significatu, Iudæi, ex legis præscripto, suis oblationibus manus imponebāt. Quare Apostoli per manuū impositionem eum se Deo offerre significabant, cui manus imponebant. Quid igitur? an legis umbras sectabātur? Minime: sed nulla superstitiōe symbolū hoc adhibebāt, ubi usus erat. Imponebant enim ijs manus, quibus à Domino spiritū sanctum precabantur: quē huiusmodi symbolo administrabant, ut docerent nō à seipsis exire, sed è coelestibus descendere. In summa: id erat symbolū, quo Domino cōmendabāt, cui spiritus sancti gratiā precari uolebāt. quā tunc eorū ministerio distribui,

1. Tim. 4

Gen. 48

Numer. 8

et 27

Leu. 1. 3. 4

et alibi

distribui, Domino placebat. Sed quicquid fuerit : an *Acto. 7. 9*  
 protinus sacramentū habendū est? Apostoli orarunt *21. 26*  
 genibus flexis: genua igitur nō flectentur sine sacra  
 mēto? Discipuli ferūtur orasse uersus orientē: sit no-  
 bis sacramentū oriētis aspectus. Paulus uult in omni *1. Timot. 2*  
 loco uiros tollere puras manus, et eleuatis manibus *Psal. 63. 88*  
 oratio sæpius à sanctis facta memoratur. et manuū *141. 143*  
 quoq; extensio sacramentū fiat. Omnes deniq; san-  
 ctorum gestus in sacramenta transeant. Omissa igi-  
 tur contentione, istius ceremoniæ quis nunc usus no-  
 bis sit, paucis exequar. Si in eum finē usurpemus, ut  
 gratias spiritus, quemadmodū Apostoli, cōferamus:  
 ridicule agemus. Nā, neq; id ministeriū nobis à Do-  
 mino cōmissum est, neq; id symbolum constitutū. At  
 hunc lapidē assidue uoluunt Papa & sui, ut talibus si-  
 gnis spiritū sanctū conferre credantur: sicut fusius  
 disseruimus, cum eorum confirmationem discutere-  
 mus. Quod si is, qui assumitur in episcopum, consti-  
 tuatur in medio cœtu ecclesiæ, admoneatur sui of-  
 ficij, ac super eum oretur, seniorum manibus super  
 eum impositis: nulla religione, nisi ut & ipse Deo  
 se in ministerium offerri sentiat, & ecclesia incite-  
 tur, ad ipsum communibus precibus Deo cōmendan-  
 dum: talē manuū impositionē nemo sanus improbet.

**Acto. 6** Diaconorum origo, institutio, ac functio, à Luca in Actis describitur. Cum enim murmur à Græcis excitatum esset, quòd in ministerio pauperũ, eorum uiduæ negligerẽtur, Apostoli excusantes se nõ posse sufficere utriq; muneri, et prædicationi uerbi, et mensarum ministerio, petierunt à multitudine, ut sibi eligerẽt uiros probatos septẽ, quos super id opus cõstituerent. En diaconorũ officium: pauperũ curã gere, illisq; ministrare: unde & nomẽ habent. sic enim uocãtur, quasi ministri. Subijcit deinde Lucas eorum institutionẽ. Quos elegerãt, inquit, cõstituerunt in cõspectu Apostolorũ: & orantes, imposuerunt illis manus. Vtinã uero tales diaconos hodie haberet ecclesia, et tali ceremonia institueret: nempe, manuum impositiõe. de qua diximus, quod satis esse uisum est.

**1. Tim. 3** Diaconorũ meminit & Paulus. quos uult esse pudicos, nõ bilingues, nõ uinolentos, non turpe lucrũ sectantes, bene institutos in fide, unius uxoris uiros, domum suã & liberos bene regentes. At uero, quos nobis isti fingunt diacones, quid habẽt simile? Nõ de hominibus loquor: ne querãtur, inique ex hominum uitijs suã doctrinã æstimari. sed pro ijs ipsis, quos doctrina sua nobis tradunt, indigne testimoniũ ab eorũ exẽplo, quos Apostolica ecclesia diaconos cõstituit,  
peti



pieti cōtendo. Aiunt ad suos diaconos pertinere, assistere sacerdotibus, ministrare in omnibus quæ aguntur in sacramētis : scilicet in baptismo, in chrismate, in patena & calice oblationes inferre, & disponere in altari, cōponere mensam Domini, & uestire, crucem ferre, & prædicare Euangelium & epistolā ad populum. An hic uerbū unum de uero diaconorū ministerio? Nunc institutionē audiamus. Diacono, qui ordinatur, solus episcopus manū imponit. Orariū illi, id est, stolā super læuū humerū collocat: ut intelligat se accepisse iugum Domini leue, quo ad sinistrā pertinentia diuino timori subiiciat. textum Euangelij prebet, ut eius se præconē intelligat. Quid isthæc ad diaconos? Perinde uero faciunt, ac si quis Apostolos se instituere diceret, quos duntaxat adolendis thuribus, simulacris poliēdis, cōuerrendis templis, captandis muribus, fugandis canibus, præficeret. Quis id hominū genus, Apostolos uocari pateretur: & conferri cum ipsis Christi Apostolis? Posthac ergo ne diaconos esse mentiātur, quos nō nisi ad histrionicos suos ludos instituunt. Leuitas etiā uocāt, & ad filios Leui eorum rationē ac originē referūt. quod per me quidē licet: modo fateantur, quod uerum est, ad Leuiticos ritus et Mosaicæ legis umbras, abnegato Chri

B s sto, se

sto se retrorsum abire. Nunc semel in uniuersum constituamus, quid de sacramento ordinis sentiendum. Ne autē longius repetenda sint, quæ supra explicata sunt: hoc satis esse poterit modestis & docilibus (quales instituendos suscepi:) nullum esse Dei sacramentum, nisi ubi ceremonia ostēditur, adnexa promissione. aut certe potius, nisi promissio in ceremonia spectatur. Hic ne syllaba quidem habetur singularis alicuius promissionis. frustra igitur quæ-ratur ceremonia, ad confirmandam promissionem. Rursum, nulla ceremonia à Deo constituta legitur: sacramentum igitur nullum esse potest.

## DE MATRIMONIO.

Gene. 2  
Matth. 19 **P**ostremum est, matrimonium. quod ut à Deo institutum fatentur omnes: ita pro sacramento datum, nemo ad Gregorij usq; tempora uiderat. Et cui unquā sobrio in mentem uenisset? Ordinatio Dei bona est et sancta. Et agricultura, architectura, sutrina, tōstrina, ordinationes sunt Dei legitimæ: nec tamen sacramēta sunt. Id enim nō tantū in sacramento quæritur, ut Dei sit opus: sed ut sit ceremonia exterior, à Deo posita, ad confirmandā promissionem.

Nihil

Nihil tale esse in matrimonio pueri quoq; iudicabūt. sed: signum est, inquiunt, sacræ rei, hoc est, spiritualis cōiunctionis Christi cū ecclesia. si uerbo signi, symbolum intelligunt, à Deo nobis in hoc propositum, ut fidei nostræ certitudinem erigat: longe à scopo aberrant. si signum simpliciter accipiunt, quod in similitudinem adductum sit, ostendam quàm acute ratiocinētur. Paulus ait: Sicut stella à stella differt in claritate, sic erit resurrectio mortuorum. En unum sacramentum. Christus ait: Simile est regnum cœlorum grano sinapis. En alterum. rursus, Simile est regnum cœlorum fermento. Ecce tertium. Iesaias ait: Ecce Dominus gregem suum pascet, quasi pastor. Ecce quartum. alibi: Dominus quasi gigas egredietur. Ecce quintum. Et quis tandem finis aut modus? nihil hac ratione sacramentum non erit. Quot in scriptura parabolæ sunt & similitudines, tot erūt sacramenta. Quinetiā furtum sacramentū erit. quandoquidem scriptū est: Dies Domini sicut fur. Quis ferat istos sophistas, tam inscite garriētes? Fateor quidem, quoties aspicitur uitis, optimum esse in memoriam reuocari, quod ait Christus: Ego sum uitis, uos palmites, pater meus cultor. Quoties occurrit pastor cum grege, & illud etiā occurrere bonum esse: Ego sum

1. Cor. 11

sum pastor bonus, oues meæ uocē audiūt. Verū si q̄s tales similitudines sacramentis adnumeret, ad anticyram mittendus sit. Verba tamen Pauli obtrudunt, quibus sacramenti nomē matrimonio attribui dicūt:

**Ephes. 5** Qui uxore diligit, seipsum diligit. Nemo enim unq̄ carnē suā odio habuit, sed nutrit & fouet eā, sicut et Christus ecclesiā. quia mēbra sumus corporis eius, de carne eius, & de ossibus eius. propter hoc relinquet homo patrem & matrem, & adhærebit uxori suæ, & erūt duo in carnem unam. Sacramentū hoc magnum est. Ego autem dico, in Christo & ecclesia. At sic tractare scripturas, terram cælo miscere est. Paulus, ut ostenderet maritis, quā singulari amore uxores suas complecti debeant, Christum illis in exemplar proponit. Vt enim illē uiscera pietatis effudit in ecclesiam, quam sibi desponderat: sic unumquemq; affectum esse uult erga propriam uxorem. Sequitur deinde: Qui uxorem diligit, semetipsum diligit, quēadmodū Christus dilexit ecclesiam. Porro ut doceret, quo modo Christus dilexerit ecclesiam, perinde atq; semetipsum: imò quomodo se unum fecerit cum sponsa sua ecclesia, refert ad eum, quæ Moses narrat Adam de se dixisse. Cum enim adducta esset in eius conspectum Eua, quam ē sua cōsta formatam

matam sciebat: hæc, inquit, est os ossibus meis, & Gen. 2  
caro de carne mea. Totum id spiritualiter impletum  
in Christo & in nobis, testatur Paulus: cū membra  
nos esse ait corporis eius, de carne eius, & de ossibus  
eius: adeoq; unam cum ipso carnem. Tādem epipho-  
nema subnectit: Magnum hoc mysterium. Et ne quis  
amphibologia falleretur, exprimit, se non de carnali  
uiri & mulieris coniunctione loqui: sed de spirituali  
Christi & ecclesiæ coniugio. Et sanè uere magnum  
mysterium est, quòd sibi Christus costam detrahi  
passus est, unde formaremur: hoc est, cū fortis esset,  
debilis esse uoluit, ut illius fortitudine roboraremur.  
ut iam non modo uiuamus ipsi, sed ille uiuat in no-  
bis. Imposuit illis sacramenti nomen. Verum, æquū  
ne erat ut eorum inscitie poenas tota ecclesia pende-  
ret? Mysteriū dixerat Paulus, quam dictionem cum  
relinquere posset interpres, latinis auribus non infre-  
quentem, uel arcanum uertere: sacramentum ponere  
maluit. nō tamē alio sensu, q̄ quo græce à Paulo my-  
steriū dictū erat. Eant nunc, & linguarum peritiam  
clamosè insectentur, quarum ignorantia in re facili  
& cuius obuia tandiū fœdissimè hallucinati sunt. sed  
cur in uno hoc loco sacramenti uoculam tantopere  
urgent: aliquoties neglectam prætereunt? Nam &  
epistola

**1. Tim. 3** epistola ad Timotheum priore', à uulgarì interprete  
**Ephe. 5** posita est. ac in eadē ipsa ad Ephesios epistola, ubiq;  
 pro mysterio. Condonetur tamen illis hic lapsus:  
 saltem mendaces oportuerat esse memores. Matrìmo-  
 nium uero sacramenti titulo cōmendatum, immundi-  
 tiem postea, & pollutionem, & carnales sordes uo-  
 care, q̄ uertiginosa est leuitas? Quàm absurdum est  
 arcere à sacramento sacerdotes? si à sacramento se  
 arcere negēt, sed à coitus libidine: non ita mihi ela-  
**b. 4. sent.** buntur. Nam & coitū ipsum partem esse sacramen-  
**dist. 27 c. 4** ti tradunt: eoq; demum figurari unionem, quæ no-  
**C. cū Jo** bis est cum Christo, in naturæ conformitate. quia  
**ietas. 27** uir & mulier nō, nisi carnali copula, caro una fiant.  
**quest. 2** Quancūq; duo sacramenta quidam eorum hic re-  
**pos. 1 c. lex** pererunt: alterum Dei & animæ, in sponso & spon-  
**uinz. Ibi** sa: alterum Christi & ecclesiæ, in marito & uxore.  
**dem.** Vtcūq; coitus tamē sacramentū est: à quo ullū Chri-  
 stianum arceri nefas fuit. nisi forte Christianorum  
 sacramenta adeo male conueniūt, stare ut simul non  
 possint. Est & altera in eorum dignitatibus absur-  
**b. 4. sent.** ditas. In sacramento conferri gratiam spiritus san-  
**dist. c. 2** cti, affirmant: coitum tradunt esse sacramentum: in  
**32. que.** coitu negant unquam spiritum sanctum adesse. ac ne  
**c. quicqd** simpliciter ecclesiam luderēt, quàm lōgam errorum,  
**sequen.** menda



mendaciorum, fraudum, nequitiarum, seriem uni errori attexuerunt? Vt dicas nihil aliud, quàm abominationum latebram quæsisse, dum è matrimonio sacramentum fecerunt. Vbi enim id semel obtinuerunt, coniugaliũ causarum cognitionem ad se traxerunt. quippe res spiritualis erat, prophanis iudicibus, non attrectanda. Tum leges sanxerunt, quibus tyrannidem suam firmarunt: sed partim in Deum manifeste impias, partim in homines iniquissimas. quales sunt, ut coniugia inter adulescentulos, parentum iniussu contracta, firma rataq; maneant: ne inter cognatos, ad septimum usq; gradum, legitima sint matrimonia: & quæ contracta sint, dissoluantur. Gradus uero ipsos, contra gentium omnium iura, & Mosi quoq; politiam, confingunt: Ne uiro, qui adulteram repudiauerit, alteram inducere liceat: Ne spirituales cognati matrimonio copulentur: Ne à septuagesima ad octauas paschæ, tribus hebdomadibus ante natalem Ioãnis, ab aduëtu ad epiphaniã, nuptiæ celebrentur. et similes innumeræ, quas recensere longum fuerit. Et ex eorum cœno aliquando emergendum est, in quo iam diutius hæsit oratio, quàm animus ferebat. Aliquantulum tamen mihi profecisse uideor, quòd leonis pellem istis asinis, quadam ex parte detraxi.

400 CHRIST. RELIGIONIS  
DE LIBERTATE CHRISTIA-  
na, potestate ecclesiastica, & poli-  
tica administratione.

C A P V T VI.



R A C T A N D V M nūc de  
Christiana libertate. cuius expli-  
catio prætermitti minime ab eo de-  
bet, cui summā euangelicæ doctri-  
næ compendio complecti proposi-  
tum sit. Est enim res apprime necessaria, ac citra cu-  
ius cognitionem nihil ferè sine dubitatione aggredi  
conscientiæ audent, in multis hæsitant & resiliunt,  
semper uariant & trepidant. sed nos planiorem eius  
disputationē (nam leuiter supra à nobis attacta est)  
in hūc locum reiecimus. Quia statim atq; iniecta est  
aliqua mentio Christianæ libertatis, ibi aut feruent  
libidines, aut insani motus surgūt: nisi mature obuiā  
eatur lasciuis ingenijs istis, quæ alioq; optima quæq;  
pessime corrumpūt. Partim enim huius libertatis præ-  
textu omnem Dei obedientiā excutiant, & in effre-  
natam licentiam se proripiunt: partim indignātur, pu-  
tantes omnem moderationem, ordinem, rerumq; de-  
lectum

lectum tolli. Quid hic agamus, talibus angustiis circumsepti? An Christiana libertate ualere iussa, huiusmodi periculis opportunitatem præcidamus? At qui (ut dictum est) nisi ea tenetur: nec Christus, nec Euangelij ueritas recte cognoscitur. Danda potius opa, ne adeo necessaria doctrinæ pars supprimatur: & occurratur tamen interim absurdis illis obiectionibus, quæ inde enasci solent. Christiana libertas in tribus (ut ego quidem sentio) partibus sita est: prima, ut fidelium conscientiæ, dum fiducia suæ coram Deo iustificationis quærenda est, sese supra legem erigant atque efferant, totamque legis iustitiam obliuiscantur. Nam cum lex (ut alibi iam demonstratum est) neminem iustum relinquat: aut ab omni spe iustificationis excludimur, aut ab illa nos solui oportet. Ac sic quidem ut nulla prorsus operum ratio habeatur. Nam qui uel tantillum operum se afferre debere ad obtinendam iustitiam cogitat, non potest modum aut finem præfigere, sed debitorē uniuersæ legis se constituit. Sublata igitur legis mentione, & omni operum cogitatione seposita unam Dei misericordiam amplecti cōuenit, cum de iustificatione agitur: & auerso à nobis aspectu, unum Christum intueri. Nō enim illic quæritur, quomodo iusti simus: sed quomodo in

C

iusti

iusti et indigni, pro iustis habeamur. Cuius rei si cer-  
 titudinem aliquam assequi uolunt conscientiae, nul-  
 lum legi dare locū debent. Neq; hinc recte quis col-  
 ligat, legem fidelibus superuacaneam esse: quos non  
 ideo docere, & exhortari, & stimulare ad bonum  
 desinit, tametsi apud Dei tribunal in eorum cōscien-  
 tijs locum non habet. Hæc enim duo ut multo diuer-  
 sissima sunt, ita probe diligēterq; sunt à nobis distin-  
 guenda. Tota Christianorum uita, quædam pietatis  
 meditatio esse debet: quoniam in sanctificationē uo-  
 cati sunt. In hoc situm est legis officium, ut eos offi-  
 cij sui admonendo, ad sanctitatis & innocentiae stu-  
 dium excitet. At ubi conscientiae sollicitantur, quo-  
 modo Deum habeant propitium, quid responsuræ  
 sint, & qua fiducia constaturæ si ad eius iudicium  
 postulentur: ibi nō subducendum est quid lex requi-  
 rat: sed unus Christus pro iustitia proponendus, qui  
 omnem legis perfectionem superat. In hoc cardine  
 totum ferè argumentū epistolæ ad Galatas uertitur.  
 Nam insulsos esse interpretes, qui docēt Paulū in ea  
 pro ceremoniarū tantū libertate pugnare, ex locis ar-  
 gumentorū probari potest. Quales isti sunt: q; Chri-  
 stus factus sit pro nobis execratio, ut nos ab execra-  
 tione legis redimeret. item: in libertate, qua Chri-  
 stus nos

Ephc. 1

Galat. 3.5

stus nos liberauit, state: & ne rursus iugo seruitutis implicemini. Ecce ego Paulus dico: si circumcidamini, Christus uobis nihil proderit. Et. qui circumciditur, debitor est uniuersæ legis. Christus uobis ociosus factus. Quicumq; per legem iustificamini, à gratia excidistis. Quibus certe aliquid sublimius continetur, quàm ceremoniarum libertas. Altera, quæ ex superiore illa pendet: ut conscientia non quasi legis necessitate coactæ, legi obsequantur: sed legis ipsius iugo liberæ, uoluntati Dei ultro obediāt. Quoniam enim in perpetuis terroribus uersantur, quādiu sub legis dominio sunt: alacri promptitudine in obedientiā Dei nunquā compositæ erunt, nisi huiusmodi prius libertate donatæ. Exemplo et breuius & magis perspicue assequemur, quò hæc pertineant. Legis præceptum est, ut diligamus Deum nostrum ex toto corde, ex tota anima, ex totis uiribus. Id ut fiat, anima prius omni alio sensu ac cogitatione est euacuanda, cor omnibus desiderijs expurgandū, uires in hoc unum colligendæ & contrahendæ. Qui præ alijs multū progressi sunt in uia Domini, lōgissime absunt ab hac meta. Nam etsi Deū ex animo diligūt, et synchero cordis affectu, multā tamē adhuc cordis & animæ partē occupatā habēt carnis cupiditatibus: quibus

bus retrahuntur & sistuntur, quominus citato ad Deum cursu pergant. Multo quidē conatu cōtendūt: sed caro partim eorū vires debilitat, partim ad sese applicat. Quid hic faciant, dū sentiunt nihil se minus q̄ legem præstare? Volunt, adspirant, conantur: sed nihil ea qua decet perfectione. Si legē intuentur, quicquid tentent aut meditentur operis, maledictū esse vident. Nec est quòd se quisq̄ fallat, colligens opus eo ipso nō omnino malū esse, quia imperfectū. & ideo quod in eo boni est, Deo nihilominus acceptū esse. Nam lex perfectā dilectionē exigens, omnē imperfectionē damnat. Opus igitur suū consideret, quod pro parte bonū uideri uolebat: & eo ipso trāsgressionem legis esse inueniet, quia imperfectū est. En quomodo omnia nostra opera legis maledictioni subiacent, si ad legis modū exigātur. Quomodo aut̄ tum se alacriter accingerent ad opus infelices animæ, pro quo nō nisi maledictionē se referre posse cōsiderent? Rursum si ab hac seuera legis exactiōe, uel potius toto legis rigore liberatæ, paterna lenitate se à Deo appellari audiāt, hilares & magna alacritate uocāti respondēbunt, & ducentē sequentur. In summa, qui legis iugo adstringūtur, seruis sunt similes: quibus certæ in singulos dies operæ à Dominis indicuntur. Hi enim



enim nihil effectum putant, nec in conspectū Domi-  
 norum uenire audent, nisi exactus operarū modus  
 cōstituerit. Filij uero, qui liberalius & magis ingenue  
 à patribus tractātur, eis nō dubitāt inchoata et dimi-  
 diata opera, aliquid etiā uitij habētia, offerre: cōfisi,  
 suam obedientiā & animi promptitudinē illis acce-  
 ptā fore, etiā si minus exacte effecerint qđ uolebāt.  
 Tales nos esse oportet, qui certo cōfidamus obsequia  
 nostra indulgētissimo patri probatū iri: quātulacūq;  
 sint, & quantūuis rudia ac imperfecta. Neq; hæc fi-  
 ducia parū nobis necessaria est; sine qua frustra o-  
 minia conabimur. si quidē nullo nostro opere se coli  
 reputat Deus, nisi qđ in eius cultū uere à nobis fiat.  
 Id autē qđ posset inter illos terrores, ubi dubitatur, of-  
 fendatur ne Deus, an colatur nostro opere? Atq; ea  
 causa est, cur autor epistolæ ad Hebræos quicquid  
 in sanctis patribus bonorū operū fuisse legitur, ad fi-  
 dem referat, & ea duntaxat ex fide æstimet. De hac  
 libertate illustris est locus in epistola ad Romanos.  
 ubi Paulus ratiocinatur, peccatū nō debere nobis do-  
 minari: quia nō sumus sub lege, sed sub gratia. Cum  
 enim fideles hortatus esset, ne peccatū in eorū mor-  
 tali corpore regnaret, neue exhiberent mēbra sua ar-  
 mia iniquitatis peccato, sed deo se deuouerēt tanq̃ ex

Hebr. 11

Rom. 6

C 3

mortuis

mortuis uiuentes, et membra sua, arma iustitiæ Deo:  
 illi uero cōtrā obijcere possent, se adhuc suā carnem  
 secū ferre plenā cōcupiscentijs, & peccatū in se habi-  
 tare: subiicit eam cōsolationē à legis libertate. ac si di-  
 ceret: Tamen si nondū extinctū peccatū, ac iustitiam  
 in se uiuere plane sentiant, nō esse tamen cur formi-  
 dent, & animo deijciātur, quasi Deum semper offen-  
 sum habeāt ob peccati reliquias. quādo per gratiā à  
 lege sint manumissi: ne eius regula, sua opera exami-  
 nentur. Qui uero peccandū inferunt, quia nō sumus  
 sub lege: hāc libertatē nihil ad se pertinere intelligāt:  
 cuius finis est, nos ad bonū animare. Tertia: ut nul-  
 la rerū externarū, quæ per se sunt ἀδιαφόροι, re-  
 ligione corā Deo teneamur: quin eas nunc usurpare,  
 nunc omittere indifferenter liceat. Atq; huius etiam  
 libertatis cognitio perquam nobis necessaria est.  
 Quæ si aberit, nulla conscientijs nostris futura est  
 quies, nullus superstitionū finis. Videmur hodie plē-  
 riq; inepti, qui disceptationē mouemus de libero esū  
 carniū, de libero feriarum uestiumq; usu, & simili-  
 bus (ut illis quidē uidetur) friuolis nugis. sed plus istis  
 inest momenti, q̄ uulgo creditur. Nā ubi semel se in  
 laqueū coniecerunt cōscientiæ, longū & inextrica-  
 bilē labyrinthū ingrediuntur. unde nō facilis postea  
 exitus

exitus patet. Si quis dubitare incoeperit, an sibi in lin-  
 teis, indusijs, sudarijs, mātilibus, lino uti liceat: nec  
 de canabe postea securus erit, tandē & de stuppis in-  
 cidet dubitatio. Secū enim uolutabit, an nō sine man-  
 tilib. cœnare possit? an nō sudarijs carere? Si cui pau-  
 lō delicatior cibus illicitus uisus fuerit, demū nec ci-  
 barium panem, ac uulgaria edulia tranquillus coram  
 Deo comedet: dum in mentē ueniet, se uilioribus ad-  
 huc cibus posse corpus sustentare. Si in suauiori uino  
 hæsitarit, deinde nec uappā cum bona cōscientiæ pa-  
 ce bibet. postremo nec dulciorem, mundiorēq; alijs  
 aquā attingere audebit. Deniq; eō demū ueniet, ut sū-  
 per transuersam (quod dicitur, festucā incedere, ne-  
 fas ducat. Non enim hic leue certamen inchoatur,  
 sed hoc controuertitur, an his aut illis nōs uti Deus  
 uelit: cuius uolūtas cōsilijs nostris ac factis omnibus  
 præire debet. Hinc alios desperatione in confusionē  
 abripi necesse est, alios contēpto deo, et abiccto eius  
 timore, uiam sibi ruina facere, quā expeditam nō ha-  
 beāt. Quicunq; enim tali dubitatione impliciti sunt,  
 quoquo se uertant, præsentē ubiq; cōscientiæ offen-  
 sionē uident. Scio, inquit Paulus, quia nihil cōmune  
 est (per cōmune, prophanū accipiens:) nisi qui existi-  
 mat aliquid cōmune, illi cōmune est. Quibus uerbis

Roma. 14

res omnes externas libertati nostræ subijcit, modo eius libertatis ratio animis nostris apud Deū cōstet. Verum si qua superstitiosa opinio scrupulū nobis iniiciat: quæ suapte natura pura erant, nobis cōtaminantur. Quare subijcit: Beatus, qui non iudicat seipsum, in eo quod probat. At q̄ dijudicat, si ederit, cōdemnatus est: quoniā nō edit ex fide. Porro quod nō est ex fide, peccatū est. Inter huiusmodi angustias, q̄ omnia secure nihilominus audendo se animosiores ostendūt, nōne se tantundē à Deo auertūt? Qui uero aliquo Dei timore penitus afficiuntur, cum & ipsi cogātur multa admittere auersante cōscientia, formidine cōsternantur ac cōcidunt. Omnes quotquot tales sunt, nihil donorū Dei accipiunt cum gratiarū actione. qua tamen sola nobis omnia in usum nostrum sanctificari, testatur Paulus. Intelligo autem gratiarum actionē ex animo profectā, qui Dei beneficentiam & bonitatē in suis donis agnoscat. Nā multi quidem eorū, Dei bona esse intelligunt, quibus utuntur, & Deum in operibus suis laudāt. sed cum sibi data esse persuasum nō habeāt, quomodo gratias Deo agerēt tanq̄ datori? Videmus in summa, quorsum hæc tēdat libertas: nempe, ut Dei donis, nullo conscientiae scrupulo, nulla animi perturbatione, utamur, in quē usum nobis

nobis à Deo data sunt: qua fiducia et pacem cum eo habeant animæ nostræ, & eius erga nos largitatem agnoscant. Est autē diligenter obseruandum, Christianā libertatē omnibus suis partibus rē spiritualemente: cuius tota uis in formidolosis cōscientijs coram Deo pacificandis posita sit. siue de peccatorū remissione inquietæ sint ac sollicitæ: siue anxie sint, utrū opera imperfecta & uitij carnis nostræ inquinata, Deo placeāt: siue de rerū indifferentiū usu torqueantur. Quare peruersè interpretantur, uel qui suis cupiditatibus ipsam prætexunt, ut bonis Dei donis abutantur in suā libidinē: uel qui nullā esse putant, nisi coram hominibus usurpatā. ideoq; in ea utenda, nullam infirmorum fratrum rationē habent. Primo genere maiore in modum hoc seculo peccatur. Nullus ferè est, cui sumptuoso esse per facultates liceat, quē nō delectet in cœnarum apparatu, in cultu corporis, in extruēdis domibus, luxuriosus splendor: qui non omni lautitiarū genere inter alios eminere uelit, qui non sibi in suo nitore mirifice blandiatur. Et hæc omnia sub Christianæ libertatis prætextu defenduntur. Aiunt res esse indifferentes. fateor: modo ijs indifferenter quis utatur. Cæterum ubi nimis cupidè appetūtur, ubi superbè iactātur, ubi luxuriosè effun-

duntur, ijs uitijs conspurcantur. Inter res indifferen-  
 tes optime distinguit illud Pauli: Omnia munda mun-  
 dis. coinquinatis autem et infidelibus, nihil mūdum:  
 quando polluta est eorum mens & conscientia. Cur  
 enim maledicuntur diuites, qui consolationem suam  
 habēt, qui saturati sunt, qui nunc rident, qui dormiūt  
 in lectis eburneis, qui coniungunt agrum agro: quo-  
 rum conuiuia cytharam, lyram, tympanū, & uinum  
 habent? Certe, & ebur, & aurum, & diuitiæ, bonæ  
 Dei creaturæ sunt, hominū usibus permissæ: imò dei  
 prouidentia destinatæ. Nec ridere aut saturari, aut no-  
 uas possessiones ueteribus atq; auitis adiungere, aut  
 cōcentu musico delectari, aut uinum bibere, usquam  
 prohibitum est. Verum istud quidem. sed ubi rerum  
 copia suppetit, in delitijs uolutari, ac se ingurgitare,  
 mentem & animū inebriare præsentibus uoluptati-  
 bus, nouisq; semper inhiare: hæc à legitimo donorū  
 Dei usu longissime absunt. Tollant ergo immodera-  
 tam cupiditatē, tollant immodicā profusionem, tol-  
 lant uanitatē & arrogantia: ut pura cōscientia, Dei  
 donis pure utantur. Vbi ad hanc sobrietatem animus  
 compositus fuerit, habebunt legitimi usus regulam.  
 Desit rursus hæc moderatio, plebeia cōmunesq; de-  
 litia nimia sunt. Nā illud uere dicitur: In burrho &  
 rudi



rudi panno, sæpe animum purpureum habitare: inter  
 dum sub bysso et purpura simplicē humilitatē latere.  
 Ita in suo quisq; ordine uel tenuiter, uel modice, uel  
 splendide uiuat: ut meminerint omnes se à Deo ali,  
 ut uiuant, nō ut luxurientur. ac legem hāc Christia  
 næ libertatis putent, si cum Paulo didicerint, in qui- Philip. 4  
 bus sunt, ijs contenti esse. si norint & humiles esse,  
 & excellere. si docti sint ubiq; & in omnibus, & sa  
 turari, & esurire, & abundare, & penuriam pati?

Errant et in eo plæriq;, quòd perinde ac si sua liber  
 tas incolumis ac salua non esset, nisi testes haberet  
 homines, promiscue & imprudēter ea utūtur. Qua  
 importuna usurpatioē infirmos fratres sæpenumero  
 offendunt. Videas hodie quosdā, quibus sua libertas  
 non uidetur consistere, nisi per esum carniū die ue  
 neris in eius possessionē uenerint. Quòd edunt, non  
 reprehendo. sed exigenda est ex animis falsa istæc  
 opinio. siquidem cogitare debebant, nihil se sua liber  
 tate nouum consequi in hominū conspectu, sed apud  
 Deum: & tam in abstinendo constitutam esse, q̃ in  
 utendo. Si corā Deo nihil referre intelligunt, uescan  
 tur ne carnibus, an ouis: rubrisue, an nigris uestibus  
 induantur: satis superq; est. Iam soluta est cōscientia,  
 cui eius libertatis beneficiū debebatur. Ergo etiam si  
 post

posthac carnibus tota uita abstineāt, & colorē unū perpetuo ferant, nō minus liberi sunt. Imò ideo liberi sunt, quia libera cōscientia abstinent. Pernitiosissime uero labuntur, quòd fratrū infirmitatē nullius pensi habent: quā sic sustineri à nobis decet, ne quid temere admittamus cū eius offendiculo. Verū interdum quoq; interest, corā hominibus asseri nostrā libertatem. Et hoc fateor. modus tamen summa cautione tenēdus est: ne infirmorū curā, quos nobis tantopere Dominus cōmendauit, abijciamus. Dicā hic itaq; de scādalis nōnihil, quo in discrimine habēda sint, quæ cauenda, quæ item negligenda: unde postea statuere liceat, quis sit inter homines libertati nostræ locus.

Placet autē uulgaris illa partitio, quæ scandalum aliud datum, aliud acceptum tradit: quando & apertum scripturæ testimoniū habet, nec inepte exprimit quod significat. Si quid importuna aut leuitate, aut lasciuiā, aut temeritate, nō ordine, nec suo loco facias, quo imperiti imbecillesq; offendātur: scandalum abs te datum dicitur: quoniam tua culpa factum fuerit, ut eiusmodi offensio suscitaretur. Ac oninino scandalum in re aliqua datum dicitur, cuius culpa ab autore rei ipsius profecta est. Scandalum acceptum uocatur, cum res alioqui non improbe, nec importune admissa,

ne admissa, maleuolentia, aut sinistra quadam animi malignitate, in offensionis occasione rapitur. Non enim hic datum erat scandalum: sed sinistri illi interpretes sine causa accipiunt. Priore illo scandali genere, non nisi infirmi offenduntur: hoc autem secundo acerba ingenia & pharisaica supercilia. Quare alterum uocabimus scandalum infirmorum, alterum pharisæorum, ac sic libertatis nostræ usum temperabimus, ut fratrum infirmorum ignorantia cedere debeat; pharisæorum austeritati nequaquam. Quid enim infirmitati dandū sit, abunde multis locis ostendit Paulus. Infirmos, inquit, in fide suscipite. item: Ne posthac alius aliū iudicemus. Verum illud magis, ne offendiculum ponatur fratri, aut lapsus occasio. Et multa in eum sensum: quæ ex eo loco peti satius est, quàm hic referri. Summa est: ut nos, qui potentes sumus, infirmitates impotentium sufferamus, nec placeamus nobis ipsis. Sed unusquisque nostrū pro ximo placeat in bonum, ad ædificationem. Alibi. sed uidete, ne quo modo facultas uestra offendiculo sit ijs, qui infirmi sunt. itē: Omnia quæ in macello uenduntur edite, nihil interrogātes ppter cōscientiā: porro cōscientiā uestrā dico, non alterius. Deniq; tales estote, ut nullū præbeatis offendiculum, neq; iudæis  
neq;

Rom. 14

1 Cor. 8. 10

Gal. 5

neq; græcis, neq; ecclesiæ Dei. alio etiã loco: In libertatem uocati estis fratres, tantũ ne libertatẽ uestram detis in occasionem carni, sed per charitatem seruite uobis inuicem. Ita est sanẽ. Libertas nostra non aduersus imbecilles proximos data est, quorum nos per omnia seruos charitas statuit: sed magis, ut pacẽ cum Deo in animis nostris habentes. pacifice etiam inter homines uiuamus. Phariseorũ autem offensio quanti sit facienda, discimus ex uerbis Domini: quibus iubet omitti illos, q̃ cæci sunt, duces cæcorũ. Admonuerant discipuli, eos sermone ipsius offensos fuisse. Respondet: negligendos, nec curandam esse eorum offensionem. Res tamen adhuc incerta pendet: nisi teneamus, qui nobis sint habẽdi infirmi, et qui Pharisæi. quo discrimine sublato, nõ uideo q̃ prorsus restet inter offensiones libertatis usus, q̃ nõq̃ sine summo periculo foret. Verũ mihi clarissime definisse uidetur Paulus, tũ doctrina, tum exẽplis, quatenus uel moderanda sit libertas nostra, uel offendiculis redimẽda. Timotheũ cũ in cõsortiũ suum assumeret, circũcidit: Titum, ut circũcideret, adduci nõ potuit. Diuersa facta: nulla cõsiliij, nec animi mutatio. nõpe, in circũcidẽdo Timotheo, cum liber esset ab omnibus, 1. Cor. 9 omnib. semetipsum seruum fecit: & factus est Iudæis quasi

Matth. 15

Actor. 19  
Galat. 2

1. Cor. 9

quasi Iudæus, ut Iudæos lucrifaceret : ijs qui sub lege  
 erāt, quasi esset sub lege, ut eos q̄ sub lege erāt lucrifa-  
 ceret: ijs q̄ sine lege erāt, quasi esset sine lege, ut eos  
 lucrifaceret qui erant sine lege. infirmis, quasi infir-  
 mus, ut infirmos lucrifaceret, omnib. omnia: ut mul-  
 tos serueret. quēadmodū alibi scribit. Habemus iustā 1. Cor. 9  
 libertatis moderationem, si cū fructu aliquo indiffe-  
 renter cōtineri possit. Quid respexerit cum Titū cir-  
 cūcidere fortiter abnuī, ipse testatur, sic scribēs: Sed  
 neq; Titus, qui mecū erat, cum esset græcus, cōpulsus Galat. 2  
 fuit circūcidi: propter obiter ingressos falsos fratres,  
 qui subintroierāt ad explorandū libertatem nostrā,  
 quā habemus in Christo Iesu, quo nos in seruitutem  
 adigerent: q̄bus ne ad tempus quidē cessimus per sub-  
 iectionē, ut euāgelij ueritas maneret apud uos. Habe-  
 mus & necessitatem uindicandæ libertatis, si per ini-  
 quas exactiones pseudapostolorū ea infirmis cōscien-  
 tijs periclitatur. Vbiq; studēdū charitati, & spectan-  
 da pximi ædificatio. Omnia, inq̄t alibi, mihi licēt: at  
 omnia nō expediūt. Omnia mihi licēt: at nō omnia 1. Cor. 10  
 ædificāt. Nemo quod suū est quærat, sed quod alte-  
 rius. Nihil iā hac regula expeditius: quā, utendū li-  
 bertate nostrā, si in pximi nostri ædificationem ce-  
 dat: sin ita proximo nō expediat, ea tunc abstinē-  
 dum.

dum. sunt qui Paulinam prudentiam simulant in abstinentia libertatis, nihil minus quàm in officia charitatis eam cōferētes. Suae enim quieti ut cōsulāt, omnē libertatis mentionē sepultā optant. cū non minus intersit proximorū, libertatē in eorū bonū & ædificationem interdum usurpare: quàm pro ipsorū cōmodo, eam loco moderari. Quicquid autem de cauēdis offendiculis docui, ad res medias & indifferentes referri uolo. Nam quæ necessaria sunt factū, nullius offendiculi timore omittenda sunt. Equidem & hic charitatis rationem haberi decet, sed usq; ad aras: hoc est, ne in gratiam proximi, Deum offendamus. Non probo eorum intemperiem, qui nihil nisi tumultuando agunt, & qui perrumpere omnia malunt, quàm dissuere. At nec eos audio, qui cum in mille impietatis formas duces se prebent, sic sibi agendū fingunt, ne proximis sint offendiculo. quasi non interim proximorum conscientias in malum ædificent: præsertim ubi nulla spe exitus, in eodē semper hærent luto. Et suaues homines, seu doctrina, seu uitæ exēplo sit instituendus proximus, aiūt lacte pascendū esse: quem pessimis exitialibusq; opinionibus imbuūt. Lactis potu se aluisse Corinthios Paulus cōmemorat. Sed si tū inter eos fuisset missa, an sacrificasset, ad præbendum

1. Cor. 8

1. Cor. 3



dum ipsis lactis pastum? At lac uenenū nō est. Mentiuntur ergo, se alere, quos sub blanditiarū specie crudeliter necāt. Atq; ut demus, probandam ad tempus istiusmodi dissimulationē, quousq; tamen pueros suos eodem potabunt lacte? Nam si nunq̃ grandescunt, ut uel tenuem saltē aliquem cibū ferre possint, nec lacte fuisse unquam educatos certum est. Iam uero cū hac libertatis prærogatiua, qualē antea descripsimus, donatæ fideles conscientiæ, id Christi beneficio consecutæ sint, ne ullis obseruationum laqueis in ijs rebus implicentur, in quibus eas esse liberas Dominus uoluit: omnium hominū potestate exemptas esse constituimus. Est enim indignum, aut Christo gratiam tantæ suæ liberalitatis perire: aut conscientijs ipsis fructum. Neq; res leuicula existimanda nobis est, quam uidemus tanti Christo constituisse. Ut pote, quam non auro aut argento, sed proprio sanguine æstimauit. ut Paulus non dubitet dicere, irritam fieri eius mortē, si animas nostras hominibus in subiectionem tradimus. Siquidem non aliud agit aliquot capitibus epistolæ ad Galatas, quàm Christum nobis obscurari, uel potius extinguui, nisi in sua libertate stent conscientiæ nostræ: à qua certe exciderunt, si possunt hominum arbitrio, legum ac constitutio-

D num

num uinculis illaqueari. Verum ut res est cognitu dignissima, ita longiori magisque perspicua explicatione indiget. Statim enim atque de humanarum constitutionum abrogatione uerbum factum est, ingentes turbæ partim à seditiosis, partim à calūniatoribus commouentur: quasi uniuersa simul tollatur ac subuertatur hominum obedientia. Ad eum ergo lapidem ne quis impingat, animaduertamus duplex esse in homine regimen: alterum spirituale, quo conscientia ad pietatem & cultum Dei instituitur: alterum politicum, quo ad humanitatis & ciuilitatis officia, quæ inter homines seruanda sunt, homo eruditur. Vulgo appellari solent, iurisdictio spiritualis, et temporalis: non improprijs nominibus. quibus significatur, priorem illam regiminis speciem ad animæ uitam pertinere: hanc autē, in his, quæ præsentis uitæ sunt, uersari. non quidem in pascendo, aut uestiendo: sed in præscribendis legibus, quibus homo inter homines uitam honeste modestèque exigit. Nam illa in animo interiori sedem habet: hæc autem externos mores duntaxat componit. Alterum uocare nobis liceat regnum spirituale, alterum regnum politicum. Hæc autem duo, ut partiti sumus, seorsum singula dispicienda: & dum alterum tractatur, auocandi auertendique ab alterius

ab alterius cōgitatione animi. Sunt enim in homine  
ueluti mūdi duo, quibus et uarij reges, et uariæ leges  
præesse possunt. Cum ergo ad hoc spirituale re-  
gnum pertineat, quicquid de Christiana libertate à  
nobis dictum est, in hoc sermone nullum aduersus  
politicum legum aut legislatorum ordinem nobis cer-  
tamen est: sed contra potestatem, quam usurpant si-  
bi, qui pastores ecclesiæ uideri uolunt: re autem uera  
scæuissimi sunt carnifices. Quas enim leges condunt,  
spirituales esse aiunt, ad animam pertinentes: & eas  
ad uitam æternam necessarias affirmant. sic autem  
regnum Christi inuaditur, sic libertas ab ipso fide-  
lium conscientijs data, opprimitur penitus ac disijci-  
tur. Taceo nunc, quanta impietate legum suarum ob-  
seruationem faciant: dum ex ipsa & peccatorum re-  
missionem, & iustitiam quærere docent: dum totam  
religionis & pietatis summam in ipsa statuunt. Hoc  
unum cōtendo, necessitatē imponi conscientijs non  
debere, in quibus rebus à Christo liberātur: nec nisi  
liberatæ (ut antea docuimus) quiescere apud Deum  
possunt. Vnicū regem agnoscāt, suū liberatorē Chri-  
stum: & una libertatis lege, nēpe sacro Euāgelij uer-  
bo, regantur oportet: si gratiā, quā in Christo semel  
obtinuerūt, retinere uolūt, nulla seruitute teneātur,

nullis uinculis adstringantur. Fingunt quidem Solones isti, suas cōstitutiones, leges esse libertatis, suaue iugum, onus leue: sed mera esse mendacia quis non uideat? Nullam ipsi quidem legum suarū grauitatem sentiunt, qui abiecto Dei timore, tam suas quàm diuinas leges secure ac strenue negligunt. Qui uero aliqua salutis suæ cura tanguntur, plurimū abest ut se liberos existiment, quamdiu his laqueis implicantur.

**1. Cor. 7** Videmus quanta cautione uersatus sit in hac parte Paulus, ut ne una quidem in re laqueū iniicere ausus fuerit. neq; id nulla causa. Prospiciebat certe quantum ulnus infligeretur conscientijs, si earum rerum necessitas illis imponeretur, quarū relicta esset à Domino libertas. Contrā, numerari uix possunt constitutiones, quas isti grauißime æternæ mortis denunciatione sanxerunt, quas seuerißime exigunt, seu ad salutem necessarias. & in his permultæ sunt obseruatū difficillimæ: omnes uero in turba impossibiles. tantus est aceruus. Quî ergo fieri poterit, ut non extrema anxietate & terrore perplexi urantur, quibus tanta difficultatis moles incumbit? Quare breuiter ex ijs, quæ iam docuimus, cōstituendū est: nullis talibus cōstitutionibus cōscientias nostras apud Deum obstringi, quæ in hoc ferūtur, ut animas intus coram

Deo

Deo ligent: et religionē iniiciant, ac si de rebus ad salutē necessarijs præciperēt. Tales aut sunt oēs, quæ ecclesiasticæ cōstitutiones hodie uocantur: quæ pro uero ac necessario Dei cultu ingerūtur. Atq; ut sunt innumeræ, ita infinita sunt ad captādas illaqueādasq; animas uincula. Quid igitur? Nullāne est potestas ecclesiastica? Hæc enim cogitatio simpliciores multos anxios habet, quibus nos potissimū scribimus. Respōdemus, Esse sanè: sed quæ in ædificationem data sit, ut Paulus testatur, non in destructionē, qua qui legitime utūtur, nihil se plus esse existimāt, q̃ ministros Christi, & dispensatores mysteriorū Dei. Eā recte definierit, q̃ appellarit uerbi Dei ministeriū. his enim finibus à Christo terminata est, cū mandauit Apostolis, irent, ac docerēt omnes gentes, quæcunq; illis præceperat. Cuius mādati legem utinā sibi propositam esse meminissent, qui ecclesiæ Dei olim præfuerunt, & nunc etiā præsunt. ita, & ueris pastoribus præclare sua cōstaret dignitas: nec de potestate falso gloriarentur, qui populum Dei plusquam tyrannica iniquitate uexāt. Nam hic memoria repetendum est, quod obiter quodā loco indicauimus. Quicquid autoritatis ac dignitatis scriptura, siue prophetis, siue sacerdotibus, siue Apostolis, siue Apostolorum successoribus

2. Cor. 10

et 13

1. Cor 4

Matth. ult.

cessoribus defert: id totum non hominibus ipsis dari, sed ministerio, cui præfecti sunt. Vel (ut expeditius loquamur) uerbo Dei, in cuius ministeriū uocati sunt. Vt enim ordine omnes persequamur, tā prophetas & sacerdotes, q̄ Apostolos & discipulos: nō reperiemus ulla iubendi, docendi, aut respondendi potestate fuisse præditos, nisi in nomine & uerbo Domini. Mosche ipsum, prophetarū omniū primū, audiiri uoluit Dominus. Sed quid ille mādauit, aut omnino nunciauit, nisi à Domino? neq; enim aliud pote-

**Iere. 1** rat. Prophetas suos olim cōstituit super gentes & regna, ut euellerent & extirparent, perderent & subuerterent, ædificarent & plantarent. sed simul additur: Ideo q̄ iam in eorum ore uerba sua dederat. Neq; enim ex ipsis pphetis ullus os aperuit, nisi Domino uerba præeunte. Vnde illa toties apud eos repetita: Verbū Domini, onus Domini, Os Domini locutum est, Visio à Domino, Dicit Dominus exercitū. Et

**Iesa. 6** merito. Exclamabat enim Iesaias, polluta sibi esse labia. **Iere. 1** Ieremias, se nescire loqui fatebatur, q̄ puer esset. Quid ab illius polluto, aut huius fatuo ore p̄dire poterat, nisi immundū aut insulsum, si suū ipsi sermonē locuti essent? sancta uero & pura illis labia fuerunt, cum spiritus sancti cœperūt esse organa. Ac quæ in  
uniuersum



uniuersum fuerit prophetarū functio, pulchre apud Ezechielē describitur: Fili hominis, speculatore de- Ezech. 3  
di te domui Israël. audies igitur ex ore meo uerbū, et  
nunciabis illis ex me. Qui audire iubetur ex ore Do- Ierc. 23  
mini, nōne quicq̃ ex se cōminisci phibetur? Quid ue-  
ro est nūciare à Domino, nisi sic loqui, ut cōfidenter  
iactare possit, nō suū esse, sed Domini uerbū quod at-  
tulerit? Tātundē est apud Ierem. alijs uerbis: Prophe-  
ta apud quē est somniū, narret somniū: & qui habet  
uerbū meū, loquatur uerbū meum uerū. Quid paleis  
ad triticū? inquit Dominus. De sacerdotibus quoq; Deut. 17  
præcepit Dominus, ut uerbū legis ex eorū ore requi- Mal. 2  
reretur. sed causam simul adiecit: Quia angeli Domi- Matth. 5  
ni exercituū sunt. Iam & in Apostolos respiciamus. Luc. 10  
Multis quidē et insignib. elogijs ornātur, q̃ lux mun- Iocan. 20  
di sint, & sal terræ: q̃ pro Christo audiendi: q̃ quæ-  
cunq; in terra ligauerint, aut soluerint, ligata erūt ac  
soluta in cælo. Verū suo nomine præ se ferūt, quan-  
tū sibi in suo munere permissū sit. Apostolos esse o-  
portet, qui nō garriant quicquid collibitū fuerit: sed  
mandata eius, à quo missi sunt, bona fide perferant.  
Ecce, dicebat illis Christus, quemadmodum misit Iocan. 20  
me uiuēs pater, ita & ego mitto uos. Quomodo autē  
à patre missus fuerit, altera sua uoce testatur. Do-

**Ioan. 7** *ctrina, inquit, mea nō est mea: sed eius, qui me misit, patris. Hanc legem, quam sibi Christus quoque imposuit, Apostolis profecto, & Apostolorum successoribus, detrectare nefas fuerit. Quanquā longe etiam diuersissima est ratio. Ipse enim æternus ac unicus patris cōsiliarius, qui in eius sinu semper fuit,*

**Coloss. 2** *sic à patre accepit, ut simul omnes scientiæ & sapientiæ thesauros habuerit in se recōditos. Ex hoc fonte hauserunt omnes prophetæ, quicquid unquam cœlestium oraculorū ediderunt. Ex eodē Adam, Noah, Abraham, Isaac, Iacob, & alij, quoscunq; ab initio Deus sui cognitione dignatus est, hauserunt & ipsi quoq; quicquid cœlestis doctrinæ didicerunt. Nam si fuit illud perpetuo uerum (ut certe fuit) quod dice-*

**Ioan. 1** *bat Ioannes baptista: Neminē unquā Deum uidisse, sed unigenitum filium, qui est in sinu patris, enarra-*

**Matth. 11** *uisse nobis. et alterū ipsius Christi uerbū: Quod nemo patrem uiderit, nisi filius, & cui filius uoluerit reuelare. quomodo Dei mysteria, aut animo comprehendissent, aut elocuti essent, nisi docente filio, cui soli patent arcana patris? Deum itaq; non aliter cognouerunt sancti illi homines, quā ipsum in filio, uelut in speculo, intuiti: nec aliter de Deo uaticinati sunt prophetæ, q̄ eiusdem filij spiritu. seu quis ita dici*  
malit:

malit: non alia ratione se unquam manifestauit hominibus Deus, quàm per filium, hoc est, unicam suam sapientiam, lucem, ac ueritatem. Hæc uero sapiëntia, tametsi sese antea uarijs modis exeruerat: nec sic quidē tamē adhuc ad plenū elucebat. Verū ubi demum in carne manifestata est, quicquid humana mente de Deo cōprehendi potest, & quicquid cogitari debet, pleno ore nobis edisseruit. Nō enim pfecto uulgare aliquid prædicare uoluit Apostolus, cū scripsit Deū olim multifariā multisq; modis patribus locutū fuisse per pphetas, at extremis his dieb. nobis in dilecto filio suo locutū esse. Significat enim, imò aperte declarat, Deū non posthac, ut antea, per alios subinde atq; alios locuturū: nec pphetias additurū prophetijs, aut reuelationes reuelationibus: sed sic oēs docendi partes in filio suo cōpleuisse, ut hoc ultimū æternūq; ab eo nobis habendū sit testimoniū. Qua ratiōe totum hoc noui testamenti tempus, ex quo cū Euangelij sui prædicatione nobis apparuit Christus ad diem usq; iudicij, per horā nouissimā, nouissima tēpora, nouissimos dies ( ut alibi obiter indicauimus ) designatur. Quò, perfectiōe doctrinæ Christi cōtenti, discamus nullā ultra nouā aut nobis fingere, aut ab alijs confictā admittere. Itaq; nō temere pater filiū ad nos mit-

Hebr. 1

Matth. 17

D 5 tens,

tens, singulari prærogatiua doctore nobis præfecit: ipsum, non hominū quenq̃, audiri præcipiens. Paucis quidē uerbis nobis eius magisteriū cōmendauit, cum dixit: Ipsum audite. sed quibus inest plus quiddā ponderis ac energiae, q̃ uulgo existimetur. Perinde enim est, ac si ab omniū hominū doctrinis adductos, huic uni nos stitisset, ab uno omnē salutis doctrinā petere iussisset, ab uno pendere, in uno hærere. deniq; (qđ uerba sonāt) uni auscultare. Et sanè, quid iā ab homine aut expectari, aut expeti debeat, ubi uerbū ipsum uitæ familiariter nobiscū in carne nostra uersatū est? Nisi forte spes sit, ab homine posse Dei sapientiā superari. Quin omniū hominū ora clausa esse cōuenit, postq̃ semel locutus est ille, in quo cœlestis pater oēs scientiæ & sapientiæ thesauros uoluit esse absconditos. Et sic quidē locutus est, ut & Dei sapientiā (quæ nulla in parte hiulca est) & Meschiah (a quo omniū reuelatio expectabatur) decebat: hoc est, ut alijs post se nihil dicēdū reliquerit. Vnū, inquā, Christū tacentibus omnibus loqui, unū omnib. omīssis & contemptis audiri oportet. Hoc enim eius proprium est, ut doceat quasi potestatem habens. Et nihil apertius dici poterat, q̃ quod ipse ait discipulis: Vos aut nolite uocari rabbi, unus enim magister uester Christus. Deinde

Ioan. 4

Matth. 7

Matth. 23

inde, quo altius eorū animis uerbum illud insideret, bis eodē loco repetit. Hoc ergo unum Apostolis relatum est, & eorū successoribus etiamnū restat, eam legē diligēter retinere, qua eorū legationē Christus limitauit, cum iussit: Irent, ac docerēt omnes gentes, *Matth. ult.* nō quæ temere ipsi apud se essent fabricati, sed quæcunq; ipsis præceperat. Nec aliud aut sibi, aut alijs reliquit Apostolus Petrus, optime à magistro edoctus, quantū sibi liceret: Qui loquitur, inquit, loquatur sermones Dei. *1. Pet. 4* Quid hoc aliud est, q̄ omnes humanæ mentis inuentiones (à quocunq; tandē capite profectæ sint) arcere: ut purus sermo dei in fidelium ecclesia doceatur ac discatur? omniū hominū, cuiuscunq; sint ordinis, placita tollere: ut solius Dei decreta statuātur? Hæc sunt arma illa spiritalia, potentia *2. Cor. 10* Deo, ad demolitionē munitiōnū: q̄bus cōsilia demoliantur fidi Dei milites, et omnē celsitudinē, quæ extollitur aduersus cognitionē Dei: & captiuā ducant omnē cogitationē, ad obediendū Christo: & promptā habeāt uindictā, aduersus omnē inobediētā. En plane ac perspicue definita potestatem, qua ecclesiæ pastores, quocunq; demū nomine uocētur, præditos esse conuenit: nempe, ut uerbo Dei, cuius positi sunt ministri ac dispēsatores, cōfidēter omnia audeāt: eius maiestati omnē mundi uirtutē, gloriā, sublimitatem,

cedere atq; obedire cogant: ipso omnibus, à summo usq; ad nouissimum, imperent: Christi domum ædificent, Satanæ regnum subuertāt: oues pascant, lupos interficiant: dociles exhortentur & instituant, rebelles & peruicaces arguant, increpent, reuincant, soluant, ligent, fulgurent deniq; & fulminent: sed omnia in uerbo Dei. Istæc uero potestas si cum ea conferatur, qua se hæcenus in populo Dei uenditarunt spirituales isti tyranni, qui episcopos & animarum rectores simulant, nihilo melior erit consensus, quàm Christo cum Belial. Primū quidem, fidem nostram suo arbitrio stare & cadere uolūt: ut quicquid ipsi in utranq; partem constituerint, firmum animis nostris statumq; sit. Ut siue quid probauerint, ipsum nobis nulla dubitatione probari: siue quid damnauerint, ipsum quoq; pro damnato esse oporteat. Hinc illa inter eos axiomata: Penes ecclesiam esse, condere fidei articulos: Ecclesiæ auctoritatem sacræ scripturæ auctoritatem æquare: Christianū non esse, nisi qui in omnia sua dogmata, tā affirmatiua quàm negatiua, uel implicita uel explicita fide, certo cōsentiat. Et eiusdem formæ alia quædam. Deinde uolunt & conscientias nostras suo imperio subiectas esse, ut quasq; leges tulerint, nos maneat obediendi necessitas,



cessitas. Interim sua libidine, cōtemptoq; Dei uerbo, cudunt dogmata, quibus certam postea fidem haberi postulent: & leges scribunt, quarum necessariam faciant obseruationem. Atqui hanc in asserendis nouis dogmatibus & condendis fidei articulis licentiam, quam Apostolis ipsis sublatā esse nuper ostendimus, sibi nō iure uendicāt. Quod si nōdum acquiescunt, Paulus certe se fidei Corinthiorū negabat dominari quorū à Domino erat ordinatus Apostolus. Si hāc docendi libertatem agnouisset, nunquam hanc disciplinam tradidisset eorum ecclesiæ, ut duobus aut triloquentibus prophetis, cæteri diiudicarent. Quod si alteri sedenti reuelatum esset, prior taceret. Sic enim nemini pepercit, cuius auctoritatem uerbi Dei censuræ nō subiiceret: sed multo adhuc clarius alibi, fidem nostram ab omnibus hominum traditionibus ac figmentis liberat, cum ait, fidem esse ex auditu, auditum autem per uerbū Dei. Scilicet, si à solo Dei uerbo pendet fides, si in illud solum respicit & recumbit, quis iam hominis uerbo locus relinquitur? Legum uero ferēdarū potestas cū & ipsa Apostolis incognita fuerit, & toties ecclesiæ ministris, per uerbū Dei, adempta: miror quī eam, præter apostolorum exemplum, & contra manifestum Dei interdictum, ad se trahere

2. Cor. 1

1. Cor. 14

Rom. 10

trahere aufint. Non enim ambiguum est quod scri-  
 bit Iacobus: Qui iudicat fratrem, iudicat legem. Qui  
 legem iudicat, non est obseruator legis, sed iudex.  
 Vnus autem legislator, qui potest seruare & perdere.  
 Idipsum apud Iesaiam dictum erat, quanquam paulo  
 obscurius: Dominus rex noster, Dominus legislator  
 noster, Dominus iudex noster, ipse saluauit nos. Au-  
 dimus ab Iacobo uitæ & mortis arbitrum pronunci-  
 ari, qui ius habet in animam. Cum autem id sibi ne-  
 mo hominum sumere possit: Deum igitur unicum  
 animarū regem agnosci oportet, penes quem unum  
 seruādi perdendiq; potestas est: aut (ut illa Iesaiæ uer-  
 ba sonant) & regem, & iudicem, & legislatorem  
 & saluatorem. Petrus quoque, cum pastores offi-  
 cij sui admonet, sic gregem pascere hortatur, ne do-  
 minia exerceāt aduersus clericos. quo nomine hæredi-  
 tatem Dei, hoc est, fidelium populum significat. En  
 præcisum, adeoque à radice reuulsum quicquid sibi  
 potestatis uendicant, qui se sine uerbo Dei efferre  
 uolunt. Non enim quicquam Apostolis datum, quo  
 suam ipsi doctrinam & suum regnum stabiliant: sed  
 duntaxat, quo regnū ac doctrinā Dei magnificent.  
 Audio, quid ipsi pro se respondeāt: Suas traditiones  
 non à se, sed à Deo esse. non enim se propria com-  
 menta

menta effutire: sed quod à spiritu sancto acceperint,  
 ueluti per manus tradere Christiano populo, cui re-  
 gendo, diuina prouidentia, præfecti sunt. Rationes  
 etiam, quibus idipsum confirment, addunt. Luculen-  
 tas extare promissiones, quibus Christus, spiritus  
 sui præsentiam ecclesiæ suæ nunquam defuturam  
 pollicetur. Extare præclara elogia, quibus diuina  
 uoce insignita est: quòd sancta sit & immacula- Ephc. 7  
 ta, sine ruga, sine macula, & quæ in eandem sen-  
 tentiam ex scripturis afferri possunt. Quare si cui  
 iam dubia sit ecclesiæ autoritas, eum non in ec-  
 clesiam modo, sed in Christi quoque spiritum im-  
 pium ac contumeliosum esse, cuius ductu ecclesia  
 proculdubio regitur. Qua ratione pro ethnico & Matth. 18  
 publicano haberi uoluit Christus, qui ecclesiam  
 non audierit. Itaque, eorum opinione istud constan-  
 ter conuenire inter omnes debet: Ecclesiam erra-  
 re non posse, in his quæ necessaria sunt ad salutem.  
 Iam uero quod de ecclesia dicitur, id totū sibi cōpe-  
 tere aiunt. Aut enim ecclesiam totam corruiere: aut  
 sese cōsistere, quorum humeris sustineatur ipsa, ac  
 consistat. Eandem ergo certitudinem ueritatis, quæ  
 apud ecclesiam est, habere etiam ecclesiæ concilia:  
 quibus

quibus ipsa uere representatur, & ne errare possint, immediate regi à Spiritu sancto. His autem impertratis, simul conficitur, eorū traditiones, spiritu sancto esse reuelationes: quæ nisi impie ac Deo contempto, contemni nequeāt. Et ne quid tentasse uideantur sine magnis autoribus, bonam suarum obseruationū partem ab Apostolis fluxisse credi uolunt. Cuiusmodi sunt pro defunctis orationes, & uniuersa penè suarū ceremoniarū disciplina. Id enim extra controuersiam ponūt, reuelata apostolis pleraque à Christi ascensu, quæ scriptis comprehensa non sint.

Ioan. 16

Quando illis à Domino dictum sit: Multa habeo uobis dicere, quæ nō potestis portare modò, scietis autem postea. Et satis uno exemplo ostendi cōtendunt,

Acto. 17

quid in cæteris fecerint Apostoli. Quando in unum coacti, ex concilij sententia, gentibus omnibus denunciarunt, ut se ab idolothytis, suffocato, & sanguine abstinerent. Verū q̄ friuola sint hæc omnia & plane ludicra, faciam ut nullo negotio p̄spiciāt ij, qui mecum singula ordine dispicere uolent. equidem eos hortarer, ut huc animū serio aduerterent: si quid docendo proficere me apud eos posse considerem. Sed quando illis, ommissa ueritatis ratione, hoc unum propositum est: rem suam, quacunq; licet uia, agere:

neq;

neq; mihi cum illis esse negotium arbitrabor. Pauca tantum dicam, quibus sese boni uiri, & ueri studiosi, quos initio erudiendos suscepimus, ab illorum captio nibus expedire possint. Tales ergo mihi admonendi sunt, ne ementito ecclesiæ prætextu, quo sine causa superbiunt isti plusquā fontici & capitales ecclesiæ hostes, cōmoueantur. Neq; enim aliud prætendunt, quā Iudæos olim obtendisse apparet, cū à prophetis Domini, cæcitatis, impietatis, idololatriæ, arguerentur. Nam ut illi templū, ceremonias, sacerdotia gloriose iactabant: quibus rebus ecclesiam, magno (ut sibi uidebantur) argumento, metiebantur: ita pro ecclesia externæ quædā laruæ nunc nobis opponuntur, quæ longe sæpe absunt ab ecclesia: et citra quas ecclesia optima constare potest. Quare neq; alio argumento refutandi nobis sunt, quā quò aduersus illam stultam Iudæorum confidentiam contendebat Ieremias: nempe, ne glorientur in uerbis mēdacibus, Iere. 7 dicentes, templum Domini, templum Domini, templum Domini est. quando nihil Dominus alicubi suum agnoscit, nisi ubi uerbum suum auditur, ac religiose obseruatur. Hæc enim perpetua est nota, qua signauit suos Dominus noster: Qui est ex ueritate, inq̃t, audit uocē meā, itē: Ego sum pastor ille bonus, Ioan. 10. 18

E & cogno

Et cognosco oues meas, Et cognoscor à meis. oues meae uocem meam audiunt, Et ego cognosco eas, et sequuntur me. Paulo autem antè dixerat, oues pastorem suum sequi, quia nouerunt uocem eius: alienum autem non sequi, sed effugere ab eo, quia non nouerunt uocem alienorū. Quid igitur sponte in censenda ecclesia insanimus, cum eam minime dubio symbolo designarit Christus? quod ubicunq; spectatur, fallere non potest, quin illic ecclesiam certo ostendat: ubi uero abest, nihil restat quod uerā ecclesiae significationē dare possit. Quin potius Ieruschalam à Babylone, Christi ecclesia à sathanæ coniuratione, hoc discrimine distinguenda est, quo eas inter se

Ioan. 8 Christus distinxit. Qui ex Deo est, inquit, uerba Dei audit: propterea non auditis, quia ex Deo non estis. In summa: cū ecclesia regnū sit Christi, regnet autem non nisi per uerbum suum, an ullis iam obscurū erit, quin illa mendacij uerba sint, quibus Christi regnū absq; eius sceptro, id est, sacro sancto eius uerbo esse fingitur? Quòd si detractis laruis ac fucis omnibus, id uere (quòd nobis curæ in primis esse debet, ac nostra etiam potissimū refert) intuemur, qualem scilicet habere sibi ecclesiam uelit Christus, ut ad ipsius regulam nos formemus ac comparemus: facile



cile nobis constabit, ecclesiam non esse, quæ præteritis uerbi Dei finibus, ferendis nouis legibus, & noua religionis specie excogitata, lasciuit ac luxuriat. An nõ enim illa semel ecclesiæ dicta lex æterna manet? Quod præcipio tibi, id obseruabis ut facias. nõ addes quicquam, neq; detrahes. et alibi: Non addas ad uerbũ Domini, neq; minuas ex eo: ne te forte arguat, inueniarisq; mendax. Id cum ecclesiæ dictum negari non possit, quid aliud quàm ipsius contumaciam prædicant, qui post talia interdicta, addere nihilominus & admiscere de suo, uerbo Dei, ansam fuisse iactant? Absit autem ut eorum mendacijs assentiamur, quibus tantam ecclesiæ contumeliam irrogant. sed falso ecclesiæ nomẽ prætendi intelligamus, quoties de ista humanæ temeritatis libidine agitur, quæ sese intra uerbi Dei præscripta cõtinerere non potest, quin procaciter exultet, ac in suas inuentiones excurrat. Nihil in uerbis istis inuolutum, nihil obscurum, nihil ambiguum: quibus, addere uerbo Dei aut detrahere quicquã uetatur uniuersa ecclesia, cum de Domini cultu & religione agitur. Non à semetipso degenerauit Dominus, qui nulla re tantopere se offendi iam pridem declarauit, quàm dum humanis inuentionibus colitur. Vnde illæ apud prophetas præ-

Deut. 12

Prouer. 30

claræ uoces, quæ auribus nostris continenter insonare debuerant: Non sum locutus cum patribus uestris, neq; præcepi eis, quo die eduxi eos de terra Aegypti, uerba de holocausto & sacrificio. sed hoc uerbum præcepi eis, dicens: Audite uocē meam, & ero uobis Deus, & eritis mihi populus, & ambulabitis in omni uia quam mādaui uobis. item: Contestando cōtestatus sum patres uestros, audite uocem meā. Alij; eiusdē generis. sed hæc in primis, ac præ alijs omnibus insignis: Nunquid uult Dominus holocausta & uictimas, & nō potius, ut obediatur uoci Domini? Melior est enim obedientia, quàm uictimæ: & auscultare magis, quàm offerre adipem arietū. Quoniam quasi peccatum ariolandi, repugnare: & quasi idololatriæ iniquitas, non acquiescere. Quicquid igitur humanarum inuentionum hac in parte ecclesiæ autoritate defenditur, cum ab impietatis crimine excusari nequeat, falso ecclesiæ id imputari, arguere promptum est. Hac ratione in istam humanarū traditionum tyrannidem, quæ sub ecclesiæ titulo superciliose nobis ingeritur, libere inuehimur. Non enim, quod nostri aduersarij ad faciendam nobis inuidiam inique mentiuntur, ecclesiam ludibrio habemus: sed obedientiæ laudem, qua maiorem nullam agnoscit,

illi

illi tribuimus. Ipsi potius uehementer sunt ecclesiæ iniurij, qui aduersus Dominum suum cōtumacem illam faciunt, dum ultrà progressam fingūt, quàm per Dei uerbum licuerit. Vt taceam, insignem esse impudentiam, cum pari malitia coniunctam, assidue de ecclesiæ potestate uociferari: interim, & quid illi à Domino mandatum sit, & quam Domini mandato obedientiam debeat, dissimulare. At si nobis, ut par est, animus fuerit cum ecclesia consentire: hoc magis ad rē pertinet, spectare ac meminisse, quid nobis ac ecclesiæ uniuersæ à Domino præcipiatur: ut illi uno consensu obediamus. Non enim dubiū est, quin cum ecclesia optime cōsensuri simus, si nos Domino per omnia obedientes præstemus. Verum habet ecclesia amplissimas promissiōes, quòd nunquā à sponso suo Christo sit deferenda, quin eius spiritu ducatur in omnem ueritatē. Principio, quasq; promissiones allegare solent, non minus singulis fidelibus datæ sunt, quàm toti fidelium populo. Nam tametsi duodecim Apostolis loquebatur, cum dicebat Dominus: Ecce ego uobiscū sum, usq; ad cōsummationem seculi. item: Ego rogabo patrem, & alium consolatorem dabit uobis, ut maneat uobiscum in æternū: spiritum ueritatis, quem mundus non potest accipere:

Matth. ult.

Ioan. 14

E 3 quia

quia nō uidet eū, nec scit eū. uos aut cognoscitis eū, quia apud uos manet, & in uobis erit. Nō tamen numero duodenario id pmittebat: sed illis singulis, & alijs etiā discipulis, uel quos iā assumpserat, uel quos postea erat assumpturus in suum regnum. Cum autem huiusmodi promissiones eximie consolationis, plenas sic interpretantur, quasi nemini Christianorū data sint, sed uniuersae simul ecclesiae: quid aliud quā Christianis omnibus consolationem tollunt, quae inde ad ipsos redire debuerat? Neq; hic nego, quin Dominus diues in omnes misericordia et bonitate, in quosdam tamen singulariter largius se & locupletius effundat (ut necesse est eos, qui alijs doctores constituti sunt, maioribus pollere donis.) non,

**1. Cor. 12.** quin ipsa sua dona, ut uaria sunt & multiplicia, uarie distribuat. non deniq; quin ipsa piorum societas, tali donorum uarietate instructa, longe ueriori et ampliori coelestis sapientiae thesauro praedita sit, quā seorsum singuli: sed quia illis concedendum non est, ut istaec Domini uerba in alium sensum, quā quod dicta sunt, peruerse torqueant. Simpliciter ergo fatemur id quod res habet: Dominum perpetuo suis adesse, & eos spiritu suo regere: hunc spiritum non esse erroris, ignorantiae, mendacij, aut tenebrarum; sed

sed reuelationis, ueritatis, sapientiæ, ac lucis: à quo non fallaciter discant, quæ sibi à Deo donata sint: 1. Corin. 2  
 hoc est, quæ sit spes uocationis suæ, & quæ diuitiæ Ephe. 1  
 gloriæ hæreditatis Dei, & quæ supereminens magnitudo uirtutis eius in omnes credentes. Præterea, Dominum eam in ecclesia sua posuisse gratiarum di Ephef. 4  
 uisionem, ut semper essent, qui ad ipsius ædificationem singularibus donis excellerent. Dedit enim Apostolos, pphetas, doctores, pastores: qui oēs diuersis quidem ministerijs, sed uno animo in cōmunem ecclesiæ ædificationem incumberent: donec occurramus omnes in unitatem fidei, & agnitionis filij Dei, in uirum perfectum, in mensuram ætatis plenitudinis Christi. Verum cum primitias & quendam duntaxat gustum eius spiritus percipiant in hac carne fideles, etiā qui excellentioribus illis gratijs præ alijs donati sunt: nihil illis potius restat, quam imbecillitatis suæ conscios, sese intra fines uerbi Dei solícite continere: ne si sensu suo longius euagentur, à recta uia protinus aberrant. Et sanè minime quoq; dubiū esse debet, quin si à uerbo Dei uel pauxillum defleant, in multis labi contingat. quatenus scilicet spiritu illo adhuc uacui sunt, quo solo docente mysteria Dei perspiciuntur. Nam quòd Paulus scribit, Ephef. 4

Christum mundasse ecclesiam lauacro aquæ, in uerbo uitæ, ut exhiberet sibi gloriosam sponsam, non habentē maculā aut rugā, aut aliquid huiusmodi, sed ut sit sancta et immaculata: magis docet, quid quoti die in suis operetur Christus, q̄ quid iā pfecerit. Nā si eos in dies sanctificat, expurgat, expolit, maculis abstergit: certe adhuc n̄euis ac rugis quibusdā aspersos esse, eorūq; sanctificationi deesse nōnihil cōstat. Ecclesiā uero sanctā immaculatā iam censere, cuius mēbra omnia maculosa, & nonnihil impura sint, q̄ inane ac fabulosum est? Verum est itaq; q̄ Christus ecclesiā lauacro aquæ mūdauerit in uerbo uitæ: hoc est, remissione peccatorū abluerit, cuius ablutionis symbolū est baptismus. atq; id quidē, ut eam sibi sanctificaret. At eius sanctificationis initium hic duntaxat uisitur, finis uero & solidum complementum extabit, cum sanctus sanctorum Christus sua sanctitate, uere & solide, ipsam implebit. Quamobrem tanta istarum promissionum amplitudine confisa fidelium ecclesia, habet unde fidem suam præclare sustineat. quando nihil addubitat, quin spiritum sanctum semper habeat optimū ac certissimū rectæ uitæ ducem. Nec uana fiducia nititur. non enim is est Dominus, qui frustra suos lactet, & fidei datæ decoquat.



quat.rursum, tanta ignorantia ruditatisq; conscien-  
tia & cognitione edocta, ut castam sponsam & so-  
briam discipulã decet, à magistri ei sponsi sui ore assi-  
due ac sedulo pendet. Non ex se sapit, non ex se co-  
gitat quicq; sed sapientia suæ terminum statuit, ubi  
loquendi finem ille fecerit. atq; ita simul, & omnib.  
rationis suæ inuentis diffidit. In quibus autem uerbo  
Dei nititur, nulla diffidētia aut hæsitazione uacillat:  
sed magna certitudine ac constantia firma conquie-  
scit. Itaq; nihil mirum, si singulari à Deo elogio eccle-  
sia suæ auctoritatem nobis cōmendauerit Christus: Matth. 18  
ut haberi uoluerit pro ethnico & publicano, qui au-  
dire ipsam noluerit. addens etiã nō uulgarē promiss-  
sionem: Vbi duo aut tres cōuenerint in nomine suo,  
ibi se futurum in medio eorum. At ualde mirum est,  
tam nihil esse frontis istis nebulonibus, ut ferocire  
inde audeant. Quid enim tandem obtinebunt, nisi  
nō spernēdū esse ecclesie cōsensum, quæ nunq; ni-  
si in ueritatē uerbi Dei, consentit? Ecclesia audienda  
est, inquit. Quis negat? quandoquidē nihil pronun-  
ciat, nisi ex uerbo Domini. Si plus aliquid postulāt,  
nihil postulationi suæ uerba hæc Christi suffragari  
sciant. Nā cū his promissio data sit, qui cōgregantur  
in Christi nomine, & talis coetus ecclesia uocetur,

ecclesiā esse nō cōcedimus, nisi quæ in Christi nomi-  
 ne cōgregata fuerit. Iā uero, an hoc est in Christi no-  
 mine cōgregari, abiecto dei mādato, quo uetat quicq̃  
 Deuter. 12 mine cōgregari, addi uerbo suo aut detrahi, pprio arbitrio q̃dus sta-  
 Proue. 30 tuere? Quod ultimo inferūt, errare nō posse ecclesiā  
 in ijs quæ sunt ad salutē necessaria, minime reclama-  
 mus. Sed hic etiā plurimū sensu uariamus. Errare nō  
 posse ideo sentimus: q̃ abdicata omni sua sapientia,  
 à spiritus sancto doceri se per uerbū Domini patitur.  
 Quod aut illi disputant, huc spectat. Quādo eccle-  
 sia spiritu Domini gubernatur, tuto incedere sine  
 uerbo posse: quocūq; pergat, nō posse sentire, aut lo-  
 qui, nisi uerū. Nunc aut, ut omnia illis de ecclesia  
 cōcedamus, pro suis tamē traditionib. ne sic quidē ad  
 huc multū profecerint. Nam q̃ in ecclesia remanere  
 ueritatē nō putāt, nisi inter pastores cōstet: nec eccle-  
 siam ipsam cōsistere, nisi in cōcilijs generalibus emi-  
 neat: multū abest, quin id uerū semper fuerit, si uera  
 de suis tēporibus testimonia nobis reliquerūt prophe-  
 ta. Iesaias ait: Speculatores eius cæci sunt oēs, nec  
 Ies. 56 quicq̃ nouerunt: omnes canes muti, nec ualēt latra-  
 re. iacentes dormiunt, & amāt dormitationē. et pa-  
 stores ipsi nihil sciūt, nec intelligūt, et in uniuersum  
 Iere. 6 respiciūt ad uias suas. Irmiah aut: A propheta usq;  
 ad sa-

ad sacerdotem quilibet operatur mendacium. item: Prophetæ mendaciū prophetāt in nomine meo, cum ego non miserim eos, neq; præceperim eis. Iam et Ieremias. Cōiuratio prophetarū eius in medio eius, sicut leo rugiens, & qui rapit prædā. Animā comederūt, & quod preciosum est rapuerūt, & uiduas multiplicauerunt in medio eius. sacerdotes eius uiolauerunt legē meā, & prophanauerūt sancta mea, nec discrimen fecerūt inter sanctū et prophanū. Prophetæ leuerūt eis cāmēta insulsa, uidētes uana, & diuinantes mendaciū, sic dicentes: Dominus locutus est, cū nō sit locutus. itē Zephania: Prophetæ eius incōstātes, uiri mēdaces. sacerdotes eius uiolauerūt sancta, & trāsgressi sunt legē. Præterea, quoties à Christo & eius Apostolis prædictū, ut à pastoribus summa ecclesiæ pericula impenderent? Ac ne enumerando multū chartarū impleā, nō eorū temporū modo, sed omnium ferē seculorū exemplis monemur, nec ueritatē semper in sinu pastorum ali, nec ecclesiæ incolumitatē ab eorū statu pendere. Decebat quidē illos ecclesiasticæ pacis ac salutis, cui cōseruādæ destinati sunt, præsidēs esse ac custodes. sed aliud est, præstare quod debeas: aliud, debere quod nō præstes. Neq; tamen nostra ista uerba in eam partem quis accipiat,

Iere. 14.

Iezech. 3.

Zeph. 3

Matth. 2

Acto. 20

2. Thes. 3

1. Tim. 4

2. Tim. 3

et 4

2. Pet. 2

piat, quasi pastorum auctoritatem passim, ac temere,  
 nulloq; delectu, labefactandam censeam. Tantum, in  
 ter eos ipsos delectum haberi uelim: ne qui dicuntur,  
 pastores quoq; esse protinus existimemus. Nam sic  
 omnino habendum est, totam eorū functionem, uer  
 bi Dei ministerio: totam sapientiam, eius uerbi cogni  
 tione: totam facundiā, eius prædicatione termina  
 tā. à quo si declinarint, sensu fatuos esse & hebetes,  
 lingua balbos, partibus omnibus infideles, & officij  
 desertores: siue prophetæ sint, siue episcopi, siue do  
 ctiores, seu quiduis etiam aliud maius. Nō de uno aut  
 altero loquor. uniuersa simul pastorum natio, si reli  
 cto Dei uerbo, sensu suo feratur, nihil aliud q̃ infatua  
 ri poterit. Atqui isti nō alia ratione, nisi quia pasto  
 res sunt, excussa abiecta q; uerbi Dei obedientia, in  
 dissolutam licentiam sese tradunt. Quasi non fuerit  
 10su.1 pastor Iosue, cui dictum fuit, ne declinaret ad dexte  
 ram aut sinistram: sed custodiret & obseruaret uni  
 uersa præcepta legis. Et interim persuadere contē  
 dunt, sese luce ueritatis destitui non posse, spiritum  
 Dei perpetuo in se residere, ecclesiam in se subsiste  
 re, & secum emori. Quasi uero iam nulla sint Do  
 mini iudicia, ut non eadem nunc quoq; euenire pos  
 sint, quæ prophetæ sui seculi hominibus denūciabāt.  
 qualia

qualia sunt : Obstupescunt sacerdotes , & prophetae terrebutur . item : Lex peribit à sacerdote , & consilium à senioribus . Quasi falsa sint Christi & Apostolorum uaticinia . cuiusmodi ista sunt : Venient multi pseudoprophetae in nomine meo . item : Ego scio , & post discessum meum intrabunt in uos ( Ephesinae ecclesiae Episcopos alloquitur Paulus ) lupi graues , non parcentes gregi . & ex uobis ipsis erunt uiri loquentes peruersa , ut adducant discipulos post se . item : Fuerunt pseudoprophetae in populo , sicut & inter uos erunt falsi doctores , qui introducent sectas , prodiones , & caetera : aliaque eius generis permulta . Nec intelligunt stolidissimi homines , eandem se canere cantilenam , quam canebant olim illi , qui cum uerbo Dei belligerabantur : cum eadem , qua nunc nituntur , fiducia dicerent . Venite , & cogitabimus contra Ieremiam cogitationes . quando , non peribit lex à sacerdote , consilium à sapiente , nec uerbum à propheta . Quare , ut millies Episcoporum concilia nominent , parum promouebunt . Nec antè efficient , ut credamus quod contendunt , regi à spiritu sancto : quam fidem fecerint , congregari in Christi nomine . siquidem tam possunt impij improbiq; episcopi a duersus Christum conspirare , quam boni & probi in eius nomine

Iere. 4

Iezech. 7

Matth. 24

Aclor. 20

1. Pet. 2

Iere. 18

nomine coire. Huius rei luculento nobis experimen-  
 to sunt plurima decreta, quæ à talibus concilijs pro-  
 diere: quorum sceleratam impietatem euidentibus  
 argumentis palam ostendere, non ualde mihi diffici-  
 le fuerit: nisi (quod in hoc opusculo necesse est) com-  
 pendio studerem. Ab uno tamen capite si æstimare  
 licet, qualia possint esse reliqua: Cœlibatum impe-  
 rare, & ciborum esum interdicere, Paulus dæmo-  
 niorum hypocrisim, & mendacia esse affirmat.  
 Nec est, quod purgandi sui ac deriuandi criminis  
 causa, ad Manichæos ista & Tatianos referant.  
 quod ab illis in totum damnatæ sint nuptiæ & car-  
 nes: à se autem, non nisi certis personis prohi-  
 beantur nuptiæ, carnes nō nisi in certos dies. Nam  
 excusare sua decreta nequeunt, quin contrahere  
 matrimonium prohibeant: & iubeant abstinere à  
 cibis, quos creauit Deus, ad percipiendum cum  
 gratiarum actione. Quando omnis creatura Dei  
 bona & sancta est fidelibus, & ijs qui cogno-  
 runt ueritatem. Cum uero hæc sathanæ oracu-  
 la conciliorum ministerio prodita fuerint, pro se  
 iam quisque reputet, quid in cæteris expectandum  
 sit à satanæ organis. Porro, quid concilia cum con-  
 cilijs pugnantia recenseam? & quod uno concilio



lio constitutum fuerat, altero fuisse abrogatum? In moribus, inquit, constituendis hæc usu uenire solet diuersitas: de quibus, pro temporū uarietate, leges ferri uarias, nihil uetat. Imò in doctrina pug-  
naciter uariare interdum uisa sunt. Vt Constan-  
tinopolitanum, quod Leo Imperator coëgerat: &  
Nicenum, quod in eius inuidiam Hirene postea col-  
legit: quorum alterum subuertendas confringen-  
dasque imagines, alterum restituendas censuit. Et  
omnino inter orientalem occidentalemque (ut uo-  
cant) ecclesiam, rara concordia, Eant nunc, &  
affixum, alligatumque suis concilijs Spiritum san-  
ctum suo more iactent. Neque uero hic omnia con-  
cilia damnanda, aut omnium acta rescindenda,  
& (quod dicitur) una litura inducenda disputo.  
Video enim elucere in quibusdam, præsertim in  
uetustis illis, uerum pietatis studium. notas ad hæc  
ingenij, doctrinæ, prudentiæ, non obscuras. Nec du-  
bito quin alijs quoque ætatibus habuerint concilia  
suos melioris notæ Episcopos. Sed in his posteriori-  
bus accidit, quod in Romanis Senatusconsultis non  
recte fieri, olim conquerebantur ipsi Senatores.  
Dum enim numerantur, non appenduntur sententiæ,  
meliozem

meliorem partem à maiore uinci, sæpius necesse fuit.  
 Quanquã in illis quoq; antiquis & purioribus est,  
 quod iure desideres. uel quòd eruditi alioqui & pru-  
 dentes uiri, qui tum aderāt, præsentibus negocijs di-  
 stricti, multa alia non prospiciebant. uel quòd gra-  
 uioribus & magis serijs occupatos, nonnulla leuio-  
 ris momenti subterfugiebant. uel quòd simpliciter,  
 imperitia falli poterāt. uel quòd nimio affectu non-  
 nunquã præcipites ferebātur. Huius posiremi, quòd  
 omnium durissimum uidetur, exemplum illustre ex-  
 titit in Nicena synodo: cuius dignitas omnium con-  
 sensu summa ueneratione excepta est. Nam cum pri-  
 mariũ illic fidei nostræ caput periclitaretur, adesset  
 hostis Arrius in procinctu, quo cum manus cõseren-  
 dæ essent: summum uero momentum esset in eorum  
 concordia, qui ad oppugnandum Arrij errorem pa-  
 rati uenerāt: ipsi nihilominus tantorum discriminum  
 securi, imò uelut grauitatis, modestiæ, & omnis hu-  
 manitatis obliti, omisso, quod in manib. erat, certami-  
 ne, quasi ex destinato, Arrio gratificaturi eò con-  
 cessissent, intestinis disidijs sese proscindere cœpe-  
 runt: stylum qui in Arriũ stringendus erat, in seipsos  
 dirigere. Ecce criminationes audiebantur, libelli ac-  
 cusatorij uolitabant. nec contentionum finis ullus  
 factus

vide Euse-  
 ium in hi-  
 or. eccles.

factus esset, donec mutuis uulneribus se cōfodissent, nisi Imperator Constantinus occurrisset: qui inquisitionem in eorum uitam, rem esse supra suam cognitionem professus, talem intemperiem laude magis q̃ obiurgatione castigauit. Quàm multis partibus similiter & alia, quæ deinde secuta sunt concilia, lapsa fuisse uerisimile est? Ineptus forte alicui uidear, qui de cōmonstrandis huiusmodi erroribus laborē: cum fateantur aduersarij, errare concilia posse, in ijs quæ ad salutem nō sunt necessaria. Sed neq; superuacuu est hic labor. tametsi enim coacti, uerbo id quidem fatentur, cum tamen omnem conciliorū determinationem, in re qualibet, nullo discrimine, pro spiritus sancti oraculo nobis obtrudant: plus exigunt, quàm initio sumpserant. Quid sic agendo contendunt, nisi nullo modo errare posse cōcilia? aut si errant, nefas tamen esse uerū cernere, nec assentari erroribus? Quare nulla conciliorū, pastorum, episcoporū, ecclesiæ, nomina quæ tam falsò obtendi, q̃ uere usurpari possunt) impedire debent, quo minus talibus documentis moniti, omnes omnium spiritus ad diuini uerbi regulā exigamus: quo probemus, num ex Deo sint. Iam uero referre ad Apostolos traditionum<sup>m</sup> originē, quibus hætenus oppressa est ecclesia, me<sup>r</sup>

F

ræ sunt

*ræ sunt imposturæ: quādo tota in hoc incumbit Apō-  
 stolorū doctrina, ne nouis obseruariōibus onerētur  
 conscientiæ, aut Dei cultus nostris inuentionibus  
 cōtaminetur. Et si qua historijs, uetustisq; monumen-  
 tis inest fides, Apostolis non ignotum modo, sed in-  
 auditum fuit, quod illis tribuunt. Nec garriant, plæ-  
 raq; eorū placita usu & moribus recepta fuisse, quæ  
 scriptis tradita nō sint. illa scilicet, quæ Christo ad-  
 huc uiuente intelligere nō poterant: post eius autem  
 ascensum spiritus sancti reuelatione didicerint. O im-  
 pudentiā. Rudes adhuc, fateor, & indociles erant di-  
 scipuli, cum istud à Domino audirent. Verum, hac  
 ne tarditate tum etiam tenebantur, cum doctrinam  
 suam scriptis cōmendarent: ut uiua postea uoce sup-  
 plere necesse habuerint, quod in scriptis, ignorantiae  
 uitio, omiserant? Si uero iam à spiritu ueritatis ducti  
 in omnem ueritatem, sua scripta ediderunt: quid ob-  
 fuit, quo minus perfectam Euangelicæ doctrinæ co-  
 gnitionem complexi sint scriptis suis, cōsignatamq;  
 reliquerint? Præterea, se ridiculos faciūt, dum ingen-  
 tia illa mysteria, quæ tātō tempore Apostolis incom-  
 perta fuerint, partim obseruationes esse fingunt, aut  
 iudaicas, aut gentiles: quarum illæ inter Iudæos, hæ  
 uero inter gentes omnes peruulgatæ multo antè fue-  
 rant:*

rant: partim ineptas gesticulationes, & aniles ceremoniolas, quas insulsi sacrificuli, qui nec nare sciunt nec literas, perquàm rite peragunt. imò quas pueri et moriones adeo apposite effingunt, ut uideri possit, nullos esse magis idoneos talium sacrorũ antistites.

Non multo maiori dexteritate Apostolorum exemplum prætexunt, quo suam tyrannidem defendant.

Apostoli, inquit, & seniores primæ ecclesiæ decreta, præter Christi mandatum, sanxerunt: quo

Acto. 15

præcipiebant gentibus omnibus, se continere ab idolothytis, & suffocato, & sanguine. Id si illis licuit, cur non & successoribus, quoties ita res postulat, idem imitari liceat? Vtinam uero cum semper aliàs, tum hac in re, eos imitarentur. Nam, quod ualida ratione confirmare promptum est, Apostolos nouum illic quicquam instituisse aut decreuisse nego. siquidem, cum in eo concilio Petrus tentari Deum pronunciet, si iugũ imponitur ceruicibus discipulorum, suam ipse sententiam subuertit, si iugum postea aliquod consentit imponi. Imponitur autem, si sua auctoritate decernunt Apostoli, prohibendum gentibus, ne idolothyta, sanguinem, & suffocatum attingant. Manet quidẽ adhuc scrupulus, q̃ nihilominus uidentur phibere. Atqui facile dissoluetur, si quis pro-

F

2

pius

pius decreti ipsius sensum animaduertat . cuius primum ordine & momento præcipuum caput est: relinquendam esse gentibus suam libertatem , nec illis obturbandum esse, aut de legis obseruationibus exhibendam molestiam. Hacenus nobis egregie patrocinatur. Quæ autē proxime sequitur exceptio, nec noua lex est ab Apostolis lata: sed diuinum æternūq; mandatū, de seruāda charitate. nec punctum ex illa libertate delibat: sed gentes duntaxat admonet, qua ratione sese fratribus attemperent, ne sua libertate in eorum offensionem abutātur . Sit hoc igitur secundum caput: ut innoxia libertate utantur gentes, ac citra fratrum offensionem. At certum tamen aliquid præscribunt: nempe, quatenus pro tempore expediebat, docent ac designant, quibus rebus in fratrum offensionē possint incurrere, quo ab illis caueant . nihil tamen nouum ad æternam Dei legem, quæ fratrum offensionem prohibet, de s. o. asferunt. Quemadmodum si qui nondum bene constitutis ecclesijs præsunt, fideles pastores, omnibus suis nunc edicant: ne donec imbecilli, quibus cū uiuunt, adolescant, palām carnibus die ueneris uescātur, aut ferijs in publico laborent, aut simile quidpiam . Hæc enim, tametsi seposita superstitione indifferētia per se sunt,



se sunt, ubi tamen accedit fratrum offensio, sine delicto admitti nequeunt. Sic autē sunt tempora, ut spectaculum hoc proponere infirmis fratribus nō possint fideles, quin eorum conscientias grauissime uulnerent. Quis, nisi calumniator, sic nouam ferri ab his legem dicat? quos constat duntaxat scandalis occurrere, quæ sunt à Domino satis diserte prohibita. Nihil autem magis & de Apostolis dici potest: quibus nihil aliud propositum erat, offensionum materiam tollendo, quàm diuinam urgere legem, de uitanda offensione. ac si dixissent: Præceptum Domini est, ne fratrem infirmum lædatis. quæ idolis oblata sunt, suffocatum, & sanguinem, manducare non potestis, quin offendantur infirmi fratres. Edicimus igitur uobis in uerbo Domini, ne cum scandalo manducetis. Idq; ipsum spectasse Apostolos, Paulus optimus est testis. qui, certe non nisi ex concilij sententia, sic scribit: De escis quæ idolis immolantur, scimus, quia simulacrū nullum est in mundo. Quidam autem cum cōscientia idoli, quasi idolis immolatum, manducāt, & conscientia eorum infirma polluitur: uidete ne facultas ista uestra, offendiculum fiat infirmis. Cui istæc probe perpensa fuerint, ei posthac fucus non fiet: qualem faciunt, qui suæ tyrannidi Apo-  
F 3 stolos

1. Cor. 8

stolos prætexūt, ac si ecclesiæ libertatē suo decreto infringere cœpissent. Tametsi non omnia diximus, quæ huc adferri poterāt: & ea quoq; ipsa, quæ diximus, paucissimis perstricta sunt: sic tamē debellatum esse confido, ut nihil iam sit, cur quisquam ambigat, spirituales potestates, qua Papa cum toto suo regno superbit, impiam esse contra Dei uerbum, ac iniustam in Dei populum tyrannidem. Ac spiritualis quidem potestatis nomine, complectimur & audaciam, quam usurparunt in ferendis nouis doctrinis, quibus miseram plebē à germana simpliciq; uerbi Dei puritate prorsus auertunt: & in ferendis nouis legibus licentiam, quibus infelices conscientias crudeliter uexarunt: & totam deniq; ecclesiasticam (ut uocant) iurisdictionem, quam per suffraganeos & officiales exercent. Nam si Christum inter nos regnare permittimus, totum istud dominationis genus euertitur facile ac prosternitur. Alterum dominationis genus, quod possessionibus & latifundijs continetur, quia in conscientias non exercetur, tractare præsentis negocij non est. Qua tamen etiam in parte animaduertere operæ precium est, sui semper esse similes: nihil scilicet minus, quàm quod appellari uolunt, ecclesiæ pastores. Nec peculiaria  
hominum

hominum uitia, sed commune totius ordinis scelus, adeoq; ipsam ordinis pestem arguo: quando mutilus illis fore creditur, nisi opulentia & superbis titulis spectabilis fuerit. An uero iudiciorum cognitionibus, ciuitatumq; & prouinciarum administrationibus sese inuoluere, & occupationes à se alienas latissime amplecti, id episcoporum erat? quibus tantum in suo munere operæ ac negotij est, ut si illic toti assiduiq; sint, nec ullis auocamentis distrahantur, uix tamen sufficere queant. An in satellitij numero, ædium splendore, uestitus & epularum delitijs, principum lautitias æmulari eos decebat? quorum uitam oportuerat singulare frugalitatis, modestiæ, continentiæ, humilitatis esse exemplar. Quantum & ab eorum officio abhorrebat, quos æternum inuiolabileq; Dei edictum turpis lucri appetentes, aua  
1. Tim. 3  
rosq; esse uetat, & simplici uictu contentos esse iubet, non modo uicis & arcibus manum iniicere: sed in amplissimas quoq; satrapias inuolare. demũ, imperia ipsa occupare? Verum quando usque eò præfrecti sunt, ut tergiuersari etiamnum ausint, & iactare, ecclesiæ dignitatem non indecenter hac magnificentia sustineri, nec se interim à suæ uocationis munere nimium abstrahi: Quantum ad prius illud  
F 4 attinet,

attinet. si hoc decorum est suæ dignitatis ornamen-  
tum, eò fastigij euectos esse, ut summis quibusq; mo-  
narchis sint formidabiles, est cur cum Christo ex-  
postulent, à quo sunt grauitè eo modo inhonorati.

Matth. 20

Mar. 10

Luc. 22

Quid enim contumeliosius, eorum quidem opinio-  
ne, dici poterat istis uerbis? Reges gentium & prin-  
cipes dominantur illis: uos autem non sic. sed qui  
maior est in uobis, fiat sicut iunior: & qui princeps  
est, sicut qui ministrat. Quibus sanè longissimo  
interuallo, eorum ministerium ab omni mundi huius  
gloria & sublimitate diuisit. Alterum, uellem tam  
experimento probarent, quàm dictitare facile est.

Acto. 6

Atquæ cum Apostolis uisum non fuerit, derelicto  
Dei sermone, ministrare mensis: ex eo, quia do-  
ceri nolunt, conuincuntur, non eiusdem esse, &  
bonum episcopum præstare, & bonum principem.  
Nam si illi, qui pro gratiarum, quibus à Domino  
præditi erant, amplitudine, pluribus multò & gra-  
uioribus curis sufficere poterant, quàm ulli post eos  
nati homines: confessi sunt tamen, se uerbi & men-  
sarum ministerio incumbere simul non posse, quin  
oneri succumberent: quomodo isti, præ Apostolis  
nibili homunciones, possent eorum industriam cen-  
tuplo superare? Id quidem tentare, impudentissimæ,  
nimiumq;

nimumq; audacis cōfidentiae fuit. sed tamen factum est : quo successu, palam est. Neq; enim euenire aliter poterat, quàm ut deserta sua statione, in aliena castra commigrarent. Habuit pietatis studium quoddam Principum indulgentia, qui tantū facultatum ditandis episcopis impenderunt. sed non optime, hac prae-postera sua largitate, consuluerūt ecclesiae commodis : cuius antiquam ueramq; disciplinam sic corruerunt, & ( ut uere dicam ) penitus abolerūt. Qui uero tali Principum bonitate in suum commodum abusi sunt episcopi, hoc uno specimine edito satis superq; testati sunt, se minime esse episcopos. Deniq;, ut de utraq; iuxta potestate semel dicam : cum pro retinendis illis tam animose hodie contendunt, quid quærant, nihil obscurum est. spirituale regnum si ea conditione resignent, ut totum Christo cedat : nullum gloriae Dei, nullum sanæ doctrinae, nullum ecclesiasticæ salutis periculum uertitur. Hac etiam seculari si se abdicent, nihil periculi est, ne quid publico ecclesiae bono decedat. Sed una damnandi cupiditate cæci ac præcipites feruntur : quia nihil saluum esse putant, nisi cum austeritate ( ut Propheta ait, ) & cum potentia imperent.

At de ecclesiae patrimonio pauca hæc

iezech. 34

in transcurso dicta sint. Ad spirituale regnum, cuius hic locus proprius est, reuertor. In quo defendendo, ubi omnia rationis præsidia labascere sibi uidet, ad extremum illud miserumq; suffugium cōcedunt. Etiam si mente & consilio stupidi ipsi sint, animo uero & uoluntate nequissimi, manere tamen uerbum Domini, quod præpositis obedire iubet, etiam si iniquas & nimium duras leges ferant. Dominum

Matth. 23 tamen præcipere, ut faciamus quæcunq; dicunt scribæ & pharisæi, etiam dum onera importabilia alligant, quæ digito nolint tangere. Ita ne uero? At si nulla hæsitacione accipienda est quorumuis pastorum doctrina, quorsum attinebat, toties tamq; sollicite Domini uerbo nos admoneri, ne pseudoprophetarum aut pseudopastorum sermoni auscultare-

Iere. 23 mus? Nolite, inquit Dominus, audire uerba prophetarum, qui prophetant uobis. Vanitatem enim docent uos, & uisionem cordis sui loquuntur, non

Matth. 7 ex ore Domini. item: Cauete uobis a falsis prophetis, qui ueniunt ad uos in uestitu ouium, intrinsecus

1. Ioan. 4 autem sunt lupi rapaces. Frustra & Ioannes nos hortaretur, ut probemus spiritus, nunquid ex Deo

Gal. 1. sint. Cui iudicio ne angeli quidem eximuntur, ne-

Matth. 15 dum diaboli mendacia. Quid autem istud? Si cæcus

cæcum



cæcum ducat, ambo in foueam cadent. An non satis declarat, multum interesse, quales pastores audiantur: nec temere omnes audiendos? Quare non est quòd suis titulis nos absterreant, quo in participatione trahant suæ cæcitatis: cum uideamus contra, singularem Domino curam fuisse absterrendi nos, ne alieno errore duci pateremur, sub quacunque nominis larua lateat. Nam si uerum est uerbum Domini: cæci quoque duces, siue antistites, siue præsules, siue pontifices dicantur, nihil possunt, quam suos consortes in idem rapere præcipitium. Restat altera pars de legibus: quas, ut centies iniquæ sint nobis & iniuriæ, nulla tamen exceptione audiendas contendunt. Non enim hic agi, ut erroribus consentiamus: sed tantum, ut dura præfectorum imperia subditi perferamus, quæ detrectare non est nostrum. Verum hic quoque nobis optime, uerbi sui ueritate, succurrit Dominus: nosque à tali seruitute in libertatem uindicat, quam sacro suo sanguine nobis acquisiuit. Non enim, quòd malitiose fingunt, id solum agitur, ut grauem aliquam oppressionem in corpore nostro perferamus: sed ut conscientia, libertate sua, hoc est, sanguinis Christi beneficio spoliatae, seruiliter crucientur. Quanquam istud etiam, ac si  
parum

parum ad rem faceret, omitemus. At quanti putamus referre, suum Domino regnum eripi, quod tanta seueritate sibi asserit? Eripitur autem, quoties humanarum inuentionum legibus colitur. quando solus ipse cultus sui uult haberi legislator. Ac ne rem esse nihili quis existimet, audiant quanti reputetur à Domino. Quoniam, inquit, timuit me populus iste mandato & doctrinis hominum, ecce ego addam, & admirationem faciam ei, miraculo grandi, & stupendo Peribit enim sapientia à sapientibus eius, & intellectus prudentum abscondetur. alibi: Frustra me colunt, docentes doctrinas, præcepta hominum. Mirantur plerique, cur adeò acriter interminetur Dominus, se facturuum stupenda populo, à quo mandatis & doctrinis hominum colebatur: & se frustra coli pronunciat hominum præceptis. At si spectarent, quid sit in religionis, hoc est, cœlestis sapientiæ causa, à solo Dei ore pendere: simul uideret, non leuem esse rationem, cur peruersa huiusmodi obsequia sic abominetur Dominus, quæ pro humani ingenij libidine sibi præstantur. Nam tametsi speciem habent quandam humilitatis in sua hac obedientia, qui legibus in Dei cultum parent: minime tamen sunt coram Deo humiles, cui easdem præscribunt leges quas ipsi seruant.

Hæc

Ies. 4. 29

Matth. 17

Hæc uero ratio est, cur tam diligenter uult nos caue-  
 re Paulus, ne decipiamur per traditiones hominum, Coloß. 2  
 & illam, quam uocat ἐθελοθρησκεία, id est, uo-  
 luntarium cultum, & præter uerbum Dei ab homi-  
 nibus excogitatum. Sic est profecto. Stultescere, &  
 nostram nobis ipsis, & omnium hominum sapienti-  
 am oportet: quo solū illū sapere permittamus. Quam-  
 uiam minime tenent, qui confictis hominum arbitrio  
 obseruatiunculis, illi se approbare meditantur. Qua-  
 liter & aliquot antea seculis, & nostra memoria fa-  
 ctū est: & sit hodie quoq; in ijs locis, in quibus crea-  
 turæ plura est, quàm creatoris imperium. Vbi reli-  
 gio (si tamen religio uocari ea meretur) pluribus ma-  
 gisq; insulsis superstitionibus cōspurcata est, quàm  
 ulla unquā paganitas. Quid enim posset parere ho-  
 minū sensus, quàm carnalia fatuaq; omnia, & quæ  
 suos autores uere referant? Porro istud pessimum ac-  
 cedit: quòd ubi talibus uanis figmentis definiri reli-  
 gio semel cœpta est, peruersitatē illam perpetuo se-  
 quitur & altera execrabilis maledictio, quam Phari-  
 sæis Christus exprobrabat: Vt irritum fiat præce-  
 ptum Dei, propter hominum traditiones. Nolo iam  
 contra præsentis nostros nomothetas uerbis meis  
 pugnare. Vicerint sanè, si hæc Christi accusationem  
 in se

Math. 15

in se non competere excusare poterunt. Sed quomodo excusarēt? cum immenso apud eos sceleratius sit, auricularem confessionem, uertente anno, prætermisisse, quàm nequissimam uitam in solidum annum produxisse? linguam die ueneris infecisse modico carnis gustu, quàm totum corpus diebus omnibus scortationibus foedasse? manum die festo admouisse honesto operi, quàm pessimis facinoribus assidue exercere membra omnia? sacrificum legitimo uno cōubio copulari, quàm illigari mille adulterijs? uotiuam peregrinationem non persoluere, quàm in promissis omnib. fidē fallere? in prodigiosos, nec minus superuacuos ac inutiles tēplorū luxus nō aliquid profudisse: q̄ defuisse urgentissimis pauperū necessitatibus? idolum sine honore præteriisse, quàm hominum omne genus contumeliose tractasse? non demurmurasse certis horis longa sine sensu uerba, quàm ueram orationem animo nunquam cōcepisse? Quid est, irritum facere propter suas traditiones Dei præceptum: nisi hoc est? Cum obseruationē mandatorum Dei frigide tantum & defunctorie commendantes, suorū exactam obedientiam nihilo minus studiosè & anxie urgent, quàm si totam pietatis uim in se continerent. Cum diuinæ legis transgressionem

tionem leuibus satisfactionum mulctis ulciscetes,  
 unius sui decreti uel minimam offensionem nul-  
 la leuiore poena plectunt, quàm carcere, incen-  
 dio, aut gladio. In Dei contemptores non ita aspe-  
 ri & inexorabiles, suos contemptores implacabili  
 odio ad extremum persequuntur. Ac eos omnes  
 sic instituunt, quorum simplicitatem captiuam te-  
 nent: ut æquiore animo uniuersam Dei legem sub-  
 uersam uisuri sint, quàm apiculum in præceptis  
 ( ut uocant ) Ecclesiæ uiolatum. Primum, grauiter  
 in eo delinquitur, quod ob res leuiculas, & ( si  
 Dei iudicio staretur ) liberas, alter alterum con-  
 temnit, iudicat, abiicit. Nunc uero, quasi id pa-  
 rum mali esset, pluris appenduntur friuola illa hu-  
 ius mundi elementa ( ut Paulus Galatis scribens  
 nuncupat ) quàm cœlestia Dei oracula. Et qui pro-  
 pè in adulterio absoluitur, iudicatur in cibo. Cui  
 scortum permittitur, interdicitur uxor. Hoc scili-  
 cet præuaricatrice illa obedientia proficitur: quæ  
 tantum à Deo auertitur, quantum ad homines in-  
 clinat. Cur igitur ferri uoluit Christus onera illa  
 importabilia, quæ alligant scribæ & pharisæi? Imò,  
 cur alibi idem Christus cauere uoluit à fermento  
 pharisæorum? fermentum ( interprete Matthæo  
 Euangelista

Gala. 4.

Matth. 23

Matth. 16

Euangelista) appellans, quicquid propriæ doctrinæ uerbi Dei puritati admiscerent. Quid apertius uolumus, quàm quòd tota n eorum doctrinam iubemur fugere & cauere? Vnde nobis certissimum fit, neq; altero loco, Dominum suorum conscientias uoluisse proprijs pharisæorum traditionibus uexari. Et uerba ipsa (si non cōtorqueantur) nihil tale sonant. quibus Dominus, acerbe in pharisæorum mores inuehi instituens, simpliciter auditores antè suos erudiebat: ut quanquam nihil uiderent in eorum uita, quod sequerentur, non tamen ea facere desinerent, quæ uerbo docebant: cum in cathedra Moseh, hoc est, ad enarrandam legem sederent. Quando uero imperi plæriq; dum humanis traditionibus, & impie ligari fidelium conscientias, & frustra Deum coli audiunt, eadem litura leges omnes inducunt, quibus ecclesiæ ordo constituitur: illorum quoq; errori commodum hic occurrendū est. Falli hic sanè perquàm lubricum est: quia non prima statim facie apparet, quantum inter illas & has intersit. Sed nos ita dilucidare rem totā paucis expediemus, ne cui imponat similitudo. Hoc primum habeamus. si in omni hominum societate necessariam esse politiam aliquam uidemus, quæ ad alendam communem pacem, ac retinendam



nendam concordiam ualeat: si in rebus agendis aliquem ritū, qui ad publicā pertineat honestatem, atq; adeò humanitatē ipsam: id in ecclesijs præsertim obseruandū esse, quæ cū bene cōstituta rerū omnium cōpositione optime sustinentur, tum uero sine cōcordia nullæ sunt prorsus. Quāobrem, si ecclesiæ incolu mitati optime prospectū uolumus, diligēter omnino curandū est, ut (quod Paulus iubet) decēter omnia, **I. Cor. 14**  
& secundum ordinem fiant. At cum in hominum moribus tanta insit diuersitas, tanta in animis uarietas, tanta in iudicijs ingenijsq; pugna, neque politia ulla satis firma est, nisi certis legibus cōstituta: nec sine stata quadam forma, seruari ritus quispiam potest. Huc ergo quæ conducunt leges, tantum abest ut dānemus, ut his ablatis, dissolui suis neruis ecclesijs, totasq; deformari ac dissipari, contendamus. Neq; enim aliter haberi potest quod Paulus exigit, ut decēter omnia & ex ordine fiant: nisi additis obseruationibus, ceu uinculis quibusdam, ordo ipse & decorum consistat. Id tamen semper caute in istis obseruationibus excipiendum est, ne aut ad salutem credantur necessariae, ut conscientias religione obstringant: aut ad Dei cultum conferantur, ut in illis reponatur pietas, Quæ una ratio inter impias illas  
G consti-

constitutiones distinguit, quibus ueram obscurari religionem, & conscientias subuerti, dictum est: & legitimas ecclesiæ ordinationes, quibus ex his alterum semper esse propositū, nuper monuimus. aut ut ad decorum duntaxat pertineant, quò in fideiū cœtu peragantur omnia, quo decet ordine: aut ut ipsam hominum cōmunitatem, uelut quædam humanitatis uincula, retineant. Atquē ubi semel publicæ honestatis causa, posita lex intelligitur: iam sublata est superstio. in quā incidunt, qui humanis inuētis Dei cultum metiuntur. Rursum ubi ad cōmunem duntaxat hominum usum spectare cognoscitur, euersa est falsa illa obligationis & necessitatis opinio: quæ ingentem terrorem cōscientijs iniiciebat, cum putarentur traditiones ad salutem necessariae. siquidē hic nihil quæritur, nisi ut cōmuni officio alatur inter nos charitas. Prioris generis exempla sunt apud Paulum, ne

1. Cor. 11 & 14 mulieres in ecclesia doceant, ut uelatae procedant: Et in perpetuo uitæ usu spectari possunt. ut flexis genibus, nudoq; capite publice oremus: ne nuda hominum cadauera in foueam proijciantur: ne Domini sacramēta prophane & sordide administrentur: & quæ alia eodem pertinent. Quid? an in mulieris carbaso sita religio est, ut nudo capite egredi sit nefas?

an sa-

an sanctum de eius silentio decretum, quod uiolari sine summo scelere non possit? an aliquod in genæ flexione, aut tegendo cadauere mysteriũ, quod præteriri sine piaculo non possit? Minime. Nam si tali festinatione opus sit mulieri in iuuando proximo, quæ uelare caput non sinat: nihil delinquit, si aperto capite accurrat. & est, ubi loqui non minus opportunum illi sit, quàm alibi tacere. Stantem quoq; orare, qui morbo impeditus curuare genua nequit, nihil uetat. Deniq; satius est, mature humare mortuũ, quàm ubi linteum deest, expectare dum inhumatus putrescat. Sed est nihilominus in istis rebus, quod agendũ aut cauendum mos regionis, instituta, ipsa deniq; humanitas, et modestiæ regula dicet. Vbi si imprudentia & obliuione quid erratum fuerit, nullũ admissum crimen est: sin contemptu, improbanda est cõtumacia. Quòd si quis obstrepat, & plus sapere hic uelit quàm oportet, uiderit ipse, qua morositatem suam ratione Domino approbet. Nobis tamen istud Pauli satisfacere debet: nos contendendi morem non habere, neq; ecclesias Dei. In altero genere sunt horæ publicis precationibus, concionibus & baptismis præscriptæ: in ipsis concionibus, quies, ac silentium, loca destinata, hymnorum concentus, dies suscipien-

1. Cor. 14

de Domini coenae destinati, excommunicationum disciplina, & si qua alia sunt. Dies ipsi qui sint, et hora, quae locorum structura, qui quo die canantur psalmi, nihil interest. Verum et certos dies, & statas esse horas, conuenit, & locum recipiendis omnibus idoneum: si qua seruandae pacis ratio habetur. Nam quantarum rixarum semen, futura sit earum rerum confusio: si, prout cuique libitum sit, mutare liceat, quae ad communem statum pertinent: quando nunquam futurum est, ut omnibus idem placeat: si res uelut in medio positae, singulorum arbitrio relictæ fuerint.

Summa ergo diligentia incumbendum est, ne quis irrepāt error, qui purum hunc usum uel inficiat, uel obscurat. Quod quidem obtinebitur, si quaecumque erunt obseruationes, manifestam utilitatem prae se ferant: si parcissimae admittantur. potissimum uero, si accedet fidelis pastoris doctrina, quae prauis opinionibus uiam praecludat. Haec autem cognitio faciet, ut sua cuique nostrum in his rebus omnibus libertas constet: & quandam nihilominus suae quisque libertati necessitate ultro imponat, quatenus aut illud, quod diximus, *ἡ ἀγάπη*, aut charitatis ratio exiget. Deinde, ut & in earum obseruatione, nulla superstitione, uerser mur ipsi: nec morose nimium ipsam ab alijs requiramus,

mus: ne potio<sup>re</sup>m Dei cultum, ceremoniarum multitudine aestimemus: ne ecclesia ecclesiã ob externæ disciplinæ uarietate cõtemnat. Postremo, ut nullam hic perpetuã legem nobis statuentes, totum obseruationũ usum & finem, ad ecclesiæ ædificationẽ referamus: qua posulante, non modo mutari aliquid, sed quicquid antè in usu nobis obseruationũ fuerit, inuerti, nulla offensione, feramus. Hoc enim ferre interdũ temporũ rationẽ, ut ritus quosdã, nõ impios alioqui, nec indecoros, pro rei opportunitate abrogari conueniat, præsentì experimento est hæc ætas. Nam, quæ superiorum temporũ cæcitas fuit, & ignorantia, tã corrupta opinione, tamq; pertinaci studio antehac in ceremonijs hæserunt ecclesiæ, ut uix satis repurgari à prodigiosis illis superstitionibus queant, quin multæ ceremoniæ tollãtur, nec abs re olim forte institutæ, & nulla per se impietate aut uitio notabiles. quibus defendendis obstinate insistere, nocentissimum fuerit studium. Si quis enim ipsas per se censeri uelit, iam cõfessi sumus, nihil habere mali. At si suis circumstantijs aestimentur, apparebit tantum e ceremonariũ abusu hominũ animis errorẽ insedis-  
se, ut nõ facile emendari possit, nisi subductis e conspectu spectaculis, quæ nouam subinde errandi ma-

teriam suggerunt. Sic spiritus sancti testimonio laudatus est Ezechias, quod serpentem æneum exciderit, qui iussu Domini a Mose fuerat erectus: et quem in diuinum beneficij *μυσθός* *υπο* seruari malum non erat, nisi populi idololatriæ seruire cœpisset. Verum, cum rationem corrigendæ impietatis aliam optimus rex non haberet, nō minore causa confregit, quàm à Mose erectus fuerat. Sunt enim curanda peruersa hominū iudicia, non secus ac ægri collapsi q; stomachi: quibus cibi coctione paulum difficiles adimuntur, qui sanis innoxij futuri erant. Porro, cum duplex in homine regimen superius statuerimus, & de altero illo, quod in anima, seu interiori homine residet, æternamq; uitā respicit, satis iā multa uerba fecerimus: de altero etiā, quod ad instituendā ciuilem duntaxat externamq; morum iustitiā pertinet, non nihil ut differamus, locus hic appetit. Principio, antequam in rem ipsam ingredimur, tenenda illa est distinctio antè à nobis posita, ne (quod multis uulgo accidit) hæc simul duo imprudenter permisceamus, quæ diuersam prorsus rationē habent. Illi enim cum in Euangelio promitti libertatem audiunt, quæ nullum inter homines regem, nullumq; magistrū agnoscat, sed in Christū unum intueatur: nullū libertatis suæ



suæ fructum capere se posse putāt, quāmdiu aliquam  
 supra se eminere potestatem uident. Itaq; nihil fore  
 saluum existimant, nisi totus in nouā faciem orbis  
 reformetur: ubi nec iudicia sint, nec leges, nec magi  
 stratus, & si quid simile est quod officere suæ liber  
 tati opinātur. At uero, qui inter corpus & animam,  
 inter præsentem hāc fluxamq; uitā, & futurā illam  
 æternamq;, discernere nouerit: neq; difficile intelli  
 get, spirituale Christi regnum, & ciuilem ordinatio  
 nem, res esse plurimū sepositas. Cum ergo Iudaica  
 illa sit uanitas, Christi regnum sub elementis huius  
 mundi quærere ac includere: nos magis, quod perspi  
 cue scriptura docet, spiritualesse fructū cogitan  
 tes, qui ex Christi beneficio colligitur, totam hanc  
 libertatē, quæ in ipso nobis p̄mittitur atq; offertur,  
 meminerimus intra suos fines cōtinere. Nā quid est,  
 q̄ ipse idē Apostolus, q̄ iubet ut stemus, nec subiicia  
 mur iugō seruitutis: alibi sollicitos esse seruos de statu  
 suo uetat? nisi q̄a spiritualis libertas cū politica serui  
 tute optime stare potest? In quē etiā sensum accipien  
 dæ sūt istæ eius sententiæ: In regno dei nō est Iudæus,  
 neq; Græcus, nō masculus, aut fœmina, non seruus  
 aut liber. itē: Nō est Iudæus, nec Græcus, præputiū,  
 circūcisio, barbarus, scytha, seruus, liber, sed omnia

Galat. 3

Gal. 3

1. Cor. 7

Coloss. 3

in omnibus Christus. Quibus significat, nihil referre, qua sis apud homines conditione, cuius gentis legibus uiuas: quādo in rebus istis minime sitū est Christi regnum. Neq; tamen eò ista distinctio pertinet, quo totā politiæ rationem, rem esse pollutā reputemus, ad homines Christianos nihil pertinentē. Sic

Coloss. 2

quidem phanatici nōnulli iactant. Postquam mortui sumus per Christū elementis huius mundi, & translati in regnū Dei, sedemus inter cœlestes: indignum hoc nobis esse, ac infra nostram excellentiam longe positū, pphanis istis ac impuris curis occupari, quæ circa aliena à Christiano homine negocia uersantur. Quorsum, inquiūt, leges sine iudicijs & tribunalibus? Quid autē cum iudicijs ipsis, homini Christiano? Imò si occidere nō licet, quò nobis leges et iudicia? Verum, ut distinctum istud regiminis genus, à spiritali illo & interno Christi regno, nuper monuimus: ita nec quicquā pugnare, sciendū est. Nam illud quidem, initia cœlestis regni quædam iam nūc super terram, in nobis inchoat: & in hac mortali euanidaq; uita, immortalem & incorruptibilem beatitudinem quodāmodo auspiciatur. At huic destinatum est, quamdiu inter homines agemus, uitam nostram ad hominum societatem componere, ad ciui-

lem

lem iustitiam mores nostros formare, nos inter nos conciliare, communem pacem ac tranquillitatem alere ac tueri. Quæ omnia superuacua esse fateor, si præsentem uitam extinguit regnū Dei, quale nunc intra nos est. Sin ita est uoluntas Domini, nos, dum ad ueram patriam adspiramus,, peregrinari super terram: eius uero peregrinationis usus, talibus subsidijs indiget: qui ipsa ab homine tollunt, suam illi eripiunt humanitatem. Nam quòd tantam in ecclesia Dei perfectionem debere esse causantur, cui sua pro lege moderatio satis sit: eam stolide ipsi imaginantur, quæ in hominum cōmunitate reperiri nunquā possit. Cum enim tanta sit improborum insolentia, nequitia tam contumax, quæ multa legum seueritate coërceri uix possit: quid facturos expectemus, si patere suæ improbitati uideant impunitam licentiam? qui ne male faciant, neq; ui satis coguntur. Sed de politicæ usu erit alius opportunior dicendi locus. Nunc istud tantū intelligi uolumus: de ea exterminanda cogitare, immanem esse barbariem. cuius usus non minor inter homines, quàm panis, aquæ, solis & aëris: dignitas quidem multò etiā præstantior. Non enim (quæ illorum omnium cōmoditas est) huc spectat dūtātaxat, ut spirent homines, edant, bibant, fouean-

tur (quanquam hæc certe omnia complectitur, dum efficit ut simul uiuant.) non tamen, inquam, huc spectat solum: sed ne idololatria, ne in Dei nomen sacrilegia, ne aduersus eius ueritatem blasphemiae, aliaq; religionis offensiones publicæ emergant, ac in populo spargantur: ne publica quies perturbetur, ut suum cuiq; saluū sit & incolume, ut innoxia inter se commercia homines agitent. deniq; ut inter Christianos publica religionis facies existat, inter homines constet humanitas. Nec quenquam moueat, quòd rectè constituendæ religionis curam, ad hominum politiam nunc refero, quam extra hominum arbitrium posuisse supra uideor. Siquidẽ nihilo hic magis quàm antea, leges de religiõe ac Dei cultu hominibus suo arbitrio ferre permitto: cum politicā ordinationem probo, quæ in hoc incūbit, ne uera religio, quæ Dei lege continetur, palàm, publicisq; sacrilegijs, impune uioletur ac conspurcetur. Verum ipsa ordinis perspicuitate adiuti lectores, melius, quid de toto genere politicæ administrationis sentiendum sit, assequentur: si eius partes seorsum pertractemus. Sunt autem tres: Magistratus, qui præses est legum ac custos: Leges, secundū quas ipse imperet: Populus, qui legibus regatur, et magistratui pareat. Videamus ergo primū  
de ipsa

de ipsa magistratus functione, num legitima sit ac Deo probata uocatio, quale officiũ, quãta potestas. deinde, quibus instituenda sit legibus Christiana politia. tum postremo, quis legum usus ad populum redeat, quæ magistratui obedientia debeatur. Magistratum functionem nõ modo sibi probari, acceptamq; esse, testatus est Dominus: sed honorificentissimis insuper elogijs eius dignitatẽ prosecutus, mirifice nobis commendauit. Vt pauca commemorem: Quod dii nuncupantur, quicumq; magistratum gerunt, ne in ea appellatione leue inesse momentũ quis putet. qua significantur, mandatum à Deo habere, diuina autoritate præditi: ac omnino Dei personam sustinere, cuius uices quodãmodo agũt. Nõ meũ hoc est cauillũ: sed Christi interpretatio. si scriptura, inquit, eos uocauit Deos, ad quos uerbũ Dei factum est. Quid hoc est, nisi demandatum illis esse à Deo negociũ, ut illi in suo munere seruiãt? & (quod iudicibus suis dicebant Moses & Iosaphat, quos per singulas ciuitates Iehuda cõstituebant) iudicium exercent, non pro homine, sed pro Deo? Eodẽ pertinet, q̃ sapientia Dei per os Solomonis affirmat, suũ esse opus, q̃ reges regnant, & consiliarij decernũt iusta: quod principes principatum gerunt, & munifici omnes

Ioan. 10

Deut. 1

1. Paral. 1

Prouer. 1

omnes iudices terræ. Perinde enim istud ualet, ac si dictum esset, non humana perversitate fieri, ut penes reges & præfectos alios sit in terris rerum omnium arbitrium, sed diuina providentia & sancta ordinatione: cui sic uisum est res hominum moderari.

**Rom. 12** Quod & Paulus aperte docet, dum præfecturas inter Dei dona enumerat, quæ, secundum gratiæ diuersitatem uarie distributa, à seruis Christi in ædificationem ecclesiæ conferri debeant. Multo uero clarius, ubi iustam ea de re disputationem instituit.

**Rom. 13** Nam & potestatem, Dei ordinationem esse tradit: nec potestates esse ullas, nisi à Deo ordinatas. Ipsos autem principes, ministros esse Dei, bene agentibus in laudem, malis ad iram ultores. Huc accedunt & sanctorum uirorum exempla: quorum alij regnis, ut David, Iosias, Ezechias: alij satrapijs, ut Ioseph, & Daniël: alij ciuilibus præfecturis in libero populo, ut Moses, Iosuah, & Iudices, functi sunt. quorum functiones sibi probatas esse, Dominus declarauit. Quare nulli iam dubium esse debet, quin ciuilis potestas, uocatio sit, non modo coram Deo sancta & legitima: sed sacerrima etiam, & in tota mortalium uita longe omnium honestissima. Quæ cogitatio magistratus ipsos assidue exercere debet. quan-  
do ingen-



do ingentem illis stimulum addere, quo ad officium excitentur: & singularem consolationem adferre potest, qua muneris sui difficultates (quæ multæ certe & graues sunt) leniant. Quantum enim integritatis, prudentiæ, mansuetudinis, continentiæ, innocentiae studium sibiipsis imperare debent, qui diuinæ iustitiæ ministros se constitutos esse norunt? Qua fiducia iniquitatem in tribunal suum admittent, quod Dei uiuentis thronum esse audiunt? Qua audacia iniustam sententiam pronuntiabunt eo ore, quod diuinæ ueritatis designatum esse organum intelligunt? Quæ conscientia in impia decreta subscribent eam inu, quam ad præscribenda Dei acta sciunt ordinatam? In summa: si se Dei uicarios esse meminerint, omni cura, sedulitate, industria inuigilent oportet, quæ hominibus quandam diuinæ prouidentiae, custodiæ, bonitatis, beneuolentiæ, iustitiæ, imaginem in se repræsentent. Ac perpetuo illud sibi subiiciant maledici omnes, qui opus Dei faciunt in dolo. Itaque cum suos iudices ad officiũ cohortari uellent Moses & Iosaphat, nihil habuerunt efficacius, quo illorum animos afficerent, quàm quod prius retulimus. Videte quid agatis. non enim pro homine exercetis iudicium, sed pro Deo: quippe qui iuxta uos est in causa iudicij.

Iere 48

Deut. 1

Para. 19

Psal. 82

dicij. Nūc igitur sit pavor Domini super uos. Videte,  
 & agite: quoniam non est ulla peruersitas apud Do-  
 minum Deū nostrum. et alio loco dicitur: Deum ste-  
 tisse in synagoga deorum, & in medio deorum iudi-  
 cem agere. quo ad officiū animētur, dum docentur,  
 Dei se legatos esse, cui administratæ prouinciæ ratio-  
 nem sint reddituri. Et merito apud eos plurimū hæc  
 admonitio ualere debet. Nā si qd delinquiūt, nō ho-  
 minib. modo sunt iniuri, quos scelerate uexāt: sed  
 in Deū quoq; ipsum cōtumeliosi, cuius sacrosancta  
 iudicia polluant. Rursum habent & unde se præcla-  
 re consolentur, dum secum reputant, non in prophā-  
 nis, nec à seruo Dei alienis occupationibus uersari,  
 sed sanctissimo munere. quippe qui Dei legatione  
 fungantur. Qui uero non mouentur tot scripturæ  
 testimonijs, quo minus sacrum hoc ministerium in-  
 sectari ausint, quasi rem à religione & pietate Chri-  
 stiana abhorrentem: quid aliud quàm Deum ipsum  
 suggillant? cuius ignominia, cum ministerij sui pro-  
 bro non esse coniuncta non potest. Ac prorsus non  
 magistratus reprobāt, sed Deū abiiciunt, ne super se  
 regnet. si enim istud uere de populo Israēl à Domi-  
 no dictū est, quod Samuelis imperiū detractassent:  
 quī minus uere hodie de his dicitur, qui in præfectu-  
 ras omnes à Deo institutas debacchari sibi permit-

1. Reg. 8

tūt? At cū discipulis dictū est à Domino, Reges gen- Luc. 22  
 tium dominari illis, inter ipsos uero non ita esse: ubi  
 qui primus sit, fieri minimū oporteat. hac uoce in-  
 terdictum est Christianis omnibus, ne regna aut  
 præfecturas capeffant. O dextros interpretes. Inter  
 discipulos orta erat contentio, quis aliū præcelleret.  
 hanc uanam ambitionem ut comperceret Dominus,  
 eorum ministeriū non esse regnis simile docuit, in  
 qbus inter cæteros unus eminet. Quæ collatio, quid  
 quæso ad ignominiā regiæ dignitatis facit? imò quid  
 omnino euincit, nisi regiū munus, apostolicū nō esse  
 ministeriū? Præterea, inter ipsos magistratus tamet  
 si uariæ sunt formæ, nullū tamē discrimē hac in par-  
 te est, qn p Dei ordinationib. suscipiendæ à nobis o-  
 mnes sint. Nā et omnes simul cōplectitur Paulus, cū Rom. 13  
 ait, nō esse potestātē nisi à Deo. & quæ omniū mini-  
 me arridebat, eximio præ alijs testimonio cōmēdata  
 est. nēpe, unius potestas: quæ qā publicā omniū serui-  
 tutē secū fert, excepto uno illo, cuius libidini omnia  
 subijcit heroicis et excellētiorib. ingenijs minus olim Pro. 8. 24  
 appbari potuit. At scriptura, quo miqs istis iudicijs 1. Pet.  
 occurrat, diuinæ sapiētiae puidētiā esse nominatim  
 affīrmat, q reges regnāt: et peculiariter regē hono-  
 rari præcipit. Et sanē ualde otiosum est, qs potissi-  
 mus sit politiæ status, à priuatis hominib. disputari

quibus de constituenda re aliqua publica deliberare non licet: tum etiā simpliciter id definiri nisi temere non potest, cum præcipua huius disputationis ratio in circumstantijs posita sit. & si ipsos etiam status ci- tra circumstantias inter se compares, non facile sit di- scernere, quis utilitate præpöderet: adeo æquis con- ditionibus contendunt. Procliuius est à regno in ty- rannidem lapsus. sed non multo difficilior, ab opti- matum potestate in paucorum factionem. Multo ue- ro facillimus, à populari dominatione in seditionem. Quod si non in unam duntaxat ciuitatē oculos defi- gas, sed uniuersum simul orbē circumspectas ac con- templeris, uel aspectum in longiora saltem regionum spacia diffundas: comperies profecto, diuina proui- dentia illud non abs re comparatum, ut diuersis politijs regiones uaricæ administrarētur. Nam quem admodum non, nisi inæquali temperatura, elementa inter se cohærent: ita hæc sua quadam inæqualitate optime cōtinētur. Quanquam hæc etiam omnia fru- stra his dicuntur, quibus Domini uoluntas satisfaci- et. Nam si illi uisum est, reges regnis præficere, libe- ris ciuitatibus senatus aut decuriones: quoscunq; lo- cis præfecerit, in quibus degimus, nostrum est, ijs nos morigeros ac obediētes præstare. Iam officium  
magi-

magistratum quale uerbo Dei describatur, ac quibus in rebus situm, obiter hoc loco indicandum est. Regibus denunciat Ieremias, ut faciant iudicium et iustitiam, liberent ui oppressum de manu calumniatoris, peregrinum & uiduam & pupillum ne contristent, neq; iniuriam faciant, & sanguinem innocentem ne effundant. Moses uero principibus, quos in uices suas suffecerat, edicit: audiant causam fratrum suorum, & iudicent inter uirum, & fratrem eius, & peregrinū. neq; facies agnoscant in iudicio, tam paruum quàm magnum audiant, neq; timeant ab ullo uiro: quia iudiciū Dei est. Illa autē omitto, Ne multiplicent sibi æquos reges, ne ad auaritiā adijciāt animū, ne eleuentur super fratres suos, ut in meditanda lege Domini sint assidui cunctis diebus uitæ suæ: ne iudices quiuis declinent in alteram partem, ne munera accipiant. & quæ passim in scripturis similia leguntur. Quoniam, in exponendo hic magistratum officio, non tam magistratus ipsos instituere consilium est, quàm alios docere, quid sint magistratus, & quem in finem à Deo positi. Videmus ergo publicæ innocētiae, modestiae, honestatis, ac tranquillitatis protectores statui ac uindices, quibus studiū unū sit, cōmuni omnium saluti ac paci prospicere. Id uero

H cum

Iere. 22

Deut. 1

Deut. 17

Deut. 16

cum præstare nõ possint, nisi uiros bonos ab impro-  
 borum iniurijs prohibeant, oppressis adsint ope ac  
 Rom. 13 præsidio: potestate armati sunt, qua palàm maleficos  
 ac facinorosos ( quorum nequitia perturbatur ac  
 exagitatur publica quies ) seuerè coërceāt. Siquidem  
 id prorsus experimur, quod dicebat Solon: præmio  
 & pœna res omnes publicas consistere. ijs sublatis,  
 totam ciuitatum disciplinam collabi ac dissipari. Fri-  
 get enim in multorum animis æqui iustiq; cura, nisi  
 uirtuti paratus sit suus honos: nec contineri scelera-  
 torum hominum libido, nisi seueritate ac pœnarum  
 animaduersione, potest. Atq; hæ duæ partes com-  
 prehensæ sunt à propheta, dum reges aliosq; præse-  
 ctos iubet facere iudicium & iustitiam. Iustitia qui-  
 dem est, innocentes in fidem suscipere, complecti,  
 tueri, uindicare, liberare. Iudicium autem, impiorum  
 audaciæ obsistere, uim comprimere, delicta punire.  
 Matth. 5  
 Exod. 20 Verum ardua hic, ut uidetur, & difficilis nasci-  
 Deut. 5 tur quæstio. Si lege Dei occidere Christiani omnes  
 Iesa. 11. 65 uetantur, & propheta de mōte sancto Dei, hoc est,  
 ecclesia, uaticinatur, quòd non affligent in ea, neq;  
 nocebunt: quomodo magistratibus, & pijs simul, et  
 sanguinarijs esse liceat? At si intelligamus, magistra-  
 tum in exercendis supplicijs nõ à se agere quicquā,  
 sed



sed ipsissima Dei iudicia exequi, nihil hoc scrupulo impediemur. Occidere lex Domini prohibet. at ne impunita sint homicidia, gladium in manum suis ministris dat Dominus, quem in homicidas omnes exerant. Affligere & nocere, piorum nō est. atquē hoc nō nocere est, nec affligere: piorum afflictiones, Domini mandato, ulcisci. Vtinam istud semper animis nostris obuersaretur, nihil hic hominis temeritate, sed Dei iubentis autoritate omnia fieri: qua praeunte, à recta uia nunquam aberratur. nisi forte diuinæ iustitiæ iniectum est frenum, ne de sceleribus pœnas sumat. Quod si illi legem dicere fas non est, cur eius ministris calumniam intendamus? Non frustra: gladium gerunt, inquit Paulus, nam Dei ministri sunt, Rom. 13 ad iram, ultores male agentibus. Itaq; si nihil Domino sua obedientia fore acceptius norunt Principes, aliq; præfecti: in hoc ministeriū incumbant, si suam Deo pietatem, iustitiam, integritatem, approbare student. Hoc scilicet affectu agebatur Moses, cum se destinatum populi sui liberatorem, Domini uirtute cognoscens, Aegypto manus intulit. Deinde, cum cæ Exod. 2 sis uno die tribus hominum milibus, in populi sacrilegium uindicauit. David quoq; cum sub uitæ suæ finem Exo. 1. 32 Solomonī filio præcepit, de occidendo Ioab

& Semei. Quomodo lene illud et placidū Mose ingenium in tantā truculentiā exardet, ut fratrum suorum sanguine aspersus ac madidus, per castra decurrat ad nouas strages? Quomodo Dauid, tanta in omni uita mansuetudine uir, cruentum illud testamen-

3. Reg. 2. tum inter ultimos spiritus nuncupat, ne filius suus canitiem Ioab & Semei in pace ad sepulchrū deducat?

Verū uterq; manus suas, quas parcendo inquinasset, sic sæuiendo sanctificauit: dum ultionem sibi à Deo cōmissam exequutus est. Abominatio est apud reges

Proue. 16 inquit Solomo, facere iniquitatē: quoniam iniustitia

20 solium firmatur. rursus: Rex, qui sedet in solio iudi-

Eod. cij, spargit oculos in omne malum. item: Dissipat impios rex sapiens, & conuertit eos super rotam.

25 item: Aufer scoriam ab argēto, et egredietur uas conflatori: aufer impium à conspectu regis, & statuatur in iustitia solium eius. Nunc si uerā eorum est iustitia, stricto gladio fontes et impios persequi, gladium recondant, & puras à sanguine manus contineant, dum perditī homines nefarie per cædes interim & strages grassantur: summa sese impietate obstringēt. tantum abest, ut bonitatis & iustitiæ laudem inde referant. Faceſſat modo abscissa sæuaq; asperitas, et tribunal illud, quod reorū scopulus iure nominetur.

Non

Non enim is sum, qui aut importunæ scuitiæ faueā: aut æquum iudicium pronunciari posse censeam, nisi semper assidente optima illa regum consiliaria, & certissima (ut Solomo affirmat) regij throni cōserua- Prouer. 20  
trice, Clementia: quam primā esse principū dotem, uere à quodam olim dictum est. Vtrunq; tamen magistratui uidendum, ne, aut nimia seueritate uulneret magis, quàm medeatur: aut superstitiosa clementiæ affectatione, in crudelissimam incidat humanitatem, si molli dissolutaq; indulgentia, cum multorum pernitie diffluat. Est enim & istud non abs re quondam sub Neruæ imperio iactatum: Malum quidem esse, sub principe uiuere, sub quo nihil liceat: sed multo peius, sub quo liceant omnia. Quando uerò regibus populisq;, ad exercendā huiusmodi publicam uindictam, arma capere interdū necesse est: ex hac ratione simul æstimare licet, legitima esse, quæ sic suscipiuntur, bella. Nam si tradita illis est potestas, qua ditionis suæ quietem tueantur, qua inquietorum hominum seditiosos motus comprimant, qua ui oppressis opitulentur, qua in maleficia animaduertant: an maiore opportunitate proferre eam possint, quàm ad compescendum eius furorem, à quo & priuatum singulorum ocium, & cōmunis omnium tranquillitas

perturbatur? qui seditiose tumultuatur: à quo uiolen-  
 tæ oppressiones, & indigna maleficia perpetrantur?  
 si legum custodes esse ipsos, & assertores cōuenit:  
 omnium conatūs pariter euertant oportet, quorum  
 scelere, legū disciplina corrumpitur. Imò si iure eos  
 latrones plectūt, quorum iniuriæ in paucos tantum  
 progressæ fuerint: an totam latrocinij regionem im-  
 pune affligi uastariq; sinent? Siquidē nihil interest,  
 rex ne sit, an infima de plebe, qui in alienam regio-  
 nem, in quam iuris nihil habet, irruit, eamq; hostili-  
 ter uexat. omnes æque pro latronibus habēdi sunt,  
 & puniendi. Verum magistratum omnium fuerit,  
 summopere hic cauere, ne cupiditatibus suis uel tan-  
 tillum obsequantur. quin magis, siue expetendæ  
 sunt pœnæ, non præcipiti iracundia ferantur, nō ra-  
 piantur odio, non implacabili austeritate ardeant, mi-  
 serentur etiam cōmunem in eo naturam ( ut Augu-  
 stinus loquitur: ) in quo puniūt propriū delictum. si-  
 ue arma in hostem, hoc est armatum latronem indu-  
 enda sunt, non ex facili occasionē captent: imò nec  
 oblatam accipiant, nisi summa necessitate adacti.  
 Nam si multò plus nobis præstandū est, quàm exe-  
 gerit ethnicus ille, qui bellū uideri uoluit pacem quæ-  
 sitam: omnia prius certe tentanda sunt, quàm armis  
 decer-

decernendum. In utroq; demum genere, nullo priuato affectu patiantur se corripì, sed publico duntaxat sensu ducantur. Alioqui, potestate sua pessime abutuntur: quæ non in suum illis cōmodum, sed aliorum bonum ac ministerium data est. Ex eodem præterea belligeradi iure pendet & præsidiorū, & fœderum, & ciuiliū aliarū munitionū ratio. Præsidia autem uoco, quæ ad tuendos regionis fines, per ciuitates disponuntur: Fœdera, quæ à finitimis principibus in hanc legem feriuntur, ut si quid turbarum in agris suis inciderit, mutuā sibi opem ferāt, & uires in comune conferāt, ad opprimēdos humani generis communes hostes: Ciuiles munitiones, quarū in arte militari usus est. Libet istud quoq; postremò adijcere, tributa & uectigalia, legitimos esse principum reditus: quos ad sustinenda quidem potissimū publica muneris sui onera conferant. quibus tamen uti similiter possint, ad splendorē suum domesticū: qui cum imperij, quod gerunt, dignitate quodāmodo coniunctus est. Qualiter Dauidem, Ezechiah, Iosiah, Iehosaphah, aliosq; sanctos reges: Ioseph etiā, & Daniel, uidemus pro personæ, quam sustinebant, modo, in offensa pietate, fuisse ex publico sumptuosos. & amplissimū agri spaciū regibus attributū, legimus apud

zech. ult. Iezechielem: sic tamen, ut uicissim meminérint principes ipsi, fiscos suos non tam priuatas esse arcas, & totius populi æraria (sic enim Paulus testatur:) quæ prodigere aut dilapidare, sine manifesta iniuria, non possint. Vel potius, ipsum penè esse populi sanguinè, cui non parcere, dirissima sit inhumanitas. suas autè indictiones, & oblationes, aliâq; tributorum genera, non nisi publicæ necessitatis subsidia esse, reputent: quibus miseram plebem absq; causa fatigare, tyrannica sit rapacitas. Hæc principibus ad profusionem & luxuriosos sumptus non faciunt animos (ut certè facem eorum cupiditatibus, plus iusto sponte accensis, subijcere opus nō est: ) sed cum plurimū referat, ipsos, pura coram Deo conscientia, audere quicquid audent, ne impia confidentia in Dei contemptū ueniant, docendi sunt, quantum sibi liceat. Neq; hæc doctrina priuatis hominib. superuacua est: ne quouis principū sumptus, tametsi uulgarè ciuilemq; modum excedunt, temere ac procaciter suggillare sibi permittant. Proximæ sunt magistratui in politijs leges, ualidissimi rerum publicarum nerui: uel (quomodo à Cicerone uocatur) animæ, sine quibus consistere nequit magistratus: quemadmodum nec ipsæ rursum sine magistratu. Proinde nihil dici uerius poterat,



terat, quàm mutum esse magistratum, legem: magistratum, legem esse uiuam. Quòd autem dicturū me recepi, quibus legibus constituenda sit Christiana politia: nō est cur longā de optimo legum genere dissertationē quis expectet, quæ et immensa foret, nec præsentis esset argumenti. Paucis tantū, & quasi intranscursu, notabo, quibus legibus pie corā Deo uti possit, et inter homines rite administrari. Quod etiā ipsum prorsus silentio transmisissem, nisi intelligerē, periculose hic à multis aberrari. Sunt enim qui recte compositam esse rempublicam negent, quæ, neglectis Mose politicis, cōmunibus gentiū legibus regitur. Quæ sententia q̄ periculosa sit & turbulenta, uiderint alij. mihi falsam esse & stolidā, demonstrasse satis erit. Est autem obseruanda uulgata illa partitio, quæ uniuersam Dei legē, per Moysen administratam, in mores, ceremonias, iudicia, distribuit. ac difficiendæ singulæ partes: ut habeamus, quid ex ijs ad nos pertineat, quid minus. Nec interim quēpiam moretur hic scrupulus, quòd ad mores etiam iudicia & ceremoniæ pertinent. Veteres enim, qui partitionem hanc tradiderunt, tametsi duas istas posteriores partes non ignorabant circa mores uersari: quia tamen saluis moribus mutari & abrogari pote

H. 5 rant,

rant, morales non dixerunt. primam illam partem peculiariter appellarūt eo nomine, citra quam non constet uera morum sanctitas. Lex itaq; moralis (ut inde primum incipiamus) cum duobus capitibus cōtineatur, quorū alterū, pura Deū fide & pietate colere, alterum syncera homines dilectione complecti simpliciter iubet: uera est æternaq; iustitiæ regula, gentium omnium ac temporum hominibus præscripta, qui ad Dei uoluntatem uitam suam componere uolent. Siquidem hæc æterna est & immutabilis eius uoluntas, ut à nobis ipse quidem omnibus colatur: nos uero mutuo inter nos diligamus. Cere-

**Gal. 3. 4** monialis, Iudæorum pædagogia fuit: qua populi illius quandam uelut pueritiam exercere Domino uisum est, donec ueniret tempus illud plenitudinis, quo sapientiam suam terris ad plenum manifestaret, ac ueritatē exhiberet earū rerū, quæ tum figuris adumbrabantur. Iudicialis, politiæ loco illis data, certas æquitatis & iustitiæ formulas tradebat, quibus innocenter & quiete inter se agerent. Atq; ut illa ceremoniarum exercitatio ad pietatis quidem doctrinā proprie pertinebat (utpote quæ Iudæorū ecclesiam retinebat in Dei cultu ac religione) ab ipsa tamē pietate distinguī poterat: ita hæc iudiciorum forma (quanq̃ non aliò

aliò spectabat, q̃ qui optime seruari posset ea ipsa  
charitas, quæ æterna Dei lege præcipitur) ab ipso ta-  
men dilectionis præcepto distinctũ quiddã habebat.  
Quemadmodum ergo, salua et incolumi pietate, ab-  
rogari potuerunt ceremoniæ: ita & iudiciarijs his  
cõstitutionibus sublatis, perpetua charitatis officia,  
& præcepta manere possunt. Quod si uerũ est, li-  
bertas certe singulis gentibus relicta est condendi,  
quas sibi conducere prouiderint, leges: quæ tamen  
ad perpetuam illam charitatis regulam exigantur, ut  
forma quidem uariant, rationem habeant eandem.  
Nam barbaras illas & feras leges ( quales fuerunt,  
quæ fures honore prosequabantur, quæ promiscuos  
coitus permittebant, aliæq; multò tũ scediores, tum  
absurdiores ) pro legibus habendas minime censeo.  
quandoquidẽ abhorrent ab omni, nõ iustitia modo,  
sed humanitate etiã & mansuetudine. Id quod dixi  
planum fiet, si in legibus omnibus duo hæc ( ut de-  
cet ) intueamur: Legis constitutionem, & æquita-  
tem, cuius ratione constitutio ipsa nititur. Aequitas,  
quia naturalis est, non nisi una omnium esse po-  
test. ideo & legibus omnibus, pro negocij gene-  
re, eadem proposita esse debet. Constitutiones,  
quia circumstantias adnexas habent, à quibus pro  
parte

parte pendeant : modo in eundem æquitatis scopum omnes pariter intendant, diuersas esse nihil obest. Iam cum Dei legem, quam moralem uocamus, constat non aliud esse, quàm naturalis legis testimonium, & eius conscientiae, quæ hominum animis à Deo insculpta est : tota huius, de qua nunc loquimur, æquitatis ratio in ipsa perscripta est. Proinde sola quoque ipsa legum omnium & scopus, & regula, & terminus sit, oportet. Ad eam regulam quæcunq; formatæ erunt leges, quæ in eum scopum directæ, quæ eo termino limitatæ : non est cur à nobis improbètur, utcunq; uel à lege Iudaica, uel inter se ipsæ aliàs differant. Lex Dei furari prohibet. quæ furtis constituta fuerit pœna in politia

**Exod. 22** Iudæorum, uidere est in Exodo. Aliarum gentium uetustissimæ leges furtum duplo puniebant. quæ postea secutæ sunt, discreuerunt inter manifestum, & nec manifestum. Aliæ ad exiliū progressæ sunt, aliæ ad flagrum, aliæ deniq; ad capitis supplicium. Falsum testimonium talionis pœna inter Iudæos ple-

**Deut. 19** tebatur : alibi graui tantum ignominia, alibi suspendio, alibi cruce. Homicidium omnes pariter leges sanguine ulciscuntur, diuersis tamen mortis generibus. In adulteros alibi seueriores, alibi leuiores

edictæ

edictæ sunt pœnæ. Videmus tamen, ut eiusmodi diuersitate in eundem omnes finem tendât. Nam, uno simul ore, pœnam pronuntiant in ea, quæ æterna Dei lege damnata sunt, facinora: nempe homicidia, furta, adulteria, falsa testimonia. sed in pœnæ modo non cõueniunt. Neq; uero id necesse est, neq; etiam expedit. Est regio, quæ nisi horrendis exemplis in homicidas sæuiat, cædibus statim & latrocinijs perdenda sit. Est seculũ, quod pœnarũ acerbitatẽ augeri postulet. Est gens in uitũ quoddã propẽsior, nisi accerrime cõpescatur. Quàm malignus fuerit is, ac publico bono inuidus, qui tali diuersitate offendatur, ad retinendam legis Dei obseruationem accommodatissima? Nam quod iactatur à quibusdã, fieri contumeliam legi Dei per Moſen latæ, cũ abrogata illa nouæ aliæ illi præferuntur, uanissimum est. neque enim aut aliæ illi præferũtur, dum magis probantur, non simplici collatione: sed temporum, loci, gentis, conditione. Aut illa abrogatur, quæ nobis lata nunquàm fuit: siquidem non eam Dominus per manum Moſe tradididit, quæ in gẽtes omnes promulgaretur: sed cum Iudaicam gentem, in fidem, patrociniũ, clientelã suam suscepisset, illi etiã peculiariter legislator esse uoluit, ac, quod sapientis legislatoris erat, singularem

larem quandam eius rationem in ferendis illis legibus habuit. Superest nūc, istud ut uideamus, quod postremo loco propositum erat: quis legum, iudiciorum, magistratuum usus ad communem Christianorum societatem redeat: quantum magistratibus à priuatis hominib. deferendum sit: quæ obediētia debeatur. plurimis uidetur superuacaneū esse munus magistratus inter Christianos, quod scilicet implorare pie non possint. utpote quibus uindicare, in iudiciū postulare, litigare uetitum sit. At cum Paulus contrā

**Rom. 13** *clare testetur, ministrū Dei nobis esse in bonum: ex eo intelligimus, Domini uolūtatem esse, ut eius manu ac præsidijs, aduersus flagitiosorū hominum improbitatem & iniurias defensi, quietam ac securā uitam agamus. Quod si frustra in præsidiū nobis à Domino datus est, nisi tali nobis beneficio uti licet: satis apparet, implorari quoq; & appellari non impie posse. Hic uero mihi cum duplici hominū genere agendum est, sunt enim permulti qui tanta litigandi rabie æstuāt, ut quietem nunq̃ habeāt apud sese, nisi cum alijs pugnent. Lites uero ipsas, & capitali odiorum acerbitate, & insana uindictandi nocendiq; cupiditate exequuntur, & implacabili pertinacia persequuntur, ad sui usque aduersarij ruinā. Interim, ne quid nisi iure*



si iure agere existimentur, iudiciorū prætectu, talem peruersitatem defendunt. At si cum fratre, iudicio agere permissum est, nō protinus odisse ipsum licet: non furioso nocendi studio in illum ferri, non pertinaciter insequi. Sic ergo tales habeant: legitima esse iudicia, si quis recte utatur. Rectū autem esse usum, tum aëtori, agendi: tū defendēdi, reo: si hic quidem postulatus ad condicēdi diem se sistit, & qua potest exceptione causam defendit, citra acerbitatē: sed hoc tantū affectu, ut quod suum est, iure tueatur. ille uero indigne, siue in capite, siue in fortunis oppressus, in magistratus fidem se conferat, querimoniam exponat, quod æquū est ac bonum postulet, sed omni procul nocendi uindicandi ue libidine: procul asperitate & odio, procul contentionis ardore. quin potius paratus suo cedere, & quiduis perpeti, quā inimico in aduersarium animo ferri. Contra, ubi animi maleuolentia suffusi, corrupti inuidia, iracundia incēsi, ultionē spirantes: aut sic deniq; ardore certaminis inflammati, ut de charitate aliquid remittant, tota etiam iustissimæ causæ actio nō impia esse non potest. Nam hoc cōstitutum esse axioma Christianis omnibus cōuenit. nunquam, quantūuis æquam: litem iuste tractari à quouis posse, nisi pari aduersarium

rium dilectione beneuolētiaq; prosequatur: ac si iam amice, q̄ cōtrouertitur negociū, transactū ac cōpositū esset. Iniecerit forte aliq̄s, talē moderationē adeo nunquam in iudicium afferri, ut instar sit prodigij futura, si qua reperta fuerit. fateor sanē, ut sunt horum temporū mores, rarum extare probi litigatoris exemplum: sed res tamen ipsa, nullius mali accessione inquinata, bona esse & pura nō desinit. Cæterū, cum sanctum esse Dei donū, audimus auxilium magistratus: eò diligentius cauēdū est, ne nostro uitio polluat. Qui uero iudiciarias omnes disceptatiōes præcise damnant, intelligant se sanctā Dei ordinationē simul repudiare: & donū, ex eorum genere, quæ mundis munda esse possint. nisi forte paulū flagitij insimulare uolent, qui & accusatorū calūnias, eorum quoque uasritiē & malitiā exponendo, à se depulit: & romanæ ciuitatis prærogatiuā sibi in iudicijs asseruit: & ab iniquo præside, ad Cæsaris tribunal, cū opus fuit, prouocauit. Nec obest, quod Christianis omnib. interdista est uindictæ cupiditas, quam & nos à Christianis subsellijs longissime abigimus. Nam, siue ciuilitè cōtenditur, nō recta incedit uia, nisi qui innoxia simplicitate, rem suam iudici, tanquam publico tutori, cōmmendat: nihil minus, quam mutu-

Acto. 22

24. 25

Deut. 32

Matth. 5

Rom. 12

mutuam mali uicem, qui est uindictæ affectus, rependere cogitans. siue capitalis aut grauior aliqua intenditur actio, eum accusatorem requirimus, qui nullo ulciscendi æstu correptus, nulla priuatæ iniuriæ offensione tactus, in forum accedat: sed in animo duntaxat habens, perniciosi hominis conatus impedire, ne reip. noceant. Quod si uindictæ animum tollis, nihil in mandatum illud delinquitur, quo ultio Christianis interdicitur. At, non solum uindictam appetere uetantur, sed manum quoq; Domini iubentur expectare, qui se oppressis et afflictis adfuturum ultorem pollicetur. Illam autē Domini ultionem anteuertunt, qui opem aut sibi, aut alijs ferri à magistratu postulant. Minime id uero. siquidem magistratus uindicta, non hominis, sed Dei esse, cogitanda est: quam per hominis ministerium nobis (ut ait Paulus) largitur. Nihilo etiam magis cum Christi uerbis pugnamus: quibus resistere malo prohibet: et dexteram maxillam obuertere præcipit ei, qui alapam in sinistram impegerit: permittereq; ei pallium, qui tunicam auferat. Vult quidem illic suorū animos à retaliandi cupidine tantopere abhorrere, ut citius duplicari in se iniuriam laturi sint, quàm ad rependendam animos adiecturi, à qua patientia nec ipsi

Rom. 12

Rom. 13

Matth. 5

eos abducimus. Vere enim Christianos, esse oportet hominum genus ad contumelias iniuriasq; ferendas natum: pessimorum hominum nequitiae, imposturis, ludibrijs, expositum. neq; id modo: sed eorum omnium malorum tolerantes esse oportet, hoc est, sic totis animis compositos, ut suscepta una afflictione, ad alterā se comparent. nihil sibi in totam uitam pronittētes, quā perpetuæ crucis tolerantiam. Interim & ijs, qui sibi iniurijs sunt, benefaciāt, & maledicentibus bene precentur, & quæ unica est sua uictoria, bono malum uincere cōtendant. Sic affecti, nō quærēt oculum pro oculo, dentem pro dente (qualiter suos discipulos instituebāt pharisæi, ad expetendā ultionē:) sed (quomodo à Christo erudiuntur) & corpus suū mutilari, & malitiose sua sibi eripi sic ferēt, ut eas iniurias, simul ac irrogatæ sibi fuerint, remissuri sint, ac ultro condonaturi. Neq; istæ tamen animorum æquitas & moderatio impedit, quin integra in suos inimicos amicitia, magistratus ope, ad rerum suarum conseruationem utantur: aut publici boni studio fontem ac pestilentem hominem ad pcenā postulent, quem emendari, nisi morte, non posse nouerint. Quod autem obiectari solet, lites à

**1. Cor. 6** Paulō in uniuersum esse damnatas, id quoq; falsum est.

est. Intelligi ex eius uerbis facile potest, immodicum fuisse litigandi furorem in Corinthiorum ecclesia: usq; eò, ut Christi Euangelium, & totam suam religionem, impiorum cauillis ac maledicentiæ exponerent. Id primū reprehendit in illis Paulus, quod Euangelium apud infideles, dissensionum suarum intemperie traducerent. Deinde & hoc ipsum, quòd eum in modum inter se dissiderent, fratres cum fratribus. Tam enim procul à ferenda iniuria alieni erant, ut alij aliorum fortunis auide inhiarent, ultro lacerarent, & damnum inferrēt. In illam ergo litigandi insaniam inuehitur, non simpliciter in quasuis contro- uersias. At omnino delictum esse pronunciat, quòd non potius damnum acciperent rerum suarum, quòd pro his conseruādis ad cōtentiones usq; laborarent. Id sanè Christianis agendum est, ut de suo iure decedere semper malint, quàm in forum progredi: unde uix exire possint, nisi commotiore animo, & in fratris odium accenso. Verum ubi quis citra charitatis dispendium, rem suam se posse tueri uiderit, cuius iactura graui sibi dispendio futura sit, id si faciat, nihil in istam Pauli sententiam delinquit. Deniq; (quod initio docuimus) optimum cuiq; consilium dabit charitas: sine qua quæcunq; suscipiuntur, & ultra quam.

quæ progrediuntur, disceptationes iniustas esse & impias, extra controuersiam ponimus. Subditorum erga suos magistratus officium primum est, de eorum functione quàm honorificentissime sentire: quam scilicet, uelut delegatā à Deo iurisdictionem, agnoscant: eosq; ob id suspicere ac reuereri, ut Dei ministros ac legatos. Quosdam enim reperiās, qui suis se magistratibus ualde obsequentes præbeant, ac nolint quidem nō esse, quibus obsequantur: quòd bono publico ita expedire norūt. de ipsis tamen magistratibus nō secus existimant, ac malis quibusdam necessarijs. Verum plus quiddam à nobis requirit

**1. Pet. 2** Petrus, cum regem honorari: & Solomo, cū Deum  
**ouer. 24** & regem timeri præcipit. Ille enim sub honorandi uerbo, synceram ac candidam existimationem complectitur: hic regem cum Deo coniungens, sanctæ cuiusdē uenerationis ac dignitatis plenum esse ostendit. Est & illud præclarum apud Paulum elogium, ut obediamus non solum propter iram, sed propter conscientiam. Quo intelligit, nō terrore modo principum ac præfectorum adduci subditos debere, ut in eorum subiectione contineantur (qualiter succumbere hosti armato solent, qui uindictam fore promptam uident, si restiterint: ) uerum quia Deo ipsi redduntur



redduntur obsequia, quæ istis præstantur: quando eorum potestas à Deo est. Ex eo & alterum deinde sequitur, ut propensis in eorum obseruationem animis, suam illis obedientiam approbēt: siue edictis parendum, siue tributa soluenda, siue subeunda publica munera atq; onera, quæ ad communem defensionem spectent, siue qua alia iussa capeffenda. Omnis anima, inquit Paulus, potestatibus sublimiorib. subdita sit. qui enim potestati resistit, Dei ordinationi resistit. Admoneto illos (scribit idē Tito) ut principalibus ac potestatibus subditi sint, ut magistratibus pareant, ut ad omne opus bonum sint parati. et Petrus: Subditi, inquit, estote cuius humanæ creaturæ, propter Dominum: siue regi, tanquam præcelsenti: siue præsidibus, qui per eum mittuntur, ad uindictam quidem nocentium, laudem uero recte agentium. Porro, quo non subiectionem simulare, sed sincere & ex animo subiectos se esse, testentur: addit Paulus, ut eorum, sub quibus uiuunt, salutem ac prosperitatē Deo cōmendent. Adhortor, inquit, ut fiant deprecationes, obsecrationes, interpellationes, gratiarū actiones, p̄ omnibus hominib. pro regibus, & omnibus in eminentia constitutis, ut placidam & quietam uitam degamus, cum omni pietate ac honestate.

Ibidem

Tit. 3

1. Pet. 2

1. Tim. 2

Neq; hic se quisquam fallat. Quando enim resisti magistratui non potest, quin simul Deo resistatur: etiamsi impune contemni uidetur posse inermis magistratus, Deus tamen armatus est, qui sui contemptum fortiter ulciscatur. Sub hac præterea obedientia, moderationem comprehendo, quam sibi in publico imperare debēt priuati homines, ne se ultro admisceant publicis negocijs, aut temere irrumpant in partes magistratus, ac ne quid omnino publice moliantur. Si quid in publica ordinatione corrigi intererit, non tumultuentur ipsi, nec admoueāt operi manus: quas illis omnib. ligatas esse hac in parte decet. ad magistratus cognitionē deferant, cuius unius hic soluta est manus. Intellico autem, ne quid iniussu audiant. Nam ubi accessit præfecti imperium, iam ipsi quoq; publica auctoritate præditi sunt. Vt enim aures atq; oculos principis, uocare uulgo solent eius consiliarios: ita non insulse principis manus quis dicat, quos rebus agendis, mandato suo, præfecerit.

Quoniam autem hætenus magistratum descripsimus, qui uere sit quod dicitur, ille scilicet patriæ pater, & (ut Poëta loquitur) pastor populi, custos pacis, præses iustitiæ, innocentiae uindex: insanus merito iudicandus sit, cui tale nō probetur imperiū.

At cum

At cum omnium propè seculorum hoc exemplum sit, ut principum alij, eorum omnium securi, quibus prouidendis intenti esse debuerant, procul omni solitudine socordes delitientur: alij ad rem suā attenti, iura omnia, priuilegia, iudicia, diplomata uenalia prostituant: alij plebeculam exhauriant pecunia, quam postea insanis largitionibus profundant: alij expiandis domibus, uirginibus ac matronis uiolandis, matandis insontibus, mera latrocinia exerceant: cos uero pro principibus agnoscendos esse, quorum imperio, quoad licet, parendum sit, multis persuaderi non potest. siquidem dum in tanta indignitate, ac inter tam aliena, non à magistratus modo, sed hominis quoq; officio, facinora, nullam speciem imaginis Dei intuentur, quæ in magistratu elucere debuerat: dum nullum conspiciūt uestigium eius ministri Dei, qui in laudem bonis, malis in ultionem datus erat: Ita neq; etiam præfectū illum agnoscunt, cuius dignitatem atq; auctoritatem scriptura nobis commendauit. Et sane is semper omnium ferè hominum animis ingentis fuit sensus, non minore tyrannos odio atq; execratione insectari, quàm dilectione & ueneratione prosequi legitimos reges. Verum si in Dei uerbum respicimus, longius nos deducet, ut non eorum

modo principum imperio subditi simus, qui probè,  
 & qua debent fide, munere suo defunguntur: sed  
 omnium, qui quoquomodo rerum potiuntur, etiamsi  
 nihil minus præstet, quàm quod ex officio erat prin-  
 cipum. Tametsi enim summū suæ beneficentiæ mu-  
 nus esse magistratum, ad salutem hominum conser-  
 uandam, testatur Dominus, ac suos magistratibus  
 ipsis fines præscribit: simul tamen declarat, quales-  
 cunq; sint, non nisi à se habere imperium. Eos qui-  
 dem, qui publico bono imperāt, uera eius suæ bene-  
 ficentiæ exemplaria esse & specimina: qui uero in-  
 iuste & impotenter dominantur, eos ad uindican-  
 dam populi iniquitatem à se excitatos. omnes ex  
 æquo sancta illa maiestate esse præditos, qua legiti-  
 mam potestatem instruxit. Non ultra progrediar,  
 donec certa eius rei aliquot testimonia subihecero.  
 Nec tamen, quo furorem Domini super terram esse,  
 impium regē confirmemus, laborandum est: quan-  
 do neminem futurum arbitror, qui reclamet, nec sic  
 de rege plus dictū fuerit, quàm de prædone, qui rem  
 tuam diripiat: de adultero, qui thorum tuū polluat:  
 de sicario, qui te ad cædē appetat: (cum huiusmodi  
 calamitates omnes, inter Dei maledictiones, scriptu-  
 ra recenset, ) Verum in eo probando insistamus  
 magis,

Iob 34

Osee. 13

Ies. 10

Deut. 28

magis, quod nō ita facile in hominum mentes cadit. In homine deterrimo, honoreq; omni indignissimo (penes quem modo sit publica potestas) præclaram illam & diuinam potestatem residere, quam Dominus iustitiæ ac iudiciij sui ministris uerbo suo detulit: eumq; à subditis eadē in dignatione habendū (quantum ad publicam obedientiam attinet) qua optimum regem, si daretur, habituri essent. Principio uelim animaduertant, seduloq; obseruēt lectores illam, quæ non sine causa toties nobis in scripturis commemoratur, Dei prouidentiam: ac singularem actionem in distribuēdis regnis, statuēdisq; quos illi uisum fuerit, regibus. Apud Danielem: Dominus mutat tempora, & uices temporū: abiicit reges, & instituit. item: Ut cognoscāt uiuentes, quod potens sit altissimus in regno hominum: cui ipse uoluerit, dabit illud. Cuiusmodi sententijs cum passim abundet scriptura, illa tamen prophetia peculiariter scætet. Iam, qualis rex fuerit Nabuchadnezzar, is qui Ierusalem expugnauit, satis scitur. nempe, strenuus alienorum inuasor, ac populator. Dominus tamen apud Iezechielē se illi terrā Aegypti dedisse affirmat. pro operatiōe, qua sibi in uastanda Aegypto seruiuisset. Et illi dicebat Daniel: Tu rex, rex es regū: cui Deus

Daniel. 2

Daniel. 4

Iezecb. 2

Daniel. 2

cœlorum, dedit regnum potens ac forte atq; gloriosum. tibi inquam dedit, & omnes terras ubi habitât filij hominum, bestię sylvestres, & uolucres cœli, eas tradidit in manum tuam, ac fecit te dominari eis.

**Daniel.** rursum eius filio Belsazar: Deus altissimus dedit Nabuchadnezar patri tuo regnum & magnificentiam, honorem & gloriam. & propter magnificentiam quã dedit illi, omnes populi, tribus, & linguę, fuerūt tremantes & timentes à cōspectu eius. Cum audimus, à Deo impositum esse regem: simul illa, de honorando & timendo rege, cœlestia edicta animo repetamus: & nequissimum tyrannum non dubitabimus eo habere loco, quo Dominus ipsum dignatus fuerit. Samuel, cum populo Israël denunciaret, qualia esset à regibus suis passurus: Hoc ius erit regis, dicebat, qui regnabit super uos. filios uestros tollet, & ponet eos ad currum suum, ut ponat eos pro equitibus suis, & ut arent agros suos, & messem suã metant, & arma fabricentur. filias uestras tollet, ut sint pigmentarię, coquę, & pistrices. agros deniq; uestros, uineas uestras, & oliueta optima auferet, & dabit seruis suis. semina uestra, & uineas uestras decimabit, et dabit eunuchis & seruis suis. seruos uestros, ancillas, & asinos tollet: & adhibebit  
operi



operi suo. quin & greges uestros decimabit: & uos eritis serui illius. Certe non id iure faciuri erant reges, quos optime ad omnem continentiam lex instituebat: sed ius in populum uocabatur, cui parere, ipsi necesse esset, nec obsistere liceret. Ac si dixisset Samuel: Eò se proripiet licetiae regū libido, quam cohibere uestrū non erit: quibus hoc restabit unum, iussa excipere, ac dicto audientes esse. In primis autem insignis est & memorabilis apud Ieremiam locus: quem, tametsi prolixiozem, ideo non pigebit referre, quia totam hanc quæstionem clarissime definit. Ego feci terram, & homines (ait Dominus) & animalia, quæ sunt in superficie terræ, in fortitudine mea magna, & brachio extento: & ipsam trado ei, qui placuerit in oculis meis. & nunc itaq; ego dedi omnes terras istas in manum Nabuchadnezar serui mei. et seruiant ei gētes omnes, & reges magni: donec tempus ueniet terræ eius. eritq; , ut gens & regnum, quæ non seruiert ei, & non posuerint collum suum sub iugum regis Babel: uisitabo gentem illam in gladio, fame, & peste. quare, seruite regi Babel, & uiuite. Videmus quanta obedientia Dominus tetrum illum ferocemq; tyrānum, coli uoluerit: non alia ratione, nisi quia regnum obtinebat. Id autem

Deut. 17

Ierc. 27

ipsum erat, Domini decreto, in solium regni impositum esse: ac in regiam maiestatem assumptū, quam uiolare nefas esset. Hoc nobis si assidue ob animos & oculos obuersetur, eodē decreto constitui etiam nequissimos reges, quo regum autoritas statuitur: nunquam in animum nobis seditiosæ illæ cogitationes uenient. tractandum esse pro meritis regem: nec æquum esse, ut subditos ei præstemus, qui uicissim regem nobis non præstet. Est apud eundem prophetam, alterum quoq; Domini mandatum: quo iubet populum suum quærere pacem Babylonis, in quam captiui abducti essent: & orare ad se pro ea, quoniā in pace eius futura esset pax eorum. Ecce, Israël itæ fortunis omnibus exuti, è domibus suis auulsi, in exilium abacti, in miseram coniecti seruitutem, pro uictoris prosperitate orare iubentur. non quomodo iubemur aliās persecutoribus nostris bene precari: sed ut saluum illi regnum & tranquillum conseruetur, ut sub eo ipsi quoq; prospere agant. Sic Dauid, iam rex Dei ordinatione designatus, sanctoq; eius oleo unctus, cum nullo suo merito indigne à Saule impeteretur, insidiatoris tamen sui sacrosanctum habebat caput, quod regni honore Dominus sanctificauerat.

Reg. 24 Absit à me, dicebat, ut coram Domino faciam rem istam

Istam Domino meo, Meschie Domini: ut mittam manum meam in eum, quoniam Christus Domini est. item: Pepercit tibi anima mea, dixiq; Non mittam Eod.  
manum meam in Dominum meum, quoniam Christus Domini est. item: Quis mittet manum suam in Christū Domini, & innocens erit? Viuit Dominus. 1. Reg.  
nisi Dominus percusserit eum, aut dies eius uenerit, ut moriatur, aut in prelium descenderit: absit à me, ut mittam manum meam in Christum Domini.

Hunc reuerentiæ, atq; adeò pietatis affectum debemus ad extremum, præfectis nostris omnibus, quales tãdem cunq; sint. Quod sæpius ideo repeto, ut discamus non homines ipsos excutere: sed satis habeamus, quòd uoluntate Domini, eam personam sustineant, cui inuiolabilem maiestatem impressit ipse & insculpsit. At mutuas, inquires, subditis suis uices debent præfecti. Id iam confessus sum. Verum, si ex eo statuis, non nisi iustis imperijs rependenda obsequia, insulsus es ratiocinator. Nam & uiri uxoribus, & liberis parentes, mutuis officijs adstringuntur. Discedant ab officio parentes & mariti. Illi, liberis, quos prohibentur ad iracundiam prouocare, sic se Ephc.  
duros & intractabiles præbeant, ut sua eos morositate ultra modum fatigent: hi, suas uxores, quas dili-

Ephes. 5 gere, et quibus, ceu uasculis fragilibus, parcere iubentur, contumeliosissime accipiant. An minus tamen & parentibus liberi, & coniugibus mulieres obsequentes erunt? At improbis quoque & in officiosis subijcientur. Quin, cum omnibus istud agendum sit potius, ne in mantica à tergo pendentem respectet, hoc est, ne alij in aliorum inquirat officia: sed, quod sui est muneris, id sibi unum singuli subijciant: Id uero inter eos præsertim ualere debet, qui sub aliorum sunt potestate positi. Quare si à sæuo principe crudeliter torquemur, si ab auaro, aut luxurioso rapaciter expilamur, si ab ignauo negligimur, si ab impio deniq; & sacrilego uexamur, ob pietatem: subbeat primum delictorū nostrorum recordatio, quæ talibus haud dubie Domini flagellis castigatur. succurrat deinde & hæc cogitatio, non nostrum esse, huiusmodi malis mederi. hoc tantum esse reliquum, ut Domini opẽ imploremus: cuius in manu sunt regum corda, & regnorū inclinationes. Ille, Deus est: qui stabit in synagoga Deorum, & in medio Deos dijudicabit. à cuius facie concident & conterentur reges omnes, & iudices terræ, quicunq; non osculati fuerint Christum eius: qui scripserint leges iniquas, ut opprimerent in iudicio pauperes, & uim facerent

cerent causæ humilium, ut uiduas haberent in prædam, & pupillos diriperent. Atq; hic mirabilis eius, tum bonitas, tum potentia, tum prouidentia, sese profert. Nam modo ex seruis suis manifestos uindices excitat, ac mandato suo instruit, qui de scelerata dominatione pœnas sumant, & oppressum iniustis modis populum è misera calamitate eximant: modo furorem aliud cogitantium, & aliud molientium hominum eò destinat. Sic populum Israël è tyrānide Pharaonis, per Mosen: è uolentia Chusan, regis Syriæ, per Othniel: ex alijs seruitijs, per alios uel reges, uel iudices, in libertatem asseruit. sic Aegyptiorum insolentiam, per Assyrios: sic Tyri superbiam, per Aegyptios: ferociam Babylonis, per Mædos & Persas: regum Iuda & Israël ingratitude, per Babylonios contudit & afflixit. quanquam non eadem omnia ratione. Priores enim illi, quando ad edenda talia facinora, legitima Dei uocatione accersiti erant, in reges incurrendo, minime uiolabant eam, quæ diuina ordinatione regibus indita est, maiestatem: sed minorem potestatem maiore coërcebant, perinde ac in suos satrapas regib. animaduertere licet. Hi, tametsi, Dei manu, quò illi uisum erat, destinabantur, opusq; eius inscientes peragebāt: nihil tamen aliud animo, quàm scelus,

Exod. 3

Iud. 2

&amp; sequ



scelus, uolutabant. Verum, ut cunq; ipsa hominum facta censeantur, Dominus tamen per ea suum æque opus exequabatur, cum sanguinaria regum insolentium sceptrâ confringeret, ac intolerandas dominationes euerteret. Audiant principes, & terreantur. Nobis autem interim summopere cauendū, ne illam, plenam uenerandæ maiestatis, magistratuum auctoritatem, quam Deus grauissimis edictis sanxit, etiam si apud indignissimos resideat, & qui eam sua nequitia, quantū in se est, polluunt, contemnamus aut uiollemus. Neq; enim si ultio Domini est, effrenatæ dominationis correctio, ideo protinus demandatam nobis arbitremur: quibus nullum aliud quàm parendi, & patiendi, datum est mandatum. De priuatis hominibus semper loquor. Nam si qui nunc sint populares magistratus, ad moderandam regum libidinem cōstituti (quales olim erant, qui Lacedæmonijs regibus oppositi erant, Ephori: aut Romanis cōsulibus, tribuni plebis: aut Atheniensium senatui, demarchi, & qua etiam forte potestate, ut nunc res habent, funguntur in singulis regnis tres ordines, cum primarios conuentus peragunt) adeò illos ferocienti regum licentiæ, pro officio, intercedere nō ueto, ut si regibus impotenter grassantibus, & humili plebecula in-



*le insultantibus cōniueant : eorum diſſimulationem  
 nefaria perfidia non carere affirmem, qua populi li-  
 bertatem (cuius ſe, Dei ordinatione, tutores poſitos  
 norunt) fraudulentè produnt. At uero in ea, quam  
 præſectorum imperijs deberi conſtituimus, obedi-  
 tia, id ſemper excipiendum eſt, imò in primis obſer-  
 uandum, ne ab eius obedientia nos deducat, cuius  
 uoluntati regum omnium uota ſubefſe : cuius decre-  
 tis iuſſa cedere, cuius maietàti faſces ſubmitti, par  
 eſt. Et uerò ut hominibus ſatisfacias ; in eius offen-  
 ſionem incurrere, propter quē hominibus ipsis obe-  
 dias, quàm præpoſterum fuerit? Dominus ergo rex  
 eſt regum, qui ubi ſacrum os aperuit, unus pro omni-  
 bus ſimul ac ſupra omnes ſit audiendus. Iſ deinde  
 qui nobis præſunt, hominibus ſubiecti ſumus : ſed  
 non niſi in ipſo. Aduerſus ipſum ſi quid imperent,  
 nullo ſit nec loco, nec numero. Neq; hic totam il-  
 lam, qua magiſtratus pollent, dignitatem quicquam  
 moremur. cui iniuria nulla ſit, dum in ordinem, præ-  
 ſingulari illa uerèq; ſumma Dei poteſtate, cogitur.  
 Scio quantum, quamq; præſens huic conſtantia pe-  
 riculum immineat, quòd indigniſſime ſe contemni  
 reges ferant : quorum indignatio nunciuſ eſt mor-  
 tis ; inquit Solomon. ſed cum iſtud à cœleſti præ-*

- Acto. 4** cone Petro pronuntiatum sit edictum, Obediendum Deo potius, quàm hominibus: hac nos cogitatione consolemur. Illam tum nos præstare, quàm Dominus exigit, obedientiam: dum quiduis perperitur potius, quàm à pietate deflectamus. Et ne nobis labascant animi, alium etiam stimulum Paulus admouet: Nos ideo tanti à Christo redemptos esse, quanti illi constitit nostra redemptio, ne prauis hominum cupiditatibus seruos nos addicamus. multo uero minus, impietati.
- 1. Cor. 7**

F I N I S.

INDEX

# INDEX LOCORVM IN SIGNIVM qui in hoc libro tractantur.

|   |          |
|---|----------|
| <b>Q</b> UID de Deo cognoscendum.                                     | Pag. 42  |
| Quid de homine  | 43. & 78 |
| Lex naturalis   | 46       |
| Promissiones legis quò spectent                                       | eadem    |
| Quid ex lege discendum  | 47       |
| De imaginibus   | 53       |
| Iuramentum  | 58       |
| Quid ex lege sabbati ad Christianos ptineat                           | 61. 64   |
| De die dominico &, ferijs   | 62       |
| Virginitas singulare donum Dei  | 66       |
| Matrimonium sanctum Dei donũ, in remedium<br>impudicitiae             | 67       |
| Lex spiritualis   | 73       |
| De consilijs & præceptis  | 75       |
| Satisfactio   | 80. 342  |
| Supererogationis opera  | 81       |
| Promissiones euāgelicæ à legalib. distinguunt.                        | 85       |
| Quomodo intelligēdum quod fide iustificamur.<br>eadem, & sequentib. & | 111      |
| Quæ sint legis officia  | 88       |
| Abrogatio legis   | 91       |
| Quæ ratio sit exhortandi ad bona opera                                | 92. 97   |
| Quæ sint bona opera   | 94. 403  |
| Gratuita peccatorum remissio  | 96. 188  |
| Quomodo uita æterna remuneratio, & de meri-<br>tis                    | 99.      |
|   | Fides    |

# I N D E X.

|   |          |
|---|----------|
| Fides uera quæ sit  | 107      |
| Patrẽ & filiũ & spiritũ sanctum unũ esse Deũ  | 106      |
| De nominibus trinitatis & personarum  | 110      |
| Quo modo in reprobis operetur Deus  | 112      |
| De duabus in Christo naturis, & quid nobis cõfe-<br>rant                                      | 121      |
| Descensus Christi ad inferos: ubi commentum de<br>limbo refellitur                            | 131      |
| Quid Abrahæ sinus   | 132      |
| Quid sit Christũ sedere ad dextram patris, 133. 246   |          |
| Quid sit ecclesia, & quomodo cognoscenda  | 137.     |
| 147. 435  |          |
| Quomodo electio & prædestinatio dei cogitãda.   |          |
| 140   |          |
| Quis excommunicationũ usus, & quomodo cum<br>excommunicatis iudæis & turcis conuersan-<br>dum | 144. 146 |
| Qualis sit fidelium communio  | 148      |
| Remissio peccatorum fundamentũ ecclesiæ   | 149      |
| Quid inter fidem & spem intersit  | 153      |
| Locus Pauli explicat, Si habuero om. fid. &c.   | 154      |
| Inuocatio sanctorum   | 163      |
| Qualiter assidue orandum  | 167      |
| De publica oratione   | 169      |
| Precationes generales esse debent, & quo specia-<br>liter orandum                             | 178. 194 |
| Quot sint tentationum genera  | 191      |
| Sacramenta fidei nostræ confirmationes  | 200      |
| De nomine sacramenti  | 208      |
| Quæ   |          |

|   |     |
|---|-----|
| Quæ ratio circumcisionis  | 215 |
| Quo pertinebant legis sacrificia & ablutiones                   | 215 |
| Quomodo Christus uenerit in aqua & sanguine.                    | 216 |
| Tria affert fidei nostræ baptismus                              | 217 |
| Baptismus Ioannis & Christi                                     | 221 |
| Peccatum originale quid   | 223 |
| De anabaptismo  | 230 |
| De paedobaptismo  | 233 |
| Quid conducatur fidei nostræ cœna Domini                        | 236 |
| Quomodo Christus in cœna nobis exhibeat                         | 238 |
| De adoratione corporis Dñi in sacramēto                         | 248 |
| Cœna Christi charitatis uinculum                                | 253 |
| Quid indigne manducare, & non discernere corpus Domini.         | 254 |
| Quomodo se probare debeant, qui ad cœnam accedunt               | 256 |
| Frequēs debet esse usus cœnæ inter fideles                      | 260 |
| De participatione utriusque speciei                             | 262 |
| Quinq; horrēda sacrilegia missę enumerant                       | 266 |
| Duplex sacrificium, & duplex sacerdotium                        | 274 |
| Solius Dei est, sacramentum instituere                          | 279 |
| Ceremoniarum decorum in administrandis sacramentis quale        | 281 |
| Manuum impositio in administrandis donis spiritus sancti        | 228 |
| Pœnitentia quid sit   | 299 |
| Refutatur diffinitio ac partitio pœnitentiæ, à sophistis posita | 305 |
| Contritio   |     |

# I N D E X.

|  |           |
|--|-----------|
| Contritio qualis esse debeat   | 308       |
| De confessione & quot in scripturis cōfessionum<br>genera reperiantur          | 309       |
| De potestate clauū. & explicati loci q ad eā ptinēt                            |           |
| De indulgentijs  | 337 (328) |
| Peccata uenialia & mortalia  | 346       |
| Remissio culpæ & pœnæ  | 347       |
| Pœna castigationis & uindictæ  | 350       |
| Diluuntur argumenta quæ ex scripturis citantur<br>ad statuendam satisfactionem | eadem     |
| De purgatorio  | 357       |
| Ostēditur nullū esse in pœnitentia sacramētū.                                  | 359       |
| Cur Apostoli unctione sanauerint infirmos                                      | 364       |
| Quale officium ministrorum uerbi, & quo modo<br>ab officio apostolico differat | 379       |
| A quo instiuendus episcopus, & quis legitimus in<br>stituendi ritus            | 381       |
| Impositio manuum in ministerijs  | 390       |
| Diaconorum munus   | 392       |
| Quot partes Christianæ libertatis  | 401       |
| Quo modo opera nostra Deo placeant   | 403       |
| Libertas Christiana qualis, & de eius abusu                                    | 409       |
| De scandalo  | 411       |
| De potestate ecclesiastica   | 421       |
| Ecclesia ubi quærenda sit  | 435       |
| An penes ecclesiā sit cōdere fidei articulos                                   | 441       |
| Quatenus concilijs standum   | 445       |
| An Apostoli aliqd statuerint p̄ter Dei uerbū.                                  | 424       |
| An ecclsiæ dignitas in opulencia sita sit                                      | 458       |
| An   | An        |



# I N D E X.

|   |     |
|---|-----|
| An episcoporum constitutiones obligent  | 463 |
| Quæ ad ecclesiæ <i>ὠνταξία</i> p̄tinent cōstitutiones legitimæ sunt           | 464 |
| Politica ordinatio ecclesiæ necessaria  | 472 |
| De dignitate magistratuum   | 475 |
| Magistratum officium, & quod illis gladio animaduerrere liceat in facinorosos | 481 |
| Quæ bella sint legitima   | 485 |
| De uectigalibus & tributis  | 487 |
| Qualibus legib⁹ regi possit christiana respub.                                | 490 |
| Christianis quæ sit iusta litigandi ratio                                     | 494 |
| Subditis reuerenter sentiendū de magistratu                                   | 500 |
| Malis & indignis principibus obediendum                                       | 503 |
| Principum insolentiæ resistere quorum sit                                     | 512 |

## E R R A T A.

Pag. 9. uersu 22. pro tertā, lege terram. 13. 13 pro Missa. 21. 2 difflluūt. 22. lege, ecclesiastica historia lib. 5. c. 18. 23. 9 post Assenserūt, subiice punctū. 30 23. externa. 37. 3. fratres falsi. 42. 23. bonitas, misericordia, ueritas. 62. 1. Qua doc. 71. 7. functionis. 113. 17. farciunt. 170. corda nost. 20. 1. si interior. 173. 21. agere. 188. 11. nobis. 234. 23. matris utero. 240. 1. Christum. 241. 20. habeamus. 284. 24. nos. 304. 23. tabescūt. 311. 24. in lege. 316. 2. cōsuetudinem stupri 327. 18. uidentur sine cōmate. 350. 1. sentirent. 393. 1. peti. 398. 14. quanquam.

B A S I L E A E, P E R T H O M A M

*Platterū & Balthasarem Lasium, Men*

*se Martio, Anno 1536.*

MINERVA.



DICESVE


TV NIHIL INVITA

FACIESVE

C. 1 4











\$ 130.00 (4/12)

